

春永之先生詩文集

文衡山先生鑒定

袁文宗永出先生集

藏版

袁弟永之文集序

嗟乎余忍序吾弟文耶歲壬寅永之自

南兵部

貢外郎轉廣西督學僉事明年癸卯春

仲寄余

書曰弟必死於桂林矣所著詩文已成

集凡若

千卷兄知弟為弟序而梓之是年余北

上五月

舟發猶子尼來別余曰汝父之集汝謹

護之汝

父必歸矣序言未暇也及抵京口果值

永之乃

真棄官歸相見命觴歡笑談桂中山水

及游匡

廬九華諸山之勝蓬底紫蘭荊花盆盎

香郁怡

然半日各賦詩別去及余北歸永之蕭

然間居



所築橫塘之黃山草堂閉門讀書課農蒔圃每
花穠月霽命觴聚昆季然足跡不入城府始永
之年七齡即喜歌吟十五應舉弱冠攻時業才
名騰沸及發解南都鄉譽帖服繼登甲科入翰
林改刑兵二部郎署校文中州以失火謫戍湖
南永之自入官結交海內名勝由是詩文日益
加進名聲奕奕在公卿間然性孤亢與人寡合
頗爲不相知者所嫉今年四十有六早疾而卒
孰期其竟死耶孰期其止於是耶悲夫古之
文士不享其年者亦多矣今若信陽何景明大

梁高叔嗣沁水常倫同邑若王寵皆以才華露
發皆不享其年所恃以不朽者乃曰有言語在
碑版斯言也不亦大可痛乎永之詩擬高岑文
喜學先秦西漢當其快意處則沉著懇到體裁
踈秀琅琅可誦少有用世之志究其學亦欲得
國而治之而今已矣集梓已成因技淚此以
踐昔歲桂林之言

嘉靖丁未秋九月既望仲兄襲撰

裴琬謝湖明國子生事蹟詳汪編修琬文集所著先賢六後
傳

粵自書契作而後有文章三代其郁郁乎秦漢
尚矣魏晉繽紛至唐文雖三變終不逮古五季
而下誠無譏焉我明興以來風化漸被人文
日盛傳至孝宗朝有若北地空同李公中州
大復何公後渠崔公閩少谷鄭公關西少華許
公西馬公毫西原薛公咸擅名家力追古作
吾郡則有南峰楊公南濠都公枝山祝公廸功
徐公東橋顧公六如唐公林屋蔡公較之他方
作者尤多猗歟盛矣若近時之雅宜王子吾弟
永之居同里閨互相砥礪極力研討亦已成家

方之前修足稱殆庶雅宜僅四十不祿臨化時
夢兩蝶入袖同莊叟之符迄今爲士林惜吾弟
十歲能文弱冠即發解連舉進士第可謂遇矣
然素性亢直苦爲媚嫉見擠瀕死骯髒者十餘
年既而以薦起爲職方稍遷提學僉事又以災
州荒遠思親致疾遂乞休寧舍肆志著述更築
別業於橫塘開園鑿池種秫樹桑將爲終焉之
計時余亦棄官歸永之每遇良辰佳節輒邀昆
季友朋流連觴咏以遂初服歡燕未幾廼歲丁
未夏日遽以疾七日而卒僅年四十有六余慟

絕者數四嗚呼惜哉嗚呼痛哉所著有文集二
十卷先一年吾弟夢得穢疾先伯考方齋公語
之曰子病將就木也弟乞緩死以集梓未畢故
而伯考弗許至是果如其兆抑亦竒矣豈運命
所限其數已先示乎吾姪尊尼痛父志之未畢
筑筑哀疚卒後三月鳩工刻就茲集將以傳之
四方請余序首簡余不學何足以言文尼以余
哭之悲而思之殷也乞之逾懇嗚呼詎忍言耶
詎忍不言耶因收淚書此以慰之云爾是歲九
月之望兄表書

表 卷之六
表 魏陶齋明臨江府通判事狀詳汪堯峰文集中先賢
六俊傳

表永之文集序

吳自季札言游而降代多文士其在前古南
東箭地不絕產家不乏珍宗工鉅人蓋更僕不
能悉數也至於我

明受命郡重扶馮王化所先英竒瓌傑之才應
運而出尤特盛於天下洪武初高楊四雋領袖
藝苑永宣間王陳諸公矩矱詞林至於

英 孝之際徐武功吳文定王文恪三公者

出任當鈞冶主握文柄天下操觚之士嚮風景
服靡然而從之時則有若李太僕貞伯沈處士

啓南祝通判希哲楊儀制君謙都少卿元敬文
待詔徵仲唐解元伯虎徐博士昌穀蔡孔目九
達先後繼起聲景比附名實彰流金玉相宣黼
黻並麗吳下文獻於斯為盛彬彬乎不可尚已
正德嘉靖以來諸公稍稍凋謝而後來之秀則
有黃貢士勉之王太學履吉陸給事浚明皇甫
僉事子安皆刻意述作力追先哲而袁君永之
寔頡頏其間君天材卓逸文筆華妙自其少時
與諸兄尚之補之切劘講習嚮往踔厲及出接
文祝之清芬挹唐王之膏馥論議馳騁與相資

沃沉思 詣日進不已既舉進士績學翰林佐
政郎署試士中州督學南服益與當世名卿質
正揚權務造闡奧於是制作粲然動師邃古訕
四言則法三百篇而下視韋張作古選則尊蘇
李而耻言潘陸綴近體則宗盛唐而罕尚錢劉
南征諸賦祖述屈宋連珠三十抗行平原
以擬過秦祭董乃倣弔屈其他命篇鑄詞必則
古昔雖率爾占舉亦無妄作蓋其志存體尚固
將超越千載凌跨百代而學博才贍又有以充
之故一時作者徃徃斂手退避晉江王道思與

吳縣顧華王論古今文章之士獨稱君與武進
唐應德為浚來之特無能出其右者北地李獻
吉今代宗臣雄視海內少所許可一見歡然如
故交賦相逢行為贈且命其子他日必表生表
吾墓其重之如此惜乎中遭竄斥官簿偃蹇不
能極潤色之休光論譔之業以鳴

國家之盛飾至治之績自解廣西提學僉事即
歸隱橫塘閉門著述將成一家言以詒來世而
年復不永多所未就獨詩文一十卷手所選定
其子尊居刻之以傳問序師道嗚呼師道何足
以知君邪顧自弱冠遊君兄弟間極承知獎如
與計偕為賦晨風再上春官寵我行序贈處之
言斑斑在籍感念平生其何能默乎謹撫所聞
以弁諸篇若君官闕世年立身大方則有太史
氏志之余故得而畧焉長洲陸師道撰

袁永之集序

袁永之集二十卷詩十卷文十卷故廣西提學
僉事姑蘇袁先生之所作其子魯望進士之所
校刻者也先生之作精思泉涌備辭藻發追遺
製於元古挽正音於大雅超然命世卓爲大家
此藝苑之先驅哲匠之詣也先生五歲通詩
書九歲能爲古文辭名動吳下日本使人如蘇
聞其秀才延見造次酬答響應時已驚異異域
及長學無不窺墳典該洽且發穎名郡多賢取
益又文獻家承兄弟自相師友弱冠發解南畿

第一連登進士高等改翰林庶吉士讀書中秘復與海內名流結納當是時有凌駕千古狹小一世之意然志存經世思以所負者見諸事業而達之天下凡兵刑禮樂典章法制及天朝典故前輩勲德尤極稽覈不但辭華績藻之工而已然先生賦性孤亢調高寡和爲忌者所嫉登朝未幾遽罹無妄之災大業欲圖已投擯斥之地後雖起廢督學災方弱質弗堪懇疏乞歸竟成垂左諸所撰述示我經綸其志有足悲者懸車以來大肆力於橫塘別業之間期盡發

所蘊命之篇什若 皇明獻實吳中先賢傳將次第勒成稿未及脫而先生病作矣嗚呼抱才而不究於用天下莫不爲先生惜之昔漢之賈生才高志大取忌當時又孝文禮樂未遑遂至踈斥沉鬱以死千載之下讀其文者莫不惜其有才無命先生生當明盛之朝值禮樂中興之日而一奮遂蹶亦終無所遇以死又可不謂之命耶魯望溫恭朗潤世其家學間以遺言委序斯集宜陽無文何足以語此第與先生寔有世好早辱游從論心講藝投分良深爰摭所知用

酬永下俾讀者得以論其世亦傳信云爾謹序
嘉靖丁未閏九月雲間董宜陽著

袁永之集序

書有之辭尚體要不惟好異我 太祖高皇帝
即位之初詔翰林爲文通道理明世務毋事浮
藻及爲深恠險僻之語綸苑相承確爲定式自
金華廬陵以來諸公之文其合作者不但文從
字順各識其職而中間懇欵密緻之處讀之藹
然使人足以得 祖宗致治之盛厥亦氣數之
一會哉 德間海內數君子者出讀書爲文斷
自韓歐以上稍變前習一時學士大夫歛然趨
焉而柄文者顧不之喜目其文曰子字股乃數

君子亦抗顏不之恤各以其志勒成一家之言
行於世然以天下公器趨捨相誚識者非之他
日讀胥臺先生投大梁李公書蓋爽然自失矣
書中云吾能揔統包容則無可無不可斯言也
其中和之經乎夫趨時久則不免於規摩之偏
信古過則亦陷於陸沉之弊君子所養苟有定
極則和衷之下交相爲用奚以謂爲先生人品
雋上度越一世童子之日即洞大文流傳過江
以北人士爭錄之曰此吳下袁五郎之作弱冠
中南京解元連舉進士高第被選爲庶吉士讀

中秘書已授刑部主事改兵部上官未幾兵部
火 上怒下之獄謫戍湖州會赦歸以薦起補
南職方員外郎官止廣西提學僉事夫以先生
之才之識入館後即使得專其職以至今日
國家鴻業經所潤色者宜何如哉然先生性疏
髣不解俯仰人惟時一二要路稔知先生之名
欲招致先生以爲羽翼先生謝不往因擠先生
出使不得在近侍而武庫之酷焰乘之矣謂之
氣數之厄非耶先生斥旣久始有起廢之命即
又處非其地使其平生辛苦卒無所試上之不

能振 皇朝同文之風下之不能食昔人稽古
之力而流光荏苒世短情長蘋老揮洲鵬集誼
舍矣悲夫先生此中恻恻將誰寄耶乃知前日
數君子者其感激發憤雖稍鑿正則要之各有
不得已之情而其本心非敢一於求異也悲夫
悲夫嗣子進士魯望刻先生集成使來問序因
述予所欲論說者如此集凡二十卷先生手自
選校題曰袁永之集序因之

嘉靖壬子上元射陂朱曰藩撰

袁永之集序

嗚呼永之沒已幾二十載矣其詩文行於世誰
不慕尚之者而何藉於余顧念與永之生同歲
方永之發解南畿也余亦舉於鄉明年同第進
士讀中秘書日與永之出入承明相周旋也次
後彼此宦轍雖不能一律然以永之之才而竟
終於外臺簽書余之罷河南也又適與之同牛
驥同櫪在永之固爲未究其用而在余則已幸
矣昨丁未之臘永之嗣子尊尼以所刻永之集
見寄且屬爲敘當是時永之蓋已下世余泣而

存之未有以爲尊尼復也歲月易除儵忽便十有七八載矣雖余於人世齒髮爲少延而臥病江渚亦五換嘉靖之平居塊獨諸念皆息而獨於海內故人之思有不能忘於夢寐者況與永之踪跡之同又若是耶頃兒子宗彥遊太學曾見尊尼尊尼意若有望於余者噫余何人而顧於永之有所靳也謹略載平生所與永之遊談之槩而庶幾以償其宿心曰嗟乎文章之事以其時則稱於聖朝者嘉靖爲極以其地則稱於中夏者三吳爲盛而永之所以自處與人

之所以稱永之者皆不肯居其後永之居館中時其聲譽甚隆余下方之士固不能有所窺覷及余出逐爲縣朝於京師與永之相見則永之以典試歸自大梁也向余道其在大梁得見李崆峒語言頗悉余時逐逐困吏事亦不暇諦聽後數年余督餉姑蘇訪永之於桃花別墅時永之以徒中居憂而余又郎署進止自便故與永之始盡平生之懽其譚及藝文亦不似曩時之草草矣永之語余曰杜子美詩人之富者耳其妙悟蓋不及王孟諸公又出所選唐伯虎集示

予而定其評曰伯虎才甚駿惜流落後不自檢
東大墮於樂天隊中耳故所存伯虎作百纒一
二語稍涉樂天卽黜之嗚呼永之遠不喜子美
樂天而近於伯虎所稱僅此其際果易窺邪今
全牒具在讀者取其言合而觀之蓋可以得永
之矣永之取介有直節在兵曹不能媚權貴人
故緩急無左右之者以至得罪其視學廣右又
恥絀體其大人卒上病自免其果決自任如此
文章蓋特其餘事爾余昔赴永新也永之贈詩
曰一官淹驥足百里試牛刀在姑蘇又贈詩曰

十年一見知之水吳山莫浪分此二篇
寶藏之猶在中筍于跡宛然而馨歎則不可復
聞矣傷哉傷哉余非敢謂知永之而其慕永之
則非淺世固有知而慕之而視余又能特深者
宰相與推而明之荆西少泉居士王格撰

胥臺袁先生傳

先生諱袁字永之世爲吳縣人自號胥臺山人
學者稱爲胥臺先生云先生與余先大夫苕源
公同舉進士並授刑部福建司主事余以是獲
從先生遊先生當群弟子侍側口授經史援引
貫穿如探囊出有爲詩文搥筆媿媿不休已而
即就稍更定數字每一篇出同進諸文彥輒相
推服至開口談土風地理險夷馴棘課事理成
敗利病辯論河決又切闕竅間有考問稗官小
史百家雜說者亦靡不琅琅響應四座竦然各

滿其意迨後註誤成湖州湖士素慕先生名咸
來詣見郡守禮遣庠髦六十人就學先生以獲
罪于 朝辭不受獨與余居僧舍及旦暮携相
知者游詠釣弋碧浪金蓋山水間時有扣世事
者先生則噤舌不言矣先生七歲能吟詩嘗有
日本貢使道蘇驚異延見倡和彌日贈以珍貨
漸長奇譽蔚騰嘉靖乙酉薦應天鄉試第一明
年擢第方 廷試時宰臣薦先生卷當首選時
薦士者衆因皆罷之更用不被薦者先生名乃
六二甲第一膺選爲庶吉士益自感奮日取中

秘書坐卧研核務以著述自任宰臣既嘗薦先
生意必德已先生一不徃謁乃言先生在吉士
少狀出官刑部時仁和胡端敏公爲刑部尚書
而部中有本科者代尚書草奏覆議天下與十
三司獄牘故事簡屬僚練達者典視於是胡公
獨簡先大夫與先生署本科歲戊子 朝議遣
京官出主鄉試先生以才推徃河南頃潞賊勢
甚張宰臣狗姑息之議欲事招撫先生謂 國
家全勢遇小醜稱亂不耀兵撲滅曷示後觀而
揚 天威業欲奏上方略適被 命不果乃於

試士策中發之宰臣故銜先生策議復忤先生時岌岌殆矣後賊果就勦一如所策旋調兵部武選司主事 甲令武臣功伐世次藉載以貯內府名曰黃遇其胄胤襲廕必檢對內外黃合乃得襲廕名曰查黃司官率厭瑣曲以委掾吏吏因匿黃索賕有累歲不得襲廕貧窶京師難歸者先生至喟然曰此其先祖非為 國家出死力者耶乃抑勒擯斥之若是 國家報功延賞之典而以資吏為奸殊非人臣敬事意乃躬督掾吏查黃黃無隱者選法一清居四月部署

災先生以直部官下

詔獄是夕主事楊次當

直偶煩先生代未及入而火作至是先生獨承之辭不及楊拷掠百餘銜者因欲甘心會以事罷去乃得減死論謫戍湖州凡三年 赦歸用當路者薦起補南京武選主事舊先大夫以御史按廣東廣東權貴人惡其執法中傷貶秩及是亦復起為武選郎中相顧慨然感於延平之合也激印 主恩矢心厥職屬當考選軍政二人蚤夜詢訪銓次賢劣務振公法磨礪武弁莫敢以私干者疏上凡選官千餘員悉 報可時

論黜之先生遷職方員外郎出任廣西提學僉
事廣西故百粵僻陋也書籍罕至士艱於文先
生以身程其課業而時廉勤惰以爲懲賞經史
文藝親與講解裁正粵士彬彬興焉先時兩廣
督府當軍興時凡藩臬官謁見咸庭參跪起以
示尊重後習之先生始至見督府獨不屈膝或
謂先生將得罪先生咲而不顧信陽馬御史者
坐舉事一不當 國家明 至意謫戍南丹且
老矣先生疏請還之鄉里有兄者曰是重馬罪
也乃不果上亟廩其子於學宮先生既優游述

作之塗然個儻負氣嘗思奮不顧身投功名之
會毅然爲當世一起頽弊此二事者已少露其
鋒穎矣尋行部蒼梧觸瘴癘遣疾上章乞免官
歸當衡者束其章書 書勸止而撫按臺臣爲粵
士驛 聞留先生計且切然竟不能奪先生志
既歸屏居橫塘買田百畝藝秫樹桑闢讀書園
群生徒講肄其中以求稱言偃文學之鄉暇則
邀昆季友朋登陟游泛任意爲適每值令節園
花雜開舉觴浮白留連竟晷蓋與世益落落也
居常奮曰吾少有用世之志今已矣當竭力河

汾之業以文采表後世吾將希漢司馬遷遺風
擔囊裹糧不遠萬里周覽方輿窮勝海嶽采通
都大邑之藏考達賢遺老之論歸而肆諸文章
庶為不朽一夕忽夢其伯祖謂曰子病殆不保
矣先生聽請得睹梓集成且無憾再三請不許
乃促梓所著詩文歲了末年四十有六竟以疾
卒蓋不得睹集成也噫亦奇矣哉所著集二十
卷脩省集議一卷世緯一卷歲時記一卷 皇
明獻實四十卷吳中先賢傳十卷獻實先賢傳
二書因六通蚤徂未 晚稿先生體貌頗備音生

洪亮昂昂有塵表之姿讀書過目不忘然不以
自恃而益事鑽討楷書行草俊逸道勁各詣其
妙文宗秦漢詩古風法魏晉其七言者與近體
擬盛唐當其意到一騁敷贍沉核無所摹剽而
動與作者合度人所稱金潔玉潤善以追琢先
生之集有矣獨恨先生自許用世而不嬰事柄
不能大有建置退輒托之於言集中 詰
盜議平黎序及世緯二十篇脩省集議一卷足
見壽畫梗槩云父寓毋葛皆領先生刑部封子
尊尼舉人先生既友先大夫而為余師余以兩

世知先生嘗恠先生名世異才既以不援樞要
苟其祿位功業矣至文章宜假先生大齡畢其
所志勒成昭代一家之言而皇明獻實先
賢傳諸書乃多未卒業遽奪之壽是又何故昔
人嘆文章每憎命達司馬遷上述陶虞下迄漢
武採經摭傳刪次史記十年而蒙蠶室之辱乃
發憤以成遷言書成雖萬被僂不悔矣至班彪
亦以遷書得失繼拾遺事傍貫異聞作後傳補
緝譏証之然年躋五十遂卒業傳子固史稱固
潛精積思二十餘年始終彪所著書則彪不及

睹書之成比遷有缺望焉夫遷爲太史令僅守
世官耳而其辱且虧體彪則舉茂才嘗辟司徒
府長望都雖未及據頭握隆若視遷頗進又寡
旤矣故天於二子著書以其身成未成爲豐嗇
何有意甚耶先生雖中遭淪謫然早發峻科遂
巡郎署學臬間略有施設蓋類彪而稍優於遷
者先生顧願學遷遠遊不遂及二書未脫稿或
天亦待彪意乎然其集與已成書自足耀今傳
後而尊尼純敏嗜學才聞吳中其潛精積思於
先生之業久矣續纂宜無讓固余旣爲先生傳

而又以屬望於尊尼者如此

嘉靖丙辰孟秋之望門人鄞南吳維嶽撰

曾臺袁先生傳終

先父行狀

竊聞策勳由乎際勢立業資乎邁時故茅藉之
微或取珍於清廟逸群之產或見扼於鹽車物
固有遇不遇也才賢之生豈必盡用於世哉志
以時尼道以位拘抗志青雲之上而不免負俗
之累希情振古之英而不勝委瑣之議行益獨
則知益希叔季以降士之懷抱瑰瑋動而觸藩
沉淪沒世者多矣董生所以永嘆嗣宗所以慟
哭蓋有以也惟我先公挺生不羣卓然豹變名
世之才篤之天錫亦既旅獻天府振策康莊脫

幽遐而耀羽儀矣。然直道不容禍與命會。暫奮暫躓。竟以才困。以苟諧非所以明節。故貞孤以勵守。冒進非所以行義。故靜退以俟時。含經緯之文而不躬述。作之任負康濟之畧而不感風雲之會。秉剛中之德而不躋耆耆之算。蘊豐而施。畜規廣而年促。坎壈畸僂。賫志沒地。嗟乎天之生斯人也。既畀之才矣。胡寧使之窮焉而止於斯耶。此尼所以叩心泣血。籲帝閭而無由者也。悲夫。悲夫。昔歐陽公自表其先人之阡。近代如胡文穆公亦自爲先人墓文。尼也荒陋何足

以仰企前修。闡揚休烈。將乞銘於當代之宗工。以詔諸不刊。顧我先公雅望雖播。而致用未究。潛媿懿行。鬱而弗章。非小子其誰述耶。敢以所見聞者。叙諸方冊。備採擇焉。先公諱□字永之。自稱曰胥臺山人。世爲吳縣人。洪武天造時有諱福實者。爲袁氏始祖。福實生以寧。以寧生琮。琮生敬先。公之祖也。父爲我祖懷雪。公諱■。母安人葛氏。安人以嘉靖壬戌十月二十六日生。先公於閭門之瑞秀里。先公生而穎秀聰敏異。常甫四五歲。我伯祖方齋公教以詩歌。隨口成

誦公喜曰袁氏奕世累善後將有顯者其在此
子乎與羣童遊不好嬉戲屹然有成人之度六
歲就學十歲即喜吟詩有求者各就意指應聲
占韻作草書贈之倭使入貢道由蘇聞先公名
驚嘆延見倡和彌日詩篇成束贈以海外珍奇
郡中譁傳袁氏有神童焉懷雪公生子男四先
公居季方齋公生子男二群從繁矣猶同居先
公入承親顏出事方齋公猶父而師友諸舅弟
無不得其愛者受易於柳州同知伊先生先生
器稱之曰此鴻漸之翼也年十四選入邑庠安

福張公來督學試士見先公孱然幼也問年幾
何曰十五公喜曰能詩乎曰能即命賦二詩亟
稱善賜以果餌俾應試南畿時海內熙洽文風
肆被在吳尤盛若京兆祝公解元唐公孔目蔡
公待詔文公太學王公咸擅文名先公各與締
交諸公亦樂交先公時往討論藝術過從之暇
即閉門藏脩絕不干世事亦不與時流相徵逐
傲然有青雲之志人望之而知其奇也乃後業
益精凡部使郡縣吏考校先公輒應試試題或
最隱僻庠士羣駭以問先公公無不知文又獨

高由是每試居首列再試南畿再不第先公奮
曰古之絕技百發百中吾今三黜矣豈盡有司
咎耶乃發憤益究所學日夜不少休凡場屋所
需者揣摩裒彙各臻其極期不爲主司所難歲
乙酉先公年二十四復上南畿前後四入試矣
比試京兆丞邵陽唐公讀其文曰是不當首選
耶學士同邑徐公披閱良久得先公文驚曰是
不當首選耶乃薦應天鄉試第一先公既才名
素著時論帖服與計偕將試禮部初我祖與宰
臣有識時方被眷注以先公舊識子也翼引爲

助先公抵京絕不往見禮部中式比廷試宰
臣與讀卷薦先公居首時薦士者衆幾至鬩爭
廟堂事調停乃皆罷之更用不被薦者先公坐
是不得及第名在二甲第一選爲庶吉士讀書
翰林先公既以髦譽被選益自感激取經史子
籍坐卧研核與諸同在館者共爲古文辭務追
古作先達以文章名者若金陵顧公信陽孟公
濟南邊公關西許公綏德馬公祥符高公環列
顯位聞先公名咸騎從臨門先公因與酬答質
難資其見聞益以著述自任凡朝士遷擢言

者多求先公文應給無虛日時朝政更新諸貴
競進勢焰炙手互相援汲先公一不往謁之隱
金馬蕭然自得也宰臣既嘗薦先公意先公德
之必欲羅致黨中乃先來拜先公往答不遇以
爲瞰其亡也盛蓄怒思中先公矣未幾乃上言
諸吉士無狀不當在禁林請盡出之先公出爲
刑部福建司主事既上任不以斥逐介意
刑獄必以其情訊鞠擬讞或至日晏不遑食有
間乃寄意筆墨事無廢不舉者尚書仁和胡璠
敏公數對衆稱先公許以國士拔署本科本

天下諸司獄代尚書草奏故事必簡于十三
司以才猷練達者居之先公供職夙夜既厥心
獄辭之上輸者必反覆求其生數與胡公辨論
法律胡公未嘗不改顏優容之也間乃慰先公
曰以子之才不得在清曹誠屈矣然人命至重
慎無輕刑部也遣其子純從先公受學諸大僚
亦遣子壻繼至先公即皆造就之若今廣西副
使趙君伊刑部郎中吳君維嶽皆童中執經者
也歲戊子天下當鄉試大臣言考試皆校官權
輕而法撓不稱賓興之意請以京朝官之才者

往蒞其事。制可先公被推主河南文衡。至則秉公持明。盡心校閱。榜揭稱得人焉。時潞賊猖熾。天子求征撫之宜。宰臣主撫。言者不能奪。先公以爲蜂蠆小醜。敢行稱亂。以國家全勢。不加勦滅。無以示後業。欲奏上方畧。會被命不果。乃於試士策中發之。既與宰臣議忤。復觸前隙。謂先公妄論。朝廷大事宜徵下之理。賴天子明聖。置不省。後潞賊果就。一如先公料。先公輟試事。爲書謁空。同李公一見。權相得命。酒論文。揚摧今古。有若平生交。李公故有

重名。少許可。乃獨敬先公。由是河洛士大夫悚慕。無不求識面。先公因盡交其豪傑。譽聲躍起。還復使命。詔往淮揚。決重獄。先公承命。祇懼齋戒祈禱。以蔽要囚。便道歸省。時我祖暨我祖母咸康者。在堂。諸昆在膝下。先公奉觴稱壽。會召姻親。飲燕累日。鄉黨以爲榮焉。無何同邑徐公自學士出。掌吏部銓。先公故門生也。素見知。愛將薦進之。先公遜辭不就。三載滿。吏部署其考曰。操存嚴密。出之以謙恭。性稟高明。濟之以問學。判稱職。進階承德郎。封我祖懷雪公。如其

官我祖母葛我母馬俱爲安人轉武選主事武
選主兵藉頗號劇司先公至則盡職猶刑曹也
故事凡武胄襲蔭者其功伐世次咸視之黃內
外黃合乃得選司官以查黃爲瑣多委之掾吏
因匿黃索賕有累歲不得選貧窶於京師者
先公以爲武胄之先祖皆爲國出死力故賞延
於後抑勒擯斥非國家所以報功之典也乃
躬督掾吏查黃黃無隱者選法不滯人以爲便
居四月部署忽火莫知其所起須臾焚蕪蕩盡
事聞與侍郎武陵陳公而下俱下詔獄拷心

風官問縱火由時同僚楊當巡風以故不欲
往先公許代之未及入而火作至是先公乃獨
承之辭不及楊箠掠百餘拍囚者四月獄辭不
成宰臣故啗先公謂實縱火必欲致先公死會
以事罷去乃得末減先公猶獨重謫戍湖州南
下至徐遭我母之變携諸孤歸見我祖懷雪公
祖母葛安人相持泣曰吾兒今得生還耶幸矣
幸矣或謂先公可無往戍所先公曰吾得臯
天子敢自便乎抵湖寓居慈感寺湖士聞先公
名咸來就見先公既樂其山川又嘉其土風日

與湖士遊詠釣弋放浪烟霞之間若將終焉忘
其爲羈旅也郡守長樂陳公禮遣髦士六十人
來就教先公以臯人不當爲師辭不受處湖三
年哀冲太子生乃得赦歸未幾葛安人先
公哀毀踰禮既免喪築室於橫塘之上橫塘者
我吳山水之匯也先公愛其幽勝遂卜居焉構
樓曰列岫闢園曰肆志聚生徒數十人日與講
學暇則遊泛登陟怡情觴咏買田百畝植桑一
林藉以餬口足跡不入城府時時歸省我祖而
已會當路者數論薦泰和歐陽公巡撫江南復

薦先公于朝有旨復起補南京武選屬當考
選軍政先公詢訪銓次夙夜在公莫敢以私論
屬者上其成於大司馬南昌熊公凡選官千餘
員其賢否勤惰黜陟繁簡之宜無銖毫爽熊公
亟加勞獎即疏奏於朝一無所更易留省務
簡先公每休沐與同官好事者搜建業之勝凡
名境古刹遺宮廢臺六代之餘及我國初所
創建者遊訪畧盡慨古懷賢之思往往見之於
篇什陞職方員外郎尋陞廣西按察司僉事奉
勅提督學校先公自念廢棄十年又與木石

爲伍體性踈慵不堪作吏遲迴者久之已而起
粵粵故僻陋也書藉罕至士艱於文先公下車
慨學政之不振文化之靡興乃以身爲教明其
條約諄其告戒聯其師儒程其課業而時察其
勤惰以爲賞罰經義史傳必親爲講解懇懇不
少倦作文必示之以式或操筆爲更定不以憲
體倨待諸生藹然師弟子也桂林諸鄉貢士願
就先公學先公卽進而教之後多中式爲進士
者其造士尤重德行修德者特優之無良者
則顯黜之率以爲先校文務敦淳雅而矜其不

逮薄懲而廣錄以誘進百粵之士粵士始憚其
嚴而終安其教咸蔚乎可觀矣於是乃稽孔廟
之頽圯考圖籍之殘失覈射圃之蕪萊按學官
之缺曠將條列其事而次第舉之行部抵蒼梧
觸瘴疾作先公既素寡宦情至是復切首之
思申牒撫按求解官歸總督三山祭公惜先公
才學勅諸司致留庠校之士亦連署詣撫按請
無遂先公行先公乃自草奏上於朝當衡者
咸惜公以書慰留奏置不行先公復勉就職歷
九府考校既畢投劾決去不待報而遽行時年

四十二矣。士咸奔走攀送，百什成羣，有至數百里者。撫按會奏，稱先公文章典蔚，操履清修。士有方恬退，可獎請俟病痊別用。有旨是之。先公在廣，雖僅及期，而育養人材，甄拔淹滯，植風教，訓起禮俗之事行之，若不暇給。俄頃之化爲多，當軍興時，藩臬謁督府，咸庭參跪起，後習爲常。先公始至，見蔡公於梧，不爲屈膝，或謂先公且得罪。先公笑曰：大將軍有揖客，顧不重耶？蔡公聞之，亦懽然無芥蒂。時論兩賢之焉。韓襄毅公有大功於廣，故常祀祠之矣。久就墮廢。

先公亟爲新之。解公大紳，以王佐才遭讒貶，廣右瘦死獄中。先公移文桂林，命於名宦祠祀之。侍御信陽馬公，以註誤謫戍南丹，年且耄矣。先公哀其貧而老，上章請還之鄉里。有見者曰：是重馬公禍也，乃不果。上肄其子於學宮，而以廩餼之。俾資以養。同年拱鄰甫早卒，有子幼，先公亦召肄於學宮。曰：人豈以我爲私耶？庠士貧不能空塋者，命有司給其費。未冠娶者，官爲行冠娶禮。凡所施設，超破常格。特節高誼，固足以風動青衿，激昂流俗矣。故百粵之士，到於今有遺

思焉。諺曰：桃李不言，下自成蹊。豈不信夫！既病，免浮湘，涉江，亂洞庭，彭蠡，訪洛溪，岳陽，黃鶴，赤壁，采石之跡，探衡岳，匡廬，九華，小孤之勝，弔賈生，李白，元結，韓愈，希文，子瞻，諸賢，悲其不遇，徘徊慷慨，儵然起千古之懷，輒爲詩文，以見意，歸而屏居橫塘，益遺落世事，躬課耕，蠶間，乃奮曰：吾少有用世之志，乃今已矣。當畢力河汾之業，以文章垂後。昔司馬子長，遍遊天下，退而著書，文益雄奇。吾將擔囊裹糧，不遠千里，周覽方輿，流盼海嶽，采通都大邑之藏，考諸賢遺老之論。

歸而洩其精英，勒成一家，庶乎不朽矣。歲丁未，忽遭暴疾，以六月十三日奄忽謝世。斯文遂喪，有志未竟，悲夫！悲夫！初先公業自言早衰，嘗謂人曰：吾非久生者，或引鏡自歎，詫會得惡夢，期必死，命促梓所著詩文，至是果驗。豈達者固能前知乎？抑亦奇矣。享年僅四十有六，所著有集二十卷，皇明獻實四十卷，世緯一卷，歲時記一卷，吳中先賢傳十卷，周禮直解若干卷，二書未成，配馬安人，先先公卒，繼室文氏，子男一，即尊尼，厠癸卯鄉薦，女三，長適府學生王子恭，次

適殷邦柱次幼孫女四十以卒之後三年十月十日塋於南橫山陽全家塢之阡惟我先公體貌頎偉音吐洪亮僮僕負氣昂昂有塵表之姿所至嘗鐫戶默坐不肯泛交人仕宦不求朋援直道而行故爲宰臣所銜竟以得禍所爲詩文未嘗輒以示人有求者非相知多不應自罷官後益事蕭散不促局持邊幅然實坦夷樂易篤於孝友家庭之間靡有間言與朋友相然諾不以炎涼移變處權利能見幾退讓居官與僚案同事和而不同遇事可否一揆之道義事有非

理及人不當意者固加斥責已卽置之不宿怨見達官或與平衡見鄉人顧恂恂下之久在田畝農夫野老皆與慰勞話耕作便宜遇良晨令節園花雜開必邀昆季友朋流連觴勺談晤終日至昏暮不厭也性素儉約尤慎取予自筮仕歷官不妄受人餽遺圖書自隨而已讀書過目不忘強記神解然不以自恃手不釋卷博物鑒古之識不習而精楷書行草俊逸適勁脫畧臨摹而獨詣其妙人多購藏之者爲文貫串百家凌駕八代辭無所假下筆立就浩然自得如其

爲人居嘗鬱鬱酒後或泣下歎曰吾年向衰矣
曾不得勒勛邊陲圖形臺閣僅以文士名耶其
才長於決機應變迎刃不滯馭衆或數十百人
在前片言分俵立整過目能記其姓名再至無
不識者料禍福成敗歷歷懸驗抵掌雄辨四坐
竦聽雖古策士弗過也接四方士大夫即考問
土風地理知其險夷利病尤長於經理竹頭木
屑咸適於用慕諸葛武侯陶長沙之風弱冠即
自許用世而不當事權不能有所建置退輒著
之於言嘉靖己丑雷震 奉天贊作脩省集議

庚子海盜充斥作詰盜議辛丑

論在廣右見蠻獠滋亂爲嶺外憂則著之
於平黎序題名記其夙昔籌畫通達國體之說
則具於世緯二十篇嘗思奮不顧身投功名之
會立旂常彝鼎之業而今已矣屬續之日言不
及私唯曰浮生如寄已乃惛瞶猶歷歷稱諸古
人似恨不得展其志者悲夫悲夫以先公之才
如干將莫邪不肯少挫鉞銳竟骯髒不得試古
稱才士多窮斯言信矣倘天假之年天下事猶
可爲也而天復遽奪之嚴親在堂遺孀在室藐

馬諸孤箠箠哀慕天之忌才何酷斯劇也大人
先生忍無惠之以銘以表其幽潛而使之復汨
沒於後耶尼也迷劣不知所裁董列狀如右孤
子尊尼泣血狀上

廣西提學僉事袁君墓誌銘

吾友袁君永之以高明卓越之才精深宏博之
學而輔以較輕奮迅之氣自其少時已不肯碌
碌後人既起高科登膺仕視天下事無不可爲
而砥節履方不欲附麗匪人首忤權臣幾蹈不
測賴

天子仁聖得不擯棄浮湛中外垂二十年再起
再廢迄翫醜以死嗚呼傷哉其命也夫君諱袞
字永之別號胥臺山人世吳人高祖以寧曾祖
琮祖敬考封承德郎刑部主事諱儼母安人葛

氏袁氏自高曾而下世以氣義長雄其鄉而未
有顯者至君昆弟數人藻發競秀突起閭閻聲
生勢長隱然為文獻之族君於群從中最少而
奇穎異常五齡知書七歲賦詩有奇語十五試
應天再試再不利憤曰吾所志何如顧為場屋
所困耶益淬礪精進刺經質義務究底極嘉靖
乙酉遂以第一人薦試禮部亦在高等一時聲
名傾動京邑入對大廷擢行揚摧上下數千
言出入經史詞旨宏達時權臣方為字士得君
卷奇之執欲冠多士在廷諸公惡其境權故抑

一甲第一及啓封見君名乃悔不用其言而
立則喜於得君他日詣君叙致木末自謂君
已而君不對亦不謝權臣大懟銜之然無以
發也及君為庶吉士而其人已入閣親幸用言
遂上言諸庶吉士跡弛靡薄不宜在禁近悉罷
為庶僚怒猶未已乃起兵部之獄初兵部失火
君為武選主事適當徼巡在法徼巡失警當調
官獄吏承風旨掠立文致劾君縱火為奸利鍛
鍊久之獄解同官皆調遣君獨編戍湖州千戶
所會赦免歸權臣死稍起為南京武選主事歷

職方員外郎擢廣西提學僉事致仕歸卒年僅四十有六始君自翰林出爲刑部主事即思明法以達於政謹推讞審法比所當必允爲尚書胡端敏公所知簡蒞本科君析律詳明剴裁敏利而將以勤誠案無留牘有

詔以京朝官考各省鄉試君被命主試河南較閱精審去取攸當時稱得士尋奉使典獄淮揚還朝改司武選武選所職有銓選有黜錄有貼黃及諸委瑣故號劇司而貼黃尤多敝事君督併嚴密關決明審吏不得並緣爲奸展采

方將有爲會獄事起而君去國矣在南部甬考選年政尚書熊公特委重君君杜請託審賢否考核緒正一於至公人服其明廣西在嶺徼之外雜處文教久弛君不鄙夷其人教詔諄切示之矩範而率之以身程以科條崇雅黜浮矜其不逮薄懲而廣錄以誘進百粵之士士方安其化而君勸遊矣君性樂閒曠謫居吳興日與高人逸士探奇選勝登陟遊行悠然自適及歸築室橫塘之上據湖山之勝縱浪其間有終焉之志雖暫起守官而寤寐林壑未始

少忘篤志問學群經子史無所不窺為文必先
秦兩漢為法樂府師漢魏賦宗屈賈古律詩出
入唐宋見諸論撰莫不合作所著文集二十卷
皇明獻實四十卷吳中先賢傳十卷世緯及歲
時記及周禮直解總若干卷始君雅志用世及
事與心違時移身遠乃肆意於此以洩其所蘊
爾觀世緯所著皆鑿鑿乎經世之論其官宗遴
傳與夫距偽諸篇寔維時敝惜不得少見於事
而徒托之空言可慨也已君濶達高朗議論英
發能以辨博勝人人莫能屈然實無他腸志同

氣合山
不能勝天

倒無間故知君者莫不賢愛之而卒
歎之者之衆也君生 治壬戌十月

二十六日卒嘉靖丁未六月十有三日配馬氏
封安人繼文氏子男一人尊尼癸卯貢士女三
人適王子恭殷邦柱徐欽葬以卒之後四年辛
亥十月十日墓在南橫山全家塢之原銘曰

侃侃袁君維時之碩履道含 抱貞翼德爰起
高科戈揚用聲載緝用明奕其邦楨維邦之楨
弗為道屈矧伊匪人胡彼之恤豈無榮途有命
在天寧王之毀匪瓦斯全陷則有甯守則有正

孰其生之

天王明聖侃侃袁君守貞用恒弗利攸征身否
道亨亨如之何有言則立言立名存有永無泐
前翰林院待詔將仕佐郎兼修
國史長洲文徵明著并書

袁督學誄

夫照乘之珠不競明於燭火冲天之翮不類逐
於鳥飛豈好異而凌物哉亦云殊致而已故和
光而處者士之恥也從風而靡者物之薄也若
乃蕃掃除以責躬滂澄清以矢志豈不欲趨時
立事同塵赴功而寧行與俗戾身與禍期業雖
不竟道不貶矣奉政大夫廣西提學僉事汝南
袁君弱負可表長蜚令譽藝綜衆長學貫羣典
振羽甲科驅馬天路方展宏規佐明理而竟以
爲氣迂時殿謫彌年稍遷遐臬旋復解組鴻漸

塵表蟬蛻世囂掃榻絃琴以娛泉石之性連席
講道以開詩禮之傳殆所謂足於性而天損不
入貞於期而時累不淫者也春秋四十有六嘉
靖丁未六月十三日卒赴者幅抑聞者涕零唯
予小子夙仰典刑追惟前哲誅諸素旌乃作誄
曰

天命靡純人道胡測蘭焚以芳木伐緣直嗟嗟
夫子使我心惻爾才既豐爾運何嗇茂淑始誕
岐疑夙成匪琢而粹不鎔而精博師茂先文希
長卿牧虛士禮邦推雋聲戰藝京闈寔首多士

射策廷廉咸謂稱旨明光保直讐書造史西曹
奏讞徵金輸矢司武秉文擢秀揚芬鑑同秋月
藻若春雲便無求備錄不遺勲乃武乃文克慎
克勤嗟嗟夫子力弱氣剛城門之火池魚之殃
殃匪外至是自中傷三木非罪八議奚償寥寥
湖湘凄凄成舍夜郎竄李長沙投賈湯網一開
漢詔南下橫塘之濱黃山之社山盤水釣斯適
真天北直也遇亦性之便塘隼既去梧鳳斯騫
可憐可憐悲浦珠復還迢迢百粵士習顛蒙庠均
一之樂同風進慟而追遠決成功人惜其去

子...中依...願塵迷...逐克隱終南爭馳
...志士急功貪夫徇祿詎若夫子名全身淑
...羔羊慚彼掃門氣雄鈞釐專闕失尊惟德
...義夙好斯敦荆棘不去桃李無言廣老難封
...疲沈戟劉向不遷展禽三丘長江一航故林
...展意外烟霞並中泉石鸞雛方舉鵬賦偕成
...善曷據助順難明鄉彫國寶野墜長庚牙絃
...絕響謝草靡廣嗚呼哀哉二毛未及下壽莫躋
...才傾倚馬志什聞鷄苦碑月冷隴樹雲低弔鶴
...時至驚鳥亂啼嗚呼哀哉身化異物魄作山靈

然藜掩閣問字虛亭江淹擲筆荀令遺馨風雨
先履霜露愁零嗚呼哀哉追惟往昔人孰無死
宜修而短孰與夫子修短莫論象賢茲恃未紹
斯文用彰遺軌嗚呼哀哉

清河 鳳翼撰

誅

嘉靖二十六年六月十三日

明故奉

勅提

督學校廣西按察司僉事胥臺先生袁君卒嗚
呼哀哉君諱泰字永之蘇郡吳人也少知名爲
博士弟子乙酉舉應天鄉試第一丙戌舉進士
第二甲第一選入翰林爲庶吉士遇例裁抑出
授刑部主事決獄江北校文河南調兵部武選
主事兵部火謫戍湖州遇赦歸久之 召補南
京兵部武選主事進職方員外郎尋拜提學之
命致仕寢疾卒於瑞秀里第春秋四十有六嗚

呼哀哉英才雋發位不究用高節介立年不充
壽國殞楨榦時災鳳麟義激陳辭誼深忘賤遂
作誄曰

赫赫陳上 曹自有虞周歸大姬昨以死墟莊伯
之後氏孫轅塗正議曰固引忠惟盜兩漢迭隆
條分葉暘德盛司徒五公寅亮三氏流譽九代
增華如鄧之林如崑之崖材必隆構璞必掩瑕
爰及 聖明文昭武奮汝陽之舊實來吳郡祖
考坤公弗殄厥問慶鍾累葉長發于君未齒生
覺摠公名聞才富司馬年終軍窮探六

苞七略研精夙夜抗志崇灑 明睿若愚性峻容
博宣慈外朗孝友內恭同氣 惟六競騁詞雄君
獨且奮弱冠升庸發解南畿 允孚雋望射策
大廷親第甲榜宗工鉅儒折 行投訪中秘儲材
上應列星秉操孤潔掃跡私 庭激怒時貴黜佐
邦刑宏通幹濟靡憚委瑣克 慎平反奏讞多可
蔽囚淮甸獄用不頗 上急致賢四達旁求
簡命侍從君得中州嵩洛之 士髦彥悉收文既
錄呈首蒙 乙玩 宸奎炳述旨明一貫策籌
勦潞默契 神筭權幸嫉功 謗讟飛聞潞誅既

正乃証君勤轉叅戎選流品區分火延武部醉
吏之故君代宵直屯否是迂讒媿媒孽拷訊釋
怒日月臨照終始保全薄示竄謫近戍海壖
講授茗雲絃誦怡然肆青璽恩獲返棗梓選卜
幽勝橫塘之汜柳戶陶踈仄哇邵美廷臣亟薦
起廢留京叶既還武銓旋貳職方璽書摠憲
再典文衡叶八桂荒遐卉棠垂髻君不鄙夷諄
諄誨礪如韓如柳造此多士蔡公連帥大奏夷
功藩伯降體望塵趨風惟君揖客蔡以為恭表
賢彰善植扶風教韓解勲節君惕憫弔解秩清

祀韓新毀廟百

之化截嶺踰瀧戶挾詩禮俗

返敦龐孰謂南

式美中邦蒙犯嵐瘴感疾求

去連帥奏留士

遮路君亟疏言星馳夙驚

優旨慰荅予

休歸榮舊里戲綵而遊大肆

述作積如山丘歲

月易邁愴茲駒隙遂迥三載

奄忽一疾顧言無爽暝目長畢人壽百年君未

中身忠留結

主孝顯成親烟閣謝畫蒿里棲

塵嗚呼哀哉生平著書亦文亦史獻實殺青惟

明之紀

論匡世設緯庚戌

關扞失守

京師震驚賈生憂國身歿言

徵君少抗俗英情天給余實慙弱夙承嘉惠哲
兄儀制一二同志棲遲騰躍雅志弗違懷我陋
巷銘我蓬闈期在皓首林野同歸西湖之賞連
鑣共被佳境在日良友迭逝櫟置瓦全亦復何
意嗚呼哀哉冥茫報施與善弗常秀木先伐芳
蘭則戕海內齊名何李頡頏斯文未喪今也則
亡人誰無生無後則墜君則有後象賢克類人
誰不歿不朽是貴君則不朽立言垂世嗚呼哀
哉

沛彭年著

袁永之集卷之一

四言

篇

方社篇

朝日篇

夕月篇

大禘篇

耕籍篇

省穫篇

躬桑篇

昊天降威

有厥其星

皇矣

雞鳴

吉日

載馳

晨風

穆穆良辰

庶幾壽考

袁永集卷之一

篇

引明上帝肇禋于郊我 后饗之率彼百僚○於穆

圓丘我 后肇之粵稽禮文 祖訓詔之○崇崇者

壇則天垂象隆隆土階南離是嚮○臯門既辟周垣

于衛以福以庖帝牛于報○我 后来饗維冬至

我袞我旒 圭翼翼○有秩陽位越席斯陳秉我玉

瓚曰維 一人○有虔百僚夙夜奔走直哉維清以

左以右○皇皇田燭三星在南樂既萬舞升臭于天

○朝陽彤彤卿雲粲只 彼露斯緒風先去聲只○承



天之休降福穰穰撫于五辰誕惠我多方

郊丘十章章四句

方社篇

有嚴方丘于郊之北我享我將于夏至日象維
坤儀隅位斯秩○定方中肇茲土功馮馮版
榦蒞于司空式禮弗愆曰維秩宗○既卜既戒
告于祖禰龍旂和幹天子至止桓桓虎賁
于牧于野○赫赫地祇陟降在茲配以皇祖
于壇之隅靈來洋洋百神前驅○曰既三爵曰
既九奏薦以黃琮曰維我后以瘞以埋于壇

郊篇

明明上帝肇禋于郊我后稷之先帝
于虞罔丘我后肇之先帝
○崇崇老成列天象昭昭土象昭昭
畢非
來饗
秩陽位越帝
度百
既
先

雲
唐
先

六降福... 皇... 我... 方

郊... 章... 句

方社篇

有嚴方丘于郊... 此我享我將于夏... 日多

儀隅位斯... 中肇茲... 馮... 既卜既

告于... 祖... 桓桓虎... 皇祖

于牧于野... 赫... 皇祖

于壇之隅... 靈... 曰既三爵曰

既九奏... 以... 后以瘞以埋于壇

之右... 雍歌告終... 皇... 其行順動以豫... 真

心載寧... 綏我萬方... 地天平成

方社六章章六句

朝日篇

路車龐龐于彼東郊... 維茲仲春... 迎日以朝... 有

來王宮... 宵中燕息... 壇官蹒蹒... 候彼出日... 日之方

鼓鍾晨雞... 既鳴庭燎... 寢矣東有啓明... 日之方

升出自暘... 谷燭龍疾馳... 耀彼若木... 赫赫明明

照臨下方... 太陽麗天... 羣陰伏藏... 皇欽若昊天

寅賓有禮... 朝日有壇... 自今歲始... 自今歲始豐

寅賓有禮... 朝日有壇... 自今歲始... 自今歲始豐

寅賓有禮... 朝日有壇... 自今歲始... 自今歲始豐

寅賓有禮... 朝日有壇... 自今歲始... 自今歲始豐

年屢康時雨而雨時暘而暘

朝日七章章四句

夕月篇

維夜明有壇西郊之外來享來臨幽宗于配時
維秋分其日癸未○皇服小采鎮圭以趨羣弁
如星戾止壇隅司儀布位祝史贊辭○乃薦罇
壘醴齊清酤肆以豆籩載之牲俎六變孔諧雲
門斯舞○邸瑩既奠實柴斯升燎之燔之恪于
陰精齊政授時糾虔天刑○維茲夕月禮覲朝
日于社于郊神祇來格於皇樂斯創茲典式

○皇之制作協于陰陽與唐虞參于列祖有
光施我孫子敬守典常

夕月六章章六句

大禘篇

於皇顯孝肇修禘祀適追烈祖綏我駿惠
奏假厥初陟降有位○嗟嗟烈祖受命宅土
疆克開厥家德懿發其祥遐矣思成肇基古
先王○衍我初祖獻享有秩虎彝山尊全烝
繭栗升歌管象庸鼓有斲○靈之格思蕪蒿在
天丕顯丕承對越周旋降福孔多維湯孫是荷

大禘四章章六句

耕籍篇

孟春元日公田于邁司空除壇集是保介甸師
 封人灑掃祗戒○蒼輅耕根遵彼廣塗以耒以
 耜載于前驅籍彼千畝南郊之隅○土脉既發
 習習協風 冕朱紘 皇來齋宮灌鬯羞醴祀
 先農○錢鎛既陳有種有稌 皇于三推乃
 措嘉穀貴賤以班羣耦來續○饁彼田畯終畝
 其勤是蕪是藜載柞載耘黍稷茂止以共粢盛
 ○我公我私祁祁甘雨於惟豐年以洽百禮敬

授我民時以詔孫子

耕籍六章章六句

省穫篇

於樂靈囿 皇宮西所湜其流泉漑我膏土奄
 人于田有稌有黍○皇來雍雍匪觀匪游于以
 省斂歲其有秋相彼原隰滯穗莫收○此曰築
 塲彼曰登圃禾既偃畝莫之敢取銍艾維時實
 我廩庾○維此靈囿有沼有臺爾服爾耕莫敢
 污萊○皇曰無逸稼穡維艱彼昏慢游于佚于

盤

省穫五章三章章六句二章章四句

躬桑篇

出自北門降于公桑龍旂九旒鸞和央央○皇
后蒞止從以世婦爛其如雲緩蹕清路○川原
膺膺有館有壇戒之戒之以祀先蠶○懿筐曲
植既勅既具浴種于川率是嬪御○有鳴倉庚
采采遠揚言還言歸傾筐是將○以繭以繅三
宮是卜冕服既成 黃朱綠○維 后親蠶維
皇躬耕勸相小民王業底于成

躬桑七章章四句

昊天降威

紀雷變也

昊天降威曷用其訕大戾薦臻適丁我躬六月
炎暑胡茲飄風暄暄其陰淫雨蒙蒙○維此淫
雨崇朝為虐塗潦盈庭高陵為壑憂心如焚憯
憯靡樂小民怨咨孽自天作○電旣 荐雷
不寧以擊以摧震于宮庭瞻彼象闕毀其丹楹
臯門有仇垣墉以傾○王宮震矣棟撓折矣出
自城闈夫屢覆矣氓之無良嗟乳獨矣震于其
躬惟荼毒矣○荐雷虺虺逞茲淫威天鑒孔邇

降于郊畿 皇曰可畏朕躬有違青災以類敬
天之渝○明明紀綱 皇實敬忌誰秉國鈞召
此顯異賦政愈感民用殄瘁我心憂傷曷知其
勤○嗟彼孔壬喻訛悞懣職蔽左右讒口囂囂
卿士大夫及爾同僚噂沓詭隨莫知我勞○喪
亂之生回遘其故小民何辜逢此憚怒 皇之
恚思無愆于度敷求哲王匪用憂懼

昊天降威八章章八句

有皖其星

紀彗星之祥也

有皖其星東方自出爛其芒炎指于營室自東
徂西嘒嘒終夕○粲彼宵燭柄揭于南彗之見
矣具曰凶占于以除穢先民有言○皇惕其衷
不遑安處天之方濟莫敢戲豫訓于百工交修
儆懼○咨爾秩宗邦典攸貞政之僭差爾釐爾
繩蹶蹶保章夙夜靡寧○凡此疾威下土之孽
六月而見仲秋乃滅敬哉庶徵亂是用懲

有皖其星五章章六句

皇矣

送少宗伯分宜嚴公視禮

顯陵也

皇矣 獻考敷哲維則宅茲郢方以蕃王國篤
生我 后膺符受 奕世丕承率土是式○滔
滔江漢翼軫之墟我 后龍翔奄有中區誕基
駿命光績鴻圖赫赫在天肇闡徽謨○帝念孝
思繼序無忘位號斯崇惇我天常有翼清廟祀
禴烝嘗是彛是訓申誥多方○乃命司空伐石
京師述矣山陵楹建厥規以經以營爾上爾釐
窮極制度備物多儀○秉笏荷笈翁仲祁父其
猷維何有虓有虎詭狀殊形訐訐嘖嘖浮濟涉
湘達于荆土○帝勒碑文經緯七曜貞觀丘封

篤我純孝億萬斯年湯孫是詔冢人司禁衛其
隧道○帝曰秩宗掌建邦禮爾邁其行敬績其
事司分吉蠲太常攸蒞相以九賓毋敢失墜○
公拜稽首受命于征四牡捷捷夙夜靡寧虔共
祀典告奠 皇靈我弁朱裳祗謁園陵○乃薦
廣牡乃宿金縣觀其會通象以几筵肩膺薌飴
升遐于天假哉 皇考陟降周旋○綏予一
人以介福祉公曰端歸言念桑梓式墓燔黃光
揚祖禰亟其來朝以佐 天子

皇矣十章章八句

雞鳴

送李子仁父宰分宜也

雞鳴旦旦明星有爛子之徂矣使我永嘆○將子何徂維王事馳驅豈無他人爾獨勤劬○道之伊阻曷云能辭既曰仕矣遑恤其私○綏綏者狐逐逐者鹿心之憂矣不謂我穀○我則弗穀憂如之何人各有思遑恤其他○維王事孔棘維友朋弗覲爾實我年載笑載色子之徂矣使我心怒○凡民有言維賈知價爾實予諒如食知灸○爾之弗諒我憂則邪中心惓惓譬彼

食荼子之徂矣念我實多○敬爾威儀慰我飢渴豈曰遠而將子來括

雞鳴九章七章章四句二章章六句

吉日

送大司寇崑山周公赴畱都也

肅承王命吉日于征赫赫司寇奠邦之刑於惟周公邦之老成簡孚五辭五辭明清○維王建官尊維司寇斟酌元氣是曰北斗招搖執法王之左右衮裳葱珩禮秩斯楙○王曰建業洪緒攸基五刑五罰爾其聽之胥占辜功式

下上之刑期無刑咎繇是師○公拜稽首敬命
不易獄貨之繁曰罔敬忌坐之嘉石棘木是議
制民于衷毋敢實墜

吉日四章章八句

載馳

送陳子齡也

歲之徂矣言邁靡遑僕車載馳于彼朔方山川
伊阻道路且長將子何徂觀國之光○皇皇京
邑天闕龍翔多士如雲珮玉趨蹌述職斂材萃
聖明堂亦既事舉亦既言揚○維 帝允文制

作陰陽倬彼絲綸雲漢爲章雍雍者儒利用賓
王古詠是程徽猷以康

載馳三章章八句

晨風

送陸子傳也

肅肅晨風集于北林之子遠行實勞我心○翩
翩者雉文章有粲弋獸獲之三品是薦○將子
奮飛于漸之達載翔載翔爲羽爲儀○彼其之
子賓于王所此之弗減于戍之苦○人亦有言
九執殊岐慎我幅員毋謂遠而○勉勉夙夜載

爾令德譽命有聞保爾終吉

晨風六章章四句

穆穆良辰

壽方山人質父也宴于清溪堂云蓋集者八人吳之彥也文太史曰詩有之為此春酒以介眉壽人各賦一詩以為山人壽而表也得介字

穆穆良辰仲春伊屆薄言東郊雲門于邁茂林紛披清深縈帶樂只嘉賓頰弁斯會肅肅禮容有擯有介旨酒無荒終日百拜君子壽考俾爾

耆艾

穆穆良辰一章章十四句

熙熙暮春

脩禊石湖也

熙熙暮春日維上巳穀雨伊臨乃脩禊事良朋孔偕從以童稚石湖之陰以遨以戲清川洋洋惠風時至流觴合歡稱詩言志樂矣斯 百人可企

熙熙暮春一章章十四句

袁永之集卷之一

袁永之集卷之二

樂府

皇明鏡歌十三篇

奮塗山

江之險

都金陵

戰番陽

平淮徐

克吳會

中原清

島夷服

掃八閩

荒五嶺

俘蜀寇

滇池竭

孝永之集卷之二

皇明鏡歌十三篇

有序

或曰鏡歌戎樂也亦曰鼓吹曲云其始出漢武帝立樂府采詩之官夸耀功德樂動

車輿則雜短簫而歌

之故亦曰短簫鏡歌漢曲凡二十二

篇存者十八篇而辭義不屬多不可

解如朱鷺翁離蓋有其辭無其義魏

有繆襲吳有韋昭晉有傅乃悉取

其題而更之其義主於褒讚鋪張蓋

亦雅頌之流亞也唐柳宗元準漢曲
爲唐鏡歌十三篇義襲晉魏頗足觀
采我高皇帝龍飛塗山虎變金陵
神州赤縣者蓋三百年而
始廓清底定七曜重明九疇復叙魏
巍乎駿功休烈上配羲黃下陋湯武
較之漢唐譬猶嵩嶽蟻丘江河潢涿
懸絕殊甚而鏡歌不作樂章無傳使
盛德大業鬱而弗宣臣嘗耻之今
皇上坐明堂開石渠考禮文易服制

修憲章壹軌量罔不咸正而茲事獨
闕臣不佞輒援筆爲之庶以修一王
之制作示億萬年之典則雖不敢躋
之雅頌列於漢魏亦足企及云

奮塗山

肇王業也

奮塗山基側微聖受命六龍飛提尺劍起布

衣民罔依皇耀德赫靈威亦符應白

旄麾武不殺神知幾掃攬槍殄封豨創王畧式

九圍洸洸虎臣咸來歸

江之險

始渡江取太平諸路也

江之險險莫測跨荆吳限南北神龍渡江自采
石糾六師集羣策威颺馳義電激雷鼓振雲旌
翼吐英謀抗武德攻必摧戰乃克姑孰收土疆
斥江水滔滔奄有南國

都金陵

定鼎也

都金陵布

皇綱握乾樞奠坤

防十年億萬永

疆包峻嶽大江鍾山岩峩

王氣鬱蒼有臺

高高棲鳳凰建

密室開明堂祖社列觀翺翔辟

雍闢武衛張宣

政令頒條章考制度朝五方

戰番陽

梟偽漢也

戰番陽湖水赤

大晦冥波蕩漏舟縱橫陣絡繹

僵屍流國殤泣

眾寡分勢不敵

皇赫怒決神

策驅貔貅翦鯨

鯢揮蛇矛控鳴鏑選大黃殪凶

逆貫睛裂腦師

辟易厥角崩倒戈北江漢清鄢

郢謐威八蠻震

九域拓地開疆大統集

平淮徐

定江北也

平淮徐濠泗寧師桓桓征不庭厲長轂飛重英
江之北無堅城汝潁底定青濟兼并芟羣雄息
沸爭玉帛會壺漿迎廓基緒揚威靈

克吳會

滅張士誠也

克吳會疆海隅蠢茲凶頑盜越與吳業魚鹽阻
江湖富且強奄稱孤政慢荒民毒痛兵不戢干
戈誅師百萬臨姑蘇發舡艦鑿具區糗糧絕士
為俘城隍覆宮社屠殲元惡釋無辜弛刑禁蠲

煩苛計田賦實帥徒轉漕粟輸京都荆蠻既懲
偃息兵戈

中原清

遂定河洛秦晉暨燕趙也

中原清

帝業宋室頽人網絕噫

恣毒

三光昏四維裂民怨咨日流
血皇應運宣武烈延英竒統材傑命上宰除
殘孽妖氛息天狼滅宅土中九有截

服

方國珍降也

服息鳴張寇反覆圖不祥負海徼竄南荒
逆王命亂天常出偏師奮鷹揚仗大順侵彼
疆百旅集千夫翔破竹之勢孰可當智計窮乃
來降

掃八閩

取喃有定也

掃八閩鎮南粵正辭命齊九伐鍛戈矛授斧鉞
連飛艦整巨筴冒洪濤涉溟渤梟逆徒在奄忽
神武章文教訖西漸流沙東至日出

荒五嶺

廣東西諸郡咸來附也

荒五嶺抵南交撫黔氓擾
越裳來重譯遙明珠翡翠貢天朝文犀璠瑁海
賈可招幅員萬里仰唐堯

元君奔漠北也

凱歌賞三軍田燉煌開

俘蜀寇

執明昇也

俘蜀寇競武功天設險維蠶叢劔閣截薛仰關
難攻瞿塘百折盤蛟龍水陸阻隘舟車不通明
氏竊命據高墉虎視隴右窺秦中 皇按劍授
元戎殲大憝縛狡童天下混一囊彤弓五等光
建九軌來同

滇池竭

梁王殲也

滇池竭南詔寧最遺孽敢不庭抗文告戕禁臣

連天誅馳勁兵蹋烏撒填昆明刺瓦殲達里禽
點蒼裂洱水清金齒震靄翠平壘百蠻仰 皇
靈包海外入廣輪掩羸疆恢夏經芒芒禹跡疇
與京

與京

擬古詩
人與神
神與靈
靈與聖
聖與王
王與皇
皇與帝
帝與天
天與地
地與人
人與神
神與靈
靈與聖
聖與王
王與皇
皇與帝
帝與天
天與地
地與人

袁永之集卷之三

樂府

大雅吟

對酒

精列

鰕鮒篇

豫章行

短歌行

長歌行

燕歌行二首

前緩聲歌

薤露歌

升天行

飛龍篇

客從何方來二首

空城雀

塘上行

秋胡行

明妃引

銅雀臺

行行滿且獵篇

相逢袂路間

結客少年場行

俠客篇

紫驪馬

鬪雞篇

從軍行

關山月

塞下曲

出關

入關

隴頭水

戰狼山

苦寒行

江南樂四首

採桑曲

折楊柳二首

自君之出矣二首

夜夜曲二首

長干曲

袁永之集卷之三

大雅吟

於穆 高祖天授神武 誅臣雲從 猛士如雨 迅

掃欃槍不階尺土 道冠百王 功高千古 解一 文皇

嗣服世德同符 十年億萬肇基 幽都威虺 蠻荒

澤流寰區 長馭不構 王畧式固峻我

疆隅 解二 皇皇九葉 績戎駁業 命孔純九有有

截維 帝繹思温 恭聖哲赫 赫中與無 兢維烈

解三

對酒

對酒當歌生逢聖明車書混壹天下康寧既庶
且富黷校藹藹絃歌聲
八蠻通道來庭四
門穆穆無凶人外戶不閉班白不負戴擊壤歌
太平桑麻被野六畜蕃孳倉箱豐盈獄岸刑措
民用情老死不見甲與兵天降甘露地出醴泉
四靈畢至黃河清我
皇垂衣拱手無爲而成

精列

命乃在天有生必有死何爲局促自憂煎人壽
止百年中間憂虞悔吝相糾纏人生苦不足願
得螭龍服膝飛廉整轡游戲崑崙直與黃姑玉
女相流連出門望郭北荒塚纍纍狐兔穴其顛
周孔聖且賢尚且徂落無爲迂誕學神仙嗟今
之人如虱處禪中規行矩步跼天躋地及時不
爲樂朝坐華堂暮歸黃泉嗟嗟命乃在天且用
蕩滌志意日飲旨酒烹肥擊鮮

鰕鮒篇

神龍失淵不如鰕鮒鴻鵠鍛翮不如鴨鷓瑾瑜
不售不如珉礫黼黻不御不如襜褕聖哲有時
不如下愚一解展禽三黜不薄士師尼父棲棲見
笑接輿周公居攝四國有辭顏淵掇塵跡涉嫌

疑毀譽之來孰知是非二解豫章多材斧斤所趨
制行太潔流俗所嗤木以樗壽士以智危天道
無親去高增卑君子約已稱物平施三解

豫章行

虎欲食人不能出中林鳴鴉東徙尚然懷好音
吁嗟機械之巧無如人心一解渭水雖清灌溉之
利不如濁涇狐裘冬溫徂暑不如絺綌織輕君
子在下位雖有蘊蓄不能施行二解飛兔駮耳躑
躅吳坂幸遇伯樂長鳴盧狗騰捷不遇韓國孰
知其能甯戚飯牛車下不遇齊桓焉能顯名三解

短歌行

有客有客吹笙鼓瑟人壽幾何長不滿百一解歲
聿其除時不再來譬彼薜華朝榮夕衰二解憂虞
苦多歡樂苦鮮死生契闊誰則能免三解具我旨
酒進我嘉殽且用言笑於爾逍遙四解日之方升
照臨下土及我少壯式歌且舞五解先民有言惟
樂忘憂居易俟命夫何怨尤六解

長歌行

陵苕附樛木秋至先焜黃人生如朝露壽命苦
不長日月不我假焉用徒憂傷少壯能幾何及

時爲樂康遠遊恣所適輕舉凌八極我聞崑崙
丘異人所棲息願得溘埃風白日生羽翼授我
服食方告我延年術

燕歌行二首

銅壺沉沉夜何其短衾獨宿怨孤帷鬱陶思君
君不知欲見無由覩光儀起視星宿爛參差鴻
雁哀鳴聲正悲物情慕侶尚如茲君獨契闊無
還期身無羽翼難奮飛道路縣邈逝何之客游
雖樂不如歸殊方異域恐未宜憂心默默將告
誰淚如流泉不自持人生壽命幾何時嘆恨無

如生別離

孟冬凜冽北風涼草木變衰雁南翔川原蕭條
使人傷飢烏叫嘯號枯桑洪河水堅阻修梁念
君迢迢投朔方三年無書寄故鄉欲往從之道
路長含酸積憤結中腸自君之出罷絲簧室中
蘭燈夜無光豈無膏沐爲誰妝鴛鴦雖戲兩
廂乘居匹處自成行我獨乖隔不成雙終宵泣
涕濕衣裳

前緩聲歌

置酒會衆賓列坐進壘觴中厨促豐膳妙舞曳

織裳服飾窮綺麗翡翠雙翹揚長袖隨風飄言
笑吐芬芳清歌發皓齒節奏中宮商音容惠且
和變態巧低昂觀者盡稱善四座咸若狂選部
並呈技雜還爲樂方優伶紛然進珠黛羅兩行
獻酬互交錯堂下沸絲簧櫪馬各嘶鳴安坐夜
未央生平惟此樂緩歌安能詳

薤露歌

薤上露易晞人死無時歸有志不得騁何用生
存爲高墳鬱嶢嶢荒草使人悲賢愚同一盡冤
氣竟何之所以明哲士委順不復疑處世忌太

潔衆口且瑕疵和光而同塵老氏有遺規

升天行

弭節叩帝閭雲霓屬先驅閭闔晝不閉桂樹
天樞元君啓玉齒授我以靈符秘文奧難讀
與科斗殊長跪問要訣妙道匪言說還精以補
腦顏色長美好髮白更變黑延年永不老幽通
邈上無爲惟自然凝神游邃始羽化彌閉涓

飛龍篇

輕舉騰雲遠遊乘清氣望舒使奔屬羲和爲
我御飛龍駭超驤馳騁恣心意濯髮咸池津駕

言謁天帝玉女歡相迎羽旄紛紛至捷步登文昌長揖朝法陞太微表中央雙闕秩方位白榆夾道生羣仙共遊戲素霓爲衣裳瓊瑤爲環珮靈芝粲五色食之千萬歲

客從何方來二首

客從何方來云自京師至手持一書札上寫平安字開緘讀未畢已知故人意初述思慕情中愬壹鬱志京師今何如萬事與前異問客客不知書中亦不備道遠無由采問客客不勿相忘書

客從何方來去歲發京師茲行已永入木歸春時上堂拜父母父母歡相持親交聞客至咸來叙別離去鄉三十載無日不懷思語音雖無片顏面齒昔殊昔如芳春花今如濁水泥人非金石固老醜焉可辭但願保貞素白首以爲期

空城雀

啾啾空城雀日宴不遑棲場無穀粟腹中苦飢心復畏彈射有翼不能飛性命難保託身何危相彼隅樹木茂多欲往從之道遠柰何乃心焉敢望青鳥逍遙安食玉山禾庶免鷹鷂搏逐

朕離網羅

塘上行

蒲生水中央託根難久長君情我所知不意遽

相忘解一讒言寔可畏骨肉亦參商結髮同歡愛

信誓謂可常解二中道忽改路獲罪自有故君心

如霧暄迷惑永不悟解三苦相身為女寵倖相嫉

妬行止不自由棄置不復顧解四故交雖難忘無

如新相知敝履雖難棄不如新履綦解五君心諒

不移棄我如泥滓淑慎無愆瑕雖辱不為耻解六

秋胡行

佳人一何姝採桑岐路隅羅袖出皓腕輕縠曳

文襦冶容極妍麗觀者盡躊躇解一使君何方來

騎從導前驅下車傾囊金巧笑致區區解二長跪

陳禮防賤妾自有夫未知國卿貴但知事舅姑

解三驅車返家門奉金為母壽呼婦來中堂相見

顏何厚解四與君別五載邂逅如路人顏面不相

識寧知心所親解五君心懷二三醜行妾所耻愧

彼多露言捐軀濁河水解六

明妃引

少小說禮且明詩託身克後宮豔色世

所希按... 矜妖治... 征永與君... 咸... 壹鬱可... 我居... 欲苦... 義苟生... 黃良... 自古長蒙蔽蒙蔽易如娥眉眾所嫉

復疑

銅雀臺

高高銅雀臺下對西陵樹淒風飄總帷潛寐永不寤歌伎徒自陳歡娛已非故千秋萬歲後精靈倘來聚

行行游且獵篇

大閱講蒐狩吉日簡車徒元戎啓先路左右備三驅戈鋌蔽日月萬騎紛然趨射夫咸袒裼列校集野虞舉烽遂伐鼓搏獸相歡娛繳矢無虛發殺獲在涓臾觸鋒殪青兕掩呂蹶一狐飛走

不及施枕藉於中衢舉掌計多寡割鮮進庖厨
悠悠旆旌返鏡吹喧道途感彼車攻篇哲后以
爲模

相逢狹路間

相逢狹路間方軌難並馳雕輪夾輕駟繡第盤
文螭雙雙美少年見之遂忘疲編貝呈皓齒嫵
婉巧言辭停轡問君家君家誠易知甲第冠戚
里掖庭讓門楣金壁銜列錢錯落綴火齊堂上
羅妾媵堂下列笙竽擊鍾會鼎食僭侈擬皇居
兄弟四五大者選昭儀次者爲姪娥小者克
婕妤兄爲大長秋弟則羽林兒尚方屢召見賞
賜常不貲階前植寶樹樹樹珊瑚枝自言沐優
渥終歲荷恩私金張與許史難可與等

結客少年場行

十五好騎射武斷鄉曲中任俠頗有名氣勢凌
王公吳刀耀霜雪馬蹄速飛龍腰垂雙鞬帶手
挽六石弓晨馳南山獵一發中五縱傾貲集亡
命破產以相容殺人都市傍避讐客遼東妻祭
不得顧壯士樂遠從去鄉今幾載書札無由通
白首始還家萬事俱不同墳墓委蒿萊杼軸半

已空賓徒各分散
藜藿長不充
寄語結客者
所貴期始終

俠客篇

俠客何翩翩
生長在幽燕
丹朱錯華轂
羽蓋翔文軒
鼓刀屠沽肆
出入三輔間
僕御塞途路
食客常數千
橫行盡豪舉
四座皆少年
報讐挾匕首
殺吏探珠丸
睚眦無宿怨
一飯必周旋
平生所交結
心慕劇孟賢
刎頸無怨尤
性命寧自全

紫驪馬

蹀躞紫驪馬
虎脊沫流赭
千里不生塵
問之本

無價騎出闔闔門
突過不肯下
黃金絡馬首
珊瑚綴馬鞭
束髮事戎行
出身常在邊
曾從霍將軍
單騎殺左賢
功高衆所忌
漢主各官爵
白首不封侯
牙齒今欲落
平生一狐裘
蒙茸不堪著

鬪雞篇

飛樓表闔闔
複道羅第宅
千金養死士
門下多俠客
平明肅徒御
鬪雞出廣陌
朱冠豔姱姿
金釵繁飾眴
睒張悍目揚
翹奮輕翼
趨捷惜萬端
羽毛爛五色
雄鳴厲霄漢
碎錦紛絡繹
游觀娛心意
百萬輕一擲
日旰各分散
馳騁靡所迫

從軍行

六師何桓桓大將新築壇專征非黷武談笑滅
呼韓麾下悉超距軍容誠可觀虎皮蒙金甲鶴
纒錯雕鞍鳴鏑中穀率揮矛捷如湍免胄式趨
風蓐食會傳餐原野相蹂躪縱橫塗腦肝朔風
揚鏡鼓壯士慘不歡平生投筆懷慷慨獨長歎
逢全盛日誓欲斬樓蘭勒功燕然側圖形雲
臺端

關山月

新月似弓彎征夫苦未還 奴吹感栗徬佛度

關山中宵聞此曲不覺淚潛潛那能隨朔鴈飛
過玉門關

塞下曲

飛狐偏師出靈武紛紛飛符下點兵元
部伍輕行盡卷甲設伏齊穀弩馬頭哀笳發聽
者淚如雨

出關

烽火照居庸分兵出漢宮前軍度黑水後騎發
雲中長驅沙漠靜轉戰 庭空陰山一夜雪愁
殺遠從戎

入關

射鵰馳碣石飲馬就黃河單于未擊頸天驕已
請心連營橫吹動齊唱凱旋歌邊月明金甲
霜耀寶戈封尸築京觀功比貳師多

隴頭水

與君別隴頭隴水東西流逝川無還時君去不
復畱隴水流不歇君情莫斷絕欲免長思慕何
如勿離別請觀機中素裁剪寧復完念君遠行
役會面誠獨難

戰狼山

戰狼山師失利孤軍赴闔蹈危地丹旌耀金鼓
沸響孤投袂敵王愾揮長矛截雲際揚靈仗頂
殲醜類 騎集戎馬銳衆寡不敵士短氣防豕
突縱虎噬空拳冒刃奄自斃師被圍援不三
生奔電駭無聞志大風揚砂折樹木咫尺不辨人
鬼哭僵屍彌野血蔽川烏鳶飛飛食其肉

苦寒行

嗟哉遠征人苦寒難具陳黃塵沒馬足霖潦膠
車輪朝出居庸關暮走并州路溇沱孟冬月水
堅不可渡塞外多悲風密雪何濛濛浮雲慘無

色飛沙蔽長空陰山不見虜斥堠勞且苦昨夜
軍書至士馬多物故百里逐水草千里裹餼糧
嚴冬冒霧露召募赴朔方狐貉難以居挾纊猶
絺綌室處尚寡歡何況征戍卒嘗聞昔人言五
方風氣殊眷眷懷故鄉故鄉信可娛

江南樂四首

人言江北好不及江南樂山水信清嘉風俗亦
不薄

少小住閩門正近繁華市日暮紅塵合馬蹄如
流水

畫鷁戲清波並出橫塘口將船繫樹根買魚即
沽酒

別家何草草還家苦不早呼兒細問之亦說江
南好

採桑曲

交交倉庚鳴蠶月伐遠揚江介多游女微行汎
懿筐信美土風厚儉嗇感陶唐采采桑中堪采
之爲餼糧沃野有遺秉相率務農桑罍茶而薪
樗築圃以滌塲魚羔及時樂願言萬壽康

折楊柳二首

下馬折垂楊
征人各斷腸
柔條不堪折
遠別使人傷

折柳贈征人
征人畏遠行
何人吹玉笛
吹出別離情

自君之出矣二首

自君之出矣
不復爲膏沐
思君如車輪
步步相馳逐

自君之出矣
明鏡不復開
思君如梁燕
朝去暮復來

夜夜曲二首

獨處夜如年
夜夜不成眠
惟有多情月
來照妾牀前

蘭燈明欲滅
複帳暗棲塵
空持合歡被
不見一心人

長干曲

停橈暗相語
妾在長干住
郎亦秣陵人
便可同舟去

袁永之集卷之三

以入

...

...

...

東坡之集卷之四

五言古體

南狩篇

繁臺宴集

五日桃花園宴

祝京兆宅諸文士宴集

陪大中丞顧公玩月上方山

脩禊石湖作

劉推官孟材過飲山樓

夏日諸子山堂宴集

九日泛舟石湖遂登郊臺作

宿寶華寺

堯峰觀朝雨

卒業治平寺示同志

石湖草堂成即事書懷

始發許墅別親故四首

梁溪獻諸兄

釋褐日與屠文升言懷

立秋日懷諸兄

久繫

近成

僦居慈感寺

移居峴山精舍

登飛英寺塔

山居

初晴步至蘇灣山

苦雨

春日樓居

夏日山齋作

行園

列岫樓成示諸友

王履吉卧病越溪莊携酒相看

林僉憲世觀追餞還珠洞賦五平詩言別

陽朔試諸生賦五仄五平詩

五仄詩寄王參政應時

別朱秋官瑞卿

送許廷議二首

送戚秀夫宰歸安

送沈元材宰桐廬

送謝鳳儀赴蜀

送人奉勅賜慶成王金幣

送鄭司訓之瑞安

送馬伯交之南康

送叔兄補之卒業南雍四首

送徐民則游太學

贈陳真人

贈許徵君彥明

芳樹篇贈董子元

釋毀篇投高吏部子業

答沈山人玉父

題盧師陳所居五塢山房

四悼匹首

十懷十首

悼女林詩

書是六軌爾欽矣久所期斯名宗並展

陸

繁臺宴集示諸君

飛蓋集梁園華棖啓文燕多士何逶迤
星弁禮容咸可觀獻酬互交薦大烹享
人進珍膳歌技紛前陳萬舞肅金縣茲
節時物忽以變芳菊揚其華崇林散郊
無常存令名豈徒羨執觶思有終言示諸材彥

五日桃花園宴

靈雨晨復夕新水滿陂池輕鳧駭織鱗朱榴耀

錦葵嬉遊悅令節嘉賓咸在斯暢然神飈至暑
氣清華懷芙渠臨綺疏菖蒲泛羽卮圍棋間六
博既醉無愆儀遂獻蓼蕭什還稱頌弁詩嘗聞
西園讌佚樂寧異茲

祝京兆宅諸文士宴集

山澤蘊靈異荆吳多秀民絃歌沐皇澤禮讓諳
儒紳守工秉文律述作善彌綸摠藻宣正石司
挈窮天人君子敬下士列坐集嘉賓軒卑儼登
此脾臆圓方陳絲竹娛心意歡謔各相况
玩疑義共討論食華思款曲也

傳事章句逢掖趨後塵周行勞惠示下體荷
采甄幸逢休明運文命敷海濱四靈應時集九
軌畢來臻彙征啓亨衢濟濟咸席珍

陪大中丞金陵顧公玩月上方山

詰旦趨廣渡昏莫陟崇岡川原氣候改林麓鬱
蒼蒼陰霞冠陽阿密徑阻脩梁樵采歸以絕游
豫樂未央既在嘉遯儔遂謠叢桂章霜楓麗丹
牖秋色紛難詳飛月出層霄泫露沾衣裳列筵
面澄湖肆眺臨遐荒不醉諒無歸遡風騰羽觴
令德暢徽音示我以周行悅賢喻飢渴覲止承

寵光各勉日新志豈弟神所康

脩禊石湖作有引

嘉靖丁酉三月三日上巳也其日又
為穀雨既欣令節乃集良朋爰脩禊
于石湖羨羲之之山陰希黠也之沂
水不有詠賦何以述志陶情乎乃作
此詩以倡同游之士

大化陶天地令節屆春陽澄湖包廣
崇岡嘉儵躍以嬉冥禽翮高翔微雲
風全脩之雖無絲與竹敢懷藉壺
藹遠霄

既成... 載奏山陰章悠然
正川道義唐

劉推官孟材過飲山樓

中扉忽在府中駕登樓望澄湖列宴臨

榮槿葵遠洲環桑柘新篁冷風來清

夏誦君瑤華篇逸思騁陶謝蘭卮且獻

酬焉知十其夜

夏日諸子山堂燕集

辭榮謝朱紱守寂棲青門蕭然環堵室何異柴

桑村跡已朝市絕道惟壑存忽在二三子花

下携清尊靈雨散炎燠涼颼扇微温紫蘭秀文
砌素馨香雕軒冰盤薦瓜藕珍饌羅雞豚醇醪
旨且嘉獻酢禮無煩蹇余實糞土愧爾皆璵璠
既醉思有終屬厭復何言稱詩各陳志古誼期
相敦

九日同吳元定朱日宣王履均履圻泛

舟石湖遂登郊臺作

騰茲季

秋月言遊重九辰商颼息遠臯霽旭麗

芳津山

川信可娛况也諧嘉賓澄湖翔鷁首絲

吹分前

深載登吳郊基曠望開心神一鶴唳中

天逸響落九垓仙菊浮清醴茱萸調紫尊且願
今日樂焉能知古人馬臺既蕪陁牛山徒悲辛
但願坐上客遨戲永干春

宿寶華寺

杪秋慘僚慄涉晨事遊豫川原殊氣候臨泛亦
寡趣環渚澹澄潦平陸多荒霧水禽紛飛鳴葭
葦蔓零露衝風揚夕波進帆趨廣渡雲霞異綵
翠山麓眇昏暮旃林鬱岩堯始與賞心遇丹楓
冠陽阿興矚咸可賦月出照孤澗蒼蒼隱寒樹
法侶欣招邀禪寂夙有慕清曠屏氛雜沉冥觀

良悟萬事徒龍蠖短謡輸情素

堯峰觀朝雨

山中多幽事幽事殊可悅飛雨黯以暮朝光互
明滅崇林嵐氣昏密徑樵采絕紛吾慕嘉遯茲
山亦寂茂澗水當階鳴岡巒依戶列寡欲謝所
牽冀與智者說

卒業治平寺示同志

干祿游黌校卒業投山林山芥從吾好文吏可
娛心我友粲華實翰袞逾斷金淨域寡營慮墳
典共披尋嚶嚶和鳴鳥揚園流好音叢竹無俗

氛嘉樹多清陰陶情託毫素遣興性幽琴寂滅
理無昧清虛念斯沉大道究一覽物滓澄冲襟
言小諸同好懇悃觀茲吟

石湖草堂成即事書懷

弱質弛耕牧幽棕眷一壑章句非吾好狗物豈
云樂工拙貴適已焉能縻好爵滅跡投蓬蒿養
疇對山郭傾寫諧良知篇翰時問作茲山蘊靈
異新構果宿諾幽妙難具述烟霞殊丹雘經始
寡人力垣墉謝築削疊石即故基傍巖無改鑿
粉梓羅軒楹藤花布帷幕啓扉列岡巒抗館來

鳥雀暮春美遊遨
即事多歡謔
園桃舒紅英
林篁苞紫籜
物序觀丰容
深衷遂棲託
隨時順偃息
遺情永寂寞
莫將貽匏瓜
誚撫躬媿虛薄

始發許墅別親故四首

明發辭密親
僕夫戒前驅
銜恤去桑梓
誅詭赴脩塗
通波涉廣津
舟楫具烝徒
鄰里相集送
屏營岐路嘿
問余曷遐征
偕計游天都
冬多雨雪苦寒烈
肌膚百草淒
以萎孤獸慘
號呼王事諒
孔嚴饑渴亦勤劬
古人好從事
投會輕棄繻
焉得顧私暱
坎壈局陋軀

改歲靡室處
出宿歷故疆
居人今
裹糧迫杼馳
迅湍飛旌指
脩梁懷土非
明
感自悲傷伊
予吳越民
念茲投朔方
節候
煥風氣限柔
剛踰淮橘爲
枳首
焉可忘小人
重遷徙
棲棲戀本鄉
君子崇志業
懷寶豈迷邦
無聞聖所耻
龜勉脩名揚

父
學生諸子憐
余最孱幼束
髮業詩書章
句親
口授七齡學
詠歌揖讓窺
俎豆十四游
膠庠章
縫廁群胄十五試
明經懷玉屢不售
茲晨遠行邁
狗祿事奔走上堂
強爲歡慰勉含悲
酸幸有

諸兄弟旦夕善自寬茲行非永久無爲坐長嘆
問余何時歸不得羈微官汝實多疾疚道途可
加食藥物曾携否衣裘恐未完季冬十二月北
土恒早寒汝有諸圖史逆旅且無觀僕御宜相
假相依以爲安汝實識事淺世路多險難言若
不出口慎無爲禍端念哉崇令名辭盡意不殫
長跪聞此語涕下何汎瀾飲恨出門去惻惻復
盤桓

少小寡交合託契悉英髦疇昔同蹤跡隨時俱
蓬蒿吹噓憐魚沫述作爛抽 華館集歡燕賞

夜美遊遊言笑傾廣坐燈燭粲蘭膏優容荷君
子虛薄媿吾曹昔賢喻製錦不學強操刀嘉薦
濫忝竊此離誠鬱陶飲餞陳廣陌瞻望陟林臯
燕妮同胞友言別使心忉仰視雲中鴈哀鳴亦
替吝物情慕儔匹誰能不悲號會散各有期乖
陌安可逃殷懃來什好我念劬勞

梁溪獻諸兄

發閭闔郊宵流延陵津岡阜鬱彌望原野亦
相因是時季冬月密雪蔽城闌冰潦膏中塗舟
阻河濱桑梓念睽隔風波畏苦辛生平多憂

小春戀惟交親伯也章縫彥仲氏草莽臣孔
崇棟奏說懌頰弁陳提携荷夙昔乖別愴茲
努力奉明德願言各自珍

釋褐日與屠文升言懷

多士啓彙征辟雍賦觀旂揖讓陳俎豆莫筆無
愆儀君子崇豈弟式宴沐恩私節奏肅金懸雅
頌揚魚麗旨酒可娛賓嘉肴亦維時場苗在維
繫醉飽在蕭斯章服眷新寵綈袍感故知少小
慕術藝夙昔荷提携乃綢繆斷金好諷詠谷風詩
絃匏本同調出處慎無違王陽結綬日貢禹

冠期泰階際昌明

黼座拱堯舜

席列臯夔璿璣順其序綃澹無爲天網羅群
髦冠肇何逶迤寵光旣優渥撫已益慙悲微
期丹青懋功勒鍾彝夙夜奉明訓往哲有遺規

立秋日懷諸兄

傾曦迫時寢流火知歲徂茲宵判涼溫淒氣慘
以殊蟬號條枚白露膏中途北土恒早寒絺
綌難曳婁朔風揚蕙草日摧枯嗟予遠行
旅食寄邊隅肇帶非所榮束縛寡歡娛弱質
纏疾疢福性畏馳驅流俗多忤愆禮法苦見拘

櫟非梓材丹腹焉所塗脩名耻不立撫躬昧
前圖道遠自詒阻何由悉區區

久繫

首夏就詔獄
今茲涉商秋師聽窮五辭峻罰罹
百憂明明
天子法防衛何其周晨飡荷校苦
夕寢園扉幽
脰膚嗟毀傷重以冠裳羞殷湯拘
夏臺姬文姜
王囚治長亦何罪縲紲自有由余
實曠官守負
若山
賤臣徒叩心焉得達
宸旒所冀沐
已矣誰怨尤

近戍

余戍何方薄竄投粵地於粵信樂土吳俗頗
相類耕桑可寧居方言亦無異茲惟
聖主恩
獲遂鄙人志
服官彌六朞干祿豈平意迂材寡
世用果爲時
所棄省愆復何云伏禍寧知避三
復犧牛言但
媿蒙莊智

僦居慈感寺

孤居城南寺
軒館殊清幽連峰窓中列澄湖檻
外流群魚戲
藻岸衆鳥鳴桑洲膏雨原野綠
作集前疇閑
戶寡人事
典日冥搜蕭散娛心
意焉用懷苦憂

移居峴山精舍

山寺閔精廬移居性所適寧知賓客稀漸與城
古隔岡巒何秀美蒼翠還日夕夏木密以陰幽
泉來几席開窓見漁舟湖水清且碧焚香日晏
坐遣興在篇籍余本迂散人禪林亦靜僻茲焉
老吾好已矣思屏跡

登飛英寺塔

浮圖凌泰清豁達涼風生山川鬱相向井邑互
縱橫茗水干日來隱隱抱孤城旅人何棲棲歲
月忽徂傾昔來尚雨雪今茲已朱明日與二三
子游宴寡所營

山居

野人性好靜愛此山中居閉門日高卧午窓頭
未梳釋子親樹藝飯我以園蔬春月農事興百
室勤荷耨觀賞頗娛心閒讀老氏書茲方亦樂
土何爲歎歸歟

初晴步至蘇灣山

開春苦常陰茲旦喜新霽谷風扇輕溫雲天屏
氛翳薄遊遵陽阿散步綠水滋園桃紅半舒隄
柳綠初曳高鬱嶢嶢故陟慨蕪廢昔人既補

亡今人復流滯

苦雨

淫潦何沉沉浮雲晦昏旦高衢盈塗泥廣澤增
波瀾炎州苦下濕憂來但悲歎有敦瓜蒸薪飛
飛垤鳴鶴自余客茲方歲月忽迴換遷移無寧
居喧囂性所憚疾疢時相煎焉能事篇翰願因
凱風至吹彼陰霾散

春日樓居

四野春氣改微和揚緒風新禽鳴前簷庭草綠
丰茸念茲陰陽移歲序已不同憂來傷人心七

相攻金石

何况於微躬且但徇所

無驚忡忡

及日山齋作

雲氣稍清和山齋且直

柳陰綠滿窓黃鳥鳴

和沉瘵雖未興

深無煩菴澗扉窮

心何大過

行園

野園日多暇山園時一

覓新篁漸抽徑高荷初

覆池蓄微紅霧委玫瑰

百風披夏松東堪把春

韭剪離離未指抱甕勤

叩馬劍口資頗嫌石尉

多言賞潘生嬉肆目無
留翫樓心譜所期逍遙
誰外獎勞歌知者誰

列岫標成示諾天

棲居何處薄太
發題浮二曜蒸幹垂

列星或吳會與區區
具區象河漢天

日撰書衡伊余無
貞十居獲嘉

真山川互列繁創規準
防而後以經營前軌

南嶽遙後瞻北麓尊同
思色更清雲云思香冥

望是以居此
百既言宋厚理復違射

日定樂子
下輕任考區同去

物固若此何子聖
聚也寔言之極

迂一貫昧孔訓多歧悲楊朱永漢道喪久誰當

開迷途所貴造士者同心希稼澗

春日思歸賦五仄詩寄王參政應時

歲律早已變少壯豈再得日月邁際駟忽忽意

愴惻試上桂嶺望綠野動秀色故國渺萬里矯

首不可即改火靡尺素朔鴈絕羽糞白髮苦短

短攬鏡幾太息別業在茂苑夢寐頗想憶五斗

耻紱冕一命忝翰墨伏誦石尉引更永晉令什

更嘆肆志蹈海信可則豈慕富與貴所願稼

且稽祗感國士遇未忍遽謝効哲定學做儻夙
夜務令德念我涸轍解魚沫假惠澤狗祿強就
列言已欲解職逝六舍此去出處各榮口

別朱秋官 卿

相送城南隅離懷方未已桂枝繫去揚人盤薦
沉李湖陰飛雨來山黑 眼望東流眷

歎心桑梓

送許廷議二首

驅馬出西門僕夫肅然 寒苦不難具米千石行
裹糧漠野 見牛半客游慘不樂靡

靡思故鄉簡書我所畏誰能不感傷君其崇令
名努力在方剛

問了逝何之告我將出宿昨者銓衡召佐郡
鉅見皇居切天樞冠蓋相馳逐紛紛青雲士爾
獨京轂抗義寧顧私居卑敢辭辱凡百敬爾
情言弟神所福

送戚秀夫宰歸安

文生蒞單父言公宰武城簡易象 化絃歌流
頌聲信美越陬牧山川含淑清茗谿散花竹風
俗事蠶耕筐筥率婦子錢鎛無游氓我友秉淵

尚端笏豫休明分符試茲壤祗役念遐征方懷
簡書畏誰軫別離情

送沈元材宰相廬

夙齡慕 登信美 聞桐廬茲邦信可悅土風清
以舒端委想至德 朴野類秦餘婦子勤紡績
庶業推漁定山表 靈異珍木秀而踈漁浦清且
淺溪梁觀游魚山 谷多逸民棄世慕長沮名賢
抗高烈嚴氏播璠 與緬茲富春側清風猶穆如
蔓草淪荒臺白雲 廢墟懷賢諒有述遊豫樂
只且坐嘯恢教理 治化初不擾絕諍訟無

爲宿垢祛槐榆蔭郊邑烏雀下庭除藹藹絃誦
聲章甫歌下車惠物維豈弟約已在謙虛盛德
若不足安常故無 譽請誦靖共什神聽其舍諸

送謝鳳儀赴蜀

遡行迫徂冬飛旆 指長路川梁阻峨冰岡巒隱
寒霧北極控關隘 星躔儼攸駐軒裳歛翔集介
夫共趨赴多士依 光華朱轂各有慕燕婉同心
友佐牧理民務一 麾非卑秩全蜀式王度及茲
方剛日微猷勉崇 樹

送人奉

勅賜慶成王金幣

宗子肅明訓孝友篤倫綱邁德抗先烈令譽式
宣揚司府亟以聞 皇心豫且康璽書勤歎獎
寶鑑兼 黃行人實有辭承命以趨蹌陳思敬
禮士枚馬歡游梁小子颺頌聲敢曰告多方王
秉侯度夙夜遵典常

送鄭司訓之瑞安

晨出東都門送子涉長道車塗畏霜霰舟楫苦
漕徂征殊寡歡執手且相告甌粵在南服仲
才宜可到敬敷 典常多士乃有造投我葑菲
辭子瓊瑶報

送馬伯文之南康

佐牧南康州州在匡廬下香爐天際列瀑布雲
中瀉登臨信可娛簿領知多暇懷賢諒有徵斯
文豈淪謝

送叔兄補之卒業南雍四首

我送叔氏去曰至帝城隅檀車赴脩軌不得少
躊躕游鷗翔高冥迅翮歷九區君子抗遐烈焉
能爲陋儒名實苟相眩好惡人人殊傷哉荆山
璞委之於路衢

女蘿附松栢枝蔓相糾纏如何骨與肉中道自

棄捐伊余少也賤樂有叔氏賢友于篤人綱興
文粲成篇循循孔墨訓夙夜共鑽研何圖人事
乖綿邈阻山川四載始歡聚茲晨復言旋鬱陶
傷我心氣結何能言農夫豈憂歲所患無良田
令德崇日新勉之少壯年
來思歲云暮雨雪冬陰遄歸季春月朱火赫
將臨亢旱稍以蘇膏雨灑芳林槐榆蔭阡陌麥
隴雖文禽感此時物變焉得不傷心黃塵蔽緇
衣何事久滯淫好爵未可縻歲月徒侵尋寄謝
父與母離思誠難任

煌煌

帝京邑

制度殊五方觀闕與天侔樞極

奠中央

雲翼

璇臺綺構相輝煌多士彰華組

珮玉以趨蹌小人奉薄伎發跡文藝場恭承

王明惠朝右廁

班行弱質懼罪讐致用異圓方

勢利難久居榮

名焉可常腐鼠亦奚爲陳義媿

屠羊惜無晨風

翼隨子返舊疆

送徐民

則游太學

北極奠京轂南離開辟雍日月懸人文三五登

皇風群髦若淵海禮讓何從容碩儒秉教典造

小颺懋功君子懷令德嘉會趨雲龍觀光陞庭

丁卒業成均中上堂聞絲竹當序列笙鏞道維
周孔規藝則游夏宗尚友志日廣親賢譽斯崇
君其敬自勗聖哲追芳蹤

贈陳真人

清都靈仙宅桂闕雲冥冥龍虎伏紫汞日月閱
子經疑虛駐精照抱魄辭天刑蓮花幻繡闥蒲
菊開錦屏纂組雜星裾橫玉朝帝庭永學長生
術金石擬遐齡

贈許徵君彥明

建業據雄勝鍾山凌泰清千年開王氣五色綵

霞明徵君抗高尚家住石頭城
還丹鍊紫汞
食斷黃精余昔游藝場逢之於帝京貌類古列
凡傾蓋如平生何年謝朱紱共結滄洲盟

芳樹篇贈董子元

芳樹發華滋結根崇嶽陰上天垂膏澤美蔭周
豐林董生秉竒秀行藝余所欽神水產名駒丹
丘翔文禽華亭實珍藪二陸耀璵琛遙遙曠年
歲鏗爾諧徽音曰余忝夙誼綢繆逾斷金陽禹
聞自昔嵇呂徵在今譬彼九秋榦勁節挺千尋
女蘿相依託共有凌霄心爲山不厭高掘井寧

軍深願言敦久要無如商與參
釋毀篇投高吏部子業

虎成三人鑠金由衆口無根騰謗辭太潔蒙
瑕垢周公材且聖流言肆譏醜孟軻畏臧介武
叔讒尼叟古來賢哲人萋菲興左右禮義爲不
愆人言又奚咎君實懷瑾瑜堅貞但自守
青蠅詩傷哉爲疾首

荅沈山人玉父

寢跡偃 牧息交杜繩樞事以沉瘵屏心將墳
素娛緬懷榮綺倫濁季疇與俱干旌徒見求何

似商山之塗華休文子曠代同風期惠余
盲照乘輝 珠憶昔童冠齡投契諧笙竽及茲
白首日招隱營田廬陶公誤塵網悔賦歸來辭
折腰良足羞掛冠未爲迂偉哉魯連生却秦奮
英竒肆志甘蹈海鴻譽飛九區鳳凰翔高冥鷲
鷗笑藩籬由來賢達人寧顧凡庸嗤君看五湖
長豈羨萬乘師相携遜巖谷偶耕學長沮

題盧師陳所居五塢山房

吳邛 靈隩山水蘊清嘉緬惟南橫勝 遂誠

難誇飛泉懸白雲疊巘棲頰霞連岡盡叢竹密

塢多桃花信美可以居僻性思移家君家南橫
側搜討窮幽遐俯臨北麓峻曲抱南湖斜可房
闕芝木列墅羅桑麻既寡徵稅憂兼無城市譁
茲樂寧外獎絃組亦何加

四悼四首

有引

夫蒙惠廢言期牙絕奏此由存歿之
情深而知暱之感切也死者既不可
作追惟疇昔能無悼乎於是賦四悼

李憲副獻吉

李公海嶽秀長庚兆靈異發穎由西陲空群

北冀搢詞追子長作賦焚賈誼虎視萬古前鴟
冥陋表李徐何抗英特晚達勞指示金聲叶鈞
韶兼總集能事煌煌 浴間文章準天地抗疏
逐城狐挺節詆閹寺八黨雖稽留二張亦斂避
青蠅何群飛白首從吏議淮南自狂謀公也實
奚累繁音臺昔攀嵇龍門幸無棄白馬聆雄談
朱 實 真趣三復相逢行綢繆伏高義哲人竟
山頽仰止庶可企

祝京兆希哲

祝公萬夫特殊質邁古賢錦心粲星羅繡口紛

河懸讀書數行下強記日千言覃思更生博沉
志楊雲 虞稗漁厥流 墳掘其源武庫森牙
戟腹笥傾淵泉詠諧識歲星辨議駭談天上譏
湯武疵下刺韓孟憊酒德頌劉伶草聖輕張顛
臨池歛揮翰錯落龍蛇騫一官苦不達斯文良
足傳伊余昔趨侍投贈北征篇慙非陸生材嘆
賞辱茂先大雅不可作太息撫遺編

唐解元伯虎

唐公七 大軀雙瞳 流電逸氣騰龍騏華詞縟
雲漢逞 擬陸衡廣志準王粲握槩希古人釋

褐冠群彥貝錦忽構讒虎口竟罹患梁嶽善上
書浙省薄爲掾灌園聊自娛好客日高宴一若
輕千金田李世所羨鴻情厭鷄鶻思卑斥
迢遙富春遊懷賢發篇翰著書何以多雅什庶
可玩令名垂丹青炳矣高士傳

王太學履吉

三吳富材傑王子絕代英清揚美如玉 碧嵐
令名孝友篤人綱秀斂由天成交醇醉公瑾量
雅欽黃生友文 仲德乃進師蔡 達業以精詞傾
倒峽流賦擲鏘金聲抱璞傷楚和倦游同馬卿

扁舟五湖外放浪甘蓴羹卧病歲消渴耽酒
沉冥哀鵬一何促夢蝶奄徂傾黃鳥聲孔悲玉
樓草已成曰余感夙誼古道嗟彫零

十懷十首 有引

夫日月邁於隙駟居處限於風牛是以詩有契闊之傷騷致莫悲之嘆叙既往之密歡冀方來之新晤於是賦
十懷

文內翰徵仲

內翰小子師卓行古人傑辭金抗幼齡解組脩

晚節丹青紛雲烟篇翰爛虹蜺瑤璣世所珍
代表三絕

顧中丞華玉

中丞何卓犖江左稱賀循材通略王霸學奧窺
天人忘年締友誼白頭諒如新及時樹奇業圖
畫登麒麟

施憲副聘之

施公挺召雪英譽藉九州既欽文翰工再識吏
事優混俗間清濁奉公來謗讎落落千丈松
邈焉真寡儔

田僉事希古

田子奮古閩辭場早騰驟拙宦久爲郎安貧樂
素實情布五嶽遊志好中山耐簡易良可親儼
薄宦所陋

鄺文選子京

京何同恂儒雅復溫良藻辭薄沈宗理宗
老壯賞化羨風流嗜酒慕清狂時爲青白眼厭
似猶批棟

高廉憲子業

高子似間傲意氣揭青旻沉潛繼揚叟妙希

王丞梁園憶傾蓋綢繆洞深情二俊倘可作蘭

玉欽難兄

述子

屠脩撰文升

屠君浙之秀交余爲莫逆叙年類劉廐投誼並
膠漆繾綣諒無嫌患難竟有力千秋太史公高
文永垂式

江憲副于順

江兄秉特達銳穎脫錐囊少年美白皙論交鏡
肝腸賦窺宋賈室詩登潘陸堂盤根別利器努
力及方剛

王參政道思

道思負材逸麗敏儕子安稱雄實擅場定霸忽
登壇以吾一日長同心結金蘭商山芝可茹焉
用羈微官

趙會元景仁

趙郎天下士弱冠捷龍頭文高列兩京學贍窮
九辨姦蘇公識食力徐孺作斯文未墜地之
子紹前

季札性至孝而慧度如成人五歲

以疹天賦此以志痛焉

野蔓委朝露階蘭隕秋霜蘭彫春復滋蔓委時
更芳如何令玉樹一旦埋土岡昨暮呼慈親今
晨卧堂柔姿不再覩貞魂去何方夕寢念轉
側曦食咽中腸空帷間無人忽若在我傍音微
永隔滅血淚日沾裳脩短諒由天欲遣情難忘
始知卜子夏喪明徒自傷感彼釋氏言輪迴殊
杳茫願結來生因聚首期久長

南中吟於高陵夫鼎

鼓吹

觀浴吟林太守

武安道長正山酒銀身谷山人

晉書

觀中吟於山人

四時蹤毛髮不凋不礙
聖風吼青兕辟易
羆走嗇夫股栗不敢前壯

士變色料無狙奚女緝髯深眼睛戟手黓髻垂
纓須臾鞚引藁街下俛首帖耳猶長鳴割羊

屠狗恣所欲豐芻肥蔽日不足英雄束縛亦如
此秦養恩深敢辭辱始知丹青貌不同彷彿山

海圖經中上林已開射熊館
天子賜見長楊
宮虎賁如雲兵衛列疆弩短刀防噬嚙詔謂圍

人破檻車玉階舞蹈龍顏悅我聞異物不可馴

祖揚擾之如有神水衡寶錘勅頒賜不惜金錢
懷遠人嗚呼明王慎德甲遠略珍禽音獸須教
却周征白狼荒服叛漢閉玉門歌頌作先朝故
事傳 敬皇魯迷欵塞曾來王當時謝却仰明
聖萬古史冊生輝光今 皇端拱勤內治

使 何當破械縱山林厚賞金繒絕來

夏雲篇 館試

禁城佳氣接丹 層巒疊巘夏雲稠初從火井
溫泉起復向蒼梧赤水流炎帝龍旂來虺虺祝

融鸞駟鳴啾啾九疑突兀開三輔五嶽繽紛
十洲乍看仙掌蓮花動復見天都太乙浮聚散
長依鳩鵲觀卷舒時繞鳳凰樓漢家宮闕排雲
上飛軒曲榭紛相嚮桂嶺遙連北斗高瑯臺互
對西山爽翡翠翩翩戲錦波芙蓉處處迷蘭漿
禁殿披香望翠華行宮避暑迎仙仗冰檻風簾
六月秋炎蒸不到鳳池頭誰憐塞外征人苦揮
汗褰帷戰未休

呂梁行

吾聞呂梁懸水三十仞盤渦流沫舟難進萬石

巉巖利如戟諸山決裂湍尤峻徂徠五月泉水
惡倒地崩雷赴空壑錦浪桃花夾岸高銀河瀑
布當空落鳴鑼打鼓齊發船百夫挽之不得前
連艦巨筏幾摧折鼉吼鯨吞爭沸淵誰言一葦
輕可渡強弩射潮潮益怒天吳恃險河伯驕帝
閼重重那可訴憶昔神禹疏九河龍門砥柱功
景多地平天成九疇叙然後懷襄底定無洪波
自從漢塞宣房始河決滎陽凡幾徙遙憐遷客
賦黃樓猶有行人歌瓠子文皇卜鼎都北平
轉漕直達幽州城踰淮歷濟趨輻輳軍輸國計
勞經營當時呂梁多險阨萬國磬磬畏徭役疏
渠鑿石殺水怒遺事猶說平江伯只今水利多
是非天子盱食仍宵衣司農漕粟阻不進使
者按船捷若飛江淮連年苦彫瘁運餉誰當念
勞勤吁嗟安危有公等白面書生安敢議

閩門行

閩門巍巍連紫極疊雉崇墉控疆域飛梁作鎮
限關津廣市開塲通貨殖土風清嘉想端委里
閨驕奢誇鼎食城中綺構排雲起城外青槐當
路植梁鴻橋下柳千條秦伯祠前花萬色紅塵

日晚驅雕輦碧草春來迷玉勒魚鱗彤彤開宅
第夾道雲甍對迢迢鴛鴦織就綴文茵翡翠裁
來妝寶髻橫塘二月春氣濃中流畫鷁看搖曳
陌上行行霧縠紛花間往往牙檣繫公子前溪
唱豔詞佳人子夜翻新製朝朝簫鼓出城闌夜
夜蘭燈迎水裔憶昔夫差全盛時離宮望幸駐
行麾錦帆涇遠菱歌緩銷夏灣深彩仗移走狗
鬪雞心未厭穿池鑿石游難徧初從雲嶠起郊
臺更向花洲開別殿屨廊香徑何容與冰簾水
檻疑無暑晝觀劍客舞青萍夜引西施歌白苧

此處文字極為模糊，難以辨識。僅能辨認出部分字樣，如「天」、「公」、「海」、「民」等。此處應為另一首詩或詞的殘存部分，因印刷或保存原因，文字已嚴重模糊。

送文內翰徵仲還山歌

朔風吹沙地欲裂燕京十月多霜雪郭隗臺前
落葉飛武侯祠下行人別憶昨徵書下玉京公
車薦士達承明蒲輪遠致商山皓束帛能摺魯
兩生丈人家住梁鴻里弱冠爲儒事文史不獨
新詩繼國風自有芳名動人耳五侯持書來識

面群公走幣要相見懸黎結綠歛增價御李爭
誇承顧盼讀書萬卷不逢時獻策金陵悲數竒
石湖未減東山興茂苑空吟梁父詞買臣五十
方就辟白首揚雄猶執戟校書天祿奉奎章待
詔金門宣制冊秋風一夜思鱸魚乞歸新捧紫
泥書誰能忍耻事干謁嬾學相如獻子虛客星
浮沉辭帝座直道難容文寡和江驛梅花悵
遠離柴桑松竹宜高卧憐余薄宦滯京華北鴈
南歸每憶家何日拂衣三島去時來問字有侯
芭

送陳少叅魯南之江西

金章荷聖恩辭出大明門驛路雲千里都亭酒
一尊康郎城邊春水發滕王閣上懸新月輕帆
直下疾於飛幾日看山遍吳越楊雄白首薦公
車曾作詞臣侍石渠直道自甘終放棄高才誰
肯借吹噓藩叅四品官不薄豫章猶勝長沙惡
簿書錢穀亦何勞十載功名至方岳春來彭蠡
鴈難聞江草江花杳暮雲南歸正及鱸魚美直
北相思不見君

匡廬行送王太守公濟

匡廬何重重秀出香爐峰層巒蔽日月疊嶽
芙蓉天河倒傾瀑布裂毒霧連山晝明滅長風
萬里吹海門彭蠡波濤滾飛雪我聞匡廬山中
亻古列仙丹房粲靈芝石室開青蓮使君澶淵
駒馬客刺史今爲二千石去年剖竹官平陽平
陽古稱堯帝疆土風儉嗇民務簡山水豈得如
南康僕本草野人好遊慕子長訪道遍五嶽所
亻正四方與君有神文相逢燕市傍側聞匡廬
勝言之安可詳何能生羽翼天路相翱翔

鳳凰臺行送楊用德

鳳凰臺在五雲中天門照耀 高皇宮鍾山岩
 帝敝日月江水直與銀河通長淮二月冰已泮
 君到春衣猶未換千條楊柳映紅樓十里荷花
 開錦岸憐君拜官廷尉平躍馬朝朝出貫城太
 平堤上鳴珂散玄武湖頭擁蓋行青袍皂帽人
 不羨三十為郎官不賤相如未受漢主知賈生
 不得吳公薦金陵山水最清妍法曹無事只高
 眠養生或注參同契閉戶惟應草太 看君
 是悠悠者名位不久居人下別後無令尺素稀
 新詩繼風雅

江子春

燕山正可梨花多行人幾日發滹沱
 不忍別幼手聽我驅駒歌憶昨扎策工
 王陽結綬真公喜紛紛豪俊不如君
 能有幾君家兄弟世所無雄詞逸思
 中白刃斬脫穎檣上健駒思過都中朝江
 俠客獨抱奇材人莫識人言袁生真腐儒
 惟爾與吾為莫逆讀書秘省一無成卧病
 文園類馬卿踈慵頗遭世俗議貧賤不免
 兒曹輕人生榮辱難自料虛名翻被旁人
 笑買臣五十運始通

劉向十年官不調今君作宦向金陵河漢浮槎
望使星莫辭案牘勞終日猶勝山林老一經

太華山歌送張邦孚宰三原

迢迢太華山縹緲霄漢間左控桃林塞右走藍
田關仙人掌上長雲雨明星玉女空中起沃野
茫茫白鹿原濁涇浩浩黃河水張

夫朱唇白面閑且都官階七品墨

里銅為符君今為我三原去寒日蒼

關沙不見人離頭落葉紛無歸

金馬門金馬門筆筆年年少少鼓鼓相相親親看看君君博博覽覽才才沉沉

厭奔走隨風塵男兒樹立貴不朽功名肯落他
人後楊雄不羞執戟郎汲黯豈薄淮陽守世人
往往輕儒生材具如君那可輕此行甞試牛刀
利萬里驂騑自有程

送陸子遊秦嶽

有客手珮蒼精龍告我遠遊登岱宗岱宗根蟠
九百里絕頂上有秦時封金泥玉笥秘難見古
文竒字誰能辨日觀遙看碣石津雲峰正對蓬
萊殿海中鰲身應天黑三山湧出神仙宅貝闕
參差結蜃樓珠宮掩映藏蛟室君登秦嶽觀滄

海九州四瀆皆安在堂上遺音想絲竹壁間經
傳尋魚 丈夫所志在蓬桑焉能局促籠中藏
看君一劍行萬里五嶽之遊自茲始

送沈山人玉父遊武夷

武夷三十六高峰層巒削壁何重重清溪九曲
似明鏡曲曲倒浸青芙蓉仙人控鶴去已杳沈
生好奇快幽討禮斗壇前吹紫簫昇真洞口探
瑤草幔亭宴罷寂無聞何日一梁度絲雲仙籍
倘書余姓字齋心同謁武夷君

送仲兄尚之季弟紹

同鯉姪赴試留

都

金陵帝子宅

大聖開洪基千

千王氣鬱長在

石頭爲城江作池我

明人才

過前古天網磊

阿羅英竒榎楠豫梓構清廟大

洋深山方有之

吾家兄弟在人口八元數協高

陽期仲兄詞鋒

萍秋水季子腹笥雲烟披一雙明月出海底光

彩照耀珊瑚枝阿咸昂昂千里足追風逐電誰

能羈長干市上昔同醉

武湖畔常相隨荷花

兩岸爛紅錦楊柳樹樹啼黃鸝鳳凰臺空李白

打但見麋鹿游荒陂登高懷古幾悲詫酒徒詞

客今留誰當年釣鰲差快意此日荷鋤聊爾爲
朱輪繡轂豈不好巢許夔龍各有時男兒所志
萬人敵肯學斥鷃棲藩籬今之董賈正兄輩棄
縉早受 明王知

寄趙叅政鴻遠 有引

趙君給事黃門十年不遷久之擢叅
政山西超然罷歸余夙投末誼欽慕
高輓爰寄此篇

龐萌掛冠去疏傳拂衣歸昔賢抗遐烈夫子亦
知幾十年給事黃門裏言貴何心戀青紫鷓鴣

我袖中出示瑤華篇滿堂共駭蛟龍騫託交盡
在青雲上然諾豈徒杯酒前論文靡靡日不倦
况也高談多口辨源委遙追大雅還體裁近詫
黃初變世人是古遂非今鍾期不作誰知音看
君自負亦不淺謂我粗知郢客吟國風冲融崇
典則 以來宗匠出步驟時窺作者心掃除
實賴諸公力顧我繩樞實不才自甘樗散棄蒿
萊追攀屈宋他年事任爾橫行萬里來

中洲歌贈徐山人

我聞十洲在海中蓬萊高切一霄宮仙房帝館

杳難測璇題銀榜遙相通清虛邈與人世絕中
有群仙盡綠髮吸露朝朝飲玉漿食霞夜夜和
金屑秦皇漢武昔好仙東方徐市何其賢靈藥
空求勞入海大丹難就想昇天徐公磊落滄海
客虬髯方瞳身七尺仗劍曾排閭闔門掛瓢直
向扶桑側嗟余頗好道遙遊與爾相期到十洲
塵世糝糠真可厭笑騎白鹿上丹

喻將軍歌

喻將軍好武兼好文生駒禿騎走似電百步一
鏃紅心分狂歌痛飲酒數斗琵琶短簫不停手

雄心爽氣何翩翩論交豈任相知久男兒負材
多好奇豕何爲君不見漢之霍衛起

奴隸高牙大纛須自致

月夜飲浮玉山醉贈長谷山人歌

山人載酒來山中邀余浮玉山頭飲青天張幕
月爲燭蒼苔布席石爲枕風吹玻璃鏡湖碎烟
開芙蓉畫屏翠試問空山千載來誰如狂客今
宵醉吳興山水勝輞川山人近買茗谿田自言
堪輿術甚妙謂得景純書秘傳野人無家思卜
築欲向湖頭縛茅屋他日期君好結隣放浪漁

樵一生足

邵成都仲村過飲草堂醉贈短歌

君不見石崇金谷今安在謝安東山陵谷改人
生忽若草頭露河清海變誰能待成都太守休
嘆嗟當年同看長安花一朝掛冠武林下荷鋤
學種青門瓜世間翻覆無不有浮雲富貴真芻
狗何用長存身後名祇須痛飲杯中酒君家兄
弟二陸才黑頭早賦歸去來古人往往困屠釣
我輩落落俱蒿萊西湖春來淨如鏡南峰北峰
翠相映六橋烟柳隱孤山古樹迷樵徑林

袁永之集卷之六

五言近體

大駕視牲南郊

齋宿院署

人日齋居雪霽

大明門候駕

五日賜百官綵扇壽絲縷

西苑秋望二首

頌

至日

大廷尉江陰湯公命賦四題一蔭胃子二侍講筵三頒書四讀卷叙異數云

人日宴石湖草堂同諸文學分韻得星字

人日宴蘇司馬惟和宅

元夕戴烏程獻之携酒慈感寺

上元日觀社石湖遂留草堂觀燈

正月十五夜

上巳脩禊天池同文太史

五日

夏日庄居五首

同諸文學避暑石湖二首

立秋日獄中作

新涼

秋

七夕飲吳太學次明宅

中元夜同王子美朱日宣行春橋看月二

首

秋熱

中秋之閨宴王履吉草堂

吳興中秋對月

八月十三夜行春橋賞月

十四夜待月上方山

十五夜飲第六弟山樓不見月

十六夜列岫樓雨

十七夜再過行春橋賞月

九月桂嶺宴集

九日渡黃河作

憑虛閣宴蔡丈九遠

張園賞牡丹作

同王太守公濟查蕉部調瑞張員外永

再過張園

侍宴官諭張師宅

宿高吏部子業西園

宴浮玉山同王判官大雨

邵文化携酒山樓

王員外汝化過飲桃花園

文內翰過飲列岫樓

湯錄事右卿石湖舟宴

徐錦衣東園餞龔諭德鳴治

宴徐錦衣宅

真州宴蔣叅政子雲

陳少叅李叅戎邀宴立魚巖

宴虎竹亭同章廉叔徐子言

趙職方子衡過訪橫塘別業

陳杭州魯得夜叩山扉留飲

馬大叅順卿過橫塘言別

飲芙蓉桂花下

仇侯園池三首

鏡光閣

玉泉山

功德寺

達磨洞

大報恩寺

鍾山

自龍江泛舟至燕子磯

觀音閣

靈谷寺

鷄鳴山塔上

同王少叅在叔陳職方魯得登天禧寺塔

金山

廣陵對菊簡朱侍御子禮

天寧寺同子禮

摘星樓

高座寺訪宗伯昭

宿天界寺半峰房二首

夜發松陵

入越

吳山旅宿

紫陽菴

昭慶寺

淨慈寺

宿靈隱寺

孤山

玉泉觀魚

冷泉亭

飛來峰

宿中天竺

六橋

仲春同施憲副聘之遊峴山看花胡村登

浮玉而歸賦詩三首

碧浪湖

湖頭坐

歸雲庵宿

同陳教授士仁劉推官孟材唐三事子鎮
登道場山作

峴山同劉孟材觀雪

靈巖

雪中遊虎

登寶華諸山

雨中遊虎

虎塔王太史繩武同賦

避暑鄧尉山閣

同文太史徵仲方山人質父過幻住庵

寶帶橋與履吉同賦

蓮蕩舟宴二首

韓氏賞菊

湯右卿自江陰致菊四種

山樓成

伯充園池三首

園居秋霽文休承過訪

病瘍初愈文太史過訪

卜居橫塘作

蒼梧作

春去

憶橫塘別業

謁柳祠

謁劉賢良祠

賓州逢馬侍御君卿

南寧報

南寧報

昭潭見雪

自柳至平樂書所見五首

虞山別潘臬諸寅長三首

唐永州國秀招遊朝陽淡巖二首

浯溪

岳陽樓

東林寺

仙人何處所

客至

鎖院聞潞賊消息

獄中始見二毛

聞蟬

見螢火

苦雨

伯兄至

伯兄至不得即見

又客

白藁

聞召

學稼

種竹

竹下

新茶

山院芭蕉花開有甘露可食

揚花

燕

招鶴二首

送少宰溫公歸省三首

送管汝濟使韓府

送林中丞

送大方伯金陵顧公

送劉京兆獻甫北上

送陳德夫使魯首三首

送陳侍御原習謫教海陽

送人謫全湘

送錢振之出守肇慶

送張行之飭兵榆林首四首

送陸德儒守漳州

送魏冬官師召權稅蕪湖

送樊少南二首

送湯廣文之安吉

送朱尹敬之赴召

送賀尹應璧赴召

送人官吉府良醫

送許仲貽會試赴留都

送揚子任會試

送趙子衡就試浙中

送王元冢會試入覲二首

送章伯庸會試歸成都

送文一壽承王九祿之卒業治平寺二首

送喻秀才還成都

送伯兄赴任臨江

送吳明仲會試二首

送陳啓之讀書西洞庭

送叔兄與之游太學二首

送紹之弟赴試

送陸幼靈

送楊子任慮囚福建

送僧還金山

送翁仁甫按察四川五首

送蘇惟和北上二首

送張憲副國信還巴陵

送王蘇州子正入覲

分題得百花洲送王子正

送仲兄尚之赴試北都二首

送陳司訓教諭丹陽

送舒侍御紹安還朝

送慧公之京

送慧公住持寒山寺

贈施聘之

贈何伯直

贈焦將軍

贈白都閩

賦得采石渚贈馬員外順卿

贈嘉定尹李資坤

贈邢處士麗文

贈湯太學子重

贈鄭山人

贈峴山際和尚

贈紀山人

贈武林余道士

訪都太僕 敬南濠書院

訪呂山人彈琵琶

湖上別王員外道思

簡王直夫博士

寄高子業吏部

寄凌司訓時東

寄楊用修太史

寄王蘇州子正

寄題王履吉越溪庄三首

題徐太守沙岡別業

和湯右卿客游燕臺懷故國之什

次大司馬總督蔡公途中言懷二首

荅曾叅政懋遠

荅李淮安子中

荅程客見懷

哭琴士張大本

少司空永康徐公挽歌二首

大廷尉江陰湯公挽歌二首

哭王履吉二首

張貞女二首

袁水之集卷之六

大駕視牲南郊

大路調仙馭朱旗列禁城 帝牛三月繫田燭

九衢明月並龍旒出山將綵旄迎橫汾早漢詠

裡祀秉皇情

齋宿院署

璧薦崇元日郊裡戒百工泰壇雲霧裡象輅羽

儀中越席陳陽位 端處法官甘泉徒欲賦文

藻媿揚雄

人日齋居雪霽

瑞雪逢人日堯年感物華水從銀漢落山繞玉
關斜帳殿披晴靄郊宮闕綵霞今朝禁城望無
樹不飛花

大明門候駕

虎旅驅中道鉤陳警六飛

群望畢宣室受

釐歸旭日迎芝蓋晴雲拂羽旂笙歌前路擁拜
舞接光輝

五日賜百官綵扇壽絲縷

鳳詔傳中使雕函出尚方扇裁明月滿絲曳綵
雲長組織觀文藻吹嘘荷寵光南薰迎律動

聖壽與時康

西苑秋望二首

星樞嚴紫禁日觀表黃圖華闕中天起瑀臺冠
嶽孤九門環太液三島祕方壺王氣自朝夕清
秋雲物殊

列職僊曹末長趨廣內遊離宮開水榭馳道亘
花洲荷氣薰衣麝泉聲引玉騶金莖雙立處遙
望露華浮

頌

一王頌

豸七政理虧盈斗柄臨黃道龍躔指

玉衡攝提貞日馭析木會天行載驗保章氏因
思洛下閔

至日

雲物指昭回 冥霽色開飛灰占密室銅渾測
靈臺鳳至知時變星迴感歲來垂衣仰 嘿稽
首咏康哉

大廷尉江陰湯公命賦四題一蔭胄子

二侍講筵三頒書四讀卷叙異數云

棘寺平反久虞廷奏績殊恩波霄漢下禮樂辟
雖趨世祿雲仍美孫謀燕翼圖三槐早已植拭

目爲大衛

虎豹橫經地鵷行侍從臣袞衣高黼座環珮擁
楓宸論列絲綸密光華日月親長陪栢梁宴時
奉屬車塵

皇訓三言切天章五色流恩頒中使渥詔出尚
方似秘府徵文獻儒林喜校讐瑤函兼玉軸只
尺對龍旒

哲后臨軒日王賓觀國時五雲翔紫極三策奏
彤墀寶鑑瑤琨貴饗羞水陸竒瓊林恣歡燕親
聽食苹詩

人日宴石湖草堂同諸文學分韻得星
字

獻歲逢人日開筵聚德星和風喧谷鳥淑氣轉
堦莫結勝花爭綵迎春柳變青草堂歡賞洽誰
復羨蘭亭

人日宴蘇司馬惟和宅

相邀人日宴喜見使星輝舊許論心密今憐會
面稀山城新月上江館落梅飛更聽懸河辨厭
厭夜不歸

元夕戴烏程獻之携酒慈感寺

清宵張綺席上客集華纓月競花燈豔風飄玉
漏聲舞人呈百戲歌管沸千城旅思逢佳節飛
觴細細傾

上元日觀社石湖遂留草堂觀燈

簫鼓喧春社煙花集夜筵寶燈明大地火樹照
龍天清梵香風度祥輪綵月懸誰憐多病客寂
寞獨叅禪

正月十五夜

魚鑰通宵啓紅粧作隊行穿花絲管急踏月馬
蹄輕歌雜平陽舞燈疑不夜城四方幸無事長

此樂昇平

上巳脩禊天池同文太史

袞襖乘春暮名賢此地臨清池魚躍藻翠嶺竹
成林鄭女遺蘭葉金人戲水心茲游真極樂何
以異山陰

五日

客邸逢陽午羈愁苦憶家虎符分大內龍艦鬪
晴沙角觝千官戲瓊杯九節花子牟江海士空
復戀京華

夏日庄居五首

一畝自爲宅五湖聊可家門陰徵士柳園熟故
侯瓜脫粟歲堪飽濁醪時肯賒誰能慕簪紱
不換煙霞

田家殊作苦今歲復恒暘憂旱思驅魃祈年笑
暴疋且耽河朔飲頗厭桔槔忙病暑成消渴時
尋肘後方

門前新漲滿恰好沒漁磯下釣驚鷺浴開簾放
燕飛納涼憑水檻習靜掩山扉蕭散無拘束林
泉志不違

樓閣層霄上河山四望通開襟迎爽氣捲幔納

雄風登眺身逾健琴尊興不空日長無一事高
枕北窓中

山居嫌寂寞賴有問奇人束帶真吾懶科頭任
爾嗔論文慙客難携酒慰家貧未得同沮溺虛
名累此身

同諸文學避暑石湖二首

理棹泛湖陰停橈占水心風簾煩暑隔水檻薄
寒浸劇飲方河朔良儔選竹林蓬壺何處是只
向此中尋
綵鷁浮天上紅粧照鏡中歌翻金縷曲人住水

精宮醕酌山公似清狂賀監同歸舟不借晚為
戀舞雩風

立秋日獄中作

秋風來紫極爽氣入黃圖草木川原改乾坤歲
月徂蕭條悲宋玉岐路哭楊朱束縛緣何事真
成一腐儒

新涼

好雨消殘暑輕雲澹素秋水亭荷氣入山館樹
陰稠冰簟風生縠細簾月上鉤函歌感時物大
火已西流

秋

秋氣入虛館澹然神思清風泉滿幽聽
居情丹楓霜後落白雲天際生考槃復何事
流歌濯纓

七夕飲吳太學次明宅

華館同心侶佳辰濁酒杯斷虹沉古堞
輕雷靈寢天河隔僊旌閣道迴那堪事
機杼悵望鵲橋隈

中元夜同王子美朱日宣行春橋看月

二首

中元節來陪達旦遊月當今夜好客爲故
人留皓魄渾疑晝寒光更挾秋乘槎吾興發直
欲問牽牛

月白蟾疑動秋清桂欲彫金波浮綺席彩暈射
星橋雲遏袁宏嘯風傳子晉簫遙思牛渚會未
必勝今宵

秋熱

吳地何卑濕秋天尚鬱蒸火雲殊少雨赤日但
多蠅暝憶金莖露涼思玉井冰祇應河朔好痛
飲酒如澆

中秋之閨宴王履吉草堂

燕賞憐秋半朋游選閨餘月當瑶夕滿雲向絳
河舒籟靜荷香發霜清桂影踈袁宏興不淺雕
藻媿瓊瑤

吳興中秋對月

瑶空懸朗月銀漢滅纖雲人在他鄉看秋從今
夜分光凝浮露氣魄散掩星文何事西飛鴈悲
哀不可聞

八月十三夜行春橋賞月

皎月昇清漢金波散碧湍光搖牛渚動氣歛鵲

橋寒乍擬弓將滿還愁扇未團不能明達旦秉
燭盡餘歡

十四夜待月上方山

憑高臨寶地選勝陟旃海涌金輪出風驅綵
霧收素娥懸鏡照神女弄珠遊彷彿登縵嶺簫
笙滿十洲

十五夜飲第六弟山樓不見月

花萼樓頭月清輝竟黯然翻憐三五夜不見十
分圓陰霧沉朱戶浮雲暗錦筵無由開寶匣一
照玉臺前

十六夜列岫樓雨

今夕是何夕雨聲殊未乾月從他處照人擬隔
年看鬼怯秋毫濕澹愁桂樹殘庾樓空獨倚對
酒若爲歡

十七夜再過行春橋賞月

皓魄憐微缺清光喜倍多冰壺浮桂影素練展
湖波水即通銀漢橋疑跨絳河人間無此地只
向廣寒過

九日桂嶺宴集

鳳嶺攀叢桂重陽賞令辰花開金粟樹酒送白

衣人翠靄圍歌席香風逐舞塵龍山今日醉落
帽任吾真

九日渡黃河作

河水出崑崙湯湯日夜奔波濤萬壑勇風雨二
儀昏洛邑中天室函關左孟門白雲馬地睡
望一銷魂

憑虛閣宴蔡丈九達

複道飛樓出懸崖雜樹交山川雄地紀共甸散
皇郊蘿幌棲龍象風林落鸛巢遙歡賞洽竹
裏促行庖

張園賞牡丹作

戚里園亭好名花惜看遲
連枝紫說平頭勝紅誇
似習家池

同王太守公濟查

清再過張園

五馬聯鑣出千花
復徑開綵霞迷望去香霧逐
人來雜戲陳風榭
華筵敞露臺諸公能賦者不
媿大夫材

侍宴宮諭張師宅

侍從台階迥官僚地望尊
敢攀徐稚榻許過鄭
門水檻紅蕖出風簾翠篠翻
晚涼無暑氣高
樹夏禽喧

宿高吏部子業西園

別業西郊外相邀興不孤
入門惟果木當徑即
庖厨狂簡真吾黨浮沉媿腐儒
為農豈君意聊
此著潛夫

宴浮玉山同王判官天雨

湖泛春愁減山躋晚眺開
魚驚投餌散燕逐捲
簾來掃石移瑤席調笙促羽杯
相如自多病強

爲一登臺

邵文化携酒山樓

山扉雲卧處湖閣客來時陶令頻中聖侯芭獨
問竒忘機馴白鳥靜坐聽黃鸝君莫嘲空寂參
寥是我師

王員外汝化過飲桃花園

上客文軒集荒園草宴開自緣乘興至亦爲開
竒來燕語驚壺矢花飄泛玉杯送春源盡醉卜
夜莫相催

文內翰過飲列岫樓

杜門辭俗客開徑與向文文史清言洽樓臺爽
氣新庾公寧興淺徐穉自情真湖上鱸魚美
期醉幾巡

湯錄事右卿石湖舟宴

湖淨鋪秋水山昏斂夕暉雲隨畫鷁動回送羽
觴飛月出罷秉燭夜涼思授衣何時更此會明
發恨分違

徐錦衣東園餞龔諭德鳴治

名墅同金谷離筵集玉珂霜庭垂早橘山沼敗
踈荷別思聞歌異秋懷向醉多歸朝奏殊績得

士滿賢科

宴徐錦衣宅

公子開華宴仙郎廁勝招舞將金作埒歌以玉
爲簫飛羽千觴急當場百戲嬌厭厭紅燭下歸
路不知遙

真州宴蔣參政子雲

燕地相逢日江城再會年歸田惟舊業開徑有
新篇細雨淹芳節飛花戀別筵子雲今白首
草幾時傳

陳少參子參戎邀宴立魚巖

仙巖開洞府綺宴集賓僚木落河山出秋深瘴
癘銷言忘日暮逸思入雲霄更喜蠻烽息酣
歌託聖朝

宴虎竹亭同章廉叔徐子言

清川縈碧沚崇阜帶華林燕適喜秋霽游盤忘
夕陰歸禽天外急疎竹風前吟聊同嘉客賞遐
想七賢心

趙職方子衡過訪橫塘別業

陶令歸田日侯芭問字來燈花連夜喜竹葉一
尊開荒徑餘黃菊空庭滿綠苔柴門新月上相

送剡溪回

陳杭州魯得夜叩山扉留飲

使君真好事子夜叩山扉念舊綿袍贈迎新駟
馬歸星河當戶近風月入簾微曙旦聞鷄唱江
津望鷁飛

馬大參順卿將赴閩藩過橫塘言別

雲卧門常掩星言客暫過風塵十年別骯髒二
毛多暑氣清林竹秋容澹澤荷園亭稍堪賞不
飲更如何

飲芙蓉桂花下

幽居屏人事散步窺西園
安此池一水獨開花
下尊迎風桂子落照水芙蓉繁日入且歸去沉
冥誰共言

仇侯園池三首

出郭游金谷邀賓並玉珂
林花疑杜曲池水引
天河疊石防魚逸開軒聽鳥歌
主人能好客乘興數相過

蘿逕重重入花溪曲曲通
鹿眠盧橘下魚戲芰荷中
陰洞泥丹竈雕梁掛角弓
雨餘殘暑退坐待舞雩風

別業仇池勝元戎小隊邀
花間嘶筮馬竹下解
金貂飛瀑懸雲竇層臺俯
麗譙捲簾看月上歸
路不辭遙

鏡光閣

絕磴翔雲上飛軒
旗亭開百市魏闕枕
三台地入榆關險山近
苑來登高還望遠秋
氣使人哀

玉泉山

野寺層峯抱山泉百道流
風傳環珮響谷和管
絃幽度嶺行還坐觀魚去
復留誰知 帝城外

數里即丹

功德寺

宣皇臨御口此地數游觀
花下停雙輦松間拜
百官雲長依寶座月自照
瑤壇寂寞橋陵路惟
餘古木看

達磨洞

三秋懷土望千里倦游情
陰洞懸崖綴飛泉激
澗鳴雜花難辨種恠鳥不
知名幽獨下雲嶠遙
聞清磬聲

大報恩寺

擔囊游建業下馬問長干
風鐸喧清梵雲旛表
麗觀鹿麕歸別院松子落
虛壇欲訪東林社時
來聽涅槃

鍾山

萬歲 宮闕三秋紫氣凝
悲風動松柏落日照
園陵劔舄橋山葬衣冠
寶厓登萋萋一抔土猶
憶鼎湖昇

自龍江泛舟至燕子磯

飛鷁臨江口鳴笳轉石頭
晚霞紛落照秋水淨
中流遠樹依微見長天下
上子不須牛渚泛真

吳公游

觀音閣

翠壁龍宮隱丹崖鳥道
浮空山氣昏窓霧潮聲
此益無窮

靈谷寺

古寺橋陵側高松數里
雲深谷響傳天籟泉幽
日下空林

鷄鳴山塔上

大江天設險高閣地
灑風坐令懷古意對
入門吻鹿臥穿徑白
梵音坐令塵慮盡寒

結構空中出招尋象外幽
鍾山蟠地起淮水截
江流城闕因天險疆場盡
帝州登臨殊未已
還上最高樓

同王少參在叔陳職方魯得登天禧寺
塔

丹霄翔雁塔飛步躡層梯
思入三山杳身凌萬
象低大觀窮眺望清賞愜
攀躋頓覺泠然善津
梁永不迷

金山

舟從京口大江孤
小閣遙吞楚山長

入吳海門分脉絡斗極望
虛無直北浮雲外迢
迢是 帝都

廣陵對菊簡朱侍御子禮

官衙無一事買菊種幽軒
留滯非吾意相看豈
故園金英團露滿碧葉
受風翻獨酌懷僊侶無
由與晤言

天寧寺同子禮

靈關陪燕賞高閣上逶迤
雲堞窓中見風帆樹
杪移野花明繡服僊菊
薦蘭卮向晚猶行樂飛
籌每恨遲

摘星樓

法界樓隋苑星樓委廢臺高秋躍馬望遺事使
人哀池想龍舟戲堤聞玉輦來南朝歌舞地何
處不蒿萊

高座寺訪宗伯昭

古寺無來客空山獨訪君松聲響秋雨竹翠染
寒雲典幽時悟名香靜處聞誰言消渴病不
廢長卿文

宿天界寺半峰房二首

殘照已全匿空門猶半開行人失歸徑落葉厚

荒苔顯色野烟含寒聲山雨亦遠公應好客宿
鳥莫相猜

避喧投淨域休沐息旃林未得空中悟聊清物
外心談叅奧義寶思滌煩襟一接高僧論都
忘永夜深

夜發松陵

杳杳吳州盡冥冥越岫來霜河孤鳥沒雲水片
帆開木落天時改星昏斗柄迴風波方浩蕩懷
土思悠哉

入越

問我曷棲棲東行入會稽輕舟下蔗里別業訪
茗溪斷岸魚梁出清沙鴈渚低茲遊豈無意興
與子長齊

吳山旅宿

蕭條湖上居芳歲忽云徂
父客歌彈鋏窮途慟
返車霜繁秦望失木落武隆踈
仗劍出城去茂陵歸著書

紫陽菴

紫府藏山洞丹梯轉殿廊攀崖
魚貫穿徑繞羊腸石險形疑墜
臺高勢必深丁年令威去誰

授

昭慶寺

山翠分屏拱湖流作鏡看龍宮
懸日麗珠刹拂雲寒琪樹幽巖
穴瑶花淨石壇登臨謝拘束翻
喜罷微官

淨慈寺

複殿聳崔嵬飛軒豁達開金銀
粧梵像蒼翠湧香臺月桂臨巖
發風松夾澗哀秋陰動涼思頓
覺減氛埃

宿靈隱寺

石棧危峯逼龍堂古寺開閣陰秋月暗江響夜
潮來聽雨同高榻看山對舉杯宋公佳句後千
載獨憐才

孤山

長歌招隱士緩步叩靈關園廢梅猶發亭空鶴
不還水同清潁水山即富春山徒羨斯丘樂高
芬杳莫攀

玉泉觀魚

碧沼玉璫瓏金魚錦繡叢聚花如煦沫翻藻若
浮空影度輕霞上羣遊明鏡中酒闌投餌處驚

起一池紅

冷泉亭

湖轉六橋路山迴九里松玉泉淙急澗錦石削
飛峯飄葉流觴礙凝雲古洞封欲投真境宿更
上嶺重重

飛來峰

疊石鏤冰片攢峯織錦文路迷三島盡山自九
疑分色相空中現天香靜處聞待教明月夜飛
鳥入青雲

宿中天竺

寂寞步長廊清虛臥上方客來諸累遣僧定萬
緣忘磬雜風泉響燈分月戶光一從依淨業真
欲禮空王

六橋

虹梁亘廣陌星渚跨中流綠柳雙馳騎紅蓮亂
戲舟山從蓬苑接人賽闌風遊向夕菱歌發平
沙起白鷗

仲春同施憲副聘之遊峴山看花胡村

登浮玉而歸賦詩三首

共有城南約相誇湖上游筵開山榭敞地選竹

林幽嬌鳥含風嘯飛花引澗流春光已無幾尊
酒爲淹留

散步花村裏桑條綠未齊客同山簡醉路恐武
陵迷野老居臨水漁人語隔谿那知城郭近淳
朴有幽棲

屢聞浮玉勝攀覽喜春晴片石湖心起群峯水
面迎渚鷗歸岼整檣燕受風輕世事非吾分沉
酣託此生

碧浪湖

湖水晴逾碧山花雨助紅人烟春樹裏漁網夕

陽中風俗村村異桑麻處處同明時任樗散臨
泛興難窮

湖頭坐

碧浪湖如掌秋來水更清雲霞蕩返照島嶼浮
空明魚似鏡中見舟疑天際行臨流坐終日歌
罷濯吾纓

歸雲庵宿

松徑穿深塢柴扉扣小庵繞堦鳴澗水當戶起
山嵐風逐梅香度雲半竹影含燈心習禪觀清

談

同師教授之二劉推官正村唐王甫

鎮登道場山作

鳴珂青嶂曲飛蓋翠微陰輿度紆松棧筵張倚
竹林虎巖秋共眺鳳利晚同臨更愛前谿澗冷
泠淨客心

峴山同劉孟材觀雪

密雪夜仍朝同雲四望遙河山疑縞素樓榭若
瓊瑤絮弱迎風起花繁雜霰飄子猷餘興在秉
燭戀清宵

靈巖

君王歌舞地樵牧使人哀
土木遺危刹丹青委廢臺
草當香徑合花傍鹿場開
且盡登臨冀山河望裏來

雪中遊虎

瑞雪從空下名山入望來
珠林紛玉樹寶地起瓊臺
絮雜回風舞花迎淑氣
開剡溪滯幽賞薄暮且徘徊

登寶華諸山

夙有登臨興春游愜賞心
山盤數嶺盡寺轉萬松深
樹古同僧臘泉多雜梵音
仙津何處問即

此可投簪

雨中遊虎丘

愛春常恐盡冒雨亦來游
北郭搖蘭槩山塘近虎
樹林攢寺密澗水雜花流
日暮憑高閣千峯嵐氣浮

虎 塔王太史繩武同賦

鴈塔翔雲表龍宮湧寺心
乘高宜眺望暇日與登臨
山面支厠通湖窺震澤深
平生飛動意慷慨一狂吟

避暑鄧尉山閣

入山入世慮奉閣避炎氛林響湖含雨窓陰殿
出雲嶽竹坐壺矢隔花聞吾願依清淨長
年絕茹葷

同文太史微仲方山人質父過舟在座
高餐法在過淨域喜相隨路轉青山郭門臨綠
水沙一官羞宦業尊酒負花時食欲從蓮社於
商與世辭

寶帶橋與後言可賦

三吳是橋遊在揚天公與舟出海雲
孤蓬海雲亦照心

石想雄圖

蓮蕩舟宴二首

水國僊源裡風檣天鏡浮軟香通細葛野興促
飛籌碧蓋迷蘭槳紅衣瀉玉流擢歌三兩發蓮
渚起羣鷗

新霽恍無暑微風宜放船捲簾親水鳥解纜惜
吟蟬玉笋休停手青房不論錢晚來花霧裡縹
緲欲凌僊

韓氏賞菊

黃菊誇堪賞清樽喜暫陪花開成錦障英落泛

瑤杯幕透香風入筵迎秀色來不辭金谷罰應
笑玉山頹

湯右卿自江陰致菊四種

故人傳尺素遠道寄瑤華命僕開名酒邀賓賞
異花白疑冬疊雪紫訝曉流霞盡日看難厭千
金未足誇

山樓成

疊石攢幽壑懸崖構小樓山當臺榭起雲倚洞
門流碁局苔花餽壺觴竹翠浮時時披鶴氅開
徑候羊求

伯兄園池三首

別業經過屢幽亭眺望賒遶園編竹槿夾水陰
桑麻魚躍時崩岸鷗眠巧占沙更須除雜蔓多
種棣棠花

菱隴紆芳甸松鬱古墳池通練瀆水窓鎖笏
林雲看竹思中散籠鷺想右軍自憐題柱客終
媿比山文

客每携壺訪花常秉燭看賭碁臨水檻乘艇戲
扇滿膾鯉雕胡飯烹葵白玉盤惠連慙不敏春
草和偏難

園居秋霽文休承過訪

逗水紅蕖淨含風翠篠繁因開蔣詡逕相賞仲
長園好鳥時幾嘒幽居無一言濁醪催更進飛
月已臨軒

病瘍初愈文太史過訪

仁門成市隱習靜好樓居不以文園病寧來長
省車庭閒喧鳥雀竹翠淨琴書客散言罷蕭
不掩欵廬

卜居橫塘作

野性厭城市橫塘真可居黃山障茅屋綠水通

清渠車馬客不到簞瓢吾宴如空齋無長物遣
興只琴書

蒼梧作

氣候南荒異蒼梧濕更饒山雲晴忽雨江霧夜
連朝病與炎俱劇愁隨瘴不消故鄉那可望桂
額已迢迢

春去

忽此三春去猶為百粵人江花辭樹盡海燕引
鷗新多病仍尸祿無能但乞身掛冠今已晚何
日理歸輪

憶橫塘別業

一卧文園病終朝念故山敢希宣室召祗望玉
門還橘想千頭足桑思十畝閒如何五斗米猶
自滯南蠻

謁柳祠

羅池非昔日柳廟亦荒頽秋草重門閉寒花獨
樹開文章真命世今古孰憐才猿鶴如相訴松
風晚更哀

謁劉賢良祠

高樹臨流水空庭澹夕陽萬言翻下第三黜竟

投荒事業存青史英靈儼白楊古來稱屈者不
獨一賢良

賓州逢馬侍御君卿

同作炎荒客嗟君未賜環丹心戀北闕白首老
南蠻歲月杯中酒田園洛下山 聖朝無棄物
早召賈生還

南寧

羽檄馳南粵

邊防月滿

欲繫名王

以是諸將失

緩須我輩直

烏蠻灘

灘說烏蠻險今來異昔聞江流清似鏡山瘴白
於雲銅柱瞻遺烈叢祠表懋勳伏波如可作談
笑掃妖氛

昭潭見雪

五嶺傳無雪三冬喜見花
霞喧窓竹響絮捲朔
風斜臘已辭梅萼春先報
柳芽誰憐僵臥者猶
自帶天涯

自柳至平樂書所見五首

象郡極蕭條賓州頽沃饒
趁虛多醜女互市半

良狂若暴柯抽真花
禁茉莉嬌轎軒叨使者異

俗采風謠

邕管真堪賦江尚

不如猶奴金彈密荔子水

精虛海錯羞方物山

燕入野蔬無論寶玉賤魚

米自宜居

藤峽韓丞績崑崙
功在江內定八寨未

全通舞劍狼家德
瘴孤逢合宜
誰表不何

事在姚公

鬱白方言似潯
梧瘴氣餘
蛇
城

含沙屋覆
荒竹山紅
蜀帝花
三收未
盡博

物行張華

忍三難險惡最險六龍一遊若也齊整三刀鞘
三三足愛

三三不可見虞可謂

知流無為迷無山

而夢中

三三空知送驪歌下

三三官路清朝前江

三三惜離群

三三傳嘗辭綬梅公六

來難笠澤萼堪茹柴

用戀微官

唐永州國公招遊朝陽淡巖二首

久憶仙巖好欣從勝

湘流花氣中林濕嵐

載復唐侯

輕輿盤翠巘吹角轉

道攀虛明疑夏屋峭

妨卜夜還

浯溪

湘水浮天綠浯溪見底清
竭來窺石鏡散步愛
泉聲宅廢野花發亭空
山鳥鳴中興碑可讀猶
憶漫郎名

岳陽樓

輕風送客舟新月掛高樓
遠樹天無際孤城地
欲浮楚山橫鄂渚蕩
澤接湘流湖海惟書劍
生此壯遊

東林寺

開門霽色
空不見陶元亮令

人

何處

海山

洲月桂黃金闕雲芝白

王樓太
入元氣與遨遊
辟穀辭人世長
生或可求

客手

客自燕京至真傳諫獵文
干戈戎馬暗鼙鼓羽
書紛玉殿生春草瑤池
宴暮雲翠華

竹豈堪聞

鎖院聞潞賊消息

羽書河北至潞賊下西山正憶征行苦兼愁餽
餉艱龍驤分禁閫虎旅塞壺關殄滅非難事無
令匹馬還

獄中始見二毛

病暑復愁霖園扉晝每陰上書梁獄恨懷土楚
囚心生計嗟萍梗官途嘆陸沉豈知青鏡裡遂
有二毛侵

聞蟬

客淚無端下蟬聲胡太悲細吟朝露裡亂聒晚
涼時翼薄衝風怯身微抱葉危物情相感激哀
怨爾如知

見螢火

陰房難見月螢火忽輝輝巧向疎櫺入斜穿短
幔飛飄零依草露熠燿照人衣此夜悲秋意頻
將苦淚揮

苦雨

入夏晴無幾交秋雨更多夜簷疑瀑水朝院類
江河卑濕妨高卧炎蒸受宿痾天時與人事局



促意如何

伯兄至

旅邸兄新到窮途弟稍寬此來知急難欲見問
平安小姪牽衣喜癡奴得主歡時時通數字慰
我勸加餐

伯兄至不得即見

劇喜移家至翻愁會面難老親
愛未穩明主
法應寬淚訝沾襟濕衰驚引鏡
有出來獄吏貴
非敢怨微官

久客

又客不如
稱章句儒棲棲戀
明主每得

媿微軀疾病朝
懶迂疎禮法拘
虛無賴
著述以為娛

自嘆

舉世惡貧賤何人知子雲豈無匡濟略
聖明君樗櫟自能壽蘭膏徒見焚白頭
不曉事
那用草文

聞召

十年投杼怨一命賜環恩才拙終何用
官微豈足論北山馴鶴鹿南畝牧雞豚
避世吾寧敢深

憂負 至尊

學稼

自卜山中住長從隴上耕清時非避世薄業且
謀生蓬戶貧原憲青門老邵平田園自有樂何
用狗浮名

種竹

中歲慕 寂蕭然無俗塵江湖從所好修竹每
相親淇水搖珍簞湘雲度葛巾北窓高卧處何
異上皇人

竹下

種竹遠塵俗誅茅依翠陰窓虛落秀色坐久清
煩襟雨過淨如洗風來時一吟惟應嵇與阮千
載同予心

新茶

新茶吾所愛更愛雨前茶四月梧陰下壺杯瀉
乳花細香疑玉液嫩綠泛柔芽倘得中泠水龍
團豈足誇

山院芭

蕉花開有甘露可食

芭蕉粉墻下秀色轉分明滿院秋雲影空齋夜
雨聲花含甘露重葉展綠陰成掃石同僧坐時

聞山鳥鳴

楊花

點點飄仍聚，盈盈密更稀。
輕窺朱幌入，亂繞玉窓飛。
雪作漫天舞，春從委地歸。
章臺無限恨，零落竟誰依。

燕

最愛堂前燕，高飛忽復低。
趁風穿柳絮，冒雨掠花泥。
簾影朝雙舞，梁塵晚並棲。
綠窓離思切，腸斷各東西。

招鶴二首

獨鶴忽飛去，冥冥滄海東。
離哉翻羽翼，幸矣脫樊籠。
影憶空庭月，聲憐別院風。
凌霄自有志，豈學支公。

昔喜依和靖，今疑跨令威。
九霄徒逸響，千里竟高飛。
花下明朱頂，風前亂雪衣。
何時念舊主，華表復來歸。

送少宰溫公歸省三首

明皇敦孝理，上宰沐恩私。
祕閣虛中軸，台階冠百司。
親裁丹鳳詔，喜慰白雲思。
報主能無意，朝天定幾時。

陳情別紫宸優詔許留親驛路馳龍勅班行億
侍臣星輶朝入洛雲華暮辭秦遙想稱觴處高
堂戲綵新

蜀路難行高秋出帝京朱旗迎駟馬絳帳
送諸生劍閣盤雲棧北溪抱錦城里人如有問

穉子疾相余

送管汝清使赴府

石臨軒上韓侯建

三川常北拱四牡獨

誓辭君才過枚馬定

謝辭恩派去冥冥食戒東鑄姑隨雨翼幸矣

送林下丞

朝持白簡出鎮擁朱軺地重分三輔官清斬

百僚息民除疾苦問俗采風謠臺府居多暇輕

裘看射鵬

送大方伯金陵顧公

浙地先諸省公才冠一時久虛台輔望早受

聖明知衆昔歌來暮民今慰去思他年論事業

直與古人期

送劉京兆獻甫北上

行行辭祖道此去尹皇畿曉驛朱輪發春江綵

鷓飛憂時相贈策惜別獨牽衣包拯遺風在無
令雅志遠

送陳德夫使魯

帝曰封同姓皇華送使臣河山藏漢誓寶玉展
周親殿說靈光古經傳孔壁新余生好文獻一
爲訪先民

送陳侍御原習謫教海陽

蘭臺長啓事白首尚爲郎衆惜馮唐老余憐賈
誼狂炎荒竄魑魅末路避豺狼早晚天書召重
瞻司隸章

送人謫全湘

百粵文身俗華風近若何沅湘秋鴈少嶺嶠夜
猿多訪古過銅柱懷賢弔汨羅南中饒瘴癘去
矣慎風波

送錢振之出守肇慶

領郡諸侯貴之官萬里遙文能招海賈政可化
山獠瀧水湍尤險蒼梧瘴不消無卑南粵地一
統 聖明朝

送張行之飭兵榆林

夷爾獨提兵余肯慕請纓陰山通漢候黑水抱

秦城 天子憂邊務書生識
萬里可橫行

少年仍燕領

送陸德儒守漳州

聞說閩中郡漳州獨在南經冬無雨雪晴晝有
山嵐蠻語時難曉夷風想盡 諳投荒君莫嘆悵
別我何堪

送魏冬官師召權稅蕪湖

爾向蕪湖去蕪湖據上流青山謝公宅采石謫
僊樓權稅司空職帆檣賈客 舟何時牛渚下泛
月與同游

送楚少南二首

紆紆朝天日星輶入計時千官辭輦轂五馬返
州司考課遵周典郊裡親漢儀君歸無太緩早
慰吏民思

三年纔一見又復向安州才大官難稱民窮盜
可憂宦情吾轉薄吏事爾偏優別後能相念新
詩倘見投

送邵仲德戍漳州

遠戍投蠻府孤舟送逐臣危言難悟王直道豈
防身共下悲岐淚誰憐折檻人賜環應不久無

用怨沉淪

送沈明之改守霍州

霍嶽今中鎮，堯都古冀方。土風存儉嗇，吏治想循良。勁翮終高奮，明珠且慎藏。官途自有分，莫厭簿書忙。

送黃士尚宰仁和

倦郎於越去雲外，一飛鳧。花縣終朝靜，琴堂一事無。好山誇上竺，新水愛西湖。訟簡公衙散，登臨興不孤。

送胡子忠

昨傳登瑣闥，今又謫長沙。賈誼曾悲鵬，陽城欲壞麻。安危言路繫，慷慨士林誇。落職君何恨，惟應去國嗟。

送顧秋官伯從赴留都

伯也今司直，西曹俗事無。簿書多暇日，山水羨清都。柳綠盧龍觀，花香武湖莫。辭刀筆，耻讀律，乃通儒。

廣陵送田敬叔二首

聖代憐才子，微官事遠行。論文慰夙昔，傾蓋見平生。望鴈趨彭蠡，觀風過皖城。定知錢穀暇。

草閉門成

尊酒三秋別江湖萬里遙歸心揚子樹離恨廣陵潮明發分岐路星言肅使軺鬱陶那可寫懷念奏長謠

送王汝化

久別苦相憶相逢嗟二毛微官淹驥足小縣試牛刀物論循良美民情撫字勞鳴琴如有暇努力繼風騷

送王太守懋德入覲二首

吳邦稱富庶召母頌寬慈法壹緣儒術風行息

訟辭循良民不擾清淨我無為五馬朝天罷送歸慰去思

朝宗趨萬國述職會諸侯玉帛陳庭陛冠裳謁袞旒奏言今法舜考課舊遵周黃霸蒙殊賞由來政績優

送李侍御伯瑞歸成都

繡斧臨吳甸星軺返蜀陬題橋心不負攬轡志應酬棧閣連雲險花溪濯錦流文園如有作寄我慰離憂

送王道思提學山東

嘗聞鄒魯地小邑盡絃歌禮俗今逾美文風近
若何孔堂尋竹簡泮水詠菁莪君去搜材傑還
應列四科

送勞員外赴留都

別駕黃堂義分曹粉署新循良民譽美清苦宦
囊貧寒菊荒官舍秋湖淺驛津峴山攀送處應
有去思人

送陳士仁之官留都

儒官一命改絳帳幾年分教擬胡安定貧如鄭
廣文簡賢登漢署讀律致堯君相送蒼湖上驪

歌不忍聞

送王侍御子正之官長沙

憐君驄馬客尚作折腰行栢府名猶在琴堂政
已成升沉隨造物簡易近民情即日開宣室天
書召賈生

送沈侍御中甫按江西

驄馬去行行觀風向楚城埋輪情慷慨攬轡志
澄清朝雨侵郊草春風變谷鶯都亭長揖處矯
首望遐征

送翁僉事德宏之官嶺南二首

南粵幾千里迢迢炎海涯莫愁庾嶺瘴且醉曲
江花荒服今同甸書又變華論程余更遠不
用說長沙

炎州新建節青瑣舊知名已奏循良績猶傳諫
議聲量移淹驥足高奮展鵬程此去瞻風采當
令一道清

送馬太守抑之歸大梁

落日清江別孤舟遠客歸才爲衆所惜道與世
相違市虎終難信樊蠅杜自飛祗應去思者攀
送獨沾衣

送何給事善克守衡州

衡陽楚上流太守古諸侯五馬橫金去三湘露
冕遊猿聽巫峽夜鴈數洞庭秋今日辭青瑣還
將諫草留

送人之潮陽

一官新捧檄匹馬赴潮陽山瘴開南嶺江花近
夜郎棄繻踰險隘投筆事戎行長揖轅門下龍
韜出豹囊

送人使琉球

萬國朝宗會諸夷欵塞同乘槎向海外授節送

閩中霧涌鰲身黑波翻魚目紅君才如陸賈

送鄧司諭宰政和

青衿敷敬典黃綬寵新封去以蘇湖教言追卓
魯蹤菊金粧露綻楓血染霜濃相送空相憶知
君何處逢

送湯廣文之安吉

青衫困塲屋白首薦公車泮水歌于邁苕川夢
卜居槐陰清夏好別恨故人疎明發瞻桑梓殷
勤欲附書

送朱尹敬之赴召

宣室召朱公單車赴洛中名臣循吏傳政有古
人風仄席今求士趨庭爾奏功臨岐吾欲贈願
與繞朝同

送賀尹應璧赴召

賀尹關中傑牛刀試我邦蓋公祇清淨漢吏自
循良露冕時行縣鳴琴不下堂他年看茂苑到
處有甘棠

送人官吉府良醫

上池曾受訣中歲早知名去試青囊術歸誇綵

服榮折肱當日驗種杏幾時成藩府長沙近煩
君弔賈生

送許仲貽會試

疋馬去駢駢雲霄萬里程志同題柱客材儼棄
繡生獻策趨金殿觀光向玉京送君懷 聖主
徒有子牟情

送楊子任會試

白雪將殘歲關河漸早春桃花通閘水楊葉隔
江津禮士方求駿懷材又席珍 聖主多制作
去矣事土賓

送趙子衡就試浙中

年少有奇氣昂昂千里駒易從商水授禮向孔
庭趨父客嗟彈鋏明時早棄繻文章與事業樹
立乃通儒

送王元案會試

卜子薦公車鄉人祖道闕去陳三禮賦行上萬
言書待詔遊金馬承恩侍石渠誰憐茂陵下貧
病有相如

送章伯庸會試

章子青雲器材華似賈生正逢求駿日美爾棄

繡行曲水攀僊杏瓊林聽早鶯懸知獻策處倚
馬萬言成

送文一壽承王九祿之卒業治平寺二
首

告我非遠別言從湖上居劇知山水癖無奈友
朋踈竹徑觀碁局雲門讀道書太如就草不
惜寄吾廬

子去依黃憲予常慕遠公烟霞勞夢寐詞賦鄙
磨虫白石宵吟和青精午飯同何時命高駕相
話具茨中

送喻秀才還成都

觀光游太學卒業返成都和氏非懷璧涓人枉
按圖錦江三峽險劍閣一隅孤早晚題橋志吹
噓狗監徒

送伯兄赴仕臨江

疋馬出江東孤帆望楚中征人離思切官道祖
筵空驛樹沉寒日江濤吼朔風功名願努力不
用嘆飛蓬

送吳明仲曾試二首

趨庭游建業觀國赴燕雲賈誼年何少終軍志

不羣學箕誇步武倚馬美能文三月泥金報高
堂慰遠聞

僊郎行獻策 聖上急求才駟馬先題柱黃金
已築臺鶯聽禁籞 轉花賞曲江開遙美宮緋賜
恩波沐上台

送陳啓之 讀書西洞庭

儒史真吾好山居 獨美君下帷窮古籍閉戶理
文學道淵如海 六詞爛若雲五車須盡讀前

輩有清芬

送兄與 游太學二首

金陵爲帝宅太學 是賢關此去脩絃誦平生慕
孔顏橋門聽講暇 泮水采芹間莫負高山仰須
將逸駕攀

玉闕天爲塹金城 帝作都萬年留王氣三輔拱
黃圖月憶秦淮水 花憐 武湖少時遊覽興送
子不能無

送紹之弟赴試

千里赴功名孤帆向 帝京江清楊子渡秋早
石頭城倚馬材何逸題橋志竟成汝兄真望汝
努力振家聲

送陸幼靈

池館花飛盡誰能對別筵思迷芳草路節換暮
春天辟薦機游洛遭逢隗入燕君行呈絕藝揚
葉舊曾穿

送楊子_仁慮囚福建

駟馬還鄉國樓船赴海濱去將三尺法惠此八
閩人敬忌宣周典欽哉廣帝仁
山更好遊
賞莫辭頻

送僧還金山

高僧何處住孤錫向空飛驛樹連天盡江帆帶

雨歸潮聲喧講座山色映漁磯追憶東林下精
廬隱翠微

送翁仁甫按察四川五首

巴蜀號蠶叢關河險更雄昔人曾用武今子復
觀風閣鎖秦時棧山餘漢代宮不須談霸略此
去擬文翁

夙昔憂時志平生許國身莫誇題柱客好學卧
龍人劍外風塵靜臺端政令新憲司官不小看
爾展經綸

憶昨交南役奇功爾獨收

遊廟算

終孺纓先請班生筆已拔但令長偃革何
用即封侯

伏枕聞君去離筵悵我違秋生百粵早客向五
羊歸總臬持霜斧登堂舞綵衣蜀人知望义行
矣速於飛

送別何其促論文况最深征人匹馬去古樹亂
蟬吟峽轉黃牛急雲生玉壘陰成都逢卜者爲
我問几沉

送蘇惟和北上二首

送送皇華使南歸又北遊暮雲湘浦餞春水洞

庭舟念我終青眼爲郎尚黑頭君行無不速駐
節好諮諏

白下真兄弟南中復主賓不堪班馬動又見柳
條新楚水心千里湖山夢兩春還因入朝者愁
絕望鄉人

送張憲副國信還巴陵

夜夢巴陵道朝辭桂水遊宦途真塞馬心事已
江鷗楚澤騷人怨長沙賈傳愁此行雖失意猶
勝客炎州

送王蘇州子正入覲

歲首書王正星言覲北宸關河殘雪暮江驛早
梅春衆擬褒黃霸民思借寇恂還期明試後敷
奏惠吳人

分題得百花洲送王子正

名郡雄千雉芳洲麗百花昔人此歌舞今日更
繁華細柳朱輪映清波錦纜斜紛紛去思者攀
送使君槎

送仲兄尚之赴試北都二首

江上忽相見離觴歡共持看兄棄繻日思出

冠時狀恐心逾壯題橋鬢未綰黃金身已築誰

笑買臣遲

荀氏八才子白眉兄最良傳家祇忠孝華國有
文章下玉終辭璞毛錐早脫囊大材應晚就拭
目薦巖廊

送陳司訓教諭丹陽

離思惜紛紛江亭忍送君楊花如暮雪草色似
春雲絳帳仍敷教青氈復廣文蘇湖塵未遠千
載挹清芬

送舒侍御紹安還朝

觀風歷吳越攬轡已澄清柱下流芳譽臺端表

直聲秋空孤隼擊雲路一驄行此去題封事還
期荅 聖明

送慧公之京

寒律窮陰紀晨征戒遠遊浮雲望飛錫細雨送
孤舟朔鴈遙天外霜楓古渡頭歸應沾一命休
憶故園愁

送慧公住持寒山寺

古寺人天外精廬本靄中君依蓮社去心與白
雲同溪水看清淨寒山對苦空何時聽說法爲
我暢風

贈施聘之

使君驄馬吏樗散棄江湖到處留詩草從人覓
酒壚梁鴻曾入越梅福已藏吳何日開宣室徵
書下 帝都

贈何伯直

每過何京兆論文慰索居自言消渴病嬾著茂
陵書簿領終朝困琴尊累月虛新詩無吝惜爲
我滌煩裾

贈焦將軍

十執金吾昂藏膽氣粗天間雲雜錦牙帳虎

為符秘畧資神授成
功仰廟謨爾曹思報
主

贈白都閫

將軍白起後膽略更
雄麤威振三江靜風生
百
與孤尊前時舞劍花
下日投壺豈說南蠻
依舊

賦得采石渚贈馬員外順卿

采石臨高渚青山繞
故城狂吟弔李白長嘯
憶
袁宏地撼江濤動樓
懸海日明風流今已
矣徒
有昔人情

贈嘉定尹李資坤

漢代多循吏今公亦
大名無為民自化不
擾政
還平魯雉馴中野
潘花滿縣城遙憐練
川水應
比使君清

贈邢處士麗文

梅福變名姓梁鴻棲
市廛懷賢高士傳招
隱左
生篇谷湧蘇門嘯花
迷剡曲船安車與駟
馬何
川下林泉

贈湯太學子重

買臣官五十今子更
蹉跎莫惜功名晚休
論甲

子多材高於屈宋詩酷似陰何定有蒲輪召無
勞詠在阿

贈鄭山人

谷口子真處青山知幾重柴門祗麝鹿不見有
人蹤散帙讀高士荷耒隨老農煙霞已痼疾此
外復何從

贈峴山際和尚

遠公禪寂處峴首最高峯淨業依修竹心對
古松下簾時賣藥植杖復爲農獨坐茅齋裏袈
裟手自縫

贈紀山人

巖壑懷肥遯松喬引上齡餐英泛朱醴鍊氣
黃庭作伴惟孤鶴傳家有一經夜來南極下應
見老人星

贈武林余道士

引上類茅盈餐霞住赤城鍊形同鶴瘦服氣與
風輕飯併青精辟方將紫汞成 都桃萬樹靈
竇幾迴生

訪都太僕 敬南濠書院

結社依支遁時來問字人高談雄稷下著述侈

秦架上臨池帖床頭漉酒巾慙非徐孺子空
掃榻間塵

訪呂山人彈琵琶

半塘山墅僻萬竹野亭開積水殘霞滅遙天
鳥來雲行鸞柱緩波急羽觴催未盡龜年技蘭
橈載酒回

湖上別王員外道思

離筵湖上別使節廣南來爲問茗溪水何如
嶺嶺還鄉馳駟馬戀闕望三台報主平生意
千金得駿材

簡王直夫博士

伏暑愁消渴終朝念索居城烏窺睥睨窓竹淨
琴書泮水通丹籞宮墻切紫虛何時騎馬至蔣
逕擬親除

寄高子業吏部

河洛多才子高生更不羣家貧偏好客年少最
能文閉戶成草歸田卧白雲梁園一分手何
日不思君

寄凌司訓時東

君家茗水東余住峴山中握手經年少論心隔

地同病拋人事嬾靜悟世緣空每見南湖綠悠
悠憶戴公

寄楊用修太史

宣室召何日滇池逢幾春每懷金馬客欲訪碧
雞神書向窮愁著名因遠竄新古賢多蹭蹬不
朽亦斯人

寄王蘇州子正

聞君爲郡日豈弟與民宜政事殊前輩文章即
左司白堤遊幾度汲榻卧移時今代書循吏誰
如杜父慈

寄題王履吉越溪庄三首

遠憐王子敬卜隱越溪傍看竹過蘭若觀魚度
石梁家貧供稻秫客至具壺觴春服借童冠風
雩樂未央

左思詠招隱潘岳賦閒居花木羅新逕桑麻翳
曲渠灌園通樹藝閉戶理琴書結綬非無術誰
當薦子虛

雞犬桃源闕煙霞剡曲偏花村茶碓遠柳岸水
車連野寺傳齋磬晴湖蕩畫船惟應康樂輩載
酒共談

題徐太守沙岡別業

別業在何處沙岡花木深
祗緣農圃計遂遠市朝心
山色入茆屋溪聲生玉琴
寄言徐孺子開逕許相尋

和湯右卿客游燕臺懷故國之什

逝川傷歲月懷土望鄉關
春鴈何時至征人幾日還
花飛千樹雪雲白萬重山
惆悵都門柳烟條未可攀

天大司馬總督蔡公途中言懷二首

炎漢分南極迢迢天二涯
登壇雄節賦行

沙事業麒麟閣功名駟馬車
當今韓奕范百

代擬聲華

元老初南伐生黎敢內侵
檄傳蠻部遠師入鬼方
深投筆羞班業留田識趙心
南中今已服七縱幾成禽

荅魯叅政懋遠

大雅何寥闕新篇好更多
誰知剛後作復繼郢中歌
藻思徐庾掩雄詞左鮑過
吾衰詩力減一爲起沉痾

荅李淮安子中

故人江上別贈我以新章每恨知音少誰云大
雅亡才何慙鄴下官豈薄淮陽尚憶論文地
言清夜長

荅程客見懷

踈慵人共棄慷慨爾新知正憶文園病翻投白
雪詞磯平新水漲樓豁晚山竒斗酒花前醉相
邀定幾時

哭琴士張大本

銀燭然清夜瑤琴不可聞繁絃悲下里高奏想
南薰竹淚深湘水霜笳咽塞雲鍾期今已矣雅

鄭更誰分

少司空永康徐公挽歌二首

翼聖登三事居民亞六卿擗前孤衆望嗚尸軀
阜衍朝罷宮懸奏鄉停巷杵聲細推消息理天
亦忘功名

烏府澄清志黃堂臥治才民歌廉范去人仰寇
恂來宿草孤墳掩甘棠幾處栽儀刑今已矣圖
畫有雲臺

大廷尉江陰湯公挽歌二首

嶽降開名輔山頽逝哲人縣車朝露促留劍反

臺新生死哀榮畢行藏事業屯 泉一此閉宿

草幾秋春

靈旄翩中野僊輶祖北邙鄉嗟耆碩盡國痛老
成亡卿月昏無影台星黯不光唯應青史裏列
傳繼于張

哭王履吉二首

經年憂汝病一夕哭君亡細檢詩盈篋難禁淚
滿裳茂陵書未就鵬鳥賦堪傷生死交期盡蕭
蕭悲白楊

天道殊茫昧斯人竟若何年逾文考短詩並子
安多日月名難敝丹青事不磨越溪庄上路寂
寞更誰過

張貞女二首

玉質泉臺掩花魂草露危啣冤悲孝婦抱節擬
共姬縷血凝爲碧冰心誓不緇秋胡羞再面地
下莫相隨

蕙折嫌多露珠沉耻二天豈知傾國貌空結墮
樓綠蝶夢香閨月鵲啼青冢烟千秋姑惡鳥遺
恨至今傳

袁永之集卷之六

袁永之集卷之七

七言近體

大駕還京五首

秋興六首

大漸二首

中興三首

駕出南郊

齋宿省署

候駕

立春日早朝

[Faint bleed-through text from the reverse side of the page]

[Faint bleed-through text from the reverse side of the page]

五日從游西苑應制

出左掖喜雪呈少宰徐師

恭謁孝陵

朝陵三首

金陵懷古

大梁城樓作

謁岳武穆祠

泛洞庭

登匡廬山

陪大宗伯張公遊鳳凰臺遂宴西園辱教

次韻二首

元日宴都司

陪文太史脩禊桃花園

立秋日山樓觀雨

中秋日西湖舟宴

九日雨花臺諸僚友宴集

九日陳太守允揚邀登峴山

登大茅峰

觀碧巖瀑布泉

蘇灣山面碧浪湖其下有田可買頗懷築

室之志苦貧無貲作此解嘲

湖上觀雨

桃花園

采香涇新庄

黃山草堂成

灌園作

詠白燕

池蓮

連理秋蘭

客去

同孫行人文會飲胡安定墓下

江寺副于春過飲橫塘莊遂同泛石湖

宿大司空安仁劉公山莊二首

宿施憲副聘之古朴樓

盧師陳卜居城東携酒相顧

臥病桃花園文太史期過訪詩以速之

過仲兄謝湖別業

伯兄携酒肆志園賞菊

夜飲仲兄山莊

澣溪草堂爲朱天民賦

題陳職方魯得五山別業

題孫秀才菰城別業

送大司徒鄒公歸湖南

送戴孟光宰金壇

送湯時敏謫官安慶

送南仁父守徽州

送人官南康

送人游洞庭

二首

山中寄履吉

法華庵寄吳興諸友

度崑崙關寄馬侍御君卿

荅大司空劉公見懷

宗伯昭過訪辱呵奉荅

荅陳太僕魯南

荅蔡文九達

荅履吉見懷

施憲副過宿列岫樓

奉次大司馬總督蔡公征黎二首

次電白觀海

次遂溪書事

次文太史見寄

次遂溪書事

大駕還京五首

霓旌曉發罷東巡
羽衛天行望紫宸
黯黯風雲懸太白
闐闐鏡鼓翼鉤陳
長楊校獵陪群后
岱嶽登封禮百神
問俗陳詩重游豫
千秋詞賦鄙橫汾

韎韐彤弓親視師
凱旋十萬羽林兒
山川暗警龍輿度
日月行瞻黼座移
江右已通吳貢賦
淮揚親覩漢官儀
丹書白馬千年約
鹽海銅陵異日悲

大駕喧傳戒北征，旌旗猶閃石頭城。行宮鼓吹
紛淮甸，馳道煙花接鎬京。闔闔雲開宮扇影，鳳
池風繞禁鍾聲。千官鵠立朝班裏，縹緲爐烟望
聖明。

朔方諸將本梟雄，附翼攀鱗易立功。北去關河
三面險，南來機杼萬家空。運籌制勝聞司馬，王
戚金貂羨揔戎。今日凌烟誰第一，我皇親爲
奏車攻。

江淮租賦古稱雄，數歲征求苦不供。士馬豈堪
勞魄，餉倉籍何以備荒凶。屯田久已思平糶，銷

甲誰當復務農。

昨聞窺上谷，急將一臂粟轉

居庸。

秋興六首

清秋抱病強登臺，南國浮雲萬里來。尺素亦隨
鴻鴈杳，一尊難對菊花開。風塵舉目山河異，老
大傷心歲月催。遙望金陵霄漢裡，泠泠黃竹不
勝哀。

月白霜清上庾樓，感時懷抱更悲秋。

秋榆關烽火

連邊徼，漢苑芙蓉夾御溝。

天子征南親拜將

嫖姚專閫未封侯。

羣盜猶猖獗，轉餉征輸

盡可夏

塞上秋高

材官羽騎救重圍受降城壞

人難到住牧河深事已非鹽課不登邊餉闕客

兵常借羽書飛 文皇定鼎開天府獨石居庸

拱 帝畿

南徐北固是揚州吳楚風煙動北秋四顧關河

今夕照八荒戎馬幾時休銑歌奏凱喧川陸禁

旅專征衛冕旒三載巡遊車轍遍軍中時望大

乃頭

古帝... 太祖開基孕寶符王氣千

年盤日月山河百二擁荆吳宮城曲抱秦淮水

寢殿平臨 武湖寂寞遺弓龍去遠宸遊今日

自歡娛

仙仗行宮舊內居花間往往駐鸞輿徒聞漢帝

橫汾曲不見長卿諫獵書 天子射蛟開水殿

奚官牧馬遍郊墟蒹葭首蒼秋無限悵望燕雲

萬里餘

大漸二首

罷王師淚灑千官大漸期慷慨輪臺

下詔日淒涼玉几託孤時白狼未受

竹愁聞夢澤辭寂寞橋陵松梓裏行人誰起雍
門悲

武皇仙駕已千秋細草荒烟蔓廢
龍虎團營
新選士金張邸第舊通侯花深輦道萋萋色水
咽宮墻曲曲流往事蕭條都莫問咸陽黃犬不
勝愁

中興三首

大明九葉中興年
憲廟諸藩親且賢花迎羽
蓋朝馳洛雲引旂常夜入燕代邸璽符同勸進
渭橋冠冕奉周旋蓬萊春日朝宗會獸舞嵩呼

望九天

紫禁青春拂曙開葱葱佳氣指三台臨軒詔出
宮花賜耕籍躬勤玉輅回即喜賈生宣室召更
聞司馬洛陽來遙想賡歌鳳池裡群工稽首咏
康哉

十道循行使者勞鳳啣丹詔下雲霄山東扶杖
觀
王化河北投戈歛
聖朝疇昔尚方頻賜
予何時少府罷征繇留都根本開基地苦憶供
輸走百僚

駕出南郊

鸞輿曉出大明宮文武官僚扈從同袞冕遙瞻
九霄上旌旗如在五雲中笙鏞隱隱郊壇闕輦
路迢迢帳殿通殷薦禮成柴望畢天長地久歲
時豐

齋宿省署

大祀南郊卜孟春西曹齋沐集儒紳日長官舍
無公務鳥下庭階少吏人岸憤彈碁殊不俗檢
書燒燭喜相親抽毫欲獻甘泉賦授簡慙非侍
從臣

候駕

仙詔廣樂半空聞
仙輿紛紛六郡
列休軍行天
殿爐烟散綵雲
昧
無
朝迎法從光
華親親
聖明君

立春日早

旂蒼輟轉東郊
剪綵裁花賜百僚
傳木德六門頒朔
舞雲韶魚迎淑氣
窺泉原
鳴和風變柳條
惟
有
正
願
因
千
歲
鸞鑣

五日從游

西苑

蘭宮桂殿翠微中
歌管細榴花嬌映
女承恩戲角弓魚
能工

出左掖喜

春空瑞雪舞紫烟
馳道直銀河疑瀉
內平明玉作臺無
鹽梅

瀛輦宸游引上公
御筵紅長秋
藻萬年同宴鎬
甘泉欲賦未

雪呈少宰徐師

八表彤雲曙色開
明月猶懸
御溝來上林
入夜花如露
爽
天
人歌獨步
興
調商樂和

恭謁 孝

高皇陵寢枕鍾山
環羽衛歲時朝謁
上金燈縹緲閒王
湖還

悵望宮中不可
走鶴班雲
氣直連豐沛
速神靈長統

朝 陵 三 首

諸陵遠在京師北
陰連大漠仙宮杳

帝遣祠宮祭吉來
隧道陰
香閉蓬萊

使人哀

紫塞黃雲千萬里
雍門西望

七聖衣冠宅兆同

左包遼海右雲中
金輿玉几

開前殿太乙鉤陳
厥後宮陵寢萬年疑王氣於
楸落日起悲風先
朝侍從今誰在密勿經綸有
數公

尚憶 文皇 我明功烈古來無關門虎

據雄三鎮守衛龍 讓走萬夫 崔巍窮制度

金滕詒翼閱謀謀 小臣稽首 長陵下想像神

靈聚鼎湖

金陵懷古

古時王氣說金陵 今代金陵是 鍾山作鎮

開天府江水為池 把石城廬龍觀裏花空發白

鷺洲前草自生六帝霸圖悲霧滅千秋 皇業

憶龍爭

大梁城樓作時有路賊之警

飛樓百尺層城上極目中原感慨多天設潼關

包大華地分嵩嶽枕黃河西山寇盜悲多壘北

闕旌旗望凱歌日暮憑軒空涕泗幾時諸將罷

干戈

謁岳武穆祠

朱仙當日恨班師地裂天傾宋室危百戰河山

千年松柏盡南枝江潮夜月英魂現禾

黍秋風故國悲和議祇談秦相失燕雲先已棄

泛洞庭

曉發江潭下洞庭樓船天上坐揚舲中流雪浪
茫茫白兩岸雲山點點青楚客掛冠歸夢澤漁
人吹笛和湘靈岳陽樓上酒沉醉盡典朝衣忍
獨醒

登匡廬山

岩岩廬嶽近天都萬丈丹梯鳥道孤樹裏泉聲
飛瀑布空中烟霧起香鑪峰形下瞰蓮花嶺江

勢遙吞彭蠡湖白鹿仙巖何處是却看五老在
虛無

陪大宗伯張公遊鳳凰臺遂宴西園辱
教次韻二首

春遊相賞鳳凰臺晴日江山四望開歌舞空憐
遺事往登臨無復昔人來緣岡踈竹迷朱檻曲
水飛花逐羽杯共羨上公傳郢調誰云詞客有
仙材

蘭堂桂館列清尊飛蓋華軒集上園四座笙歌
爭選部幾叢花竹自成村江梅破臘香風度簷

鳥鳴春麗日暄秉燭夜遊方未已鳳城鍾鼓報
初昏

元日宴都司

喜從元日宴華堂莫問新春客異鄉殘雪漸消
莫試綠炎風初轉柳窺黃椒花竹葉同隨俗對
局探鈞各擅場共勸一杯還一歲萬年長此祝
君王

陪文太史徵仲修禊桃花園

風日喜臨佳節好林亭更愛小莊幽藥欄舞蝶
雙翅減花沼群魚隊隊遊旋摘園蔬當鷄黍新

一 栽徑竹間葵榴亦知生計須農圃便擬青門老

立秋日山樓觀雨簡朱日宣

急雨翻盆湖上來好風吹滿最高臺涼生冰簟
秋先到病減文園暑盡回失意琴書聊自遣感
時懷抱向誰開朱雲不見空相憶應對山僧弄
酒杯

中秋日西湖舟宴

朱簾盡舫競遨遊騎吹喧闐集渡頭繞岸山圍
青作障重湖波淨綠如烟籠樹色含微雨風

引荷香接素秋今古繁華歌舞地東南佳麗帝王州

九日雨花臺諸僚友宴集

高臺登眺俯神京令節歡遊出鳳城晴日滿山
羅綺隊香風隨路管絃聲江空落木孤帆急野
曠寒雲一鴈驚陶令孟嘉俱已矣紫萸黃菊倍
關情

九日陳太守允揚邀登峴山

澄湖碧水映晴空寶地青山列梵宮坐擁笙歌
娛九日亭邀冠蓋會群公黃花滿徑垂秋露盡

角層城度晚風樂矣登高還作賦忘懷真與孟嘉同

登大茅峰

三茅峰並翠岩堯宮觀參差傍赤霄歷井漸疑
天闕近乘風猶阻帝臺遙空中玉節元君降殿
裡珠衣羽士朝安得異人傳秘術凌雲徒有思
飄飄

觀碧巖瀑布泉

蒼堯石磴躡香臺翠壁飛泉響萬雷急雨倒懸
珠沫亂微風斜颺水簾開銀河似向空中落素

練遙從望裏來廬嶽誰言過弁嶺碧巖今擬作天台

蘇灣山面碧浪湖其下有田可買頗懷築室之志苦貧無貲作此解嘲

山田十畝傍湖陰草屋三間對竹林地占清幽
宜卜築天教閒散得登臨葛洪自有移家志陶
令能無結社心已矣謀生真計拙東西南北任
浮沉

湖上觀雨

湖氣昏昏雨欲來山嵐如瘴蔽樓臺
瑣窓白晝霾陰霧巖壑濤秋起暴雷落雁漸依漁網集歸
舸遙帶客帆迴書空終日知何益且復陶然進
杯

桃花園

新莊近築桃花塢僻寂城闌遠市喧紅槿籬
環曲岍綠楊池小面幽軒時邀賓客教開筵日
課兒童學灌園乘興再來看芍藥一尊相賞
郊原

采香涇新莊

誅茅闔闔城之西路轉采香涇上隄濃陰榆

綠當戶秀色芙蓉紅滿谿力田輸稅半栽
沼養魚兼灌畦每愧長公高隱志杜門從此
幽棲

張摯字長公

黃山草堂成

小堂僻寂橫塘濱溪水曲曲桃花新古榆高柳
自成聖沙鴨野鷗時近人邵園瓜熟足生計蔣
徑草荒無雜賓長夏江村更何事釣竿終日坐
垂綸

灌園作

綠水青門一畝

灌園作

已如錦水後疎荷猶白
江中竟還同漢陰叟避
秦豈學東園公
流濯足不歸去酒熟隔籬呼
老農

詠白燕

燕差池繞畫堂驚看縞素雪衣娘梨花月冷
迷春夢柳絮風輕淡曉妝巷口誰家營玉壘掌
中何日舞霓裳不須更詠空梁什飛去飛來總
斷腸

池蓮盛開清晨往觀

林塘開滿芰荷花波面晨妝亂綵霞簇簇紅

承川整娟娟翠蓋倚風斜滿房新子含蜂蜜
點明珠滾露華避暑祇宜河朔飲習池寧似
人家

連理秋蘭詩

有引

余自西粵携歸秋蘭三本今歲季夏
花盛開奇芬秀色迥異常品中有兩
花駢而為一合蒂聯英又不特連理
並頭而已客有以為瑞者喜而賦之
幽蘭呈瑞挺芳蕤紉就同心佩陸離兩兩紫英
開並蒂雙雙綠萼綴連枝謝庭玉樹真堪侶楚

斲瑤葩未足奇向晚光風更吹拂月華香霧坐
相宜

客去

茂陵歸後日書空壯志銷零歲不同俗事厭聞
緣耳洗新文喜誦為頭風右軍山下鷺成字陶
令籬邊菊幾叢薄暮問奇人已散倚欄翹首送
飛鴻

同孫行人文會飲胡安定墓下

澗水潺潺響白雲空山伐木聲相聞林深過客
畏虎跡地僻居人馴鹿群密竹短墻圍梵院高

松細路轉胡墳花時莫負春游興共爾狂歌醉
夕曛

江寺副于春過飲橫塘莊遂同泛石湖
每逢北使問京華忽漫停驂野客家小飲花前
張草具勝遊湖上附仙槎納涼宴坐迎風便聯
句忘歸恨日斜恠爾別來才思進江淹今已筆
生花

宿大司空安仁劉公山莊二首

桑麻彌望原田繞竹樹成行澗道分舟楫時通
具區水軒窓朝起弁山雲蕭疎生計漁樵事淡

泊機心麋鹿群此地何如簪組貴野人休更勒
移文

憶昨追趨畫省中自公多暇日猶從豈知朝市
浮雲變猶喜江湖握手逢山靜停杯聞木葉夜
闌秉燭看芙蓉求田問舍能無意北里南隣作
老農

宿施憲副聘之古朴樓

丈人宅子茗谿濱余亦乘舟訪隱淪高樓遠望
見百里古樹濃陰遮四隣隙地種桑知有利薄
田栽芋豈憂貧細談往事傷心極湖海樓樓歎

此身

盧師陳卜居城東携酒相顧

長安城東新卜居閉戶蕭然只著書苑靜烟霞
聯禁密官清鳥雀下庭除論文苦愛高人傳好
客時來長者車躍馬携壺相問訊爲余沽酒解
銀魚

叶病桃花園文太史期過訪詩以速之
闔閭城北桃花園桃花夾塢如桃源一春病肺
惟高枕終日著書長閉門耽幽苦憶山林僻好
靜翻嫌鳥雀喧報道羊求不時到幾迴開徑候

高軒

過仲兄謝湖別業

五湖一曲輞川莊修竹千竿蔽草堂素練繞門
秋水淨翠屏當戶晚山蒼窮愁亦有田園樂習
靜能無著述忙弟勸兄酬自茲始也須斗酒醉
柴桑

伯兄携酒肆志園賞菊

天明折簡報花開日午移舟載酒來荷鋪親除
蔣生徑解衣同醉陶潛杯幽姿百種嬌風榭冷
艷千叢裊露臺此日共歌棠棣什伊予慙乏惠

連才

夜飲仲兄山莊

斜日携壺叩竹扉長公扶病倒荷衣
避賢轉詫交遊散樂聖休論世態非
興劇酒隨紅燭盡狂來歌逐綵雲飛
中天月色真如畫不羨山陰雪裏歸

澣溪草堂爲朱天民賦

澣溪新卜草堂幽况有漁磯枕碧流
一徑榆陰不知暑四窓山色更宜秋
楓林散步吟紅葉水檻間凭對白鷗
羨子高情同魯望筆牀茶竈只

扁舟

題陳職方魯得五山別業

嘗聞五老匡廬勝豈識閩中五馬山
天外層巒同縹緲雲端飛澗並潺湲
蒼蒼秀色時當戶寂寂幽棲日閉關
何用拂衣遊五嶽羨君茲地足躋攀

題孫秀才菰城別業

土城傳自春申築山館今爲武子居
窓引溪雲飛白鳥池通湖水浴紅蕖
桑洲隱隱菰蒲亂樵路迢迢竹樹疎
羨爾投戈習文藝閉門讀盡鄴

侯書

送大司徒鄒公歸湖南

懇辭榮祿思田里竟解朝簪別
帝闈優詔特教馳驛去明時
何以拂衣歸兩都錢穀誰能計
八座功名世所希國有老成天下福
士人徒爾美知幾

送戴孟光宰金壇

建業關河拱帝居金壇風俗類秦餘
華陽洞闕仙人錄句曲山藏太史書
鷄犬千家花縣靜絃歌終日訟庭虛
飄飄銀漢星槎去卧病文園

獨曳裾

送湯太史時敏謫官中

嗟君謫宦意何如僕馬星言四
簡書江水遠浮天柱闕楚雲時傍小孤舒
每司簿領趨公府曾捧絲綸侍石渠
不久皇恩召宣室長沙無用弔三閭

送南仁父守徽州

三載西曹爲大夫金章象簡出皇都
使君五馬初乘傳漢室諸侯重剖符
春雪消時河水發亂山深處郡堂孤
知君不薄新安守訟簡風清一

事無

送人官南康

羨君作宦南康州
廬嶽崔巍擁上流
瀑布銀河當面落
香爐雲氣半空浮
江花自發匡君廟
山月長懸謝客樓
幕下公餘倘無事
為尋彭澤菊
花秋

送人游洞庭

洞庭天險東西峙
震澤波濤混太清
萬石雲霞開錦繡
千村風雨雜簫笙
毛公壇下藏金籙
鹿泉泉頭濯紫纓
閉戶著書吾有意
何時與子避

二首

昨聞
榆林今喜元戎奏捷音
選士防秋徵六郡
出師終日費千金
風清細柳饒歌動
月滿駱門殺氣陰
諸君宜軫濟時心

陰山西去草蕭蕭
飛將誰能捉射鵰
當寧聞鼙思頗牧
軍中投石望嫖姚
虎符夜發抽兵急
羽檄晨馳轉餉遙
邊務即今彫敝極
願將封事上清朝

山中寄履吉

千山萬山當面迎采秀探竒余獨行天寒洞庭
一水闊落日縹緲孤峰明草
賦君今畏後生若問高陽舊徒
賢名
吾已欽前輩作
侶竹林應有七

法華庵寄吳興諸友

昔愛湖山野寺居今依潯水借
開虛館密密桑麻連曲渠風土
漸於鄉國近壺
觴無奈故人疎年來更有文園
病媿似虞卿強
書

度崑崙關寄馬侍御君卿

崑崙關外即邕州遷客那堪此地遊九折坂盤
疑棧道萬重山險抱江流時平不見干戈警身
病仍聞瘴癘愁五嶺古來無鴈到思君何處慰
離憂

答大司空劉公見懷

北雁南魚各異方吳江越水路茫茫人生聚散
那堪說世事升沉祗自傷十載東山間謝傳幾
時牛渚共袁郎相思獨上高樓望忽接新詩淚
兩行

宗伯昭過訪辱詩奉答

蓬戶蕭然仲蔚居，忽傳高士駐文輿。
隣君失意長爲客，顧我窮愁強著書。
海內獨憐青眼在，花前猶恨綠樽虛。
石湖新水晴如練，好買扁舟看釣魚。

答陳太僕魯南

金陵西望思悠悠，苦憶風流老大頭。
對酒那能論往事，寄詩粗可慰離憂。
焚魚學士新招隱，題柱仙郎故倦游。
豈是竄身求負郭，祇緣餬口卜菟裘。

答蔡文九遠

一自君王賜五湖，閉門高枕著潛夫。
支離農圃全踈嬾，嘆息交游半有無。
金馬門高瞻日月，清楓江冷憶蓴鱸。
子雲白首真能事，草得冠兩都。

答履吉見懷

湖頭新水沒漁磯，桑柘青青葉漸稀。
谿柳晚涼蟬亂響，渚蒲朝霽鶴群飛。
養生藥物身無恙，玩世功名事已非。
谷隱巖栖真我願，異時浮海莫相違。

施憲副過宿列岫樓辱詩奉答

茗谿惜別動經年吳地相逢倍黯然握手論心
疑夢裏狂歌痛飲對花前高樓只合元龍卧塵
榻寧於孺子懸本爲情深遥命駕何須興盡便
迴船

奉次大司馬總督蔡公征黎二首

羽檄星馳出鳳城虎符風發集狼兵軍容坐撼
山川動殺氣先回草木生玉節臨邊蠻霧靜樓
船橫海瘴烟清朱厓此日封京觀麟閣他年勒
姓名

交南新築受降城海外親提十萬兵專闡功高
推大將請纓心壯笑書生轅門風急朱旗捲幕
府霜天盡角津露布早馳黎母捷磨崖誰數伏
波名

次電白觀海

電白城高海上開飛樓千尺俯蓬萊三山隱見
從空起八極溟濛入望來蜃氣朝蒸疑是霧潮
聲晝湧忽如雷遥思驅石當年事直欲乘槎去
復回

次遂溪書事

荒村古堞樹陰陰下馬停車試一臨城郭蕭條
經戰後山川搖落對秋深劉琨報主聞鷄舞諸
葛匡時抱膝吟
憂不細江湖空有廟
廊心

次文太史見寄

愁緒搖搖似旆旌每懷前輩有儀刑高公詩寄
題人日方朔名傳是歲星吳苑菊荒三徑在楚
江雲遠數峯青折腰五斗緣何事休怪楊雄憶
草亭

袁永之集卷之七

袁永之集卷之八

五言排律

南都紀遊

元正聽朔奉天殿

廷對

入館呈諸君

寄壽太傅木齋謝公三十韻

紫陽菴

張氏園亭

遊張公洞簡宜與令谷嗣興

答谷嗣興游虎

見憶

自夏徂秋候 旨未得歸

南嶽登絕頂

送張濂卿歸賦溪

送莫水部子良歸華亭

賦得桃花洞贈李正父

七言排律

寄上大宗伯石潭汪公

桂林卧病書懷

秋菊盈園客至輒醉效白太傅體作

五言新體

江都陳娥許嫁姑蘇崔生強暴將奪之抱

節而死二首

六言

莊居二首

春日肆志園漫興五首

石湖次彭孔加韻

芳春樓

飛麗亭

寒玉泉

卷之八

正言

六言

六言

六言

六言

六言

六言

六言

兼永之集卷之八

南都紀遊

六合齊文軌多方協帝猷
 山河包魏闕日月拱神州
 佳氣瞻閭闔光華憶冕旒
 樓臺三輔曉風物五陵秋
 財賦東藩會網維北極侔
 寢園藁矢服武衛擁貔貅
 地接王公館花迎伎女舟
 通衢分列騎官柳引鳴騶
 濟濟來陽禹彬彬奮祖劉
 威儀方陋漢制作遠追周

元正聽朔奉天殿

宵炬開閭闔晨鍾警未央
 穆清頒象魏斧袞翼

旂常庭實輸文陛宮縣合洞房鸞和瞻至止獸
舞儼成行土德三元會乾文七曜光履端申歲
事敬授稟王章協律調一籥司儀肅袞裳春融
仙掌露寒薄玉戈霜銅渾初昏轉階萸孟月芳
苔痕疑隱綠柳色半舒黃綵帖鏤金薄椒花薦
羽觴雲官歌萬壽太皞肇東方靈沼流澌釋新
田土脉張九衢揚木鐸千畝勸公桑翼翼宸維
正巍巍帝座昌都俞欣道泰游豫悅時康

廷對

警蹕臨軒出公車待詔來羽林羅廣陛法從擁

蓬萊天語絲綸密人文日月開非熊勞夢寐
鼎想鹽梅喜起夔龍會條陳董賈才小儒真忝
竊拜手咏康哉

入館呈諸君

卒業銅龍署從游金馬門吹噓忝嘉薦感激荷
殊恩朝散花迎珮公餘月滿軒槐陰親几席鶴
舞對琴尊竊祿多遊豫披文共討論諸君盡材
彥述作冠詞垣

寄壽太傅木齋謝公三十韻

翊運調樞軸乘時陟廟廊四朝全禮數八座冠

班行名使華 重功存社稷康鍾彝標事業甲
第聳文章 化思 治明公佐 敬皇披鱗輸
骨鯁補袞詠羔羊侍從雲臺下逶迤黼座傍謀
謨勤獻納夙夜慎趨蹌坐視金麻草歸舍玉署
香建明真不朽遭際亦非常共羨時宣召惟知
日贊襄休休綿國脉肅肅布王綱剝復機相倚
艱屯意叵量悲風天地慘遺詔古今傷萬事俄
然改孤忠誓敢忘危機嘗虎口正色忤豺狼
遂明農願終傳辟穀方斯文關泰否吾
藏謝傅東山墅裴公綠野堂升沉更世

歷風霜訪落勞存問徵書荷寵光安車迎再四
束帛備 黃虛位相推讓趨朝勉對揚主恩來
不忝臣節去彌芳明哲身能保林泉志竟償羽
儀尊泰華桃李望門墻世祿誇名閥詞林有令
郎伊余蒙品藻美烈媿鋪張未及陪珠履徒懷
奉羽觴佇瞻南極下遙祝壽無疆

紫陽菴

復磴上重重靈關訪赤松壇危瑤草合竈廢白
雲封珠舄懷賓馭星旌想道蹤丹砂難變化紫
汞費陶鎔海上方無驗桃源路莫從何當棄家

室緱氏倘相逢

張氏園亭

未窮游覽興延賞辟疆園戚里聯閭闔椒房冠
掖垣朔風排繡闥納月啓華軒芳沼芙蓉列幽
庭翡翠翻鶯花疑杜曲水物愛桃源歸騎林塘
晚昏鴉樹樹喧

游張公洞簡亓興令谷嗣興

靈洞虛窓豁香臺曲磴連陰陽開福地日月闕
人天度險高還下探竒折更旋浮嵐迷晦黑怪
石駭騰騫色雜丹青飾形疑鍾磬懸把杯承乳
溜張炬認芝田羽化窮幽訣霄昇想秘詮寶符
何在矣丹竈尚依然浩蕩歡方洽飄飄思入玄
因懷葉縣宰鳧舄望翩翩

答谷嗣興游虎窟憶

仙宰鳴琴暇旃林駐節遊河山標上界物序賞
初秋遐眺憑危閣高攀陟峻花迷芝蓋轉泉
涌羽觴浮陰壑碑文蝕劍氣流霸圖還憶
古勝槩屢窮幽錦札勞題贈瑤麾阻獻酬無緣
同惠遠送汝虎溪頭

自夏徂秋候旨未得歸

徂暑慙流滯何時許罷歸過湘無鴈到望闕有
魂飛拙宦心真懶傳經事已非周任稱就列梅
福嘆知幾瘴癘炎州劇尊鱸澤國肥江湖隨處
好早晚築漁磯

南嶽登絕頂

南嶽勢何雄高高聳祝融目窮三楚盡身在九
霄同雪瀑懸銀漢星梁跨綵虹古臺朝望日陰
壑晝乘風虞狩遺踪杳仙昇往事空坐觀飛雨
至雲氣起封中

送張濂卿歸賦溪

長聞賦溪勝何日下湖游山指洞庭去水從天
目流草荒巖子墓楹泊范公舟錦浪迷紅芰清
波戲白鷗菱歌花裊出畫槳鏡中浮君去秋應
盡霜楓滿渡頭

送莫水部子良歸華亭

華亭生二陸之子孰三墳月露卑今體陽春慕
古文清逾何水部俊掩鮑參軍錢穀寧勞汝林
泉獨見君告歸辭綬冕消暍卧松雲海上方堪
試天台藥可分丹砂延壽命竹素累功勳玄草
如刊定魚箋好寄聞

賦得桃花洞贈李正父

聞子幽棲處桃源路不迷崇臺窺鷲嶺別業對
花溪竹樹攢危壑烟霞斷石梯桑麻墟里接鷄
犬白雲低中有長生客金丹竈已泥他年問津
去相訪武陵西

寄上大宗伯石潭汪公

高卧東山老秩宗懇辭榮祿遂明農丹心魏闕
孤臣淚白首江湖萬事慵侍從一朝真感激官
居八座亦遭逢美名久矣人爭慕直道由來世
不容薊北周南雲杳杳吳山楚水路重重鴈歸

知何處家住匡廬第幾峰棠棣花前紛屢
舞鵲鴿原上喜相從市朝莫問多更改兄弟遥
應盡友恭未及識荆瞻氣象曾因御李荷陶鎔
佇看瑚璉登清廟莫學神仙事赤松

桂林卧病書懷

南中春半已飛花客裏傷春更憶家舊說炎荒
惟象郡今來卑濕倍長沙山嵐弄雨初疑霧海
氣披晴忽變霞杳杳蒼梧分嶺外迢迢銅柱極
天涯殊方物候偏驚早到處風未慕華月報
峒蠻騷戍堡時傳江獍切鹽樵投戈共喜交州

順游金猶嫌荔浦譁遠道甲兵愁阻絕羸軀
瘡苦交加折腰元亮辭先賦病肺相如思轉賒
鼓柁新秋還甫里杜門終日卧官衙蓴鱸自足
供鱸粥蕙苾休教載使車莫恠掛冠胡太早二
毛無意戀烏紗

秋菊盈園客至輒醉效白太傅體作

小園無日不花開更苦黃花滿徑栽謝病長卿
拋著述避人陶令賦歸來霜枝高下依朱檻露
蕊浮沉薦羽杯日引兒童相燕賞時邀鄰曲坐
莓苔香氣似入芝蘭叢絕爭看錦繡堆豈羨

季倫金谷好已拚李白玉山頽酒中深趣真堪
樂身外浮名祇是災但使有花無俗客百年知
醉幾千迴

江都陳娥許嫁姑蘇崔生強暴將奪之

抱節而死二首

生存異鄉縣死逝異墳單鳧違昔侶隻鳳失
今儔願結來生誓還同一處遊

妾顏花比豔妾命草同彫寶幔空塵積泉臺詎
恨銷貞魂應不散暮雨復雲朝

莊居二首

百疊山圍屋角一灣水繞門前試問橫塘風景
何如灤西輞川
避客誅茅山郭養痾却掃衡門焚香終日靜坐
荷鋤有時灌園

春日肆志園漫興五首

一瓢逍遙農圃千駟笑傲王侯尼父從吾所好
於陵與世無求

粉牆綠垂楊柳溪水紅映桃花山店酒旗高颺
江津漁鼓頻撾

床頭濁酒初熟園裡好花競開莫笑潘郎拙宦

偶同陶令歸來

梨花一番細雨戴勝百轉和風白白新鷺戲水
雙雙舞蝶穿叢

風顛雨橫無賴花落花開不知忽見簾櫳新燕
忍看庭院殘枝

石湖次彭孔加韻

秀嶺雲藏鳳利澄湖月偃虹梁風帆遠隨落鴈
漁網高掛斜陽

芳春樓

花氣遲遲春晝花陰寂寂春宵素女臺前掛鏡

玉人樓上吹簫

飛麗亭

朱拱春鶯對轉繡簾朝燕雙飛借問蘭亭綺麗
何如金谷芳菲

寒玉泉

千挺琅玕濯雨四簷環珮鳴風湘簟不知炎暑
北窓高卧誰同

袁永之集卷之八

袁永之集卷之九

五言絕句

號州許氏園亭雜詠十三首

堯峰山十二詠

橫塘別業十四首

肆志園

橫塘歸

返照

野步

渡江浦

登月華洞

興安道中

迴鴈峰作

黃陵廟

送人官曲阜

西蘆辭三首贈上海諸徵君

並頭白菊

與諸文學分韻得頭字起萬字止

袁永之集卷之九

號州許氏園亭雜詠十三首

柳溪書屋

高柳蔭清溪烟霞閉茅屋中有科斗書奇字不可讀

賓山草堂

山色晨昏殊彩翠紛千狀啣啣雙鹿麕交臥青苔上

雪岫

危崖綴陰洞窈窕藏曲折洞裏黃精花六月含

霜雪

蜡祠

九月禾稼登十月場圃築坎坎蜡鼓喧爭唱迎

神曲

松麓草堂

傍麓羅古松松根多赤苓月下松子落有客誦

黃庭

方橋

稻畦通竹逕水磴激花渠盡日濠梁上清流數

鱸魚

曲塘

別墅抱廻塘水竹冬幽趣白鷗飛復來灌園忘

日暮

延月亭

微雲澹絳河初月輝輝出素影照青林幽人坐

石室

花嶼

疊石為魚防花卉羅奇異春風三月時花落游

魚戲

釣臺

溪水清漣漪溪毛紛可數
竟日垂釣竿得魚長尺五

蔬圃

蒔植學爲圃拮据人不知
山中酒新熟客至烹露葵

竹園

幽篁密復踈雨餘色蒼翠
天風振崇林環珮聲相類

葦浦

蒹葭蔽極浦瑟瑟含秋風
夜聞滄浪歌知是河

上公

堯峰山十二詠

半峰亭

半峰翠岩堯孤亭半峰上
山下雲起時翻向憑高望

清暉軒

橫杪見風帆正對南湖水
山月流清暉來照車窓裏

碧玉沼

泠泠碧玉沼青萍鋪水面
風吹萍葉開水底魚

行見

觀音巖

磬響
行登轉危巖寂寥古龍象空林人跡稀但聞清

白龍洞

陰洞山之河谿研石勢逼還疑蟄龍起雲霧閉
深黑

多景巖

應接無閒暇日與賞心遇惟應山中人解識山
中趣

寶雲井

古馨浸寒泉稚子時時汲迎晨入翠微嵐氣侵
衣濕

偃蓋松

高松若車蓋偃蹇北山隈不蒙匠石顧詎識明
堂材

鐵塔

鴈塔蔽浮雲縹緲人天外風鈴鳴四簷獨往聞
幽籟

妙高峰

妙高峰

逶迤羣峰首躋攀興何已曠然心目開盡此
壑美

東齋

楓葉紛紛落荒徑無人掃萬念杳虛寂閉門閉
秋草

西隱

朝坐東齋幽夕宿西齋靜跏趺對佛燈沉沉清
夜永

橫塘別業十四首

有別

余別業在橫塘頗有黃山石湖之勝

辱文內翰徵仲題其門曰宅近青山

同謝眺門垂碧柳似陶潛爰即所題

賦十四絕句

宅字

伊余性好靜移家黃山側黃山何逶迤正近幽
人宅

近字

山居遠城市更與石湖近石湖妙難言秋來
如鏡

青字

連山何青青四圍如畫屏清風敞高閣明月懸
廣庭

山字

地僻罕人事日長唯閉關扁舟時汎湖雙扉遠
登山

同字

自余為老農事爭田夫同食也百畝田居也
畝宮

謝字

衣食一無營朝市兩相謝守寂聊自娛山中日

多暇

眺字

山樓頗高明豁然宜遠眺開襟當雄風懷古一
長嘯

門字

青山既遶舍綠水還當門即此足避世何用尋
桃源

垂字

經月不出戶下簾終日垂危坐誦老易道遙澹
無為

碧字

空堂寂無喧落葉疑人跡秋深涼思多雨洗苔花碧

柳字

臨水植芙蓉綠隄列楊柳愛此芳樹陰風雪亦何有

似字

雙鶴皎如雪時有凌雲志惟應考槃者高潔性相似

陶字

濁酒一壺陶字其糟陶字

潛字

卜築歲已淹耕讀時相兼陶字夫潛陶字

肆志園

折腰元亮嬾肆志魯連迂結組從他慕田園陶字自娛陶字

橫塘歸

片月出雲嶠荒烟起茅舍薄暮見漁舟來集澄陶字

潭下

返照

返照射空潭千林亂蟬響幽獨悵誰語徒倚孤

亭上

野步

新月生西嶺窈窕穿叢薄林深不逢人時有松

子落

渡江浦

閣武乘春令揚帆及霽晨柳烟迷極浦花日蕩

芳津

登月華洞寄落泉諸公

晨登月華洞洞口雲微微桂嶺杳何處孤心雲

共飛

興安道中見杜鵑花有感

杜鵑啼已老杜鵑花尚開昔從此山去今見此

花回

迴鴈峰作

北鴈不南去南人今北歸故鄉愁尚遠欲與鴈

同飛

黃陵廟

日落黃陵廟潮生青草湖蕭蕭斑竹裏山鬼嘯
相呼

送人官曲阜

花發潘生縣風清宓子琴君行瞻孔廟絲竹有
遺音

西蘆辭三首贈上海諸徵君

君家滬瀆城西蘆子渡蘆子何蒼蒼秋風吹
白露

秋鴈集復飛寒潮明更滅日暮風起時蘆子花
如雪

空江不見人漁舟眇何處風吹蘆子鳴颯颯似
人語

並頭白菊

白菊白如雪雙花一蕊開遙疑兩素女乘月舞
瑤臺

與諸文學分韻得頭字起萬字止

頭白不再黑持觴須自勸圓魄幾盈虧世慮徒
千萬

千萬

祖白不再集林賦更自憐圓則然盈積世氣

與詩文學今韻詩題字時真字士

登臺

白集以收書野并一並阻致疑兩素以集

並題白蘇

人瑞

袁永之集卷之九

宋之集卷之十

七言絕句

皇太子生肆赦五首

燕京上元歌四首

金陵歌十首

太平堤

峴山歌十二首

桂嶺十首

白靈巖至西洞庭山四首

北湖

望縹緲峯懷蔡丈九達

觀音巖訪楚石和尚

恭和棗陽王夏日襄陽歌三首

答大司空劉公二首

少宰徐師薜荔園十四詠

送汪僉事赴湖南三首

送文太史徵仲歸田五首

送蔡師古遊漢陽

送人還臨海

送人遊武當

送許彥明還金陵

送陳道原武舉北上

劉司空宅觀趙王孫所畫逸驥脫羈圖

石湖草堂芭蕉甚盛賦詩乞之

紹之弟惠麝香百合千葉梔子二首

春來無日不飲爲酒所困乃不知春去悵

然有述二首

溪上作

袁永之集卷之十

皇太子生肆赦五首



海內歡_{清山} 聖人萬方雷雨一時春元良繼
體傳_一 其宗祏開祥自九嬪

電繞青宮瑞靄流星輝紫極慶雲浮多男不用
高禔祝淑女還同太姒述

天祚皇明 良我 皇純孝格 高皇震索

已符文母卜河清先肇啓賢祥

冕旒朝御奉天門拜舞羣趨賀 至尊告廟禮

成書玉牒垂衣端拱法乾坤

彤樓放赦跪千官爭看金雞丈五竿馳詔分頒
諸道使覃恩均洽萬人歡

燕京上元歌四首

九陌烟花遶建章春城游冶鬪新粧處處寶燈
疑不夜家家歌管類平陽

火樹千枝照掖庭魚龍百戲雜優伶樓頭綺綴
懸明月地上金蓮布曉星

侯家邸第入青雲一曲笙歌十里聞花作瓊瑜
金作埒燕姬月下舞羅裙

紫陌香塵蹴踘回紛紛花霧踏歌來太平無事

都行樂魚鑰彤樓徹夜開

金陵歌十首

金陵定鼎開基地虎踞龍蟠王氣多旁枕赤山
爲曲阜外連江水作黃河

高帝龍飛自鳳陽金戈直指掃天狼親驅虎旅
收姑孰更遣舟師取豫章

首起塗山作沛豐轉漕江左類關中長驅已報
崑函破略地仍傳瀚海空

地轉天旋大駕崩千官灑淚哭龍昇翠華玉
鳥虛無裏日暮悲風起孝陵

一自 文皇宅北平漁陽上谷衛都城西通關
陝爲藩鎮南指金陵配鎬京

別寢靈宮構紫微嚴更清暑秘端闈花開舊內
無人見草綠長門燕子飛

海內風雲盪晦冥空廊寂寂闕丹青麒麟閣上

圖諸將 武湖頭扈百靈

花發臺城苑殿荒六朝遺事使人傷翠華想像

宸游處碧草萋萋輦路長

岸夾垂楊起畫樓秦淮錦浪接天流朝朝綵鷁

來江口夜夜鷓鴣集渡頭

廣陌香車九軌來長千里接鳳凰臺烟花萬戶

聞歌舞宮殿千年閉草萊

太平堤

菱葉荷花夾岸秋金堤十田抱芳洲鳳凰臺對

蓬萊殿玄武湖通太液流

峴山歌十二首 有引

吳興山水郡也而峴山爲最勝前臨

碧浪湖中有浮玉道場金蓋洞庭弁

嶺環竒拱秀且近城而幽臺榭紛錯

竹樹廻旋余甚娛之旅寓旣久得十

二絕句

峴山更比襄陽好漢水何如碧浪清千里桑麻
環沃壤萬家樓館抱重城

城外苕溪接雲溪道峰高並并峰齊誰言剡曲
和巖瀨莫羨藍田與灤西

春水桃花綠映人曉烟楊柳萬條輕歌船合沓
晴湖戲游騎聯翩綺陌行

金蓋茗蕘插紫霄洞庭雙峙駕靈齋具區不數
三江險天目還同五嶽高

浮碧亭前瞰碧漪博石上削金危叢祠尚表

三賢惠碑勒長存叔子思

三月桑洲綠漸勻千村蠶種洽溪濱賣葉爭看

趨市客攀條時見挈筐人

浮玉山浮碧浪湖鷺絲白白問花鳧編魚潑刺

金銀躍菡萏紛披錦繡鋪

蘇灣山下竹連岡學士墳前臥石羊牧豎採薪

爲野燒漁人吹笛起滄浪

紫荇青蒲密復稀水清花落鰕魚肥曬網朝朝

漁艇集採菱處處渡船歸

說法空尋最上乘緇經靜對佛龕燈前身恐是

王摩詰今世來爲有髮僧

黃菊丹楓照眼明
山青湖碧愛秋晴
夜坐南樓看月上
曉開西閣候雲生

梵殿香臺竹樹間
風檣雲纜寺門前
客館不知黃葉落
書窓惟有白鷗眠

桂嶺十首 有引

城西鳳凰峴下有范氏園
桂樹數百株花時游客如市
嶺西更有魯家園樹小而花更繁
人無遊者

千株古桂凌雲數里香
風滿端闈翠幕周圍
高復下亂飄金粟碎紛紛

華麓山前繞稻田
鳳凰峴下桂叅天
村童野老盈筐採
賣與遊人不論錢

繡褥文茵席屢移
羽觴催送酒淋漓
戲將紈扇承花朵
醉脫羅衣掛樹枝

風舞飛英杯面浮
酒香花氣紫霞流
綵囊盛滿懸衣帶
更雜鈿蟬插髻頭

緩步松陰過嶺西
叢桂蔽迴谿
野人落帽低枝亞
稚子携壺小徑迷

魯園花較范園多
谿水當門覆薜蘿
莫學桃源

賺劉阮向來遊客少經過
偃蹇亂枝玉露溥清秋仍得醉中看若教朗月
臨青嶂何用乘風向廣寒

錦繡山河拱地靈黃金堆裏擁丹青恍疑戶掩
流蘇帳又似堂開雲母屏

日落深林客漸稀傾城士女看花歸香塵不斷
人聲遠惟見籃輿轉翠微

自靈巖至西洞庭四首

靈巖高處是琴臺舞榭歌梁已草萊西施洞指
雲中出蕊紅紅從海上來

龍爭虎鬪事千秋越壘吳宮麋鹿游更分震澤
爲彭蠡亦有三江賽十洲

天開地缺浸方輿泝泝波濤混太虛縹緲峯
看浴日毛公壇下閱丹書

七十二峯天削成青蓮萬朶盡分明若爲飛鳥
都游遍不減蓬萊頂上行

北湖

樹裏茅堂面太湖水精宮闕對蓬壺晚來雨霽
開簾看七十二峯如畫圖

望縹緲峯懷蔡丈九達

遙望中湖縹緲峯丹霞削壁幾千重桃花曲曲
緣源路我欲從之訪蔡邕

觀音巖訪楚石和尚

聞有高僧住翠微雨中來訪白雲扉空山落葉
無人跡但聽泉聲百道飛

恭和棗陽王夏日襄陽歌三首

漢水方城帝子宮玉臺瓊館五雲中自有舜絃
消永日不須班扇引薰風

習池肅穆疑冰井峴首陰森似雪山倒着接
花下醉銅鞮滿路踏歌還

荷花如錦柳千絲暑氣清虛坐爽松風
爲閨苑更誇山子是陳思

答大司空劉公二首

大司空劉公以七夕中秋重九日三
訪予於峴山法華寺予方觀潮浙江
皆不相值辱題二詩於法華壁上敬
此奉答

自嘆身如不繫舟乘桴放浪五湖遊秋來欲問
行藏處黃葉僧房對白鷗

七夕中秋獨舉杯重陽誰與共登臺觀潮自向

錢塘去訪戴空勞剡曲來

少宰徐師薜荔園十四詠

薜荔園

七十二峯浮五湖
掩西山水賽蓬壺
朝川金谷
聞人說薜荔園中即畫圖

思樂堂

高棟層軒勢欲飛
夜臺冥漠掩泉扉
昔人行樂
今人憶只有空梁舊燕歸

石假山

山生花石石成山
幻出峯巒几壙闕
不是五丁

神斧鑿何綠
三島嘖躋攀

水鑑樓

空明真水映朱樓
秦女吹簫在上頭
夜半素娥
開寶匣一輪明月掛中秋

風竹軒

仙家軒館極清幽
疎竹千竿翠欲流
自有冷風
驅鬱暑翻疑長夏似深秋

蕉石亭

太湖花石玉玲瓏
更愛芭蕉弄晚風
坐久一亭
雲影亂綠陰浮動酒杯中

觀耕臺

綠野風和暑氣清
東菑農作喜新晴
食力豈慙徐孺子
登臺親課隴頭畊

薔薇洞

密葉繁枝結洞房
萬紅千紫鬪春粧
莫教一日無歌舞
錦繡叢中醉幾場

荷池

草碧虛無俯碧沙
清池綠水出蓮花
風翻翠蓋傾珠露
日射紅衣暈綠霞

栢

編蓬為戶栢為屏
黛色蒼蒼四序青
蔣逕不除無客到
閉門終日草經

留月峯

峯形如月影參差
霧縠冰輪隱半規
不用班姬將扇比
祇疑張尹畫娥眉

通泠橋

泠泠山磴響松風
絕壑雲深一徑通
此去赤城知不遠
石梁天上掛飛虹

花源

春盡清溪泛落花
中湖別自有烟霞
武陵未必

如西崦雞犬桑麻邑萬家

釣磯

片石湖心作釣磯投竿終日坐忘歸晚來處處
漁歌起醉看青天白鷺飛

送汪僉事赴湖南三首

曉發匡廬泝武昌輕舟幾日渡潯陽清楓兩岸
啼猿夜黃鶴樓頭望故鄉
鄂王城下漢江流衡嶽雲連夢澤浮九月清霜
飛木葉一聲陽鳥使人愁

分司憲府鎮荆蠻皂蓋朱幡杳莫攀倘過襄陽

問者舊何人高臥鹿門山

送文太史徵仲歸田五首

劉向爲郎已十年賈生憂國竟南遷嬾從天祿
成 草寧向柴桑乞酒錢

明光殿前辭紫宸黃金臺下送行人長淮風浪
多新水茂苑鶯花已暮春

五十傳經試一官誰能徇祿不如間偶來金馬
承丹詔焚却銀魚向碧山

豈有移文勒北山灌園終日不辭艱三花少室
惟高臥五柳衡門早閉關

燕京二月梨花飛澤國春深鱸鱖肥相如四馬
臨邛去范蠡扁舟湖上歸

送蔡師古遊漢陽

漢江鴨綠與天通一日飛帆向楚中峴首斷碑
懷叔子鹿門高枕慕龐公

送人還臨海

南游會稽北入燕看花長醉酒壚邊輕舟杳杳
望吳越秋水鱸魚時扣

送人遊武當

洞庭南去即三湘衡嶽盤空接武當雲覆龜蛇

長五色下生芝草與瑤瑤

送許彥明還金陵

霏霏雨雪滿江湖雲外哀鳴鴈影孤歸到金陵
親友問松江惟有四鯁鱸

送陳道原武舉北上

少年能武復能文此去須空冀北群投筆封侯
豈難事一

劉司空宅觀趙王孫所畫逸驥脫羈圖

誰寫驂騑意匠深幸辭羈勒就長林雖無滅沒
追風相猶有騰驤歷塊心

石湖草堂芭蕉甚盛賦詩乞之

苦憶楞伽舊草堂芭蕉幾樹綠雲長
遠公解識山人意分得清陰映粉墻

紹之弟惠麝香百合千葉梔子各二本

碧玉亭亭縞素粧
朦朧斜月轉山房
天香國色真無比
麝腦何須賜尚方

百合花殘薝蔔開
殷勤移向藥欄栽
最愛濃香清潯暑
那知三伏與黃梅

春來無日不飲為酒所困乃不知春去

張然有述二首

春來日日昏昏醉
不足登山即泛湖
酒醒猶未起却嫌門外客
携壺

落盡桃花滿綠波
不知春去恨如何
驅愁無計還憑酒
莫厭高陽酒伴多

溪上作

清溪曲曲泛飛花
千樹緋桃爛曉霞
何必武陵堪避世
橫塘自有許山家

清溪曲曲泛飛花
千樹緋桃爛曉霞
何必武陵堪避世
橫塘自有許山家

袁永之集卷之十一
 賦頌
 遠遊賦
 思歸賦
 弔董相賦
 懲咎賦
 宣幽賦
 北征賦
 潛思賦
 閔俗賦

袁永之集卷之十一

賦頌

遠遊賦

思歸賦

弔董相賦

懲咎賦

宣幽賦

北征賦

潛思賦

閔俗賦

西征賦

別知賦

秋水亭賦

麟山賦

中麓賦

陝西諸

河清頌

皇太子生頌

哀水之集卷之十一

遠遊賦

有序

余弱冠登朝讀書中秘繼官刑曹調武選武庫
災編戊湖州赦歸蒙薦起爲南武選遷職方署
員外郎尋有廣西之命昔孔子欲居魯不以
爲陋廣西古百粵也今海內同軌且余旣仕矣
安敢以遠辭乎爰作遠遊賦以述事抒情焉其
辭曰
沐鴻私於嘉運兮擢遺仄於樊門曳華綏以登
進兮踐舊京而嬉遊幸朝野之無事兮肆驩虞

而靡憂謝文墨之填委兮稽圖牒以諮搜差穀
且以休息兮爰嘯侶以集儔升北山以遐眺兮
遡大江而榜舟或閱武於廣場兮或被袂於清
流尋廢興於六代兮仰駿業於皇猷念無荒
之有戒兮信佚樂而不偷乏佐時之奇畧兮竟
投裔于僻陬駭顏駟之龐眉兮惟馮唐之白首
嘆滯淹於更生兮笑浮沉之揚叟羞子安之巧
宦兮蒙良史之譏醜偉潘仁之拙政兮賦閒居
而不朽衆捷徑以窘步兮固余顏之所厚獨脩
媿以委順兮諒余心之所取苟貪婪以競進兮

寧坎壈以自守昔孔聖之周流兮居九夷而弗
陋下惠之直道兮遭三黜而無咎顧樗櫟之非
材兮雖棄捐其何有奉簡書以畏忌兮戒僕夫
而啓行出樵李之下邑兮游臨安之故城痛越
霸既不終兮宋社又以圯崩肅陽侯以先驅兮
遵淞水以揚舲感錢鏐之雄武兮提尺劍以縱
橫悼伍胥之忠憤兮浮鷗以隕身忽怒濤之
山立兮儼白馬以耀靈沿桐江以容與兮憇嚴
瀨之澄清躡高臺以長嘯兮懷哲人之典刑於
是芳歲將徂冬告畢雨蒙蒙其下淫兮雪霏

霏以蕭瑟露霧暄以冥冥兮同雲曖其無色鴈
離離而南翔兮日忽忽其西匿坐脩夜之難旦
兮步列星以太息繹甯越之曩歌兮材士頗頷
而失職心佗僚以紆軫兮思絪結而瞽惑水泉
涸其不流兮石巉巖而阻塞旣儻偈以川浮兮
復崎嶇而山陟野蕭條而無人兮獸躑躅以弄
跡愁車殆而馬煩兮汨吾朝征而夕于役形枯
槁以渴饑兮精消鑠而內蝕冤涸瀆以踰佚兮
涕浪浪而霑臆撫壯年之不居兮耻脩名之未
立於是歷甌粵觀豫章典嶺嶺關於江渚兮

諫瑋辭以徬徨帝子不可作兮王生亦已淪亡
睇彭蠡之巨浸兮追鴻伐於高皇想湖水之

蓋赤兮殪元兇於大黃翦鯨鯢於溟渤兮陋巨
鹿與昆陽謁群忠於叢祠兮覩丹青之耿光甄
孫許之壯烈兮實後先以相望咸致命以竭節
兮終身滅以名揚越臨江以信宿兮矚玉筍之
崇岡侈降禪於漢武兮欽登封之闕藏忽獻歲
以發春兮迴青陽於幽谷鳥嚶鳴其相和兮麗
冬榮之嘉木悲去鄉其目遠兮時反顧以蜷局
魏牟皇皇以戀闕兮嗣宗塗窮而慟哭何賢哲

之達觀兮猶委心於榮辱諷龍蛇之至言兮勵
浮雲以自勗聳韓廟於袁疆兮哀逢辰之不淑
黜百家以述聖兮排二氏以箴俗雖馴鯉以開
雲兮卒罹殃而粵古賦逐弔楚纍於江潭兮披
騷經而三復椒蘭妬而搆讒兮嫉蛾眉而誣詆
怨靈脩之不化兮傷郢都之傾覆式彭咸以自
靖兮葬汨羅之魚腹涉長沙以夙駕兮嗟賈生
之天年遭漢文之殊遇兮何卒困乎絳灌之巧
言闢宣室以徒召兮賦鵬鳥而自憐挺異才以
命世兮竟與古賦志於重泉亂衡陽之洪河兮厲沅

湘之大川覽吳楚之上游兮極耳目之偉觀瞻
柳侯於永郊兮薦蘩蒞以羞筵世溷濁而雍塞
兮紛妬忌以蔽賢慨四子之一轍兮羗異代而
同患士不遇以永歎兮諒自古而已然望朱垠
以俶裝兮指象郡而驤軌肆流目於南疑兮悵
重華之野死蒼梧曼曼以在望兮悼二妃於江
之汜山龍從以造天兮嵐昏昏而晝起桂樹叢
生於巖阿兮春炎炎其若暑壤濱海以沮洳兮
土墊濕而恒雨猥狃娛以侗人兮咸雕題而黑
齒蝮蛇藜藜於中林兮蜜含沙於淵水雄虺九

首以鬻鬻兮封狐捷而千里何此邦之炎瘴兮
固蠻族之所止徵禹跡之所不到兮檢職方而
未序詫漢帝之喜功兮肇開拓而疆理猗皇風
之泰昌兮界昆吾以爲宇包五嶺以作藩兮括
百粵以置吏朝越裳以重譯兮撫交州而即叙
眇余躬之陋微兮敷文教于茲隅戾泮宮以振
鐸兮選青衿之秀儒懼聖遠而言湮兮病曲學
之支離列四科以作人兮愧五教之未施憑丘
墳以頌志兮寄絃歌以自娛聞老聃之適戎兮
講道德之玄虛蒙莊適于漆園兮馳放言以恣

睢虞卿窮而亡聊兮猶發憤以著書苟斯文之
未喪兮竊希志於前規吾將籠今古以騁騫兮
掇罔象之珠亂曰去鄉遠遊心不樂兮自冬
徂春將焉薄兮炎州卑濕風土惡兮魑魅盡出
瘴癘作兮狐死首不忘故兮代馬北風尚知
慕兮世不我知羗誰愬兮歸歟歸歟娛竹素兮

思歸賦

旅荒徼以羈處兮心恇恇而多憂陽春逝以流
邁兮曜靈迅馳而不留涉恢台之炎夏兮赫焦
灼以鬱蒸瘴曠曠以中人兮觸沉疴以驟興寒

熱搏而襲逆兮苦疢崇之相乘乏單豹之內養
兮二豎伏而伺升哀吾生之孔艱兮逢百罹以
備嘗進觸藩以跼蹐兮退曳尾而摧藏嘉魯連
之肆志兮雖貧賤其何傷世好朋而習佞兮思
婞直之構殃遯幽谷以逾紀兮忽奔走乎遐方
豈好爵之我縻兮實簡書之可畏收孟明於三
北兮蒙羸繆之渥惠奉周任之炯戒兮勉陳力
以就位冀鉛刀之一割兮庶伐檀之無媿老冉
冉之將至兮疾疢糾其相仍俟河清之幾時兮
恐朝露之易零誦夫子之雅言兮疾沒世之無

經紛王事之輒掌兮籲天闕而乞身積頽思而
寢息兮憎愠愉以怵惕喟中情之莫我察兮春
懷歸而未得夜申旦以不寐兮就角枕而夙側
蟲翳翳以潛飛兮聽空除之蟋蟀先秋氣以哀
吟兮感時物之數易魂營營以夢歸兮覩故鄉
之髣髴歛驚寤以在床兮怛懍懍而怱怱昔鍾
儀之囚晉兮操土風而不忘彼莊舄之仕楚兮
詠越聲以徬徨覽季倫之奏引兮思娛老於河
陽繹陶令之賦辭兮脩初服於柴桑人情各懷
土兮豈必經營乎四方余既不能狗華以苟祿

兮又焉能棲棲於此邦孔接浙以違齊兮軻濡
滯而出晝欽疏傳之炳幾兮脫桎梏於組綬梁
歌噫以竄稽兮梅掛冠以遜吳仲樂志於園藪
兮張興思於尊鱸鴻冥冥於寥廓兮超繒繳而
遠徂非斯人其誰與歸兮永逍遙於江湖亂曰
玄鴉黑鳥號寢宮兮鳳凰翩飛匿林中兮人各
有心紛不同兮靜躁殊趣貴中庸兮塊獨居此
將安從兮我思古人希哲蹤兮

弔董相賦

江都有董相祠焉余謂而悲之作賦以弔其詞

曰余有事于江都兮敬謁董相之故祠悼哲人
之遐烈兮獨慷慨以申辭何夫子之純懿兮生
不逢夫休時黃虞日遠兮禮法敗衰弦歌不陳
兮譎詐相欺秦肆并吞兮燔燒書詩周孔道墜
兮異說恣睢漢興馬上兮陋習未除叔孫小器
兮又何制作之能爲猗夫子之中庸兮卒潛心
於下帷綜羣籍之華實兮宣六藝之精微蠟游
夏以升堂兮抗孟荀其並馳發奧義於天人兮
王道粲其綱維彼武帝之多慾兮徒仁義之外
施表章經術兮何獨棄此大儒豈斯文天喪兮

實公孫其蔽之兩相驕主兮匡王禮儀虎口幸
脫兮終身擯遺貪人敗類兮讒言罔極忠信弗
滅兮仁賢杜塞悲士不遇兮撫遺文而太息蓋
自古已然兮士入朝而見嫉駑馬克棧兮騏驎
困於下勒幽莠盈疇兮嘉禾萎而弗殖文軒不
知御兮敝輿是飾間姝嫫母兮妍媸 惑吳干
龍淵寧弗利兮謂不如鉛刀之斷擊濁世潛禁
兮又孰能遠夫姦慝昔晏嬰之辯智兮尼父輟
封而受厄姬文之拘囚兮崇侯搆其仇隙伍員
之瀕首兮太宰進其辭說三閭之沉湍兮由子
之變溺韓非斃於說難兮李斯爲之讒賊嗟
賈生之通達兮曾弗容乎絳灌宜夫子之於公
孫兮沉下僚而削迹

懲咎賦

余以回祿之警逮繫詔獄者百日幽困之極賦
以自懲其辭曰孟夏徂暑兮從獄辭歷杪秋兮
曠旬時遭幽辱兮抑志而自尤繫岸狴兮蹇纍
囚余不德兮嬰禍咎罪釁積兮逢此震怒祝融
孔威兮播凶虐挾飛廉兮火大作天降孽兮突
焚如官弛禁兮蕩 墟乏禪竈之先智兮愧國

僑之訓令謀不臧兮詎曰予命 皇聽察兮泐
無私詔覆訊兮窮刑書嗟屢校兮荷黑索體膚
傷兮屢扶扑日冥冥兮錮陰扉寢下濕兮棘重
圍卒孔武兮恣殘詬蟲藟藟兮靡夜晝鼠羣嚙
兮蠹潛螫人燈半滅兮不見月星雨淋淫兮積
庭潦辱塗泥兮羌誰告叫天闔兮蔑由聞構譏
言兮玉石不分夫何辜兮惟險酷身貼危兮備
一一昔殷湯兮拘夏臺桀覆家兮禹緒衰周文
一一姜里創易彖兮述 旨治長縲綆兮尼
父西稱鄒陽激書兮卒以自明伊古賢兮蒙困
難余何人兮避茲憂患懲夙愆兮心怦怦而喘
舒惜壯歲兮日月不居精內餒兮 髮變世莫
我知兮又誰怨亂曰有鴟萃止集于梁兮爰爰
者兔越崇岡兮鳳鳥翩翩時不祥兮儉壬敗類
忠賢藏兮詒厥典則思先王兮

宣幽賦

閒居無事兮聊秉翰以宣幽馳精思於 奧兮
貫華實於皇流準徽謨以布則兮騁逸軌以旁
求綜陰陽以經緯兮降質文而上下窺先民之
用心兮統萬象以變化躍弛張於鉤注兮既疾

利而閒暇錯宮徵以低昂兮肅雖離其和平爛
五色之相宣兮歛意匠於經營夔殊致而百慮
兮要矩式於準繩窮藝圃之根柢兮邈灑噩其
難名樂休澤之汪濊兮忘仄陋之末伎度流俗
而橫驚兮冀端緒之未墜翔脩翼於寥廓兮何
迫隘之足累

北征賦

涉徂冬以就役遵脩轍而遐征緬井甸之絡繹
睇郊牧之縱橫沂廣津而戒楫指遐關以抗旌
既故里之睽絕憂煩傷以寡歡 雲霓其下覆

兮密雪霏霏於林端飢鳥叫嘯於中野兮增米
憑岸而汎瀾念徒御之劬勞兮畏道路之險艱
聊騁目以宣寄兮申鬱陶於詠嘆惟小人之薄
劣謬薦名於有司屬康休之嘉運羅俊髦於網
維握貞固以穀率範禮防以馳驅策駑足以遐
蹈矯勁羽於卑棲沐皇澤於天路企棧櫟之周
詩

潛思賦

夫何玄象之迅速兮日月忽其不居測天地之
閉藏兮驗四序之盈虛宵耿耿其未旦兮獨室

處而靡寧志蘊結而未舒兮靜潛思於宵冥哀
民生之寡儔兮泪秉素以含貞退踟躇以畏咎
兮進嚙沓而邁閔譬流泉之胥潰兮憂感感而
靡騁誦小明之嘉什兮表靖共於正直懷北門
之苦心兮畏室人之交譴諒哲賢之委順兮抗
遐烈以爲式攝威儀於弗愆兮履温恭維德基
播芬芳於天壤兮彌耄耋而弗渝荷中心其何
疚兮要神聽以保釐

閔俗賦

閔世俗之誣詆獨修姱以練要懲遺烈以旌植

飾鞿羈於中道秉幼清於初服固周容者之所
誚昔姬旦之申繇列如石以矢辭披騷經以繹
趣謂追曲其淪胥紛儀一而心結耿詠贊於曹
詩諒軌護之弗渝又焉能遠夫毀咎戒甕坯之
戾緩和唇吻而弗狙考聖哲之所臧寧孤抗以
寡偶彼蘭茝之昭質兮挺幽谷而彌芳覽珪璋
及筐筥豈改錯其圓方苟唳訾以怙慢耻志墨
其弗章保厥美而委順庶旁燭於無疆

西征賦

有序

趙子景仁旣得告趨庭東魯反旆西秦言邁靡

遑遑歸孔棘友人袁袞叙平生之慷慨申衷曲
之鬱陶作西征賦一首夙昔綢繆諒非毫素之
所能盡所貴好爵攸縻周行相示云爾賦曰
沐皇祇之優渥奮遐躡於天衢稟官常於夙夜
徇王事以馳驅母氏告余以言旋兮指故域其
奔趨遵首之夙慕慨陟岵之辛劬叩帝閣
以哀籲曰揆余之中情奉明詔以將諗簡吉
日以遑征出國門而東驚導脩路以啓行望旗
旄之旆旆兮僕夫誥誥其靡寧總余轡于魯邦
兮出徂徠之下也泰山鬱其具瞻兮遵孔林而

憑軾想遺音於絲竹兮悼璧藏之綴緝懼聖澤
之湮滅兮撫斯文而太息朝濯髮於天津兮夕
還轅乎西秦覽羸劉之故都兮觀儉俗於岐函
信河山之險固兮士習武而朴淳遭人文之貴
朗兮多逢掖之俊民挺殊質於荒陬兮馳英譽
於京甸甫弱冠以作賓兮卓羽儀夫胄彥流藻
論於淵泉兮決逸駟於奔電宏典述於秘府兮
彌博聞而洽見歷九州以尚友兮合道術以相
忘譬音聲之倡和兮咸取則於宮商念德音之
日遠兮宣惠好於茲章豈言說之云喻兮庶示

我以周行

別知賦有序

僕之密交有王子履吉焉多能才美獨行人倫少同濠閑長羣膠序諧聲共術實相孚暱王子之貢於天官也僕感陽禹彈冠之誼循回路贈言之情慨然賦述命曰別知要之終始焉爾昔余未燥髮兮馳篤慕於英哲曠矯迹之難儔兮諒褊心之寡協維王生之好脩兮荃中情其固結神緒以昭休兮承丕祗之宏業騫逸軌以高驥兮抗先民之皇烈既沈志於經墳兮復

窮精於簡牒辯機緯之義象兮採術藝之琛竒吐黃中之緒論兮布卓詭之妍詞式大猷以申典兮何古人之足師包豈第之上仁兮含條理之令姿敦人綱以周慎兮秉玉度其溫如誦棣華之嘉什兮玩蘭臭之易辭翔藻譽於東序兮騰茂聞於遐甸握靈珠而弗售兮慨和璞之徒獻豈命運則然兮偈時俗之蔽幸膺力之方剛兮從有司之嘉薦叩天闈以彙征兮闢亨衢而豹變期良田於晚歲兮庶修名之早建

秋水亭賦

有序

梁故都會多池臺園苑慨梁王枚馬之遺事竊
心慕之思遐游博觀訪古咨今以快其平生未
之有能郭子舜符向余言梁之美曰吾梁產也
梁之郊平臺在焉有水濱之吾構亭焉疏以葦
蓮蔽以藻荇凝神發智是甚宜於秋因感蒙莊
秋水之旨命曰秋水授表賦之其辭曰

體天地之中區兮理陰陽以經緯辯貫利於墳
衍兮制廣輪於郊遂睠梁王之故苑慨崇臺之
蕪廢鬱嶕嶢之敦兮蹇陵遲而陂陀垣墉鞠
爲茂草兮穹谷杳窅而谿澗溘仙馭之緯繡兮

皇弗備降乎峻基之嗟峨枚馬弗可作兮大雅
契殄而寥廓悲質文於異代兮降百氏而求索
藻翰信足娛兮寃宗工之矩矱依藝圃以慰止
兮漱皇流而濯漑挹榮維之汎瀾兮涉波澹之
洞潰遡瀍澗之中坻兮辟灌樹以屏兌嘉感沸
之檻泉兮攘檠柘之蒼葢壁薜荔兮繁楣榭白
茅兮芟荷扉蘭稅兮松樞芳芷辰兮藿爲帷糅
椒桂兮鏝堊繚杜蘅兮飾桴棗超形神於虛朗
疏心智於潔清齊萬有之畛域兮測五氣之虧
盈達終古之大觀兮馳宏論於莊生

麟山賦 有序

婁有九峯焉其一曰天馬黃門揚君士宜之別業在焉天馬麟也乃自稱曰麟山表聞其勝而未之游也援筆賦之其辭曰

偉吳會之奧區兮紛靈異其難詳維山川之閔峻兮苞元化於陰陽羗九峯之峯額兮奠樞位於婁方揭珍符於藪澤兮蔽海陬而枕江高岑截薛其設險兮絕陁窅豁以如堂防俯辰曜之森羅兮切閭闔以飛翔綿絡繹以迫隘兮森巖峙以開張睠天馬之嘉名兮表南服以作基棟

泰清以貞觀兮駭積岨之屈屨綴雲構於玄宇兮儼神明之攸居崇林鬱其屏翳兮脩阪扈以逶迤藹炎樹之冬榮兮雜栢桂與檉楛絳氣馥郁以氤氲兮瑤葩粲以歲蕤羨幽人之滅跡兮維嘉遯其攸宜馳情於寂寞兮澄煩念於冲虛挾長生之秘術兮求逍遙以無爲

中麓賦 有序

章丘之南爰有胡山其中麓則司封郎中李子伯華之別業在焉嘉靖十有八年天子幸承天李子以職事扈從遣吏走姑蘇邀余賦之其

詞曰

瑋中麓之嶽嶮表章

之名區首岱宗以發原

跨溟海之東隅槩泰

清以揭峻括九地之方輿

夫其壘巖嶄嶙嶙

巋截苞含星辰隱蔽日月

蘊陰陽之精和與濁

世而隔絕爾乃物產瑰異

珍竒挺生赤芝美箭

嘉木瑤英梗楠梓樟檉楮

檣櫛之材紛綸掇掇

固不可殫紀而悉名也則

有瓌瑰之士卓犖之

倫秉山川之靈秀總文質

之彬彬涉道德之廣

圃漱仁義之芳津鑽孔墨

之遺藉狎榮綺之逸

民於是乎選崗岑以創構

龜龍負圖兮遊戲水中央
嶄嶄齒齒石泐嶸兮

藻繁燦

淇園之竹青青如篔簹兮
璧殼下列河

水清兮

皇心豫說

皇謙冲兮夙夜憂勤曰

皇天無私兮惟善是親
謂河清爲異瑞兮無若

康茲小民綏遠爲邇兮
在予一人迓天休兮

敬共明神神懷柔兮
小民敕寧時雨時暘兮豐

年屢臻截九有兮
天衢之亨允猶翕河兮地天

平成績禹功兮
侈厥頌聲億萬萬兮孝孫有慶

皇太子生頌

有序

明嘉靖十五年孟冬之月六日

皇太子生率

土胥慶臣表謹作頌曰
孟冬元旬誕降皇儲於昭前星燭于北樞 皇
帝乃薦饗 宗祖叶禮神祇登億麗之玉牒
萬年之觴壘啓奉天以受朝羅百工以奔趨
渙號以宥赦沛鴻恩於九區

袁永之集卷之十一

袁永之集卷之十一

七 連珠

七 稱

七 擇

連珠三十首

袁永之集卷之十一

懋勲樹宏譽以隨時立業而馬俊之變竟付之
莫問此則權輕之明驗也張公挺卓犖之材閑
孫吳之畧沉鷲有威機權多智二十而總戎行
三十而建旄節奇功累建俘馘無算其六者如
立都狼之堡剪弩灘之蠻禽思田之逋寇降交
南之元愍皆躬履矢石跋涉山谿裹革以從塞
旗而奮用是百蠻震疊三江晏謐雖狗鼠間發
而豺虎深屏行旅無壅師徒不勤故能受元老
特達之知紓 天子東南之慮金帛優錫爵秩
荐加位極元戎手握重寄斯可謂光乎前人也

已念惟題名之石創立已久姓字已盈大懼徃
哲之遺烈湮沒莫考爰琢貞珉以書鴻伐將使
後之視今亦猶今之視昔奮功者勸儆事者戒
不其躡歟余聞古之名將位益高而心益下撫
士卒如嬰兒故能得其死力爲 國家甚大難
立大功紀之丹青鏤之竹帛聲施乎無窮豈特
焜耀一時而已哉今西北告 如張
公之材固不止小試也 陞而已也余旣以勗
張公又以勗後之人

嘉定縣令題名記

以稱我 明焉爾

七擇

用虛先生抱壹鬱之奇疾煩懣噎塞 臥病五湖
陽者三年矣有逍遙公子聞而造焉先生方
全徑闔戶惡聞人聲偃仰呻吟據槁 梧擁重孤
氣息僅屬使闈人辭焉公子曰竊聞先生玉體
不寧違陰陽之和失起居之節廢飲食絕耆慾
謝賓客不敢請也然有術焉可以起 沉痾瘳膏
育上等算於松喬下齊齡於彭祖而况先生之
病未至是哉於是先生延之上坐矍然凝神而

竦聽之

公子曰崆峒之墟崑崙之珍草叢生靈藥萃

焉丹砂空青玉屑芝漑以甘醴灌以上池五

采爛香氣酷烈葉垂朝露花飲冬雪蓋千年

不彫矣於是使黃帝採之神農嘗之岐伯伊尹

和跗盧鵠雷公越人之徒交製其劑先生豈欲

飲之乎先生曰余厭湯藥久矣不能從也

公子曰嶰谷之陰終南之顛是生竹箭鐘籠篠

簞背萬仞之孤崖臨不測之深谿漱以清泉刷

以勁飈俯濯玄霜仰干青霄峴岈成削森慘次

參猓鼯鼠夕叫晨號鷓鴣雉鷓嘯匹呼曹節

幹空洞枝葉扶搖於是命伶倫斬伐子野剪裁

製而爲笛宮調徵協涉清夜遊曲房月出皎兮

順風微揚繁奏要妙宛轉無方乍掩抑以激切

終泛濫而徬徨呈絕伎於君明極巧思於季長

斯固足以蕩滌志意疏雪精神使聽者忘疲其

樂洋洋矣先生能強起聽之乎先生曰僕病未

能也

公子曰嶧陽之孤桐太冥之椅梧輪困重欒偃

蹇崇阿晞朝陽之淳精吸天地之元和卿雲蔭

其根惠風拂其膚翔鸞棲其條威鳳巢其柯乃
使匠石運斤堂裏選樸剖陰莖以鏤鏤削孫枝
以彫琢絃以園客之絲珥以寡母之約搵螭龍
於丹漆錯圖像於翠綠調以成連操以巴洧子
春撫的伯牙揮絃音諧節亮手疾心閑竒弄迭
奏逸響遙傳忽樓搥而縹緲復案衍以纏絲至
若靈雨新霽炎暑頓清蘭堂桂館飛軒廣庭坐
蔭嘉木賞集良朋理南薰之雅曲汎清角之新
聲綠水白雪東武廣陵戔戔湯湯猗猗愔愔將
悲復憚乍浮更沉六駟仰秣鶴歸鳴桓譚不

能究其音如夜不能窮其精斯葉德之至妙固
足以悅性而愉神矣先生能強起御之乎先生
曰僕病未能也

公子曰九秋之夕天高氣清溫房密室邃宇幽
楹蘭膏明燭霧縠雲屏於是布綺筵促瑤席辭
衆賓留嘉客羅珍羞薦魚炙羽觴風飛二八侍
側屏笙簧罷竽瑟徵才人選姣淑媵容麗態娥
眉曼睩灼若春花瑩若美玉妖冶難言奪人心
目被華袿振輕綃綴明珠垂步搖沐蘭澤揚翠
翹屢流眄以日成復將歌而含笑粲貝齒以發

聲動丹唇以宣調陋北里之淫哇追陽阿之奇
妙激飛塵於梁端過行雲於天表茂吳飲而鄙
蔡謳駭縣駒而走王豹虞公失色秦青祕音掩
孤竹之管廢雲和之琴使夫歡者酸鼻悲者蕩
心故曰絲不如竹竹不如肉先生雖病能強起
聽之乎先生曰五色令人目盲五音令人耳聾
如公子之言是益吾疾也

公子曰中山之醲耐宜城之醇醴鄴淶異名春
清殊旨竹葉馨香蘭英甘美蜜勺瓊漿控糟浮
蟻營以康狄嘗以石罈醪羣飲一醉千日則

有子雲伯倫陶令畢生操觚挈榼承槽捧甕枕
麴藉蘂未歎先醒浮以太白盛以彫樽酌以太
斗罰以兕觥飛羽流波電灑川傾筋骸和鬯思
慮沉冥陶陶兀兀焉知死生雖有淹沉結轡之
痼情竅憤耄之形靡不疏通涌溢而灑然清冷
也先生能強起飲之乎先生曰此亡國之味腐
腸之藥僕雖亡恙不敢耽也

公子曰東海之中爰有丹珠宮貝闕月殿星
樓璇臺切天絳宇雲浮林生白玉地產黃瓊靈
芝五色桂樹千秋列仙所集羽人嬉游則有王

喬美門安期洪崖鬼谷之儔升紫烟以遐舉驟
朱鳳以夷猶掇丹萸於危嶠採翠茗於清流超
太虛以出入混元氣以周流朝飲沆瀣夕食至
精恬澹冲漠無思無營肌膚若冰雪容顏若處
子後三光而靡彫歷億劫而不死固將等龜鶴
於蜉蝣而遺濁世如泥滓也先生雖病能強起
從之乎先生曰此秦皇漢武之所不能非俗士
之所敢希冀也然而先生有喜色矣

公子曰將爲先生延方伎辨說之士究同異於
楊墨綜名實於申商陳攻取於范蔡角從衡於

蘇張窮堅白於龍蜃肆虛無於老莊是非蜂起
剖決毫芒舌如箕吐口若河懸深之入黃泉高
之升青天詰之無繇析之無端聽之者忘倦聞
之者靡厭辭未及終而先生曰善

公子曰此猶未也復有仲連排秦端木存魯陸
賈下越子卿而古功存片言義冠千古斯固辨
士之雄而非通儒之所慕也吾將使仲尼揚鐸
孟軻鼓頰董生持籌賈誼侍列繹仁義之源述
唐虞之烈發天人之奧建治安之業使稷下屈
其辨談天卷其舌先生雖病能憑几以聽之乎

先生於是恍若聆至言聞妙道沉病去體蹶然而起

連珠三十首

有序

連珠之作興於子雲廣於班蔡盛於陸機言約而意博文微而旨深假引喻之辭含風刺之義聯屬成章貫而不絕故曰連珠蓋文之美者也嗣而爲之得三十首

臣聞二曜貞明則宿順叙四時迭運則八氣均調是以天子董宿先於論相大人興治莫要於格君

臣聞萬鑑之璞受琢削以成器三品之金資冶冶以爲功故士必養而後成賢必試而後用臣聞應龍善化翼雲而興鴻鵠冥飛得風斯奮何則橐籥以吹噓致用賢豪以假借成功是以飯牛之豎附秦穆而名昭屠狗之流攀劉季而業顯

臣聞峻嶽蔽天撮上無資於蟻洪川浴日涓流莫加於集火勢之所去雖高必隳力之所分雖六必抑是以宗魯裂於三卿炎周卑於七國臣聞兼金百鑑輕於脫粟之飽文織千純劣於

卉服之温是以虛聲非實用之倫賤品逾常珍
之等故淮陰譽茂以興劉殷浩名浮而徇晉
臣聞量以容深深逾量而必傾衡以權重重越
衡而反折故程功貴於度德而分職先於叙材
是以愚公憊於移山夸父斃於追日

臣聞咸池雲門八音合而諧聲辟雍清廟五材
集而作構是故大君取士采微藝而畢庸明主
甄材廓殊塗以並進

臣聞干將弗試混鉛刀而孰辨騶耳弗御雜駑
馬以無分故英竒每困于下僚俊傑卒章於

政是以毛生攄脫穎之竒而曹子奮登壇之勇
臣聞膏肓之痼瘳於瞑之藥顛悖之行更於
逆耳之言是以林旣奮竒辨而屈齊景茅焦抗
危論以悟秦皇

臣聞皇天垂象義莫測其高滄海匯流玄步
莫窮其廣何則無形者非有形所能該難知者
非易知所能盡是故遠近之辨尼父屈於齊嬰
堅白之談公孫伏於魯叟

臣聞精之所感理何深而不洞氣之所會思無
幽而弗通石馮神而能言柳肇帝而自起是故

燕地之霜隕於叩心之臣東海之旱枯於飲寃之婦

臣聞江海潤下由於浸漬嶽積崇始於陵遲是以書垂灼灼之辭易示堅冰之戒

臣聞辭輯而民莫言善而邦興是故鄭僑有辭趙武致敬王滿正言楚莊以慙

臣聞袖由微而成著福自下以增高是以季郈之雞卒起三家之孽梁亭之瓜終諧二國之歡臣聞烈士狗名尤慎保身之智高鳥射利長操遠患之機是故范痤騎危卒免刑誅夷吾束縛

終致霸顯

臣聞康衢之坦大車有覆軌之警洪河之險纖舠無折舵之憂何則袖難迫於前則雖危必安情偷肆於內則雖平必陂是以明者慎於所忽而狂夫敗於不虞

臣聞言無逆順投會斯從交無淺深中機則售是故閻大辭而拜相壽王進說以受金

臣聞情之所觸雖無感而相求義之所要雖相懸而靡顧是以魯女懷漆室之憂祖朝獻藿食之策

臣聞撞鍾以槌聲雖洪而不揚貫鍼以縷緒無
芬而不理故蒙莊取譬於庖人賈傅託喻於屠
垣是以網罟糾纏必藉提綱之智政刑墮錯寔
資理劇之能

臣聞銜勒以馭馬而泛駕多超軼之材刑威以
繩下而越禮多壞竒之士何則細不足者大斯
有餘卑無能者崇而後顯是以蒙籩簋之譏者
終膺曲逆之封負牀第之累者卒流京兆之譽
臣聞物體有定應用無方人性有常緣情斯異
是以明鏡照形妍媸各隨其象洪鈞播物小大

各因其材故聖王垂兼聽
公達士秉大觀之

智

臣聞日之明也掩月而陽烏匿於虞泉天之高
也絕雲而彈丸蔽於浮晦何則勢以時移無高
弗下情緣物改靡明不昏是以君權輕於闔尹
之賤主威奪於婦謁之私

臣聞世之所棄雖適用而必捐時之所崇雖悖
施而蒙錄是故齊狗之惡時捷於韓盧趙璧之
珍或賤於燕石

臣聞芝蘭之烈伏幽谷而彌芬蠙珠之輝沉深

淵而愈媚是以弓旌之招明主首加於側陋竹
帛之業材士爭奮於園

臣聞旭日方升則堅冰立泮朝霜既隕則貞木
後彫何則繫乎物者易移而存乎我者難奪是
故禽息甘碎首之危演勵納肝之節

臣聞燕雀處堂莫悟覆巢之禍虎豹在山不知
陷罟之災是故春申困於李園武靈幽於趙筮
臣聞基廣難傾樹基則固源弱易竭濬源斯長
故姬文之業過而後衰齊白之勲沒身而則
敗是以俗儒徼速效於崇朝王者要成功於必

世

臣聞讒譏易入雖親必疎怨讟繁興何膠不解
是故意以之謗受疑於明君履霜之悲不容於
慈父

臣聞鷲鳥嬰羅不改凌霄之志神龍失水無損
衣雲之心是故申胥守死於秦庭子卿操節於

臣聞禍福隱相伏之機成敗炳互形之兆是以
堯望之月晦昴攸因昧爽之星大明斯繼故逢
清禰吳而福荆英公棄籍而從沛

袁永之集卷之十二
論六

袁永之集卷之十二

論六

品次論議

袁永之集卷之十二

情

同

古文

唐高祖神武皇帝其世後長孫無忌

唐高祖神武皇帝其世後長孫無忌

唐高祖神武皇帝其世後長孫無忌

唐高祖神武皇帝其世後長孫無忌

唐高祖神武皇帝其世後長孫無忌

唐高祖神武皇帝其世後長孫無忌

唐高祖神武皇帝其世後長孫無忌

唐高祖神武皇帝其世後長孫無忌

唐高祖神武皇帝其世後長孫無忌

唐高祖神武皇帝其世後長孫無忌

有唐也

志不

詰盜議

或問袁子曰子東海之人也今海有盜若之何
捕之請試言其畧袁子曰夫海盜之爲患久矣
蘇之州縣崇明居海中而太倉嘉定常熟皆濱
海海之利莫大乎魚鹽故濱海而居者多業魚
鹽而習剽劫且其地多沙渚洲港渚海而後能

造設土著者憑險以弄兵而羣不逞之人亡命
避學咸竄匿其中緩則鬻販魚鹽以自業急則
剽敝商賈劫掠村聚以爲利賦役之弗共禁令
之弗及非一日也元季張士誠李伯昇之徒起
自泰州之白駒場販鹽爲盜遂竊據吳粵以與
中國抗南面稱孤幾於霸矣高皇帝覽殷鑒
之不遠慮島夷之難制設立太倉崇明金山三
衛以防海盜承平旣久武備漸弛巡舟戰艦朽
蠹而弗脩弓械干櫓缺敗而亡用武官邏卒陽
託捕盜之名而陰資煮海之利奸弊相通禁防

盡廢崇明一縣荏蕪爲藪而太倉之民亦多效之乃至衣冠之族世與賊爲婚姻而甚者則豪奴佃僕徃徃軋沒寇攘而主弗禁也又以爲守令者緝捕無術撫綏失宜平居則受其賄遺凡鮮船鹽艫入境者多取其歲例年飢盜起肆出行劫而弗敢詰州縣之權益輕所衛之司徒設一旦興兵臨之則嘯聚以抗勝則憑陵近地敗即竄逸大洋散而復合莫之誰何雖非腹心之憂而甚爲手足之病弘治間施天泰紐東山紐西山兄弟奮臂一呼三吳大困幸就誅夷終難

不支而况禍生於肘腋之下難作於枕席之旁者乎故三吳之困天下之憂也此非吳人之私憂過計也然則爲今之計者莫利於速勦而又必出於萬全萬全之計莫如因其鄉間而用海人以攻海賊夫海寇不過千人止矣其舟艦之小不足畏也刀矢之弱不足畏也技藝之弗習不足畏也糧餉之弗繼不足畏也然反爲所敗者彼海我陸彼長於舟楫而我利於原野風濤之漂震潮沙之淤淺地利弗知也主帥之權輕應募之士脆賞罰之弗嚴鄉閭之弗用人和弗

得也徒曰我衆彼寡我有餘彼不足可以必勝
而無虞此僥倖之謀而非萬全之算也兵法曰
知彼知己者勝又曰妙莫妙於用間用間則賊
之虛實強弱我悉知之而後用我之所長以攻
彼之所短彼長於舟楫而我亦以長於舟楫者
制之簡其精銳嚴其教令信其約束明其部伍
懸重購以殲其渠兇恤已降以散其黨脅猝然
而發翕然而集倍而攻之什而圍之樓船巨艘
以乘其舳艫之小標鎗火藥以制其刀矢之弱
凡江中之羣盜海濱之鹽徒習知水戰而樂爲

我用者雜用以夾攻之而市井之亡賴望風而
靡者悉汰而弗用分布偏哨四面合圍颶馳電
駭諸道並進人不及旋矢不及發而小醜夷矣
又且豫爲規畫檄告鄰疆西則江陰通州東則
瞰甯波嚴加提備以防豕突退無所歸散無
所止一勞永逸且絕後患斯萬全之萬全者也
或曰用海人因鄉閭斯誠善矣近有漳人失風
而漂至崇明者賊嘗以數十舟而環攻其一舟
賊以覆敗漳人願應募以滅賊當事者疑而弗
用是乎袁子曰奚獨漳人哉凡知江海之利者

悉可用也。景而非用，敗之道也。故天下之患莫大於狐疑而恥功之不出於已也。疑而忌，未有不敗天下之事者也。

袁永之集卷之十三

袁永之集卷之十四

序

皇明獻實序

錄序

平吳錄後序

平黎詩序

河南鄉試錄後序

九江郡志序

大司空顧公董役顯陵工完序

送黃國信冊封晉藩序

送汪侍讀校書建陽序

送大司成馬公陞禮部侍郎序

送大理寺丞林公赴留都序

送侯世言序

送史邦直序

送許廷議序

送汪汝玉序

送大中丞林公出撫畿甸序

送李尚綱序

送陳九揚考績序

送陳侍御原習謫海陽序

送沈生赴潮陽序

送楊夢羽序

送歐陽大夫序

送右布政使吳公序

送伯兄通判臨江詩序

送陸子傳會試序

送叔允補之會試序

送董子元序

送王醫士序

贈李仁父序

贈烏程錢尹序

贈龔封君序

贈姜徵君序

陸太夫人壽序

少司馬陳公集序

大中丞胡公集序

唐伯虎集序

王履吉集序

廖學士采風集序

國寶新編序

中庸臆說序

江南春詞序

粵稿序

抗我王師妻孥爲戮彼其政教弗修淫泆汰
奢賢豪弗爲之用迹其所施設足以自亡而已
矣哀哉錄三卷吳文定公寬所撰後有論

平黎詩序

大司馬三山蔡公總制廣東西之四年旣征努
灘蠻明年交南降是秋九月以十萬之師浮海
征黎師三道入窮追數百里封五指山而還崖
陵地闢最旬破村崗二百七十斬首五千三百
六十竒俘百二十五人降八千三百六十人瓊
土以寧廣西參政王君鳳靈旣勒碑以頌維時

公大閱于雷陽道出遂溪觀海于電白先後賦
五七言近體六首藩臬之官自布政使劉君可
按察使葉君照而下和者凡若干人詩凡若干
首小子泰亦既與其末矣公復命序之泰聞老
子曰兵凶器也聖人不得已而用之傳曰兵猶
火也不戢將自焚是以古昔慎焉然而商宗伐
鬼方三年乃克馬援征五溪觸犯炎瘴諸葛亮
五月渡瀘深入不毛豈黷武哉誠不得已也公
之征黎下令戒妄殺既誅其渠率因撫安其遺
黎是豈不戢者哉君子曰征黎之役有八善焉

擊自彼作師出有名慎也士兵咸集群帥以和
威也簡能選良委任得人明也師至如歸民不
知役豫也用命者賞不用命者戮律也殲渠折
首脅從者釋信也兵不血刃役不逾時智也一
勞永逸止戈偃革仁也公之功大矣哉而公之
心不自假也是以形之歌詩恤民窮箴吏弊閔
將士之勞苦哀黎人之無知憂愁嗟嘆而不能
自己推公之心將使黎之宿寇盡化為良民而
豈直以誅殺為威哉昔趙克國討先零罕开留
屯罷兵竟下兩羗而揚雄為頌其事公之功豈

直充國比惜袞也無文不能紀頌功德如子雲
之於當時也今廣西之古田荔浦諸蠻間出攻
剽人桂之人喁然而望曰安得公以征黎之師
征諸蠻使我民永有寧居也他日圖形雲臺勒
勲銅柱必有繼吉甫穆如之頌以鋪張鴻伐者
而何有乎子雲哉

河南鄉試錄後序

袞奉 命校文河南道出燕趙涉衛趨大梁降
觀于郊野其上風往往高而厲約而愉憂勤而
寬舒及試士其言亦多毅而不隘直而不夸孫

而不迫辨而中其義核其慮詳其容和平蓋猶
有先王之遺焉夫河洛故都會亦天地之中其
書圖則義禹之所則也禮樂則周公之所制作
也周之盛也其在成康之際乎成王營洛以正
四方於時風俗和平賢才衆興故詩人美之曰
藹藹王多吉人暨乎漢室梁孝王嘉禮儒術招
致賓徒時則有鄒枚司馬之流相與作爲賦頌
以褒贊功德其制度宏麗文辭瑰偉蓋亦雅頌
之亞也嗣是無聞焉豈世道升降使然哉我
明興設科取士其始賢良文學太半出於荆揚

吳粵之間河洛之士蓋鮮焉乃 孝廟時則彬
彬矣今 天子修 祖構海內興起禮文偏
隅下邑亦蔚乎多士在河洛固宜有異材茂等
如周之所謂藹藹吉人者奮出其間區區詞賦
之徒直薄不爲耳昔者先王之制治也以質文
相救後世則文弊而質日衰識治者蓋深憂焉
夫文勝則變而趨質質勝則變而趨道是故與
其文也寧質河洛之文不勝其質吾是之取爾
索也不敏惴惴焉惟不得人以塞 明詔是懼
古敢盡布其說以爲諸生告若夫低昂之衷闕

得之密則變也序之詳矣衷故畧焉

九江郡志序

代開老京
口楊公作

國有史郡有志志以述事事以藏往藏往以知
來是故文獻足徵焉勸戒不惑焉夫志史之翼
也君子參伍以通其變小人法守以修其業由
俗以出政省方以立教不出書契而知天下者
稽之志而已矣九江地介荆揚當吳楚之衝據
金陵上游歷代爲重鎮 國朝加重焉郡故有
志海陵何君棐以憲副飭兵于茲懼故志歲久
殘滅多疑謬釐而新焉質之典籍咨之見聞芟

繁秩亂搜隱闡微而疑者信謬者正殘滅者修
矣志成請余序之詳其書該而有倫煥而成章
約而弗遺其事覈其義精其文質而贍或發凡
以舉要或緯圖以法象體國經野以爲民極故
首之以疆域封山濬川使同貫利故次之以山
川設官分職則地利可興而民不失業故次之
以宦蹟政平治理則教化敦而賢才出故次之
以人物辨方正位以居民也故次之以宮室蒐
乘補卒以戒不虞也故次之以兵衛兵足則民
附民附而後可以時游觀節勞佚也故次之以

古蹟存古者莫若衛其園陵故次之以陵墓異
教非經也創之自古昔故又次之以寺觀該古
今之變綜事物之情者莫若文字故詩文終焉
風俗之因革制度之卑高食貨之盈縮役賦之
煩簡下至溝塗津梁倉庫瑣屑粲然畢具往者
存焉來者攷焉故曰文獻足徵而勸戒不惑可
以觀可以興矣何君之蒞九江也募而報政曰
武備詰矣廩庾實矣膠庠作矣百廢舉矣非志
何以示遠斯志也蓋政成而後作焉君子又嘉
何君之知所先後也

大司空顧公董役 顯陵工完序 代大宗伯

張師作

嘉靖己亥 聖天子幸承天躬視 顯陵相其

陰陽以 睿宗獻皇考舊寢規制未備無以揚

億萬年無疆之休且將奉 章聖皇太后梓宮

祔焉乃命營度其事凡規制一如京師諸陵今

工部左侍郎兼都察院右副都御史金陵顧公

璘寔被簡命以董是役公初以大中丞致仕家

居 聖天子采言官撫臣之薦起公巡撫湖廣

丕釐庶務卓有成績特進公吏部右侍郎以總

百揆未幾 聖天子念陵寢事嚴經畫之任非

公不可乃改今官公受命惟董爰咨爰度載經

載營選徒鳩工率屬董官程力庀材朝省夕戒

殫厥心力逾年大工告完凡 顯陵 宮寢廟

及舊邸 世子府以暨達孝顯親陽春諸門咸

底落成庚子之秋九月余蒙恩進官南京禮部

尚書便道祇謁 顯陵則見山川縈鬱雲漢昭

回楹楠有嚴丹黃焜耀肅肅乎奕奕乎美輪美

奐窮極制度備物多儀誠曠古之偉觀昭代之

鴻制也維時藩臬都閫諸公會于武昌合辭以

請于某俾序其事余惟是役也四美集焉 聖
天子因心之孝羣公卿勤事之忠司農無告匱
之病毗庶效子來之義是役也實兼之矣夫興
作國之大事也聖王慎焉章華虎祁垂譏於魯
史新廟路寢見美於詩人何則孝莫大乎繼志
而事莫嚴乎慎終記曰必誠必信勿之有悔焉
耳矣孟子曰君子不以天下儉其親况乎山陵
之制可無慎歟今 聖天子躬勞萬乘按視園
陵望拱木而興哀撫堂封而增感凡宅兆之卜
寢殿之規悉裁自 聖衷酌今古之宜定豐約

之準猗歟休哉真孝同虞舜制陋百王矣然非
顧公之經畫有方夙夜匪懈其能役不逾期工
不告病若此哉余不佞嘗忝文學侍從之後且
楚人也樂觀厥成其能無言以颺休美詔將來
乎是役也董之者顧公相之者則大中丞平湖
陸公杰侍御長樂陳君豪山陰朱君簠也其諸
藩臬郡縣百執事而下亦與有勞焉者也

送黃國信冊封晉藩序

建侯樹牧大典也致辭宣命寵使也夫禮有經
歛福以睦族分瑞以展親錫命以頒爵授祿以

奠食疆枝幹以扞疆圉張藩衛以翼王室典莫大焉詩曰宗子維城又曰無俾城壞言樹侯也是故有茅土之封有弓矢之錫有寶玉之分有帶礪之盟告之以文辭宣之以彝章經之以度數訓之以典制 王布命臚傳言公孤出令史贊誥使承辭寵莫大焉詩曰肅廟王命又曰載馳載驅言使事嚴也 自音 敦孝理敬篤懿親諸父昆弟罔有怨咨秉憲貞度率德考衷旣戢且難支庶斯蕃維歲有典常式序辟王祿哉封以康于家維宗伯氏揆于庶官黃仲于行將

命世祖奉簡書以靡遑揚旌節以日就說西
驚蒞止晉藩夙夜恪共旣勩且勞誦皇華之嘉
什懷北山之私念還歸伊邇桑梓攸寧凡我同
官咸侈茲役申之飲餞介以贈言

送汪侍讀校書建陽序

侍讀汪公奉 勅校書建陽表奏贈之言曰是
役也贊颺 王猷網紀古訓範學者以軌物其
在是矣稽合同異抉擿謬戾采遺闕疑非公事
也周衰處士橫議縱橫堅白促數耗亂不可勝
紀而載籍始繁漢興懲秦除挾書禁塲置博士

員書稍稍流布然多斷爛傳會矣詞賦蟲篆劇
于八代稗官百家之言殽于兩宋雖復有好古
洽聞之士亦且沒溺牽制莫能緒正以附于孔
氏支離磔裂迄今未已 王猷鬱而弗宣古訓
墜而弗振學者無所法守妄常竊議以爲凡叛
於孔氏者可盡黜弗錄使無滋蔓也 國家稽
古飭治列於學官者固孔氏之舊也而章句之
學日繁在建陽爲淵數師弟子今其莫能授以
各守其說以相正徼利之徒日削月改標錢以
襲以相軋沒委棄汜濶豈孔氏之舊歟古者左

校文書藝之官論道于內輔軒朱衣之使采詩
于外脩其教齊其俗一其道德防其淫雖有奇
表弗售也後世左右史混采詩之官廢典書者
無詔道人無禁龐雜相 鬻無足恠也今海內
同文 聖天子好文願治日御經筵宰輔而下
數召對顧問深惟根本將刊定六籍詔之萬世
公實拜命奎章頒傳騰示無極虎觀動色庶幾
復見孔氏之舊幽而復明鬱者宣墜者振無恣
守者悉就繩墨述作之光教化之實其在是矣
表不佞樂斯文之興起也敢以言獻

送大司成馬公陞禮部侍郎序

嘉靖庚子冬禮部右侍郎闕詔慎簡其人於是南京國子祭酒綏德馬公特被簡命袁生以言贈曰夫叙材詔德者董官之要也宣力輸悃者率職之經也執要以馭置則官弗靡守經以靖共則政弗忒此不易之道也今天子明聖用人必博謀群稽而斷以獨見非其人弗以授知人則哲厥維艱哉夫國子祭酒古大司成之官也大司成之視少宗伯其祿秩稍異其司禮樂宣教化則一也周官宗伯掌邦禮以典神人和

上下而大司樂隸焉其職掌成均之法以治建國之學政而合國之子弟以樂德教國子中和祇庸孝友古之司樂其即今之祭酒歟高皇帝崇禮師儒敬敷教典加意於成均官祭酒者必選宿儒居之當時如宋公訥胡公儼以身爲教卓有師道乃後陳敬宗李時勉諸公咸以剛嚴稱何則慎簡之意猶存而敬敷之典未壞也邇來循資計祿之風滋而簡賢使能之意泯俗吏以教化爲可忽而庸人以禮樂爲無益司衡者昧董官之要而就列者乖率職之經化敷而

習偷楊子雲有言曰模不模範不範嗟乎國學
之設始文具矣公之爲祭酒也董其規條嚴其
約束懲其惰偷作其耻讓正己以率之明倫以
範之夏楚以威之鼓鍾以樂之而國之子弟翕
然向風其視宋胡諸公殆有光焉庶幾克舉古
大司樂之職者歟今公進而佐邦禮典神人和
上下秉寅清之德以宣禮樂之教直與古伯夷
等袞願竊有望也余旣賀 聖天子之知人又
多公之受知也於是乎言

送大理寺丞林公赴留都序

莆田林公初校文南畿南畿之士習翕以變矣
旣而校文北畿北畿之士習又翕以變矣 天
子曰赫哉旣彌朕教肆明于刑欽哉慎守于初
乃超拜大理丞或曰大理古廷尉以法訊萬民
率又于天罰者也公操文衡倡胄子以播成均
之教而使之低昂法理舍降典以事折刑其愆
于素矣噫是 天子所以慎簡使而虔共元命
者也夫人情廣則作奸狹則思欲先王立禮以
爲之防防不足而刑生焉故曰禮失而後刑刑
有倫要辟有旨簡而輕重之序淺深之量權之

以致衷民於是乎畏威而遠罪奸懾而欲窒刑
平而禮斯節矣故曰監于茲祥刑夫禮刑其致
一也曷爲其愆于素也先王之制刑統於司寇
獄於史而詳於正叅聽於三公三公無所不統
可以脩禮可以正刑司寇則致刑以輔禮者也
大理之秩亞於司寇其三刺五覆纖剝辟宥與
天子相可否視司寇等故曰廷尉爲天下平
今之法較若畫一司刑者秉成憲執之而已矣
而科條之出入日傳月會深文隱律動觸機罟
刑敝而傾禮衰而日失其序上替而下殘誰之
咎歟公以禮造士率是防民其無刑矣故於公
之行也不言刑而言禮

送侯世言守池州序

侯子出守池陽就袁子而咨政焉袁子曰夫守
有三物慎擇之耳矣考典訓察時宜布經制敦
彝教齊法軌創章程權變化之利久大之規
者守之善物也是故綱紀脩而弗替惠澤流而
弗竭我作而人述上信而下尊是曰善道君子
出之其次則慎威儀壹辭命廣積蓄平賦計公
聽斷出滯淹基廉而示儉履敏而張勤官不失

紀然易替也民不失業然易竭也是曰法守君子弗貴也又其次則疆以威衆察以伺物矯以近譽諂以趨利法敝而弗理刑繁而弗情令龐而弗統權侵而弗抗上慢而撓下疑而怨是曰民賊君子弗爲也夫三者匪滇何擇焉是故俗之沔也我知之矣政則蠹也政之蠹也我知之矣牧無良也求以牧民而術之弗慎將何觀焉夫池土沃而曠有遺利焉在興農富之源也民朴而野有遺俗焉在董士教之則也農以足貨以興禮治之秉也守之經也

送史邦直序

今之仕者率重內輕外耻庠而慕崇其外禱者上自方岳下至牧守苟非知道者鮮不戚戚愠懟詆訾當路至乃沉浮歲月幸稍久不遷即竊自喜慶曰吾終不失爲京朝官甚矣俗之敝也佻躁者獲顯譽沉寂者蒙群譏矜激詭而鄙中庸賤狷節而夸通流學士大夫靡焉同風至謂宰銓衡者亦以是爲人材高下其最者則爲京堂官次之藩臬又次之州郡守嗟乎果若是否哉人之行能不相遠仕于朝者其才與賢果皆

與人殊否也外補者其才與賢果皆弗若人否也牧守奉天子德意宣布慈惠左右百姓方岳則禮秩益尊而職業益崇政務繁雜視京朝官所視事蓋倍蓰焉其勞佚難易蓋什伯焉乃以是爲低昂何哉且今之公卿即多昔之方岳也即多昔之牧守也豈其行能昔弗若人而今與人殊邪是故在外者不足戚誠盡職焉耳矣在內者不足喜誠盡職焉耳矣史君愿慤厚溫有長者稱其去郎署而僉憲臬也不戚戚於外內吾固嘉之以言

送許廷議序

許子廷議拜官順德袁袞餞之郊也許子揖而言曰子何以規我今天下之官秩卑而事脞者莫若丞簿其次則郡貳與倅與推郡有事守統之貳與倅分而聽焉米鹽徭課溝塗盜賊各有司存至訟獄則推專焉有失其平者必於推乎取直囂然而號焉獷者怙勢狡者匿情簿書文移紛然而來焉又難理也吾懼焉恣之易格而澤之難流也子何以規我袞曰是則然矣吾聞敬皇帝之世也官從其訓政守其序量材以

制爵揆事以考成時則太宰許公實司其柄以
馭置之而百工以和舉于朝者皆民譽也下至
司府執事程功效能官不易方事不改度民用
情而刑不黷胥史無呶獄岸無淹法一而澤無
壅則吏多良而政弗頗也今 天子神聖赫然
思治糾虔天刑小大之獄必制于衷而司刑者
日失其序喜察者徇苛蔑下者揚已刑煩而俗
敝則有由矣今吾子恭慎而溫文博敏而樂豈
恭則禮下慎則約已溫則無虐文則不匱博敏
則下惑樂豈則道民和率是以蒞順德鮮不

殆矣又何懼焉且吾聞之基仁則固踐猷斯顯
以善者後達累德者世昌昔爾先公太宰丕樹
公業以光輔 先皇 夏率享駿功碩聞載在
天府今少司寇公克篤先烈世濟厥美用簡在
帝心以掌邦禁三典五罰實審聽之獄辭明
清而要會簡孚則少司寇公之訓也子之往也
務基仁焉以踐厥猷其庸多矣許子聞此言也
而後喜可知也遂書之以授使者而後行

送汪汝玉序

國家稽古議辟律約而詳官備而臧叅聽審克

制民于中司寇有卿有貳有屬大理有卿有貳有屬上下相權倫要相經率天下之麗于法禁者惟律是聽雖有析言破律亂名改作者惴慄屏伏不敢以其私出入以是單辭明清而獄貨不繁號稱易治然竊疑焉夫罪至於亂政疑衆此其剗刺礫膊宜無淹旬日矣然且三公不敢議司寇不敢詰廷尉不敢訊囊口側目辜功列而弗問刑書具而弗占簡孚以爲疑在宥以求出棘木之下轡而弗伸或者謂鴟義奸宄縱詭隨以怙寇虐今之刑失之太輕宜峻重典以申

邦禁此其說是矣而殊死者相枕也斬楊者相推也黥椽劓刵椎鑿斨鋸株連蔓引亂獄滋豐而刑發腥聞使元元叩心無所控籲此豈失之事與故或者謂今之刑宜用輕典茲二說者將焉取衷夫刑以弼教以裴彝哀敬以察情忠愛以成比意論其序慎測其量作其耻格其奸而止矣三禮之降八議之設此言輕也刑以明辟以糾暴一成而弗變四誅不以聽訖于威富體于公族鋤其庸回黜其伏慝而止矣火烈而畏水弱則狎此言重也是故附赦以律而輕重以

情情以權時律以經制經立則易執而難犯權
鈞則上威弗褻而下無辭周官之法聚之園土
坐之嘉石役之司空聽之以束矢叅伍低昂輕
重之權若是其詳且慎也而五刑之經執之弗
撓故曰議事以制不爲刑辟言律有定也今之
法律其當重而輕當輕而重司刑者之過也而
說者不于其人于其法鬻卷愴囊倡爲更張督
貢之說吾見其貨獄日繁而民無所錯手足也
玉筮仕拜南京大理評事其於法律輕重之
諒已審矣於其行也述是以相質

送大中丞林公出撫畿甸序

列官以建庸非材莫授也稽事以程業非政莫
顯也仕也者舉吾職焉耳矣行吾志焉耳矣奚
崇庠之擇然而勢分於相維法室於並制下焉
者述上焉者沮焉材者興脩不材者隳焉嗟乎
秩庠而克遂者鮮矣今之官其仕于外者自岳
牧而下惟撫臣之是聽今莫敢慢也事莫敢撓
也材者吾甄之不材者吾刺之甚矣職之易舉
而志之易行也然而有難焉馭吏難於庸也和
衆難於寬也肅以昭憲其戒也察而苛寬以宣

惠其戒也靡而弛是故有糾繩之典有保釐之
衷問俗以立軌徵故以脩紀辨官以樹猷蒐慝
以布利而職乃舉矣大中丞林公之出撫畿甸
也考言於二三子初公之爲御史也執而無回
覈而詳繼爲廷尉也簡而比恕而慎率是以往
吾見其肅而弗苛也寬而弗弛也又何難焉
也辱公之教也久且喜吾道之易行也於是乎
言

送李尚綱序

淮當水陸要衝阻海蔽江俗剽輕鷲悍習戰鬥

任氣易動難治 文皇帝之者北平道遠津口

萬導淮徐涉沛歷濟以達于京師宣德初平江
伯陳公瑄來董漕運作鎮于淮物水土高下置
版牖脩隄防議徒庸均佚勞國賦歲倍維時漕
卒多戎伍驕縱獯狂大爲居民憂莫相統壹疏
請 王官制之詔簡刑曹往聽獄辭稍繩以文
法卒徒用戢無敢或譁嗣是罷置不常卒莫能
廢每三歲一易焉大司寇慎簡而使之非良莫
舉焉先是暢君子實實往視事未幾以最遷凡
我僚屬私相揣量曰是役也必李子尚綱否懼

弗勝夫李子深於律而詳於事又甚敏焉夫大
司寇知人非李子莫使矣旣而果然則又動色
相賀以大司寇爲真知人以李子爲必稱職乃
李子則惕焉懼弗勝問所以出政者於袁子袁
子曰夫政猶治絲焉棼而理之亟則糾纏緩乃
緒也且君子於事不患不敏患弗審不患不詳
患弗知防於律不患弗深而患弗以情夫能用
情者寡矣情以照之又聽以衷雖過鮮矣夫淮
其俗易動又多戎焉是以弗戢非衷將何以聽
予蓋考衷焉許曰不兢示綵賦政優優衷也

送陳允揚考績序

長樂陳侯守湖之三年將考績于天官褒贈之
言曰始余之配湖也入其境地辟而農勸俗嗇
而士愿以絃以歌于蚕于漁婦無休事工無淫
度賈無貳價吏無滯獄醇醇如也衍衍如也慨
而嘆曰茲其樂土歟何易治之若斯也及詢之
薦紳先生下逮氓隸咸曰吾儕小人得康居而
阜財習禮而服義晏然無虞者侯之力也余曰
夫侯之政何如曰存以寬慈出以簡易率以忠
信表以廉潔守以恒久勵以至公明而弗察勤



而弗侵和而弗施貞而無回此侯之政也若是而已矣袁袞曰夫爲政有體布治有經審體而後政成循經而後治達循良者守之體也仁惠者政之經也體乖則亂經悖則迷政之所由敝也是故寬慈以布利簡易以程功忠信以作孚廉潔以執物恒以考成公以平施明則難眩勤則不匱和則有容貞則弗撓十物備而政興矣先侯而守湖者去而思思而頌有三公焉曰大梁岳公麻城劉公淮陽萬公岳之政廣而果劉之政敏而達萬之政嚴而肅咸有遺思焉侯之繼萬也濟猛以寬是以湖之人畏萬而樂侯君子曰知政之體審治之經惟侯有焉考績者考此而侯之政可知矣

送陳侍御原習謫海陽序

夫騏驥憊於鹽車莫邪挫於族庖何哉材竒難逞而鐔鏗易挫志以勢屈功由時隳維士亦然矣然坎壈畸窘實無如侍御者侍御立中臺最久故多所論列其覲侮亦最深且著然譽亦以是最顯武廟初論養子干假威權漸不可長有旨罰粟輸邊及駕南狩中外噤弗敢發

獨抗議再四綏挽旌結由是直聲益譁然瀕死者數矣凡指斥勲貴悉忤諱忌尤好激揚曰吾職如是每䟽出則耆耇髦逸蒐羅無遺及是以年勞進太僕少卿命下不拜手䟽時哲自代聖天子赫怒謫教海陽臺諫交章乞留不得命朝之士大夫相與言曰海陽僻陬侍御暮年矣海瘴癘棄司直以投荒裔其孰無辭袁袞曰似矣而實非也夫翕張者勢倚伏者時惟君子能因勢以矢志矯時以奮功翕張之相感倚伏之無常巧者弗能避也智者弗能謀也直已而

夫何患焉且明君操黜陟以馭物君子委夷險以致身賈傅畢命於長沙馬援狗名於武溪獨侍御哉或曰是矣激而後發尤而弗懲疑若非中道者噫今之議者類不樂成人之美如是抑孰知侍御者初侍御念太夫人在堂告歸色養者累年其再出也以臺臣論薦奉檄心喜亦惟太夫人是命今太夫人棄養者久矣陟岵長號適追先訓勩力王事陳謨以靖共鞠躬以匪解竭逢干之節則進讜論慕岳牧之風則讓庶官溫恭銜恤符明發之懷盡瘁畏咎協北山之什

義切於輸衷而迹疑於沽直智者臧愚者否夫何尤焉語有之行百里者半九十公其知所自信矣

送沈生赴潮陽序

沈生游太學者二十年矣走場屋輒不利就試于天官拜潮陽衛幕將行請余言以光行李潮陽去京師萬里僻在海濱爲瘴癘地又多島夷山蠻入出攻殺爲害前代多流人遷謫播越擯斥炎荒往往不得調天朝統有夷夏環海爲島言卉服之地悉爲編氓隸諸職方而嶺南

諸郡遂蔚爲大藩貨賄百市雄踰揚益文彬彬駟駟天府矣沈生無謂潮陽荒僻瘴癘非人所居也馬材之良者涉隘阻下上山澗偪仄般辟益超以逸不良者浴以清泉飾以華鞞豐芻閑牧策之九執之道而契需虺踣汗膚傷吻不前者屢矣士亦有之履危者智精投艱者慮熟班超之西域馬援之武溪誠壯夫所不辭也詩曰豈不懷歸畏此簡書言王事嚴也沈生行矣無謂潮陽遠哉長揖轅門折衝尊俎勒燕然之竒績標銅柱之壯猷昂之而已

送楊夢羽序

余以罪戍湖州道逢楊子於清源爲余述觀游之勝曰吾之北轅也首登姑胥之臺焉則慨吳粵之廢興感蠡胥之忠智旣而涉大江陟金焦歷波濤之險窮山川之竒遐觀幽覽快心娛目而興未已也於是遵齊魯之郊弔姬孔之墟登乎泰山觀乎滄海而止焉若是其壯游乎子以爲何如余曰子之觀游誠足夸矣抑異乎吾所聞夫子與吾吳人也吳之先有泰伯之德焉可以崇禮讓有季札之節焉可以興辭遜有言偃之文焉可以脩典訓抑猶未也夫齊魯者聖哲之林而禮樂之淵也泰山者嶽之宗而滄海者川瀆之歸也是故可以觀可以興登高自卑陟遐由邇仰止而趨盈科而進是則觀游之助也夫山川之美眺望之竒又何夸焉楊子曰唯唯吾固願有聞於吾子

送歐陽大夫序

歐陽子以司空屬董磚于蘇事竣問言於袁子袁子曰虜祁成而夏盟叛章華作而楚國危蓋自茅茨土堦之風寢而峻宇雕墻之刺興土木

之階禍也久矣故議者以爲勞民傷財莫此若也然而有不可已者亦莫之敢廢也是故得其人則民不知勞財不告匱非其人則民且散矣不惟勞也財且殫矣不惟傷也嗟乎艱哉今天子敬天勤民銳情於古禮脩郊社九廟之儀不得已而有事于土木乃命官董磚于蘇而司之者多非其人徃徃爲民病墨者則以出納爲利威褻而令弗行簡者則以校會爲汚法弛而事弗集其有懲墨以介勵簡以勤反是二者之爲而材弗逮焉綜理之弗周侵牟之弗禁引

日月廣貨財用定
勞民傷財也一而已矣吾聞歐陽子之蒞事也介以率下勤以程功敏以稽筭威以防姦財紆而弗告匱以節而弗知勞其庶乎說以使民者哉吾聞天下之事其利害鮮不繇人以今東南之民力困于誅求亦已甚矣使有司者皆歐陽子其人則民猶汔可小康也歐陽子行矣請以余之言告夫繼歐陽子者

送右布政使吳公陞雲南左轄序

今天下諸省荒遠者必曰雲貴廣西而廣西爲

最事更難治其大者如宗室日蕃徭徳日熾
狼兵日驕士伍日耗山多而地少土瘠而民貧
加之以瘴癘之炎蒸灘瀧之湍險蠱毒虎豺蛇
虺之不測是以仕者多巧避茲土其吏于茲者
多不樂久居苟且歲月以覲遷擢鮮克盡心焉
袞起廢承乏于茲一時藩臬諸公皆極天下
選凡有政令必集議廣思協恭和衷以求至當
務釐宿弊俾可經久廣西之民嬉乎愉乎皆
慈母而坐春臺也永幾右布政使南海吳公
材望擢雲南藩臬諸公咸賦詩以贈而命

之不行雖密勿何益故孔子欲居九夷不以爲
陋我國家皇風遠被無思不服越裳來朝
炎州即叙而况廣西固九服之隩區也奚荒遠
之擇吳公蓋三年于茲矣其盡心猶一日也庶
乎能行其道者歟公以甲科之英筮仕留曹參
藩閩岱所至輒著聲績其在茲土凡財賦之出
內軍伍之登耗徭役之贏縮政令之弛張因因
革革盡心以謀之而動罔弗臧雖勢拘分室不
可直遂者亦必委曲以求濟公之才雖未盡用

而道或庶乎其少行矣雲南之視廣西頗號樂
土且事之難治無如前所云者以吳公之才且
盡心焉又何道之弗行哉褻也辱公之教頗久
蓋有志於行其道而未能者敬書此以相質

送伯兄通判臨江詩序

夫志以言宣思繇情會江文通有言黯然銷魂
者惟別而已况乎棣華之感切鵠原之愛深者
乎伯兄晚穎海濱空群京甸牛刀甫試驥足方
騰烹鮮適賦政之宜製錦徵學優之美疆遠不
撓已見司城豈弟無登先占佐郡簡書可畏箴
力方剛捧檄載馳分符爰發遵江干而雪涕
翼軫以星言南浦浮雲化離遡嘆西臯落葉聚
散興嗟歲云莫矣人何以堪凡我賓僚咸申賦
贈在余小子敬引緒辭

送陸子傳會試序

夫投功名之會者馳寡廓之思希竹帛之業者
脫拘瓊之跡是以終生棄繻長卿題柱班超投
筆郭丹封符咸能慷慨以成身激昂以揚譽聲
流無窮達人慕焉故曰志者立業之基也戒之
在卑術者集事之榦也戒之在小鴻鵠之志翺

翔九冥不奮翼則不能戾于天騏驥之志騰踔
萬里不鼓蹄則不能致于遠然而志以時償功
由運舉何則所託者然也余少負不羈中遭罪
廢流俗嗤詬歡然受之友人陸生子傳獨能捐
疵玷之瑕締纏綿之好披豁底裏討論朝夕匪
獨然諾杯酒譙笑之睚而已屬子傳有會試之
事將獻策金馬之庭致身青雲之上過余言別
猥徵贈言夫士之未遇孰不高談孔墨抗議稷
卨羞管晏鄙申商者乎及其得志庸庸焉曾所
羞鄙者之不如非志卑而術弗慎之過歟今

天子明聖求士如饑闕壅滯之門開特達之
路削拘攣之格懸不次之賞言合則光榮計從
則尊顯誠千載一時也以子傳之材奔驚橫厲
奚所弗濟無亦務廣其志而慎用其術耳矣吾
聞之物有心致事有必獲取魚者罟射鳥者弋
君子立志以俟時不因時以毀志懷術以赴會
不緣會以易術詩曰遠猶辰告請以是爲子傳

新

送叔兄補之會試序

夫自黨術之教衰而偷僻之俗興矣鄉里之選

廢而僥倖之習成矣論辯之典隳而巧僞之風
煽矣薦颺之途塞而嚮之端滋矣上之求士
也以言不以行士之應上也以文不以實久矣
王道之難行也古之君子藝備而後官官必量
其材德懋而後祿祿必稱其事學而後從政政
弗迷而化理張焉今之君子藝之弗講患弗官
也德之弗脩患弗祿也學不成章而急急於從
政鮮不迷矣余觀乎士習之卑而斷斷乎知王
道之難行也士之始學也師授業父訓方舍章
句弗攻也去佔畢弗辯也刑精竭思於記誦帖

括之間既耽焉務求售於有司其售也則
而意侈且斲月望于爵秩之崇卑小大若昇
矣甚矣士習之卑也古之君子居環堵之室而
意周乎四海生叔季之世而心馳乎黃虞遭時
則行之不則懷之豈與夫苟聲利富貴相驚逐
取快於一時者而已哉吾叔氏早有令譽學同
奮通詞謀蓋嘗有志于古人之學者表不材樂
有賢父兄之教於叔氏之會試于宗伯也請書
此以徵父要之言

廣文篇送董子元

曰同聲相應又曰鳴鶴在陰其子和之凡厥
含生之類靡不然矣矧伊人者不藉交友何以
榮廣德業講習藝文修叙彝倫發揚聞譽也哉
既夫交道之難久矣張陳以凶終蕭朱以隙末
仲叔云亡嵇呂不作孰嗣休美昔余既有知也
馳志四方傾心三益既從大夫之後譽髦滿朝
耆耆在位雲蒸林立各附所趨同心合契實無
二三豈不以聲響殊科收塗異軌有不可強合
者乎捐廢以來邈于荒野門有翟公之雀戶無
賓相之賓昔曰白首相期青松指信二三君子

或雲泥升沉風葉聚散各在一方怒焉興歎殷
生云人壽幾何何由復展話言共傾肝膈者乎
上海董氏子元胥懷豁暢器度爽朗邁志無前
負氣不羈蕪以洞該墳藉雅善篇翰是以雲間
騰小陸之稱吳下垂阿蒙之嘆如司成陸公子
淵內翰文公徵仲特加賞識謂爲後來之彥伊
余小子嘗獲侍先大理公遂忝通家之好屢接
下榻之歡無言不誦有投必報今春子元援例
南宮觀光北都過余橫塘別業問竒楊叟徒慙
侯芭之誠贈言老氏莫助孔父之美嗟乎皇皇

帝京雍雍國胄衣冠萃止俊杰相先考德問
業博文遊藝斯猶坐洞庭而聽鈞天萬舞之奏
趨宮陛而觀璆琳琛貝之貢同聲之應豈曰無
人抑余有聞交不貴多而貴寡慎擇爲難交不
貴始而貴終又敬爲難子元行矣請以廣交之
篇就正有道之士

送王醫士序

吳俗尊鬼而先巫有疾弗事醫矯舉祝史求旦
夕効挾中人之產者即椎牛擊豕次則醪牲魚
菽以薦蚩蚩焉禰福死生悉歸之神其殆也始

謁醫求治焉治則曰神果福我即不治則曰吾
事神弗虔醫果無益噫惑甚矣其知之而聽命
於醫者又罕遭良焉繇是俗益尊鬼而醫之術
幾廢不講曰吳無良醫噫其信矣乎夫鬼神之
說幽昧闊遠吾弗知醫則吾知之攻燎砭熨叅
兩節宣古先聖王以濟夭死其大者保王躬下
殖民族黃岐所陳周禮太宰所掌要不可誣曷
爲其盡廢弗講也吳歷古昔醫多良入國朝
益著且蕃而王氏尤著有諱賓者文皇禮辟
弗就棄去舊學學醫乃杜門集諸方書遂專門

吳之舍巫而謁醫者必走王氏王氏術業精即
委王氏治無弗効者賓之裔孫某能世其業比
試禮部入直太醫院茲將歸覲余固侈其家世
而贈之言且以警夫吳之尊鬼先巫者

贈李仁父序

李子仁父之宰江陰期而政成凡臺部監司有
事于常者咸檄下優獎褒譽之辭翕然一口於
是丞簿而下移書以告袁子曰邑有賢宰爲當
路者所知子宜有言以揄揚其事且書辭述李
子之政甚備余始而疑以爲今之爲政者類飾

情以矯譽疆以張威察以智激以示潔捷以
規利諛以伺意虐用其民而惟上之援上之人
方以爲材且良也而加獎焉此今之恒蔽也李
子之受知于上官者得無近是乎江陰去吳甚
邇商旅往來聲相聞也及詢其土人則曰吾邑
有賢宰不獨上之人知之而下之人愛且尊焉
量而材敏心慈而守堅斷而恕廣而公貞而
固韋而理前之宰是邑者誠鮮儷焉所以備之
者與書辭無異余聞是言而信李子之賢也夫
江陰大邑也宰未期月而監司材之僚案述之

士民懷之不賢乎初李子與余同舉進士又同
讀書中秘既而出宰分宜無幾微見顏面乃今
政事卓卓若此李子誠賢矣乎夫江陰視分宜
地廣事倍以李子之材臨之宜無難者進而陟
臺諫參樞機事更有大於江陰者吾願李子之
慎之也

贈烏程錢尹序

余嘗讀老氏言我無爲而民自化我無欲而民
自朴肯哉斯言乎此養民之要也夫水至靜撓
之則泥濁黃而魚鱉弗育木至靜搖之則艾條

枯而禽鳥弗附此擾之患也善養民者能勿擾
而已矣擾則民困善養身者亦能勿擾而已矣
擾則身危困與危非壽之道也是故目眇施嬙
耳屬絃匏口甘脆膿體便纖華思慮逐乎汰奢
精元斯乎傷淫四支逸而中心勞者此身之擾
也願其教令細其科條密其誅求苛其朴箠文
法叢生胥徒恣睢上難知而下易犯者此民之
擾也善養身者專精而寡思嗇欲而調氣而後
血脉通和筋骸堅疆身安且康善養民者順而
弗理靖而弗謀無爲而爲不言而言而後風俗

和平教化興行民安且寧夫康寧者基壽之道也壽考者禔福之本也故善養身者知善養民不善養民者不知善養身錢侯之宰烏程也行之以勿擾之道期而民化於其始生之辰也有俞章者袁子之門士也乞言以爲壽余知侯之善養民也必善養其身敢以是言進

贈龔

君序

國制仕于朝者七品而上三載既考績得推封其父母其七年明倫大軌成皇帝既誕告多方乃命于百官封賞遂行毋拘典常於七龔

子鳴治得封其父爲脩撰母安人先是就養來京師乃並受寵命袁袁贈之文曰夫禮尊尊親親王者觀會通以行典禮既追王祖禰乃緣人情著爲章彝下逮于公卿大夫士疏爵以命之訓詞以嘉之而人道備矣子爲公卿上達于王大夫官如之昭殊寵也子爲大夫士上達于父官亦如之示有等也始封也稽之天官以校其功勤遇錄也而官方檢矣制之太史以覈其行能志弗誣也而爵命尊矣是故黜過以昭勸而人知爲人子矣懲誣以象賢而人知爲人

父矣舉一事而衆善集焉者其封其親之謂也
頒爵以貴貴也序能以賢賢也崇本以尊尊也
脩睦以親親也知爲人父以教慈也知爲人子
以立孝也知爲人子而後可以爲人臣以厲忠
也故曰爵祿者君之所以使臣也服命者子之
所以事父也孔子曰立身行道揚名於後世以
顯父母孝之終也其封其親之謂也其龔子之
謂也

贈 徵君序

包山者吳之 之鉅嶽震澤之雄鎮老氏之奧宅

赤霄之神區也巒紆嶺復陸衍原專巖洞竄深
堂防窳豁標竒孕秀靈異難詳旣多竹箭橘柚
之利寔繁瑰瓌卓犖之士文質彬彬蔚禮俗朴淳
業佃漁者寢跡 園圃章縫者馳聲黌序詳其
土風抑爲美矣徵君嘉遯考槃居貞履坦王侯
不事飯蔬自居安原生之貧窶美榮公之至樂
樵采以給私養耕牧以輸王租男穡女蠶夫槩
婦瑟祺壽伊始弧辰誕臨潔清醑以饗神烹肥
粢以召族百禮旣洽九福斯綏維是十姓斐然
有文伯氏力田仲也秉禮揚蘭芬於胄學宣藻

燧於藝塲稱觴之下既翕且耽孟氏不云乎父母俱存兄弟無故一樂也言念天倫揆之人事孰樂於斯申之緒言介爾眉壽

陸太夫人壽序

陸子浚明謫官都勻便道出吳下還上母太夫人壽袁生登其堂跪而進觴曰太夫人春秋七十矣都勻去吳萬里羅鬼險惡浚明獨無意乎浚明日吾王事也庸何傷太夫人曰爾命也庸何傷初浚明之官京師也太夫人嘗就養焉袁生以年家子嘗就拜堂下是故太夫人之懿行

袁生知之獨詳故叅議胡公愛八夫人特甚乃館陸公於門下太夫人善事其親相夫子闔外內肅如其經營約束雖婦人猶男子也浚明於太夫人爲仲子伯叔游國學蔚有文譽浚明登進士高第讀中秘書拜工科給事中慷慨論列歲終上數千言多見采納乃益自感奮譏彈貴勢詞旨激直無少孫避兩下詔獄家人方共危之太夫人獨喜曰吾兒言官職當言言而獲罪雖危榮矣未幾竟遠竄太夫人終無懟曰吾兒慎之無實厥令名縉紳先生聞之者咸咨嗟嘆

息曰非獨浚明之賢乃太夫人者賢母也袁生
曰貞士累至而行明忠臣時危而節顯浚明書
生昌言家國大事直聲震天下可謂奇男子矣
非太夫人孰能成之語曰居仁者祥多作善者
壽昌使斯言而信太夫人之壽未可量也

少司馬武陵陳公集序

序曰文體之變極矣治世之文和以平叔世之
文促以詭故曰文章與時高下豈不然哉孝
廟朝長沙文正李公以文倡天下天下學士大
成咸趨宗之曰李公今之昌黎歐陽也其後有

空同李公者出而文體稍變學士大夫翕焉同
風習空同子之文然實未有究厥旨歸涉其堂
奧者也夫今之言文者鮮不曰西京先秦及考
其述作則艱深其辭譎誕其體支離厖雜偶俳
刻棘而文體日陋噫西京先秦果若是哉秦昔
游郎署數從陳公論議既從公受書獄中嘗聞
公之論文曰文莫先於辨體體正而後意以經
之氣以貫之辭以飾之體者文之榦也意者文
之帥也氣者文之翼也詞者文之華也體弗慎
則文靡意弗立則文舛氣弗昌則文萎辭弗修

則文蕪四者文之病也是故四病去而文斯工矣今觀公之集深醇雅則質而弗俚瞻而弗穢含氣布詞一根於經史而約之以理其宗長沙而卓然成家者乎其視今之爲文者體裁之弗辨而猶曰先秦西京曾之弗若者何如哉

大中丞胡公集序

姑裘爲弟子員時天水胡公來守蘇數與裘論文且示以法曰文莫盛於退之而文之體則變矣詩莫盛於子美而詩之體則變矣故文必以六經爲準而秦漢次之詩必以三百篇爲準而漢魏次之舍是雖工猶爲棄源而遡委舍根而培枝也况未工乎裘服膺惟謹然困守章句繼服官政未得畢志古作者之塲如公所教也公去蘇日徐生者將梓公集以傳委裘序之裘三復終篇乃知公所著述卽所示法也昔在李唐韋應物白居易先後守蘇咸有惠政且善篇翰今韋白之集具在韋之詩冲興遠而調高白之詩率且辭俚而理暢世稱作者然竊恨其未

矣詩莫盛於子美而詩之體則變矣故文必以六經爲準而秦漢次之詩必以三百篇爲準而漢魏次之舍是雖工猶爲棄源而遡委舍根而培枝也况未工乎裘服膺惟謹然困守章句繼服官政未得畢志古作者之塲如公所教也公去蘇日徐生者將梓公集以傳委裘序之裘三復終篇乃知公所著述卽所示法也昔在李唐韋應物白居易先後守蘇咸有惠政且善篇翰今韋白之集具在韋之詩冲興遠而調高白之詩率且辭俚而理暢世稱作者然竊恨其未

極根源而苟安於枝葉也表也陋不足以知公之文姑以所聞於公者序諸首以俟知者賞焉

唐伯虎集序

唐伯虎集二卷樂府詩總三十二首賦二首雜文一十五首內金粉福地賦闕不傳唐伯虎者名寅初字伯虎後乃更字子畏吳人也少有雋材性豪宕不羈家貧不問產業好古文辭與京兆祝公允明博士徐公禎卿內翰文公徵明相友善而尤工四六藻思麗逸翩翩有奇氣然行實放曠人未之奇也嘗上書吳文定公覽書

曰吳安得有此人邪頗為延譽公卿間而提學御史方誌惡其不檢將黜之比試大學士梁公儲讀其文驚嘆以為異材遂薦第一由是聲籍甚會試禮部衆擬伯虎復當首伯虎亦自負江陰徐經者通賄考官程公敏節目以示伯虎且倩代草文字事獄掠問亡狀先是梁公奉使帛乞程公文送之竟以此論發為歸文徵明以書慰之伯虎答書自明中乃後益自放廢縱酒落魄所著述多不經思

虎嘗持

逮錦衣衛

家人得其

伯虎亦自

由是聲

學士梁公

間而提學

耻不就免

文多載集

多不經思

多不經思

多不經思

多不經思

多不經思

多不經思

語殊俚淺人或規之伯虎曰夫太上立德其次
立功其次立言寅遭青蠅之口而蒙白璧之玷
爲世所棄雖有顏冉之行終無以取信於人而
夔龍之業亦何以自致徒欲垂空言傳不朽吾
恐子雲劇秦蔡邕附卓李白永王之累子厚叔
文之譏徒資嗤辱而已且人生貴適志何用劇
心鏤骨以空言自苦乎宸濠之謀逆欲招致四
方材名之士乃遣人以厚幣招伯虎堅辭不可
至則陰知將有淮南之謀遂佯狂以酒自污宸
濠曰唐生妄庸人耳乃放歸得免於難過富春

渚想子陵之風慷慨悲歌徘徊者久之築室桃
花塢中讀書灌園家無擔石而客長滿坐風流
文采照映江左外若奢汰而中慕沉切究內
典旁精繪事裘童時嘗獲侍高論接杯酒之
哲人已遠九京不作撫誦遺文慨仰遐烈爰
蒐撫庶存梗槩云爾

王履吉集序

王履吉者名寵吳人也少負逸材博涉墳藉沉
精篇翰下筆綺辭壯思滔滔不休補郡學弟子
員督學者最其文試必首列然非其好也試于

鄉輒弗利乃貢入太學北游燕趙觀廟朝制度
與四方薦紳先生游上下其論議而文益奇歸
而嘆曰夫神龍升于赤霄尺蠖伏于泥淖黃鵠
一息千里而斥鷃終日不過蓬蒿此其志大小
懸絕何如哉且夫屈伸者時也利鈍者命也夫
儒者握寸管挾方牘而揚聲名於億載彼得志
者曳紱垂朱高爵豐祿以焜耀一時不知駒馳
電滅雲浮草腐後世無稱焉此與蠖鷃何異哉
是買田石湖之旁築室其上臨流賦詩益窺
作者之奧而病作矣乃養病于虞山之白雀

寺洩其精於聲詩而病乃大作歸不逾月竟卒
卒之前一日夢兩蝴蝶入袖寤而嘆曰吾殆已
矣夫莊叟之言殆謂我也嗟乎亦異矣履吉詩
初宗李白既乃宗杜故其詩才力雄潤辭篇麗
贍去輕靡而就沉着尚鋪綴而畧陶鎔及白雀
集諸篇則又興寄冲其思調清逸遂窺陶謝之
堂幾入王孟之室矣惜乎天抑其進有志未就
故所著僅此然亦足傳矣憶與履吉啣杯論文
窮夜達旦謂古人之庶幾大雅之可作而竟已
矣獨恨夫天之忌材不少假也昔魏之文考唐

之勃賀咸以才天近代如姑蘇徐禎卿信陽何
景明沁水常倫閩鄭善夫亦不享年何天之忌
才若斯邪豈天既畀之才乃奪之年邪嗟乎屠
吉古之稱不朽者不以年也又何憾哉

廖學士采風集序

袁子曰古者列國蓋有風焉禮曰天子巡守則
命太師陳詩以觀民風所以察儉奢稽淳僞同
教化一道德也自巡狩之典廢而采詩之官亡
矣傷哉然猶有輶軒之使焉自漢以來未之或
改也今監察有御史將使有行人而他諸司或

參與焉然監察之職在乎糾壓行人之職在
專對而諸司徒苟共事反命而已非采詩觀風
之意也傷哉傷哉蒲圻學士廖公鳴吾以太史
使楚周爰之暇發爲辭賦衍爲歌詩首述王制
旁采民風山川之夷險今古之興替靡不綜括
於家見孝友之理焉於友見規箴之益焉泯泯
乎義含美刺辭兼諏詢矣故自命曰采風集始
歛有刻而體無倫次太倉知州楊儒魯復謀梓
傳屬袁詮而序之讀是集者尚有得乎采詩觀
風之教也哉

國寶新編序

蓋罕生逝而國子悲惠施沒而莊叟歎人之云
亡邦國殄瘁昔魏文言文文章經國之大業不朽
之盛事年壽有時而盡榮樂止乎其身二者必
至之常期未若文章之無窮也秦三復斯言未
嘗不流涕也我明龍興文章之美特跨往代
鴻儒巧匠川涌雲蒸典文者上規黃虞下獵秦
漢晉宋以還未暇論也草創之初人文未開雖
氣存淳朴而體沿卑陋劉宋諸公從容金馬猶
未能鋪張功烈與謨訓媲美雅頌同風有識者

蓋深惜之

治間

君臣一德

日晏苛英

妙哲方軌並驅文體始變力追元古於時有關
西李夢陽姑蘇徐禎卿信陽何景明相與表裏
以鳴國家之盛今中丞顧公璘崛起金陵頡頏
其間埴鏗荒應莫敢軒輊又如祝京兆允明之
宏博唐解元寅之竒俊鄭吏部善夫之古澹朱
叅政應登之藻緻孫山人一元之清曠王太學
寵之雄麗都太僕穆之冲泊景中允暘之醇甞
王憲副韋之雋質趙憲副鶴之新警咸號名家
素稱國手並與顧公敦道藝之交今諸子繼謝

而顧公獨存遠惟伯子絕絃之感近念高生開
篋之思綴輯遺文爰加壽梓題曰國寶新編委
裘校而序之夫文章與時高下而變通之妙存
乎其人是以孔父云天之將喪斯文也後死者
不得與於斯文也今之作者其無與於斯文者
乎表於茲編而有感乎斯文之興廢也編止所
知存者弗錄李子而下總十三人陝二人河一
人閩一人南畿九人

中庸臆說序

序曰王跡熄而伯術興聖學湮而異端熾洙泗

道微衆言舛錯漢儒去古未遠學者各守其師
說以相授受其之不啻於古乃後轉相支離
愈失其真將焉折衷哉有宋諸儒倡爲道學表
章之功誠不可誣而詁訓繁蕪章句碎裂大非
孔氏之舊中庸一書人自爲說談高妙者崇虛
寂而忽精微析名物者黜簡約而爭瑣細是以
或失則禪或失則俗黨同伐異其失均焉至乃
朱陸交辯有如聚訟嗟乎孔父不作孰知是非
苟其大義無乖細目稍異亦何舛謬而互相詆
訾一至於此是良可慨已吳興施先生聘之延

傑之材希聖賢之學沉潜汾洛寤寐關濂嘗從
游餘姚王公之門斐然咀華卓矣入室懼微言
之將絕憂後學之靡宗著中庸臆說一編懷望
道未見之心冀以虛受人之益脫畧前聞紬繹
新得既不苟同亦不苟異誠聖學之樞鑰古經
之羽翼也謂予小子粗知好學俾序其旨惜也
窺管識陋望洋心疑吾斯未信竊有雕開之嘆
就正有道實所願焉

江南春詞序

江南澳壤吳會名都揚州表於夏紀藪澤夸於

周藉江海溝瀆既多沃漑岡巒墳衍寔繁生殖
賦貢雄于九服貨財流于五方儒賢卓傑敦育
公絃誦之教禮俗豈弟襲季子揖遜之節風流
論議則矜高王謝辭章篇翰則因循張陸美風
洋洋難殫述矣加以皇圖晏寧戶版蕃滋閭閻
櫛比構宇綺錯旣庶旣富頗涉華奢服食技藝
竒巧焜燿遨遊舞矧駢闐充溢歲無虛月時無
間日令節嘉辰往來相屬春陽百戲驩賞九勺
履端獻壽秉簡迎祥剪綵鏤金互遺夸勝燃燈
張樂競賽紫姑是以水涘山隅聯輿並鷁楊園

花墅累榭駢筵閭闔天門塵囂衢市虎
靈界踵接巖阿童冠成行娼姬侍列娛心騁目感情
蕩意雖乖雅化亦微繁會矣有元倪隱君者高
潔成性文采有章家本江南綴江南春詞二首
頗叙樂土之懷兼感黍離之嘆韻旨清遠寔爲
雅製我吳先輩追和厥辭或述宴游或標風壤
或抒已志或賦閨情迭奏金聲積盈細素奏也
無文亦嘗尾續并邀同志抽演緒餘蓋曰猶賢
乎云爾

之子居百歲餘抱病強起履一江
之暇時憑絃歌自如安焉若將於其身既而歎
曰夫仕以行道抱關擊柝且不可以苟祿余官
豈爲貧者哉投劾決去章一再上 聖天子哀
憐詔賜骸骨歸乃拂衣涉清湘下洞庭大江陟
衡嶽匡廬九華窺岳陽黃鶴赤壁小孤之勝探
竒入幽睇遠窮高倏然起千古之懷逸思雲冥
沉痾頓差歸而屏居橫塘塞蔣詡之徑灌於陵
之園一琴一書且耕且漁希乎夷乎逍遙天游
誠不知無懷大庭之孰後先也嗟乎人各有志

倘天假我年不即填溝壑猶能竭其精思勒成一家言以畢河汾之業或未可知也是稿諒無足觀不欲棄去者亦疾沒世不稱之意也同心君子冀假亮焉

袁永之集卷之十四

袁永之集卷之十五

湖州府學尊經閣記

遷尹和靖書院記

長洲縣學射圃記

廣西副總兵公署續題名碑記

嘉定縣令題名記

遊墓諸山記

遊張公善卷洞記

遊金焦山記

遊西洞庭山記

聞溪草堂記

孤城草堂記

遊桂林諸山記

遊乳洞記

遊朝陽淡巖記

遊浯溪記

遊南嶽記

遊匡廬小孤山記

遊九華齊山記

池陽觀龍舟記

素永之集卷之十五

湖州府學尊經閣記

湖州府學尊經閣成太守陳公瓚謀立石詔遠
乃命教授陳子祥麟以告素表曰湖有學宮蓋
自漢始乃尊經閣則創自今矣夫飭政者務立
教敦教者務正經經正則統壹統壹則民勸閣
之創也以立教也其規侈其功艱願子記之素
表曰夫尊經者世衰而後爲之也先王之始
立教也張學以聯材選師以布軌植行以崇倫
尚齒以習遜考業以居功賞譽以勸善威罰以

懲忒此教之所由興也世之衰也文繁而僞滋
言淆而質敝政靡而紀斁禮喪而俗偷聖人於
是乎述上古之訓脩先王之業度禮義之衷稽
因革之會定性命之準以道民趨而六經者作
經者所以示民有常扶教救衰之本也末世典
籍焚錯訓詁繁興習章句者陋而寡效獵詞華
者靡而忘實議同異者辯而不情此三者叛經
之大患也上之人懼焉於是乎尊經以示之而
民乃不惑故曰尊經者世衰而後爲之者也閣
始功於嘉靖丙戌秋成於戊子夏高五丈有六

尺六廣八丈有三尺延之數與高等匠石五材
之費總千二百有奇今中丞劉公士元之刺湖
也實肇厥基繼馮公曾萬公雲鵬度地斂材廣
方隅計徒庸經畫者三載而工告成矣協事者
則烏程知縣鄔子紳戴子嘉猷歸安知縣戚子
賢葺役則訓導張子文閣左右爲顏魯公任孝
子二祠戴子所續建者夫祀顏以勸忠祀任以
勸孝忠孝者經之訓也附之者亦尊經之意也

遷尹和靖書院記

和靖書院舊在虎

西菴遺基久湮天水胡公

續宗來守茲土考道之暇大懼荒沒爲往哲羞
抑無以法將來即故地祠而祀焉又以僻在郊
外學者罕至乃徙祠於龍興寺榜其門曰和靖
書院扁其堂曰三畏列楹周阿揭虔妥靈顧瞻
弁裳聳焉起敬又以香火於緇衣懼歲久浸怠
乃選縣膠弟子員絃誦其中修皇王之業趨孔
孟之軌以無忘和靖先生之意公暇則游焉橫
經析疑躬督肄習設俎豆醖箏于堂上懸夏楚
朴箠于堂下董以學官申以科條將使四方則
之後世傳之曰蘇湖之教其再見乎公之志也

初于肅公師事伊 川爲程門高弟遭宋不造闔
室嬰金酋之害沉 淵逃劉豫之聘振鐸于茲卒
以窮死所寓齋亭 又復圯壞使其不得志於當
時者又將無聞于 後世惜哉公是舉也蓋兼三
善焉屏淫昏之鬼 以攘異教崇往哲以修典刑
振黌校以訓齊群 胄後之人能率其故典時加
敦勸俾無遺墜則 觀旂之什協于闕宮矣諸生
誦法孔子而不知 相勸于古道者其何賴于茲
院成命表記其事 而鑱之于石

長洲縣學蓋故有射圃云孫侯視學之明年整
壹法軌興修禮文士既向風乃考彛章循典訓
曰維是射圃之不治鞠爲灌莽于何考德事其
在我乃即禮殿之東隙隅而卜食焉芟屏緇翳
羅剔砂礫量物鳩徒庀材計庸凝土搏埴基高
崇庠辨階位列方次畫侯壘豐軒堂門楹翬革
荼張而射圃完矣乃屬記于余書不云乎侯以
明之習于虞庠試下澤宮夫禮射三代以來未
之有改也明興文教熙洽邇來承平旣久而
法禁漸弛黌校崩頽誦滅息污萊阨蠹講肄
無所又何射圃之能爲君子曰孫侯其達於禮
矣今天下之典教者皆若人焉禮教其興矣乎
是故記之以志廢舉且使後之人有所考焉

廣西副總兵公署續題名碑記

副帥張公鎮廣西者十有三年威武大揚蠻方
旣邊乃嘉靖壬寅之冬拜貴州總兵以公署續
題名記相屬余謝不獲乃爲之記曰廣西古百
粵地也周秦以上不登於職方漢始置吏

皇朝初命楊璟朱亮祖拓地開藩封以宗王
鎮以大將督以重臣守以內宦其始三府並建

百粵用寧居重馭輕安不忘危慮至深遠也景
順間廣東西黃蕭養侯大狗等耗亂命故襄毅
韓公雍討平之成化初韓公以憂去蠻孽再叛
朝廷採陶魯之議乃改立三府于梧州而廣西
則設副帥乃後藤峽左江賴以帖息而脩荔古
田柳慶諸蠻日以蕃滋數出剽殺卒莫能翦何
則權奪而勢分事格而令不壹彼重則此輕理
固然也 間議者欲復 高皇帝之舊制改

三府于桂林而大司馬鈞陽馬公竟寢其議八
十年來雖名將踵出如歐信康泰諸公皆能策

余讀漢循吏傳而歎吏道之難也漢有天下四
百年吏以最稱者幾人哉今天下吏親民莫如
令權壹而職專苟心乎愛民奚所弗濟故先哲
以未嘗親民爲耻意深遠矣 皇朝統有萬邦
列聖重守令之選繇是循良相望光掩前策
而百八十年來其赫赫可稱紀者猶僅僅也嗟
乎難哉難哉嘉定古東婁地也距郡治百四十
里志曰故崑之嚠城鄉縣治在春申鄉練祁市
宋嘉定置縣元爲州 皇朝初因之乃洪武二
年復縣置令而迄今未有題名不其闕歟順義

張侯重以進士來令茲邑期而政成謂是弗可
已也乃蒐郡乘詢黃耆由洪武以迄嘉靖得若
千人將鐫其名字爵里於石而以記屬袞惟嘉
定瀕海而襟江數患盜警且土無異產舟車艱
塞百賈罕游民苦重賦令於茲者不尤難哉按
郡志宦蹟載俛斯而下凡六公 德以來雖未
及纂續然吏治精核而純實亦少衰矣豈漸靡
使然哉張侯之亟是也其有感也夫夫古者今
之鑑也往者來之轍也辨體以經治者存乎典
彰往以詔來者存乎文典以軌物文以永世公

署之有題名古也 以觀以興以勸以戒則
而刑焉否則撻而訕焉其庸庸者則耻並列
是先民之所以旌淑而警忒者也非所以崇
飾觀也張侯之亟是也亦猶行古之道夫觀茲
石者沿近以溯遠規今以準古雖百世可知也

遊 墓諸山記

吳之山惟 墓最僻而亦最奇面湖而險隩丹
崖翠閣望之如屏背鄧尉而來法華墮其前銅
坑青支迤邐其左游龍界其右岡連嶺屬詭狀
異觀相傳郁泰玄葬此故山以名山之奇經唐

宋不顯自萬峯和尚披萊鑿石脩乘其下故山亦名萬峯其陽有萬峯塔院過此則有中井井故萬峯所掘於山爲中渟感沸飲之如雪山多美箭蒼蔚崖巘間級石而上得浩公房湖閣望中縹緲峯益軒而法華益卑楓林橘岫丹塗綺錯閣下多高松風起則谷嘯水涌聲聞數十里宴碧照軒宿新院而軒院皆面湖望中如浩公房湖閣惟益黃翠也其尤奇則在絕頂一登則洞庭諸山悉陷伏浮於湖而湖波遂混茫蕩爲一色不知其所窮山之麓有奇石甚詭麗在

盧橘下勢欲飛動茲山之奇長則觀日出則凌倒景而四時皆可居自東崦入四面皆山望鄧尉鬱鬱已有武陵山陰之想緣溪至虎山橋橋亦在亂山中而六水繞出其下波聯震澤映帶不已趨墓者必自然始而奇亦畧相及是故詳記之

游張公善卷洞記

張公洞去宜興四十里而善卷稍遠乃與溧陽送初方山人質甫述二洞之奇而尤奇善卷謂其上乾而下水也勢如重樓云余之會葬于溧

陽史氏也文仲休承實同舟焉舟發而雪甚入
荆溪則四山皆雪也望之如瓊臺銀闕而孤月
照耀下上一色於是肅徒揚舲引觴浮白誦來
思之什歌月出之章望溧陽而進焉歸塗逢華
君從龍乃相與爲善卷之遊循山而上攀蘿踐
苔蛇徑盤紆百折而抵洞口石門開豁土原平
敷外峻中軒敞如堂闕仙牀旁列玉柱上棟鍾
乳交懸險滑難入詢之士人曰此乾洞也下有
大水洞而小水洞在其旁乃緣崖而下壁削泉
飛湍濤噴激聲如萬雷從者凡數十人雖喧譁
不相聞下多亂石沉浮水面而洞無徑可入且
冬月水冷不利涉余獨攝衣跣行者百步同遊
者咸莫能從焉旣乃踞坐磐石飛觴沉飲又令
一僕肩立休承題名陟崖而出遊善卷之明日
乃至張公洞洞在山麓而洞門仰開俗所謂天
窓者也洞口多雜樹蒙密翳蔚望之深黑旣下
則甚明曲磴盤複香臺崛峙石形紛詭森若刀
戟懸如鍾鏞綠逾翠黛白疑霜雪路愈狹而石
愈奇縱橫起伏殊難模狀乃張列炬而觀之丹
竈芝田徃徃而在深昧不可窮乃穿後洞口而

出袁子曰余之遊二洞也而知方山人之言未足據也諺云耳聞不如目睹信矣乎夫上乾下水善卷之奇誠罕匹矣而天窓之異未可少也余嘗觀華陽林屋咸自外入未有自上下下如天窓者而張公之石特怪奇過善卷遠甚夫二洞者未可以優劣也既游之明日休承圖之而余爲之記

遊金焦山記

金焦山屹立江中流險峻而奇然金當潤州之咽喉渡江者苟好事必遊焉而焦山則僻故遊者特鮮余之遊之者而矣而焦獨闕庚寅之秋余將北轅也乃有事于金焦焉時秋高氣清天風和融水波寧緩窮日而遊兩山亭閣軒臺攀躋畧盡客曰夫兩山者孰勝袁子曰金狹而巧所眺者廣焦廣而幽所眺者狹此兩山之槩也夫江發于嶧冢赴于海而潤州者當其下流江之奔也勢若赴壑金焦者適當其衝束其隘口截之使緩此兩山之功也昔余有四方之志焉如浙之天台鴈宕閩之武夷江右之匡廬荆湖之衡嶽武當洛之嵩卽魯之泰山晉之恒霍秦

之終華蜀之峩嶓劒閣咸思縱觀以畢吾願而未遂也蓋所覩巨麗者三焉曰震澤曰大江曰黃河此天下之大觀也而金焦者抑又其次乃於是作遊金焦山記

遊西洞庭山記

夫覽山川辨物宜稽民俗舒情性遊之槩也西洞庭去吳城百里余自胥口抵山館于林屋山人山人負經濟之學數奇而山居因山創樓名曰秀消夏環其前縹緲倚其後山之勝萃于茲矣是日也遂登縹緲之顛山有九峯而縹緲

獨峻援而上掖而前既登則東洞庭如帶而七十峯特小湖常諸山皆若屏拱落日陷波中金紫萬狀遊之明日泛消夏灣觴于小龍山而歸又明日度蔡嶺憇明月灣登石公山山之陽有石板其半沒于湖猶可坐千人乃相與濯足而歌曰山麤屨兮石如砥湖瀕洞兮百川委又觴而歌曰震澤定兮水朝宗億萬年兮仰禹功於是舍陸而遵舟復館于蔡氏明日乃遊上方諸寺山人知余將歸明日乃同遊毛公壇觀林屋洞洞深黑而中甚卑入者皆俯而進余獨與文

子探隔凡而出題其旁曰通仙隔凡洞之最深處也山人曰子歸矣山有曲巖其石如黛峻而秀不可以不觀乃觀之遂張帆而歸袁子曰西洞庭東南之沃壤也梅梨橘柑楊梅枇杷魚鹽茶竹之饒錯以良田山之人朴愿而信塗無婦人可不謂美乎自夫差以來不被兵燹抑又美矣同遊者伯氏邦正文子壽承潘子脩伯山人者蔡氏九達也復有諸蔡皆同遊歸之明日而記其事嘉靖庚寅夏五月六日

聞溪草堂記

出闔閭城西二里爲武鄉里名采雲有橋曰聞德跨據通津引官漕渠水匯爲溪綠溪多竹樹腴田沃澤陂塘墳陵居民業漁稼本竹俗龐嗇殷君良貴挾溪而居乃自稱曰聞溪子構堂三楹軒敞夷奧中列古圖書藥欄花石曲擅幽勝聞溪子性率直遇事颺發無留隱間歲挾貲游江湖藉奇羸爲酒食具歸卽召里中賓徒博飲拓落浮沉閑暇則約僮奴灌園督子姓誦讀章句君雖混跡市賈頗敦尚行義爲鄉之善人始余市門居宅屢駢闐車馬紛衝貿易縱橫

肩排踵擊湫隘喧囂心殊厭苦之暨官京師日
奔趨公府塵塗鞅掌厭苦益甚頃以使事歸則
家大人已卜鄰聞溪矣辟喧就寂得少息焉孔
子不云乎里仁爲美余旣得屏居聞溪又喜殷
君之相鄰也乃爲作聞溪草堂記

菰城草堂記

菰城草堂者孫將軍之別業也出湖南城門由
碧浪湖緣溪而入崇岡秀嶺左環右拱匯以清
流包以廣墳谿多蒹葦菰蒲之類故曰菰城郡
志載春申君屯兵其地累土爲岡勢若城郭四

門排谿營壘分列城之陰多高山複重其下多
良田沃壤肥桑美箭樹木蒼蔚陵衍陂陀登覽
之奇蠶稼之利土風之美居民之淳殆湖之武
陵輞川也孫君因城築室彊地疏池夏則芙蓉
獻芳秋則桂橘呈秀圖史充室觴竿在房暇則
徵賓張宴酣娛終日乃命其堂曰菰城草堂而
屬余爲之記

遊桂林諸山記

余到桂林者旬日即下蒼梧病瘴瘧還省即日
上章乞骸骨不報卧病四閱月復出視事乃七

月二十日熊師子敬邀余觀劉仙巖出城南七里得白龍洞俯瞰清潭石室窿然敞而高唐李渤命曰巖宋初更名白龍其陽即劉仙巖也相傳仙人劉仲遠居此歷磴而上洞府高寒旁有穿雲仙磧兩巖望中陽朔諸山森若劒戟皆獻奇目前應接不暇飲極歡秉燭而歸同遊者鄭太守質甫羅儀部時行也明日登桂山疊綵巖觀風洞歷華景山下有洞深廣如厦屋轉寶積山山多怪石其旁有呂公巖山之顛有諸葛亭或曰珠合無所考又明日出就日門東北行

十里飲得清泉寺小飲復二里謁寺

復三里

登堯山觀天子田山有泉分二澗繞出堯廟淙淙可聽雜以松風如怒濤決峽小飲澗旁飯而歸環桂之山皆石此獨土蓋桂之鎮也是日復至七星山入棲霞洞穿曾公巖而出桂多巖洞然深奧怪奇未有逾七星者也復觀風洞而還二十五日將趨全州按察使葉公景暘副使鄭公本醇僉事林公世觀追餞于虞山謁舜祠觀韶音洞讀宋張南軒碑記山石奇峻下臨灘江旁有渡曰皇澤灣洞口有南薰亭唐宋刻石

具存余嘗讀范文穆公成大評桂山之奇爲天下第一初未之信薄言觀者乃知非虛夸也夫其千峯挺拔怪怪奇奇驟而觀之誠天下所未覩也然猶恨其多險峭孤危之狀而無高厚蜿蜒之觀山之體意者其弗若是歟且以桂山之奇秀若此乃無有鍾靈萃淑卓然名世者出乎其間而徒多猺獠獍豸盤據窟穴枕戈負弩以爲民蠹是曷故哉豈山川之險怪固生此類歟是余所疑而未敢以范公之言爲信也夜宿靈川公署而作此記

遊乳洞記

余旣試士興安問土人山水之可游者得乳洞出城西南十里路多榛莽至洞口有清溪石梁洞有三下曰噴雷中曰駐雲上曰飛霞下洞有泉流石壁間匯而爲溪觸石湍激有聲洞門軒敞其中虛明夏涼而冬溫其下石如田壟溝塍如鑿左旋至中洞烟霧冥濛有石柱三及石室石牀復左旋百步至上洞入門平曠水淺可涉石乳玲瓏有五色石橫亘其上秉炬深入石愈怪奇三洞蓋宋李邦彥名也有碑記及張孝祥

大書上清三洞皆在下洞口上洞有范成大詩刻徧讀之小飲下洞而歸夫桂多巖洞然三洞並豁亦足奇矣興安土風簡朴氓不知遊而三洞者竟不能閱見賞名流如范張李諸公將山川發靈因人益顯歟譬之士苟有奇雋瑰瑋雖在遐壤必能振奮施其聲光鵲起穎露欲自闕匿不可得也余於茲遊而重有感焉七月二十九日記

遊朝陽淡巖記

全學讀元結集知朝陽淡巖之勝癸卯四月五

日謝病歸發全湘七日抵永太守唐公國秀招遊兩巖自瀟湘門外渡江登朝陽巖巖多奇石翠黛如畫謁寓賢祠小飲前軒稍東轉而下石壁峭削俯瞰清湘曲欄危磴始抵洞口泉聲淙淙蓋外有礧道由地中而入者予濯纓焉復飲前軒而罷午後趨淡巖巖去朝陽二十里道中風土清曠不殊江南薄暮抵巖巖特高敞爽塏土夷燥可坐萬人巨石磊砢或或蒼如倨如翔洞門寬豁朗然虛明雖夏屋弗如也酒數行出洞已昏黑二鼓還舟中是日和霽歸途大風

雨渡湘甚危始知名山勝地登臨信有緣也漏
下四鼓作此記復賦二詩

遊浯溪記

四月八日夜至祁陽九日登浯溪溪面湘過香
橋溪水繞出山左聲崢然不絕讀大唐中興碑
及元宋人詩刻題名碑旁有鏡石高尺五寸濶
二尺五寸厚三寸餘嵌置崖石間上有宋人詩
跋石色黥黑如漆光瑩如鏡
四鑑人鬚眉隔江
皆田壘一一皆見予意石甚小且奇恐好事
者竊而去山僧云昔有竊去者石遂昏黯然無

此一無所見乃復歸于此則更明澈如初此殆
造物者之效奇不可以恒理推也謁魯公次山
書院登笑峴亭亭據危崖崖面江特奇峭畧如
嚴陵釣臺崖石有窪尊次山所鑿也復登唐亭
亭亦在危崖上稍卑於笑峴而荒破如之漫郎
七已鞠爲茂草矣歸舟賦詩紀勝并寄唐公

遊南嶽記

二月十一日至衡太守何公善充招遊迴鴈峯
峯以衡嶽七十二峯之一也衡陽胡尹復宴余
于花藥寺寺在迴鴈峯西十二日子夜至衡山

大雨十三日謁南嶽廟廟在縣治西三十里卯
刻陰雨過開雲樓里許即晴至嶽廟風日開霽
旅愁豁然廟在衡麓下清泉繞除古松夾路闐
無人迹惟落葉荒草而已廟圯甚飯布政行司
換肩輿趨上封寺寺在祝融峰頭去廟三十里
山路陡絕飛瀑爭流行十五里憇半山亭下瞰
潭岳衡湘河山如繡過此石磴愈峻輿人皆肩
扶魚貫以索作牽纜前驅路旁多高松怪木珍
草奇花香馥穠郁莫可名物上半山亭五里即
雲霧冥晦只尺莫辨陰風凍雨令人毛髮灑淅

又十里入上封寺又三里登祝融絕頂謁四大
閉山祖師像觀捨身崖坐會仙橋飛巖絕壁下
臨無地而虹梁跨其上信非人境也轉望日臺
俯視一氣冥濛了無所覩望中可辨者紫蓋芙蓉
天柱三高峯而已飯罷下山過觀音巖訪楚
石和尚贈以詩由西路歷祝仙菴雞仙巖澗道
飛泉山僧皆鑿石刻木引泉而飲至此忽聞霽
如初仰睇祝融在雲霧中恍若九天之上回塗
飯南臺寺寺頗幽勝去祝融已二十里又十里
下嶽廟乘月歸舟中漏下已一鼓盡秉燭記之

明日賦五言詩六韻

遊匡廬小孤山記

嘗聞廬山爲吳楚名嶽蓋五嶽之匹也四月二十六日夜抵潯陽二十七日早飯罷貳守同年毛子行甫邀遊匡廬縣郡城南行三十里抵東林寺寺在匡廬之陰峯巒迴抱澗水湍激竹樹蒙翳清曠幽邃信佳境也過虎溪橋觀白蓮池酌冰壺聰明二泉登北麓讀李邕柳公權虞集碑文下飲三笑堂題詩而出行十里至匡廬山下始攀嶺三里至昇雲亭又三里至錦繡亭亭


下錦繡橋跨峻崖深壑飛泉爭流澎湃錦如銀漢掛綵虹巖石紫翠黛綠古木陰森真錦繡也又三里至半雲亭山之半也過此山漸陡石磴迴旋甚危峻又三里至甘露亭即甘露泉在焉過石門題曰廬山高旁有石崖刻歐陽文忠公廬山高歌又三里乃抵披霞亭自此有小徑北上爲竹林寺乃周顛仙天眼尊者徐道人赤脚僧奕處上有高皇帝御碑亭旁有拂水崖東下復度嶺抵天池寺酌一滴泉登文殊臺仰眺赤霄峯宛在天上蓋廬之最高峯也太

史公嘗登其顛俯瞰蓮花芙蓉鐵船諸峯皆下
界矣謁聚仙亭露飲文殊臺前賦七言律一首
乃從舊路下山抵東林已一鼓矣四鼓抵舟二
十八日體憊不及遊白鹿洞順風而下午抵湖
口縣薄暮抵彭澤登小孤山山在大江中流四
而斗絕惟南面有石磴可登上有小孤廟山多
奇禽群宿樹杪無數見人皆驚飛散而復聚者
數四不可名或 或黃或朱綠蒼翠其白者知
爲鷗鷺而已落日射江中如練如綺誦謝元暉
詩痛飲而下中流賦五言律一首夫廬之高深

之願頗以爲恨而小孤之奇絕與君山
爭衡古云失之東隅收之桑榆余之失白鹿而
得小孤殆是謂歟爰記之以俟他日爲白鹿遊
張本

遊九華齊山記

自安慶趨池陽二十里外即望見九華諸峯甚
奇麗五月朔抵池太守柯君光仲郡推雷君時
雍招遊齊山出九華門外緣翠微隄南行三里
爲齊山山多奇石巖壑秀美觀集仙洞招隱巖

小九華轉上清巖山之最奇處也讀杜樊川九
日詩刻及朱考亭和篇南下三奇亭觀石鼓洞
妙空巖仙人橋是爲三奇飲亭中一鼓還舟明
日再由齊山路東行五十里至玩華亭渡五溪
又三十里抵九華山下陟嶺十里餘到化城寺
謁地藏塔院及李白書堂小飲法堂貴池尹江
子  青陽尹張子舜臣皆來會即馳下山是
夕宿五溪人家又明日午後始還舟夫九華凡
九十九峯初名九子山李白易名九華遠而望
之奇峯峻崑縹緲霄漢間如青蓮花爭開競發
烟雲蓬勃翠紫萬仞信東南名岳也然皆峭拔
不可登化城踰高入深複嶺迴抱踈竹清泉滌
然出塵齊山卑而景最多亭榭巖壑窈窕下上
愈探愈奇翠微隄兩旁皆澄湖如鏡溪山映發
昔王子猷有言使人應接不暇奚獨山陰道中
哉

池陽觀龍舟記

遊九華往返繇池陽城下時午節近江中多龍
舟數十艘蜿蜒曼延色按五方長年楫師所衣
如其色約一舟二十餘人急槳競渡輕捷風飛

擬金伐鼓喝呼震沸江水若起立漢戲魚龍角
觝意即此類司馬相如言千人唱萬人唱不虛
哉池士女咸出觀江干多方舟幕布布席羅酒
漿釘著笑謹如狂問之池人云以是祈年昔夫
子不非蜡祭朝服及立鄉儺豈曰無以哉今海
內承平久幸數遭豐年是以黔首得康虞佚游
戲如此非 帝力孰致茲爰記之以示有位者
毋禁可也唐人曰好樂無荒良士瞿瞿池人念
哉瞿瞿哉

袁永之集卷之十五

袁永之集卷之十六

碑 誌銘 墓表

大司徒秦公封 廟碑

贈兵部右侍郎 公神道碑銘

柳州府同知伊先生墓志銘

封工部營繕司員外郎馮公墓志銘

封淑人趙嬪陸氏墓志銘

封太孺人申母施氏墓志銘

樓顯章墓志銘

盛嬪莫碩人墓志銘

吳圻父墓志銘

屠母陳碩人墓志銘

朱隱君墓志銘

陶舜舉墓志銘

沈子仁墓志銘

陶母閔碩人墓志銘

董宜陽妻楊氏墓志銘

沙良憲夫妻合葬墓志銘

章翁墓志銘

大理寺少卿董公繼室唐夫人墓表

中憲大夫端方內知府公墓表

張文理墓表

殷君同妻姚碩人合葬墓誌銘

袁永之集卷之十六

大司徒秦公封廟碑

祭法曰能捍大患則祀之而王制亦有受成於
學之文反則釋奠于學以訊馘告詩泮水曰矯
矯虎臣在泮獻馘是也大司徒秦公東兵鞠旅
與劇賊還嘷殪之封以奠洛師在禮封丘宜
有廟祀而廟宜在學宮左右武廟初闢豎專
柄毒螫海內群盜竊發羈州人劉齊等招集亡
所出入齊魯間所過隳突殘破城邑賊殺長吏
燔燒剝剔流血成川積尸爲兩河南北悉被

蹂躪不復能制遠近繹騷撼搖京師已而長驅
洛邑攻延津逼邺公時左叅藩司率先捍禦
群議洶洶請宜宵遁以避其銳公叱曰封
遏省城吾當與之存亡耳獨策馬登陴急選車
徒鍛矛矢申畫曹伍訓厲冑載爲抗禦備則又
移檄監司要駐闕帥相與冒矢石擊賊於剗郛
之野一鼓而殲其鯨鯢俘其醜虜復追之長垣
捷奏曰天子由是賊徒駭散奔伏他郡勢衰沮
不復振淪汙而竄於狼山卒以蕩平噫祭法所
謂能捍大患者非歟方賊勢滔獫郡縣披靡莫

敢枝梧至有迎降納款者遂使草莽豎子橫行
六州無辜之民備受慘毒當宁旰食張皇邊
戍僅乃克之向使典領方岳宰守郡邑得如公
者分布盤錯其間式遏亂畧懲之於始蓋不待
殲而後息肩矣公之功於是爲大廟食之奠
百世可知也紀之以告來者詞曰武廟嗣
服昊天降疵君側弗靖寺人蔽之攘竊威福濁
亂綱紀高下臆决僭儼天子淫刑峻罰動觸
機罟神痾瘵顛階袖買怒頡頏群宄嘯聚繹騷
封豕獶貽淵藪逋逃隳突齊魯憑陵河華吞噬

咆哮長驅中夏屍血渠殘破邑居焚掠剝灸
蕩爲墟幾輔震驚宛洛蹙脅窺我延津得之
詞謀顯允司徒佐藩于梁秉鉞塞帷齟其披猖
倬彼封洛邑之屏抗其吭咽捍我要領我鍛
我戈我服我矢王事孔棘示以必死群譁弗臧
神機潛握遮留闕帥相爲犄角虎旅桓桓蛇矛
如湍執訊獲醜截腦裂肝奔潰顛踣鹿駭狼竄
大憇肅清綏章有粲乃慰乃止梁有厚喜家室
漚吟荷耒負耒梁有城隍維公殿之爾耕爾蠶
維公燕之以劑以饗爰下斯食思樂泮水作廟

翼翼清醑殺脯坎坎擊鼓稽首萬舞願言多祜
考茲新宮丹雘攸崇史臣勒辭以紀膚功

贈通議大夫兵部右侍郎陳公神道碑

銘

兵部侍郎陳公洪謨既考績天子制贈其父
爲兵部侍郎階通議大夫先是陳公官刑部主
事既贈其父爲刑部主事階承德郎而故太師
長沙文正李公亦既銘其墓矣乃今加贈禮宜
樹碑隧首復乞余銘謹按陳公諱良字時佐常
德之武陵人也王大父春雲南澱江府推官大

父維新浙江海寧衛經歷公初爲武陵縣學生
按察副使嚴公淦督學器公升之府學成化庚
子中湖廣鄉試甲辰中乙榜授四川開縣學教
諭開僻縣也俗獷陋學官多弛縱以便諸生無
師弟子禮公乃嚴立條格身先之程業肄文士
習丕變然未有舉者九載左遷常州之武進訓
導以母喪去官服闋補京衛武學訓導有 詔
其學官有才行者武學以公名上而兵部不果
行惜哉公之官武進也兩考福建浙江鄉試咸
稱公之公之見世志而弗究厥施教其子洪謨

卒舉進士爲時名卿公之志亦畧酬見矣公善
屬文所著有開縣志西谷漫稿生正統丙寅九
月二日卒正德丙寅四月十二日享年六十有
一配王氏封安人贈淑人子男三洪謨次洪範
榮府引禮舍人次洪道女一適刑科給事中楊
禔孫男二一德蘇州府推官一貫孫女三墓在
長山坡之原銘曰於鑠陳宗世躋顯庸激江慎
討海寧除戎絳纓聯蟬邁種維公木鐸再鳴式
颺儒風敷教以敬斂材則公秩庠志廣施畜名
崇奕奕司馬旣孝且忠皇皇典誥永賁堂封

奉政大夫柳州府同知伊先生墓志銘

嘉靖甲午九月二十六日吾師伊虛室先生卒
遺言必袁生銘吾墓按先生弟伯羔之行狀曰
伊虛室先生者吳人也諱伯熊字臣舉其北海
州沐陽人也宋之南渡而遷于吳云 高皇帝
之初建金陵也徙人實京師故高祖彤者又籍
上元爲上元人封尚寶司少卿高祖妣朱封宜
人曾祖悌曾祖妣梅伯祖侃舉進士官工科給
事一祖溥封南京刑部主事祖妣顧贈安人繼
陳司女人父乘舉進士歷官四川按察司僉事

妣蔣封安人僉事公之赴蜀以道險欲分蔣夫
人與仲子伯羔乘他舟以防不測先生年十三
對曰死則同死耳柰何分舟乎遂同舟赴蜀故
金華潘公璋亦官蜀試先生文奇之命其子少
司馬希曾公同講習弘治庚戌歸南京兩試儒
士不第補應天府學生故御史四明方公誌提
學考先生第一命諸生爲經文會擇諸生之明
經者校文而校易者三人則先生與太常卿崑
山方公鵬少司寇太倉周公廣也正德丁卯中
鄉試戊辰會試今太宰吳公一鵬同考校易讀

先生初二場文奇之列高選矣而先生以逆瑾用事非求宦時遂不終試吳公索三場文竟無有也既而知先生名深加歎惜賦詩送歸由是名益振庚辰會試不第就選深州知州富民滿存投刺獲罪存嘗獲罪前守深人疑將爲前守復讐而前守適移書言深人短長先生謝曰人之善惡旬日異狀能改過即良民也對衆焚其書深人始安前守公務弗辦府使下州督促供張繁費民不能堪先生至則懲其慢令完其稽牒不旬日而辦了後州事不愆期而予使不再

來矣於是節均徭役招流氓辟荒萊獎黷校正禮俗而深以大治深地錯文霸寇劫肆掠乃增城浚滄簡士卒較騎射使侯山東鑛賊作亂聲張畿輔先生以公事出署軍者驅民登城賊未至而民先疲先生歸悉散遣之倡勇敢申保伍期寇至則乘城民使而盜亦戒不敢犯境州人張廷雄于貲三子者濟惡武斷鄉曲持官吏陰事莫敢問亡何謀殺人廷自當毆殺罪而匿其子軋于勢家乃計捕其子罪以謀殺而群飲殺人者則止坐一人凡訟辭一覽即洞情

實吏畏悚莫敢舞文獄中常空張某先以累坐
死察其冤許以不死時張軋在獄約其反獄某
曰伊公信人也許我不死矣忍負之以速死邪
凡經擬斷囚自謂不寬而上官亦無改擬者諸
上官有事畿內若清牘稽倉檢災覆獄類承委
先生即事事當上官意無弗下禮幣勞獎者今
皇帝之入踐大統 駕出真定栢鄉縣真定
要衢也先生承檄攝事平道路理橋梁飭行宮
潔庖福上供軍待下至帷幕器皿靡弗恪豫事
集而民弗擾胡僧班丹 錄竺奪民田萬事敗有

乃考爭佃之乃歸其田于民而徵稅如故勢家
有侵民田者丈量而歸之癸未蔣安人喪歸深
人遮道泣服闕改守祁州祁去深百餘里耳下
車深人咸來謁絡繹于塗三月無虛日前守祁
者多良吏乃仍其舊貫益尚寬簡山西鎮守太
監張某族殺人求援於張張曰知州豈冤人者
果他縣令嘗誤入人先生承委覆決其無理取
勝者謂人曰伊公不可欺遂以實首夫能使中
官不敢以私謁而無情者吐實此豈齷齪俗吏
瑣瑣者能之邪諺曰桃李不言下自成蹊此言

忠信之感人也其他宥輕刑故如此類者尤衆
北方力役繁三歲一易乃即役之難易家之富
貧而審均之正其冊籍狡吏斂戢民間養官馬
者日困則爲教以孳牧之術嚴其殿最之令而
民稍蘇矣訟罰贖者多令入穀爲斂散賑貸之
法徵賦則民皆先期納不答一人禱旱捕蝗必
躬必誠而旱蝗亦不爲災野蚕成繭令請以聞
則抑之李得山四世同居爲請于上官榮以章
造廬存問焉陳泰有粟二千石畧做義倉
石振鄉之不足則請致鄉飲鄉大夫之貧

而有守者加禮

仁祁三年遷廣西柳州

府同知去之日祁人遮道泣猶深人也柳道遠
多瘴以病致仕歸則習服氣養生之術然竟
以此卒將卒不亂語人生曰吾得正斃矣夫何
言雖然吾死爾必心而天下人先生學有根源
著易義四卷行于學自從游多名士性行方嚴
步趨繩矩而尤篤人倫事僉事公孝友其弟伯
羔教子以義微言細行皆可師去憶褻童而事
先生者四年訓以彝倫博以經術乃今又以墓
銘屬塲室心喪之誼實鍾厥心又懼無文以恢

彰徽烈爲遺言辱惟先生學爲醇儒仕爲循吏
德行爲名賢必有尸祝紀藉以垂不朽者其何
賴於予小子先生生于成化甲午七月十一日
享年六十有一先配周大司寇莊懿公之孫繼
傳子男四大生廣生周出廣生先卒敏生壽生
傳出敏生舉壬辰進士任慈谿縣知縣女四長
周出嫁國子生朱完次俱傳出嫁何遠陳淵王
輔孫男一在道孫女三許聘胡應王顯朝一
墓在吳縣查山麓銘曰吳有大儒明經衍鉤
研幾深洞十翼繩趨矩折行作式河汾師師士

雲集深祁醇醇民寧壹績參龔黃古司直志崇
秩卑壽年嗇黃瓊 畧委沙礫查山厖屨考終
言小子刊銘表千億

封工部營繕司員外郎馮公墓志銘

公諱復陽字休父慈谿人馮故大族世載令德
大父民始以賢良薦于有司辭弗就篤學純行
爲族閭式父鈍習傳業歲貢授清流縣教諭有
子四人公其季也始從父訥無子且貧莫利爲
後而子姓中公最賢乃後公公之事從父猶父
也公資材敏警而學尤精深上溯經史下綜百

家言靡不貫悉他學士爲時文者咸推讓公然
獨數竒試場屋即斥弗利歲癸酉乃不入試有
勸之者曰命也夫吾文豈難一第邪且吾有子
矣豈必在我乙酉子岳舉鄉試丙戌又連舉會
試皆高等官工部營繕司主事庚辰考最遷員
外郎 天子嘉乃績褒宣制辭敷錫封典而公
適就養來京師遂冠服趨闕下稱謝士大夫咸
榮羨公公乃自稱曰今吾封如子官猶吾第矣
公性朴直儉恭寡交而秉禮外若簡易內操剛
嚴子岳之權稅蕪湖也廉潔之譽表于薦紳實

維義方之訓公旅居京師頗不習水土又沉病
驟興竟弗起卒之日爲嘉靖辛卯四月十一日
生于成化丁亥十一月十七日享年六十有五
配范氏封安人子男一即岳娶陸氏女一適陳
秀夫孫男二長熙皞次熙載岳將以某年月日
歸葬於某山之先茔乃屬銘於袞袞於岳爲同
年進士知公深乃爲之銘曰於惟諸馮克開厥
宗奕世令德載振于公有斐經術昇材維豐胡
卒不施適逢其凶利我嗣人逮于其躬文裾丹
纓秩隸司空奄其遐逝考終 宮我銘其幽昭

茲鬣封

封淑人趙嬪陸氏墓志銘

始余官京師居邇趙君鴻達甚暱善君時爲工
科都給事中有直聲一日以其季子伊來受易
朗然玉映美丈夫也叩之則靡不該涉而經義
尤精深志騰蹕謂古聖賢可立企余心竒之竊
嘆非趙君不能有此子久之乃知有母夫人之
賢庶亡何趙君上封事言大臣過惡語極剴切
今皇帝詰責者再三衆皆爲君危趙君晨入
齋夫人則具青衣鞋襪以俟疏留中未下趙君

歸舍夫人則又溫言慰藉如常及命下止奪
俸京師士人皆歡傳天子仁聖又嘉趙君謹
直乃不知夫人實相之也然趙君坐是不得內
轉竟出爲山西叅政而伊亦登進士高第矣未
幾語夫人曰吾將歸休若何夫人曰夫仕行義
以立名也君之宦成矣而且有子子之齒壯於
君而君弗歸將焉覲乎趙君乃抗疏歸歸則謝
絕世務築園爲娛不問生產事皇帝以言官
爭論薦起君參陝西政竟不肯起乃夫人日崇
肴醴以佐賓庖園中花盛開君觴詠盤薄不知

有家夫人力也歲甲辰夫人患痞悶膈氣遂不起正月之十有九日也趙君乃命其子述狀而以志銘委裘按狀夫人姓陸其先嘉興人也曾大父信贅平湖嚴氏遂爲平湖人祖謙壽官父端世清白力田母張氏夫人其伯子也溫良樸厚夙稟自天旣歸趙君躬親紆辟屏斥華飾克儉克勤內外宜之趙君之推獄建昌也莫敢以私干者獄囚雷某坐死刑十八年矣君廉其寃也將出之其姻適館公衙乃爲微語舍人曰雷誠又繫破家然有金被數件請爲謝夫人知之

曰趙君君怒其將遂弗理也夫人曰人命至重彼誠寃當理之豈以語言之故而輒弗理耶七理出之夫人性純孝太孺人之危疾嘗藥羞不遑安寢及喪哭盡哀享祀潔豐御下有恩去驕貴之態趙君從宦踰二十年篋無私藏羔羊素絲之德夫人實助焉始以趙君貴封孺人繼以伊貴加封淑人生成化丙申某月某日享年六十有九子男四傳娶沈偕娶姚繼姚偁娶吳伊娶張傳偁俱縣學生伊舉壬辰進士歷任南京兵部職方司郎中女一嫁國子生俞鏜

孫男九邦穀邦穎俱縣學生邦導並傳出邦秀
邦黍偕出建賓偁出邦秩邦程建陞伊出曾孫
男二宗十成十長孫出也墓在縣治北許家浜
銘曰赫赫趙宗亢自黃門正色立朝諤諤有聞
緊孰相之曰維小君既贊直言再決勇退公志
先定試以謀內周任有言庶幾無愧鳳凰于飛
和鳴鏘鏘篤生諸雛賁我家邦翩其遐舉丹

封藏

封太孺人申母施氏墓志銘

二十六年寅上元日廣西僉事申公卒母施人孺

人傷感致疾其年六月八日亦卒長孫誠撰狀
乞銘於余余之同母妹誠室也頗知孺人令德
之詳乃按狀而志之施太孺人者吳江之施家
村人也父昌母俞氏幼稟淑嫻勅贈錦衣衛經
歷申公聘爲側室及歸外內宜之生僉憲公既
長貧無以爲教太孺人脫簪珥延師教之正德
戊辰僉憲公舉進士拜樂安令時流賊犯境太
孺人方就養官邸僉憲公有內顧憂太孺人曰
汝母我念謀人之邑惟力是視耳未幾改尹德
平戈謂德平人獷悍宜峻刑太孺人曰無以爲

也蠻貊之邦猶可柔服矧茲地隸鄒魯素敦信
義者乎僉憲公乃務任德教聲績卓起入遷錦
衣衛經歷尋出爲湖廣僉事改任廣西以不能
事上官罷歸太孺人喜曰乃今得與吾兒長共
朝夕矣然竟相繼不祿命也夫太孺人性莊靖
不妄言笑御下有節歷事舅姑夫子及正室吳
孺人咸當其意伯子恩吳出也遇之加於已出
僉憲公歷官廉訪太孺人訓也子男一即僉憲
公惠娶吳封孺人女一適葉惠孫男二長
邑學生娶顧繼

次講國子生娶史

孫男三長孝邑庠
曾孫女二太孺人
日享年八十有四葬以甲辰十二月二十日墓
在梅里村柳字圩銘曰詩咏嘒星易贊顛趾於
維孺人誕毓厥子載貽孫謀永錫繁祉

樓顯章墓志銘

樓之先家會稽宋南渡始顯有諱昇者仕至徽

猷閣學士太師封越國公有諱鑰者叅知政事

少師謚宣獻隱君之九世祖也再傳曰楷楷生

思廬思廬生紹紹生澄澄少孤育于母氏來家

于蘇就戚府辟教授事其母孝澄生宏宏生序
序生子二長即君君諱翰字顯章幼受學於進
士奚元啓通章句大指然不樂仕進乃以訓其
鄉之子弟君性高簡歲不一入城府耻干謁王
公貴人雖鄉飲不赴顧自謂拙也名其齋以拙
所與倡和悉逸民學士詩冲遠慎體裁享年七
十有八生于正統某年月日卒於正德某年月
日配錢氏先卒生子男一曰節繼曹氏生子男
二曰復曰渙女四孫男六孫女四卒之又明年
月日村卜葬于清溪之原乞銘於余余聞公侯
之子孫必復其始樓氏自徽猷而下兩世爵上
公代有達者迨隱君三世弗仕矣然皆業儒素
表于族閭揆之天道將必有昌其後者以耀厥
光終隱而已邪銘曰載熾而昌中閱以臧卒讫
而張於維孫子尚勿替以荒

盛嬪莫碩人墓志銘

莫之先湖州歸安人宋南渡徙吳江之綺川里
族世貴顯 高皇帝時有諱溫者嘗以耆德召
見參議大事而貞孝先生轅則碩人大父也父
諱震字霆威正統五年進士歷官建寧府同知

母馬氏雲南叅政升之女碩人承襲華閱夙閑
禮訓植性端貞婉惠曉書計能誦讀孝經小學
稍通其大旨及笄而歸于盛君用勤盛故宋叅
知政事文肅公度之後用勤又以世業薦授府
醫學正術劑多奇効且敏幹每爲上官任使碩
人獨約束其家人閨序雍肅事舅姑曲盡禮孝
凡祀享饋饗必躬親致潔豐敦尚儉素屏脫華
飾易置田畝產業益殷初碩人舉子多不育乃
爲用勤擇娶馬氏生二男子愛之如已出則爲
開塾訓誘督責成立逮下之慈廣嗣之義君子

嘉靖八年七月二十三日壬子男二
安夏元澤女次幼並馬出女二長嫁王珏次
諸驥卒之明年某月日將祔葬于奇禾類之先
塋乞銘於余銘曰猗世胄令只乃作嬪君子宜
于而家維德之徽矣仁維逮下兮以燕翼繁祉
封若堂兮考宅上之剛兮安且吉銘厥幽兮
永無斁

吳圻父墓志銘

吳圻父名封吳人也父燿太學生母錢氏圻父

其中子也太學公有子三人而伯叔咸夭死乃
今圻父又夭傷哉圻父少受學于故太學王君
履吉甫弱冠卓然爲高第子操筆章藻粲然可
采兼通伎藝書奕各理咸悉其槩而行業潔脩
儕流多稱之娶楊氏楊頗厚貲稍爲治田宅得
其力然圻父能自樹勵志篤學且多計筭持其
門戶不敢力田營貲雖老農老賈弗如也外貌
娟溫而中懷臧否頗多口然性復藏蓄事佛意
者壹鬱不能忘享自奉養者羞皆膏梁珍竒膻
炙薌辣習以爲常以此病火毒文結疔瘡發

作唇頤癰潰心腹薰裂旬月而死傷哉圻父躬
穎秀之資而年止長殤名混下士老母在堂孤
嫠在室絜然無子女譬之蜉蝣朝生夕死傷哉
傷哉初太學公忘年交予圻父視予猶兄也朝
夕相依從談惟文史耳死之前三月與予觀浙
江潮歷西湖諸山出岳武穆祠下論說趙宋興
亡扼腕歌呼痛飲浮白徘徊孤山愴然有箕穎
之想素不賦詩至是篇章肆作雅辭鏘鏘觀者
嘆美乃今死矣追念武林之游俯仰今昔傷哉
傷哉銘曰耕疾淵亡古所悼也鳳殞麟傷今則

天也自天殲良又誰告也

屠母陳碩人墓志銘

袁袁曰夫禮士踰月而葬乃今碩人之卒且十
四年矣葬何遲也悲夫余讀其子雲鳳之狀而
傷碩人之志也碩人之將死也雲鳳冠矣方業
賈碩人泣曰夫賈利以養也而父死今吾又死
將誰養乎而其爲儒吾死不死矣雲鳳乃感激
習儒業未幾補郡學弟子員試輒高等將仕而
後葬其母也乃今葬矣余傷碩人且傷雲鳳之
志也乃爲銘其墓陳碩人者吳之澣墅人也父

某贅錢氏生碩人有令德而故屠君喪其妻繆
乃繼碩人屠君客言徐閭浮汙逾河徙販逐
歸途遭寇暴鈔畧殆盡殊無聊碩人曰有亡命
也幸而生貨貝易耳乃屏被質貲縮減經費而
家日殷矣舅氏春秋高性且卞急碩人志承色
養饋饗紉刺敬豫潔良咸當其意聞舅氏誦讀
詩書則端聽靡懈通其大指屠君有弟某四十
而無子舅氏頗憂之碩人跽而請曰吾子猶叔
子也禮當後遂立爲後而屠君之弟婦某氏頗
不遜碩人則折節下之恭而有禮兄弟妯娌雍

如也屠君之亡也碩人病羸柴瘠骨立孤燈敝
帷矢死銜恤日拊其遺孤父之痰喘壅逆而卒
享年四十有三生于成化十五年九月十一日
卒于正德十六年六月四日子男二長即雲鳳
娶鄭次雲鵬娶胡後屠君弟女一嫁顧宣孫男
一中銘曰變彼者媯令儀令德宜于而家式
和且則曰未亡人矢死靡忒筑筑遺孤爾誨爾
迪晉臺之李慈雲之栢有鬣者封卜食斯吉於
千萬年銘辭潤泐

永隱 墓志銘

隱君諱巨字秉忠蘇之吳縣人也魯人父克淵
大父仲聲父廷吉以博士弟子選升國雍舍光
砥行未仕而卒秉忠年方幼孤喪祭備禮日上
無諸父旁寡庶兄讐宗肆不令之瘡黠僕堪畏
貞之厲交侵黨侮既不與較亦不爲讐於是杜
門力學秉翰摛文聲稱籍起公府交薦提學御
史王公鑑之召試竒之命隸縣膠以母老辭後
復試于鄉不第遂絕意于進肆志一墳每有述
作見賞名流今儀部楊公循吉故太傅王公鏊
咸降尊折行投布衣之交篇章賡和吳人稱焉

隱君行誼潔脩孝友純篤事母沈夫人克盡孝
敬暨其喪也望望焉皇皇焉孺慕連憂情文兼
至再從伯死三喪相繼買地以厝焉陸氏之姑
寡而無依則迎養以終其身周氏之姊貧而守
節則置別第以奉之其厚於人倫類此至若輸
粟入金以佐縣官率先樂義靡曾吝惜有司旌
嘉輒拒不受故工部侍郎永康徐公之刺蘇也
高隱君之行署教曰學博而洽行古而方其朱
處士乎乃延致鄉飲嘗一赴其意後絕不往隱
君高朗毅方貌字豐碩冠裳古雅言必正色

必正人雖居逼廛市而志抗青旻著書樂道投
壺雅歌有儒者之風勢位聲利曾弗槩於心故
右都御史盛公應期爲隱君內姪歲時候問肅
拜床下了無遜讓聞者嘆服所著詩文若干卷
藏于家君生于成化乙酉八月庚子卒於嘉靖
癸巳十二月庚午享年六十有九配盛氏故醫
學正術盛公備之女生三男子曰寵娶李曰完
娶伊俱太學生曰宏娶陳繼張遼府禮生女四
長適錢鉉次字顏焯先卒次適兵馬副指揮袁
表及國子生陸律側室張氏生三男子曰宣君

卒之二年以中殤夭曰寔曰守女一皆幼孫男
五用成用明用章用子用康孫女七寵等十以
某年月日葬君于吳縣至德鄉李王村之先塋
乃以孝廉彭君孔加所撰狀乞余銘銘曰考碩
懿兮世作程錫誅謚兮古足徵包質文兮蔚彬
彬耀巖藪兮揭儒林

陶舜舉墓志銘

君諱凱字舜舉其先鳳陽之定遠人也五世祖
蚕哥吳元年從軍徐丞相部守洪武初沒子纏
兒繼隸虎賁衛以告變功授龍驤衛百戶陞山

東威海衛副千戶永樂中子俊襲調蘇州衛之
右所俊生茂茂生三子其季曰廣字孟寬寔生
君君少習儒業頗通書藝而樂與材士游孟寬
無他子君乃承志幹蠱以儉勤振其業凡通都
大賈商于蘇者多主于君以重貲託此其忠信
基之矣事孟寬及母閔氏孝敬隆篤性喜延納
而量存含口不言人短長有犯弗校也濫假
貸者亦能曲從之配王氏蘇州衛百戶廷威之
女子男二治娶朱繼姚準娶龔繼吳女一嫁韓
應夏孫男四應龍應鳳應麟應虬孫女一君生

成化某年月日卒嘉靖某年月日享年五十有
七治等卜葬於吳縣胥臺鄉胡搭里祖塋之次
來乞余銘初孟寬之卒也故京兆祝公實銘之
且曰余知孟寬也以凱而治之言曰吾父與祝
公游得其翰牘者數篋今猶襲藏之尊賢好文
即此足銘矣銘曰裔武弁業文儒跡闡塵志詩
書廓先緒兮崇後基

沈子仁墓志銘

吾姊夫沈君子仁既葬其子應奎請銘其墓初
子仁搆奇疾醫弗効有醫曰是蠱也陽虛宜食

閱碩人者諱壽寧吳縣人也父廷圭母朱氏愛
碩人丁忍嫁也乃贅陶君孟寬于館及孟寬徙
居創治生業碩人善佐之精酒醴辟臬麻享賓
祀先御僮奴咸有禮節外內賢之碩人生于
天順某年月日卒于嘉靖某年月日春秋七十
有八子男一即凱娶王氏女一適陳金孫男二
女一曾孫男四女一詳具凱志中袁子曰世之
婦人鮮不驕其贅壻者亦鮮不利其父貲碩人
善事孟寬無德色從其夫出居棄貲產如遺不
少利斯豈世俗婦所能哉傷其子凱以死雖凱

之賢而碩人之愛慈亦足多矣余故不辭而爲之銘銘曰佐厥特兮順以貞慈迺嗣兮殞厥生

太學生董宜陽妻楊氏墓志銘

董宜陽妻楊氏者華亭人也董宜陽父恬官大理寺少卿而恬之父綸爲監察御史楊氏之父率官應天府丞府丞之子則今吏科都給事中秉義也兩家閨閫等又世姻連故楊氏歸于宜陽宜陽者董之傑也楊氏承父兄之烈秉禮遵教實媿美于宜陽蓋交相愛也姑蘇袁生者世

交董楊故得數聞楊氏之賢大理公不祿董門中落而府丞公父子顯貴焜耀里閭乃楊氏不伎不驕脫珥屏瑱黽勉有亡以佐宜陽宜陽好學與四方魁儒游日事文史絕不問生業蕭然貧也而楊氏布衣糲飯績紡刀尺終夜猶有聲嗚呼其難能已宜陽之計偕北游也楊氏念之竟以病死死之先宜陽在京師夢其妻來京師死之日宜陽在興濟復夢其妻乃果以是日死嗚呼豈思之所感無幽弗通邪余嘗讀劉氏古列女傳未嘗不嘆賢婦人之難也或謂婦人陰

性多妬悍吝驕此豈其然哉如楊氏者又惡媿古列傳邪余讀宜陽之狀而知楊氏婦道之備也孝于父母敬于尊章孫于夫子友于娣姒睦于黨姻嚴于婢僕潔廟享豐賓燕時牧孳旨蔬蓄事無專成動無違禮彼有賢父兄以道之其聖移薰染則有自矣然遽夭死是曷故哉楊氏生正德某年月日卒嘉靖某年月日年二十有六子男二鳳孫後四旬夭蘭孫女一玉瑞某年月日祔竹岡先塋銘曰龍有淵鳳有穴噫而人兮藉世闕璫珉完良一玉缺棗施盈兮留夷折天寔爲之兮夫誰孽

沙良憲夫妻合葬墓志銘

沙之先汴人也洪武中有諱福一者以醫名始家蘇之長洲福一生景名景名生讓讓生濬君其伯子也諱綱字良憲夙稟爽雋雅好絃歌長業化居家日饒豫厥考商游荆襄君獨操門戶靡內顧焉上娛二人旁友諸弟良田華宅推讓弗居家有汝敦之譽鄉稱薛包之美焚券以振窮捐金以周匱宗姪懷其德僮奴樂其恕年未艾服即營菟裘楊孫之達庶幾有焉若乃博延

良師嚴督嗣子愛而知勞尤足多矣厥嬪錢氏
實媿令德丰儀端靜資性慧溫婦道克修母範
有淑恩洽族黨德化妯娌小星均惠螽斯嗣音
組紉罔懈蘩藻致潔儉弗苦節予無妄施猗歟
賢矣君生成化壬辰年八月二十日卒嘉靖辛
丑年十一月二日享年七十錢生成化甲午年六
月二日卒嘉靖壬寅年十二月二十六日享年
六十有九子男三人珙娶朱琛娶劉府學生玘
聘胡俱側室盛出女一人錢所自出館甥常熟
縣醫學訓科陳慈孫男五人宗洋聘錢宗源聘

祥宗流餘未名珙等卜以癸卯年十二月二十
七日合葬於武鄉綵雲里之新阡乃奉琛所
撰行狀來乞銘銘曰沙之先國爲氏翁肇昌隱
於市賈而儒攸好義變媯姜協休譽仁逮下繁
厥嗣翮青衿亢來世奄同穴安闕巋鬣封梧
檟樹渙皇私在愆裔

章翁墓志銘

章翁吳人也諱澤字惟德世居吳之鴈蕩村曾
大父智能大父思恭父鏞母周氏翁質稟竒穎
解絲竹繪畫家素業賈而統順中民間舉弟子

員者輒驚避坐是廢學然時時讀語孟古史即
通其大義性孝友事同母兄淮甚恭淮或有言
弗校也晚歲淮悔悟歡好暨其沒也哭之哀人
以是多翁居鄉言論侃直美髯正色聽者悚敬
稍不可即頰面斥之以是不諧於俗久之其人
不悅服中歲謝去家事課孫士元習舉子業夜
然膏對坐書室中以爲常嘉靖丁酉士元於
鄉翁方以疾戒飲捷書至大喜命酒豪飲歌呼
口客至輒盡醉忽曰吾可以休矣遂卧病不
起年七十有四元配方氏繼謝氏又繼黃氏

先象公二長果娶屠次榮娶蔣女二壻巖
冠沈暄皆方出也孫男四士元甲辰進士南京
刑部主事娶金士龍聘張果出也炳娶葛燦未
聘榮出也孫女三壻吳鳳王應龍王時泰曾孫
男四培齡培祐京壽一未名曾孫女二墓在吳
壻靈巖鄉吳山西麓合方碩人兆禮也銘曰載
服賈芻業以振卒聞詩芻蹶以興嗇厥躬芻羸
於孫利後昆芻緜繩繩

故中憲大夫大理寺少卿董公繼室唐

夫人墓表

唐夫人者故大理少卿董公恬之繼室也董公上海人而唐夫人者其先鳳陽泗州人也蓋董公官于京師而繼娶云 高皇帝之起兵鳳陽也有唐春者從焉功授某衛百戶 文皇帝靖難師起累功授大興衛指揮使遷籍京師遂爲京師人唐夫人之八世祖也七傳而至孫麟襲大興衛指揮使贈昭武將軍上輕車都尉寔生夫人而大理公先娶宜人喬喬卒繼宜人 不終卒乃慎簡貞淑而唐夫人善事都尉公又善事母太淑人張有令譽乃歸于董歸則善事

其夫子又善約束其家人居無何大理公遭讒落職頗懷不平將上書訟其冤唐夫人曰是命也夫是命也夫今時何時邪遂歸姑太宜人謝方在堂問大理公曰新婦奚能曰能事夫子又奚能曰能約束其家人太宜人曰是獨不能事其姑邪太宜人嚴少當意者唐夫人事之即當太宜人意太宜人賢之董族蕃門戶鼎盛先御史公有子六人而三子者爲顯官子姓妯娌姻黨僮奴唐夫人善彌縫之即當人人意又人人賢之大理公友其季懷同居者二十年如一日

也寔夫人佐之大理公有妾某氏頗傷公心遣之歸遂將其所生子歸唐夫人曰是吾夫子子也母當歸子亦當歸邪遂不告大理公而追其子還大理公好古圖書且好賓客客嘗滿座而性復落魄不問家人生產唐夫人獨彌縫之凡饗祀饋饗賓庖之需咸取給於內即事事中節大理公之亡也門戶日益衰且多外侮又獨彌縫之持其門戶得無實墜大理公舉子艱五十七而唐夫人生子曰宜陽宜春又某氏所生子曰宜旭宜春早卒撫其二孤曰是吾先夫子子

也吾子之子之一如巳子喬宜人有女三其一存曰是吾先夫子女也吾女之女之又如巳子先是謝太宜人之亡也唐夫人哭之慟幾絕大理公之亡也又哭之慟又幾絕病矣既而病甚曰吾有子矣又奚傷獨宜旭未婚耳又爲畢其婚而卒唐夫人嚴教其子亦嚴訓以義節以禮端其師保慎其交游制其經用罔弗度而宜陽者又善承悅禮而敦文志卓然不群名籍膠庠間君子曰觀大理公之存也唐夫人有婦道焉其亡也有母道焉萊妻輿母雖古列傳所載又

何以加諸吾故表焉乃其詳具狀志吾不表表其大者曰贈大興公之孫夫人亦誠節

中憲大夫臨安府知府王公墓表

故中憲大夫臨安守王公既卒之四年仲子良樞謀伐石表墓以彰遐烈乃奉大司空安仁劉公志銘俾姑蘇袁生表其事表曰王公者諱濟字汝舟故越之新昌人也宋之南渡有曰鑑者遷居烏程之庚村王公之八世祖也高祖燦曾祖文祖賢禰宗和以公貴贈奉政大夫南京兵部郎中配施宜人生二子伯曰觀仲即王公王

公十歲而誦詩書十四而明經補邑學弟子員成化丁酉薦于鄉辛丑舉進士觀政于兵部

來歸王公以材譽奉命管押安

置之廣州至則約束撫馭信宿而反初授南京兵部車駕司主事車駕司有馬快船千艘歲中入貢方物于大官率利多占凡一人多者十艘少乃六七悉私載貝貨賈販騷擾驛傳而料造侵牟費且不訾武衛彫耗蒞事者畏中人聲勢莫敢問王公於是創制布規立厰水濱董以司屬工費有經而中人之舟始減什七矣乃又以

材譽遷郎中怨者曰王郎中驟遷官也大司馬
三原王公方謂淹也上書訟公功謗乃寢大司
徒九峯孫公亦官兵部公與齊名三原公亟材
之而公之歸艱也莊公孔暘贈以言曰汝舟未
至車駕不在車駕汝舟既至車駕不在江淮時
人以爲名言既乃補武庫司郎中武庫司輿皂
銀歲久多積羨而勾校無法胥史爲奸王公於
是覈實簿正日程月稽歲終則會其贏于戶部
稍遷臨安守臨安滇之劇郡也土多金珠貝王
象齒文犀奇香珍藥流溢五方其俗好貨習鬪

輕死樂盜劫殺公行王公於是勵躬率下俗變
盜弭張教興文甄材颺陋嘗薦士楊宗堯發解
滇省宗堯卒以文顯蓋居臨安者三年而境內
大治部刺史疏其績太宰叙其能將大用之而
公引年乞歸矣歸則田于庚村之陽屏跡司府
放懷湖山故少保閔公中丞張公憲副吳公別
駕沈公侍御陸公少叅王公相與結社遨游觴
詠終其天年初武皇帝之立也詔進王公亞
中大夫階今皇帝之立也又詔進中奉大夫
階大禮成又詔進中憲大夫階享年八十有三

云袁生曰夫士孰不欲用世哉而志以運隳功以材局是以有用有不用而用者亦未必寃厥志也王公位不過岳牧秩不過中奉而功揚於郎署澤衍於滇夷國稱瑚璉鄉推儀羽雖志不盡寃抑亦用世之髦杰矣袁生戊湖者二年考德之暇嘗周咨父老曰王公長者也且以仲子良樞之賢乃於是表王公之墓云

張文理墓表

張文理者名敞字文理蘇之長洲人也曾祖謙祖是父灝字思本世力田居葑溪至文理家始

昌文理以田爲家味爽率傭奴操畚鍤趨田力作課相窳勤蒔藝耘疇咸有成法視他農歲率倍入其初蓋田數十畝末年畝乃什倍又善籌筭廢居歛散嗇約靳費由是家大昌以貲堆一鄉一鄉人咸推之舉以爲長他長鄉賦者咸破產以償官且多逋稽鄉小民咸病其多收乃文理不破產不逋稽亦不多收爲小民病而家日益昌乃推所贏餘以恤其鄉人之不足者脩橋梁創義塾鄉人稱之文理性純孝思本之喪也致毀中禮母薛夫人在堂年百歲矣躬羞食

飲察寒煖起居之節候伺顏色必得其歡心薛夫人老健強不扶杖文理獨掖扶之歲時薛夫人上堂上文理拜於前諸孫曾元羅拜於後幾滿堂薛夫人顧益喜呼文理曰老兒子此與萊子何異哉薛夫人喪文理年七十矣其哀毀猶喪思本也始文理以田起家諸子咸業農其孫乃多力學者曰元卿曰之綱俱爲太學生於是張氏頗以文學顯文理享年七十有二子男四人孫男十二人曾孫男十人女二人孫女十二人曾孫女四人袁子曰自世衰俗偷而孝弟力田者寡矣文理雖不仕孝于家得百歲之母歡心可不謂難乎服田力穡以廣其堂構子孫仍仍凡五世文理以詩書貽之尤難矣哉

殷君同妻姚碩人合葬墓志銘

嘉靖丁未三月壬申日殷生乾將葬其父母於支硎山之祖塋以墓銘請乃按刑部主事章伯允之狀而志之志曰殷君者吳人也諱福字天祐世居郡城西之花園村曾大父晟大父遜父璿母印氏家故力田而璿早嬰疴疾業中衰君出綜家政入侍醫藥父病尋差家業亦理人稱

孝焉歲長鄉賦稱平新安大賈浮巨木於吳者
必主君君敏斷有信義持籌立水濱凡榷楠豫
章之材圍徑小大價高下一言立決賈人咸帖
伏鄉之人有不平者輒就君質是非性喜賙貸
里社久廢割腴田以復之嘗鬻一僮奴其兄忽
暴卒問其父且無嗣矣即以歸之君伉直不畏
彊禦每論事虬髯輒奮張歲乙巳吳大旱飢君
奉縣檄督浚河渠晝夜勞苦不少休子姓請少
緩君曰此公事急於救焚可便私自逸耶遂邁
疾不起卒之前猶商摧畚鍤便宜比屬續不及

家世獨口門河開河而已嗟乎今之受直怠事
者視君何如哉君生成化之庚子享年六十有
六卒之明年配姚氏亦卒生於成化之壬寅享
年六十有五姚故橫塘之儒家女也父仲暉世
業耕讀既歸殷君淑孝儉勤外內宜之子男二
人長即乾邑庠生次卯生側出也小星之惠人
尤以爲難女三人婚顧琇尹俸錢恩孫男女四
人銘曰力於農以亢厥宗勩於公以瘁厥躬夫
乘化兮妻令終埋雙玉兮藏 官

東晉書卷之十六

入晉曰... 魏... 晉... 魏... 晉...

... 魏... 晉... 魏... 晉...

... 魏... 晉... 魏... 晉...

... 魏... 晉... 魏... 晉...

... 魏... 晉... 魏... 晉...

... 魏... 晉... 魏... 晉...

... 魏... 晉... 魏... 晉...

永之集卷之十六

袁永之集卷之十七

行狀 傳 誄 祭文

封安人母葛氏行狀

右春坊右諭德屠公行狀

鴻臚寺序班湯君行狀

上林苑監錄事殷君行狀

鎮遠府知府伍公行狀

陳體元行狀

李空同先生傳

胡端敏公傳

御史大夫盛公傳

湯隱君傳

司經局洗馬尹公誄

祭大司馬端敏胡公文

祭冥回祿文

祭中大夫叅政張公文

祭祝京兆先生文

祭施邦直文

祭吳懋憲文

祭封虞衡王事伍公文

祭楊宜人文

祭董夫人文

祭毛安人文

祭王封君文

祭太學周生文

祭王履吉文

祭伊師文

祭施母吾夫人文

祭少宰徐師文

袁永之集卷之十七

封安人母葛氏行狀

母姓葛諱某字某長洲人也世家婁門中之華陽橋父敬母傅氏母生而仁慧貞婉粗通書計年十六而歸于我父我祖介隱公有丈夫子三人俞祖母生伯子教諭公趙祖母生仲子儀制公暨叔子卽我父也介隱公老分三子居而仲父與我父寔同居介隱公暨趙祖母依焉我母上順舅姑旁接妯娌下御女奴咸有禮則介隱公喪趙祖母獨主家而伯母韓夫人病不能下



床趙祖母性卞急無當意者我母日侍側能當其意對他人嗃嗃嚴對我母未嘗不欣欣說也伯母韓夫人生子二人曰袞曰表女三人我母生子四人曰表曰袞曰袞女五人吾兄弟九人者皆吾母自乳之而韓夫人病不能乳子女我母又皆乳之袞袞生同歲我母兩懷之必先乳袞而後袞袞不飽不乳袞也嗚呼昔詩人叙鳩鳩稱七子均愛然未有乳猶子均且先者也伯父暨我父教諸子雖家貧必館良師傅我母親中饋必致豐潔人問之我母對曰夫醴酒

之設所以尊師傅也師尊而子成子成而宗亢夫尊師所以迪子迪子所以敬宗也婦人之職在中饋中饋之事先宗廟師保次之敢不豐歟敢不潔歟趙祖母喪仲父暨我父猶同居者垂二十年友于怡怡白首無間言而我母暨韓夫人亦終無間言乃後孫子蕃所居且隘我父母乃遷于采雲里之新第袞之逮詔獄也我母聞而驚悸病作袞配湖凡二年念我母病嘗請於上官而歸母不言病也哀冲太子生袞蒙赦歸我母曰而今歸邪我病久矣引袞手撫其體骨

瘠如柴。表泣數行。下母曰：吾病久矣，而無憂也。不五月，病大作，遂不起。我母生天順某年月日，卒嘉靖某年月日。春秋六十，有六子，男四人名列于前：婦朱史、吳馬、女五人，壻張瀾、湯儔、張守誠、申誠、仇孝光。又庶子男二人，女二人，未字。孫男九人，孫女七人。我父卜以某年月日將葬，我母于寶華山之先塋，命表狀行實，以乞銘志，爲不朽之圖。竊惟誅謚之興，表志之作，所以昭美勸來也。矧如吾母累善者耶！小子衰陋也，無文且迷眩，不能詳憶。憶我父時時數言我母歸時

方食貧，與韓夫人屏被紉刺，以佐家。韓夫人便女紅，日製鞵貿易，而我母稍手緩，不如韓夫人。則以夜繼之，必欲如韓夫人。備嘗諸苦辛者四十五年。及褒官刑曹，今天子勅封我父爲刑部主事，我母爲安人，冠珠翟，帔霞裙，鷺命服。煌煌我母曰：吾屏被時，寧意此邪？而我母性儉素，不喜華飾，所被服一如食貧時。非大禮宴命，服不服也。我父重然諾，好義，凡宗人姻交貧無依者，咸樂助之財，而宗人姻交多負我父。我父間不能平，我母進曰：人之負我，非我負人，柰何不

平邪我父笑曰真吾妻也我母慈子婦有過頗
含怒於心弗撻也其視童僕亦然宵星之惠蝨
斯之澤詩書所載蔑以加矣伏惟當代之宗工
鉅儒立言爲經序事爲史如我母者忍無惠之
銘耶哀子表泣血稽顙謹狀

右春坊右諭德屠公行狀

諱應竣字文升先世陳留人南宋徙嘉之
始祖曾一曾一生亨一亨一生澤民澤民
生湘湘生機機生太保康僖公勲康僖公有文
夫子六人而公最幼繼室封一品夫人牛氏出

也始生之辰發策筮之得震之漸曰鸞德如王
飛上高木鼓其羽翼光照四國康僖公喜曰是
兒其貴乎必以文名稍長日誦千餘言機警不
羣康僖公每宴客輒探句令對應聲出奇語坐
客盡驚年十二三康僖公爲諸子論說史傳未
竟令諸子逆計成敗公越次懸斷若素習者康
僖公愕然曰生兒不當如是邪年十五康僖公
薨號泣癯毀人以孝稱服闋蔭入太學時伯仲
皆舉進士貴顯而公一再試不第里中人或訕
笑之公乃發憤讀書貫綜百家言文名大起嘉

靖乙酉舉應天鄉試第二丙戌舉進士選翰林
庶吉士時閣臣務紛更制典諸吉士皆少年負
氣不肯謁諸閣臣出又不避騎遂奏出諸吉士
悉改部寺等官公拜刑部主事以才望署本科
參核明允平反者甚衆歲季秋囚當決者已三
覆奏矣公上疏請緩死天子覽奏如所擬得
全活者三十餘人戊子之歲天子命京朝官
主各少試公奉命校文江西時閣大臣有屬其
三子者曰即第當重貴君公唯唯退而曰國家
百七十餘年惟貢士之法秉公不廢故巖穴之

士得以自見若苟徇私請將安用選試爲於是
遂行至則夢人有以酖進者辭不受覆地地墳
覺曰寧墳毋亂卒無所私事竣還報閣大臣怒
曰屠主事侮予其以我力不能令若遠戍乎而
閣大臣竟以事罷去庚寅調儀制主事辛卯進
貢外郎壬辰陞祠祭郎中尋調儀制郎中時
天子定禮樂肇建郊祀公與有勞焉癸巳改翰
林院脩撰仍五品服上疏辭免尋乞歸省乙未
奉命校累朝及皇考寶訓實錄丙申訓
錄成賜白金文綺侍宴謹身殿陞侍讀經筵

皇太子生詔使河南諸藩諸藩王所錫賚秋毫無所受戊戌同考會試秋主考武舉時稱得人
是歲交趾不靖詔諸公卿會推才猷言語冠世
者往諭之廷舉今吏部侍郎茶陵張公暨屠公
或謂險遠公奮然曰臣無橫草之功幸侍講幄
得奉使命當宣天子威德揚聲萬里外不亦
偉乎頃之竟罷遣使云已亥陞春坊右諭德時
春宮初建慎簡僚窠而諸臣幸有渥恩覲爲官
寮者甚衆於是給事中御史槩論諸官僚公亦
在論中章一再上所言論十八人者皆罷免有

旨獨留公或謂屠公曰天子方知君誠以此
時奏賦頌必得近幸公喟然曰臣蒙恩待以不
誅雖捐軀暴骸無以自效廼欲乘機徼進邪公
素脩謹橫被口語頗懷不平且耻不自表見遂
抗疏乞歸曰臣有狗馬疾願放還田里倘不即
死敢忘所以報陛下者疏三上得請歸而疾
作壬寅牛夫人卒公號踊幾絕氣息僅屬勉治
喪葬遂大漸丙午正月之十三日竟卒卒之前
夢遊衡山揖衡山君而進焉與坐見大署兩廡
間曰卒明年正月十三官至二品增壽一紀晨

呼其諸孤曰我殆將死矣我宦遊二十年官不
踰五六二品增紀者其易歲之義乎我殆將死
矣至是果不起嗚呼異哉公簡伉儷不事家
人生產作業耻言九九之數輕財樂施振窮周
急諸所假貸力不能償者輒焚券待昆弟尤厚
煦煦無宿怨也所交皆當世名士篤於友誼表
之舉于鄉也與公實聯名又同舉進士同讀書
中秘特相親暱武庫災表下 詔獄罪且不測
公旦夕具壺餐潛餉遺獄中數存問予家人遺
戍之日諸薦紳謂官校方值邏莫敢送公獨匹

君暨故祝京兆先生相社
聲伎相娛令節則載酒徜徉湖山終其天年云
嘉靖己丑七月十四日以疾卒享年六十有九
生于天順辛巳九月某日初娶何氏繼章氏側
室張氏高氏子男一仕偉高出內閣供奉序班
娶諭德沈公良德女女二長章出歸國子生仁
和汪師夔次張出歸長洲仰龍孫男五鳳徵鳳
來鳳翱聘徐吳周餘幼孫女二余忝君族姻以
其孤仕偉之請也乃述其大者以俟立言君子
銘焉

上林苑監錄事殷君行狀

君姓殷氏諱清字德秀蘇之嘉定人也高祖考潮升生以迪迪生輅輅生維維生君君志量犖負材氣少頗喜田獵馳騁好義任俠投機應變有策士之風既壯乃佐厥考以儉勤亢其家鄉人咸推之以長鄉賦有事者咸取直於君入貲補鳳陽都司知印丁母李碩人憂服闋授後軍都督府神策門吏目能其官都御史王公憲材君奏帶自隨贊助陝西軍務與有勞焉三載考績武皇帝賜勅命進階登仕佐郎而子甫

以鴻臚寺序班直內閣乃上疏乞致仕曰臣海民也因緣際會竊一命之榮圖惟所以報陛下者敢不盡力惟臣父維犬馬齒衰臣鮮兄弟乞以不肖之身放歸田里得終養其天年不勝大願命下吏部以例進上林苑錄事致仕歸至揚州聞父喪驚慟幾絕奔還治喪事毀不踰禮內外稱之未幾甫以觸忤權貴出爲撫州檢校在任九年歲餽之粟且手書誨之曰慎哉毋卑而官三事之訓爾其敬之哉尋陞山東按察司照磨君戒之餽之粟如在撫也甫念君老棄

官歸方將以孝養而君不祿矣君篤於倫誼制
義田以贍其宗人鄉之不足者則賑之歲斂散
以爲常而勿收其息嘉靖丁亥歲饑有司勸貸
輸粟千石以爲倡有司上其事于 朝表其門
曰尚義之門而君復減糶所賴以全活者甚衆
有司高其誼數請鄉飲力辭之君抗直好面斥
人過頗有不足者久之知君無他腸乃更德君
君起布衣官京師游公卿間公卿咸材之與之
游及歸老田里輕財好施逍遙林泉累石爲山
廣樹花木以自娛富而能散貴而不驕

生成化某年月日卒嘉靖某年月日配秦先卒
子男四甫蒸出歷官山東按察司照磨申側室
高出冲坤俱側室尹氏孿子也女五人婿封樟
姚炫葛士龍朱世揚一幼孫男四人度庶序賡
孫女四人墓在沈浦洪祔先塋禮也葬有日矣
惟太史氏銘其幽焉

中順大夫鎮遠府知府伍公行狀

伍公諱餘福初字君求更字疇中其先楚大夫
舉之裔也元至正間有諱顯之者以處士徵不
就乃自攜李徙吳中一傳爲真隱先生某國初

以賢良徵爲湖州掾真隱生宗理宗理生時美
時美生允剛以公貴封工部營繕司主事公其
仲子也髫髻補郡庠弟子貢 治乙卯應應天
鄉試時非而試者三人公與海門崔桐吳郡蔣
燾京兆尹賈公某見而竒之曰此三鳳也累試
輒不利御史張公璿提學南畿嚴重少許可考
公文第一亟賞嘆焉正德丙子舉鄉試丁丑聯
第進士授長垣縣知縣長垣古蒲城也下車慨
然曰蒲子路之所治也吾夫子之所善也敢不
勵與乃名其堂曰二善一而銘之曰已故有逢

干祠改而新焉乃於是均賦役禁吏士疏濬內
登俊髦而邑大治 武皇之南巡也道出長垣
供億繁費公處之裕如而民不擾三年政成召
拜工部營繕司主事 天子推恩臣下得封其
父母乾清宮成復拜金幣羊酒之賜我朝置繕
工司專理贖刑其輸內局者中人悉倍取之繇
是輸者咸避內而趨外弊日滋甚公乃白其事
于大司空趙公璜而疏正之法始畫一嘗攝營
繕司事季終所積羨餘悉輸之公帑不以自私
趙公曰自我爲司空不私羨餘者惟伍主事一

人耳尋以言事得罪幾阽危丁李安人艱奔喪南歸尋丁外艱居喪有禮服除陞刑部員外郎尋調兵部車駕又改職方職方所轄者將官也考察精嚴請謁不行陞武庫司郎中亡何以讒謫安吉州判官州之西有唐李衛公祠圯於火矣公創而新之督造黃冊釐剔宿弊吏不敢欺冊上諸郡皆駁安吉獨不駁考滿陞建昌府同知單車之任不以家累自隨清操堅苦而同官墨者以公爲迂陰中傷之而公決志歸矣章再上 聖天子惜其才遂有鎮遠之命不就歸未

幾得旨致仕公性高簡外若方嚴而內實和坦不知者謂公傲而實非傲也所至以文字自娛放情山水嘗與殿撰舒公芬謁孔林闕里飲七十二泉又縱遊秦岱燕山武夷天目諸名嶽相與倡和者皆當世宗匠其詩春容雅麗不事剗刷而氣格自殊所著有北馳錄西山探梅集安吉新志遊天目山記虔行錄而吳中水利論援證精覈議論通達公之用世亦槩見乎此矣家居杜門謝客手不釋卷耻問家人生產其貲悉爲豪奴所有其黨有黠吏深於鄧思賢之術訐

告紛然而有司反左右之公之子孝光繫獄者數月公以此鬱鬱成疾乃後事稍得白而公竟不起矣表童時即辱公知既同官兵部而孝光者又表之同母妹夫也公既歿孝光撮公懿行將以乞銘於史氏乃委表次叙其事顧予小子惡足以發潛述媿所託以不朽者有太史公在謹狀

陳體元行狀

陳體元諱乾蘇之吳縣人也其先鳳鳴八代時康間始遷于吳胡元時有名良炳者官翰林學

士同知太醫院事其後有新齋公可仕于皇朝為郡醫學正科新齋公生本道本道生彥斌斌生仲和仲和生公學公學生體元陳氏之醫自學士公始其專門小兒醫則自本道始本道贅于孟氏始傳其顛顛之術而實六顯于君君承襲世業于古方書靡不探究其治疾審察精氣標本虛實溫涼燥濕之用其言小兒壽夭病之起不起時日淹速若刻券契百不失一吳中治嬰兒者必走君無弗應手效者陳氏術業高多通顯者獨君不仕而醫名實冠吳中旁郡

邑咸奔走之君退遜謹朴言循循若不出口自
薦紳至氓隸咸愛敬之或侮之亦不較也娶董
氏先卒故翰林檢討徽府長史彝之女生丈夫
子四人伯曰志遼府良醫娶李仲曰恩楚府良
醫娶楊繼顏叔曰惠府醫學正科娶王季曰慈
常熟醫學訓科贅于沙女二人嫁孔彥義吳用
孫男七諤諫議諒諧讚諭諫縣學生孫女七曾
孫男三曾孫女二君生某年月日卒某年月日
春秋若干墓在武鄉駒字圩

李空同先生傳

李公諱夢陽字獻吉陝西慶陽人也母夢日墮
懷中寤而生公故名年十八舉鄉試第明年
治癸丑舉進士丁內外艱戊午授戶部主事
倡爲古文辭以變衰陋斷自秦漢而止六代以
下弗論也乙丑進員外郎外戚壽寧侯張氏怙
寵驕縱開張皇店奪民莊田聲焰薰灼莫敢問
公獨上疏論語侵中宮 昭聖大怒 孝廟不
得已下公錦衣衛獄拷掠詰責辭氣無所撓
孝廟坐文華殿召見大學士劉公健李公東陽
謝公遷問李夢陽宜何如劉公叩頭對曰夢陽

狂直不足深罪 孝廟色變李不敢對叩頭叩
頭而已謝公從容對曰李夢陽雖狂然其心無
他實欲効忠於 陛下 孝廟曰謝先生言是
有 旨夢陽復職一日 孝廟獨召見兵部尚
書劉公大夏問曰日來外間事何如劉公對曰
近釋李夢陽中外歡呼 聖德如天地之大
孝廟曰初下夢陽獄中中人皆勸朕杖之其意
實欲殺夢陽以快中宮之怒使朕負殺直臣名
其不忠如此朕故釋之劉公曰 陛下此事即
堯舜之心也正德改元丙寅進郎中太監馬永

成劉瑾等蠱亂朝政給事中劉蒞陶諧相繼論
奏而大臣未有言者戶部尚書韓公文日流涕
憂憤公進曰大臣同國休戚此而不言焉用彼
相韓公慷慨曰吾當言言而獲罪報 先皇帝
於地下耳乃令公草奏文多載集中疏入 詔
廷議其事而八人者環哭 上前乞命事中變
瑾遂召入司禮監而中官王 范榮皆竄死明
年丁卯大臣多罷免瑾知韓疏公手草也蓄憾
不已矯旨奪劉公健等四十八人官放歸田里
榜爲黨人公與焉然瑾必欲殺公又明年戊辰

矯旨羅織公罪械繫逮京師再下錦衣獄公之內弟左國王者間行徒步從公上書康狀元海勉以大義賴力救得免放歸大梁庚午瑾敗辛未起公江西提學副使振起古學力變宿習褒獎義節訓正禮俗士翕然向風時宸濠懷逆招致文學凡吏江西有才名者即啗以厚利否則威劫之以公有大名折節下之公初不爲動久之墮其術中乃公不知也公旣材高負氣不肯同流俗人人多忌之而江御史某與公有嫌遂相奏訐 天子命大理卿燕忠體勘下公廣信

獄摧苦殊甚公不稍爲屈竟文致間住工使鄭岳適爲濠所陷公素與岳不相能丘罪謂公傾之也濠敗辭連公賴刑部尚書林公俊力救得亡窮治乃後大臣暨撫按數論薦不用嘉靖辛卯就醫京口還大梁病卒所著有空同集若干卷余戊子歲使大梁以書投先生辱賦荅相逢行一見甚驩談讌累日夜是後人從大梁來先生必有書遺辛卯以所著集見託屬續之曰遺言必哀生表吾墓而先生之子伯材馳書京師曰亡父落落大節世或未盡知子必

傳之嗟乎先生之名向天壤敞可也而何藉於
予世有不知先生輒開口雌黃者請三復於斯
文

論曰昔人言文章與時高下不其然哉漢氏去
古未遠古文未喪然自遷向雄固而下亦鮮稱
矣唐則韓柳宋則歐王蘇氏父子咸以所長擅
稱而說者猶多低昂謂宋之不逮唐猶唐之弗
逮漢也 我明文章發于金華數子而宋劉二
公雍容 述作潤色鴻業特尚典則雖奇麗不足
而朴醇 有餘要亦氣運熙洽使然也 列聖紹

統人

宣朗暨

石間李公夢陽以命世之雄

材洞祖

元古謂文莫如先秦西漢古詩莫如漢

魏近體

詩莫如初盛唐乃與姑蘇徐禎卿信陽

何景明

作為古文辭以蕩滌南宋

之陋而

後學者有所準裁彬彬郁郁茂以尚矣李公材
最高其人負奇氣傲睨一世以是得奇禍坎壈
終其身世咸疾之如讎嗟乎斯人也豈世俗所
能容哉

胡端敏公傳

胡公名世寧字永清浙之仁和人也幼有大志

數夢借于少保立朝議軍國事 治壬子 鄉
試第二癸丑舉進士授德安府推官以薦陞南
京刑部主事數辨疑獄陳備邊十事復應詔陳
六事奏入皆不報遷員外郎時逆瑾擅朝劉瑯
為守備都官咸脩謁公獨不往機戶侵官鏹累
萬公擬盡本法御史阿瑾意劾公失入廷中議
皆直公阿瑾者竟抵罪進郎中陞廣西太平府
知府郡邊荒土官雅不庭參公下令延見長吏
撫以恩信而絕其私饋及因他出過其營軍騎
直入坐帳中縱閱騎射良久乃還子弟應嗣官

看輒為保任由是

莫肯感悅太平州土官大

璿阻兵拒命潛檄 龍英州趙元瑤捕斬之因大
戕壺關條治蠻事 上之丁內艱補知寶慶約岷
許坊受訟中人橫 歛者悉裁以法治如太平時
懼江西副使備東 鄉兵撫馭反側征姚源賊王
浩八及建昌毛坊 盜皆有功因城廣昌南豐新
城三縣賴之宸濠 反有狀莫敢言者公發憤上
疏其略曰江西失 火延燒萬室基地便利盡歸
王府債負所責遍 及閭閻莊田所侵激民立寨
三司官多受鈐束 問刑叅吏舉奏成案買辦漸

行於遠府騷擾遍逮於窮鄉臣下多懷二心禮樂政令漸不出自朝廷寧王自討護衛以來威勢日盛乞戒諭止治其國內毋撓有司有旨戒濠濠乃行萬金間用事諸大臣奏公離間親親妖言誹謗逮捕甚急而公先已遷福建按察使因間道走京師投繫詔獄刑訊逾年數從獄中上書皆不報言官交章訟公寃久之得減死戊遠東潘陽中衛躬履行間授徒以自業凡四載濠反書聞赦歸田里復湖廣按察使擢僉都御史巡撫四川

松番軍餉令近邊者輸租

邊而縮其額以所緝加償內地勿輸邊復條奏安邊便宜四事今皇帝登極召為吏部右侍郎聞外艱去禮而赦群臣議禮不合之失因言宦官外戚不可假以威權言官不可加罪藩臬守令多不得其職累數千言召拜兵部左侍郎進言保養聖躬在慎起居節飲食願慎用醫藥又撰講義三章以進一大學惟仁人能愛人章一洪範惟辟作福章一易繫辭不出戶庭章二疏皆留中大禮成陞俸一級丙戌知武舉引疾改南京吏

部左侍郎進工部尚書尋以左都御史召道改
刑部尚書用議者言加太子少保仍左都御史
堂院事入見辭免呂保上疏宜虚心以執中使
喜怒賞罰發皆中即及論聽言用人之道上
嘉納焉既總憲務持大體奏上畫一之法申明
職掌凡十條乞復執法被誣者官詔付所司施
行而考察奪職枉者始許言官論辨矣改刑部
尚書凡中外諸司獄囚叅讞務允不以文法嫌
怨禍福自沮至罪在不測衆莫敢言者必奮身
論救正德中土魯奮謀奪甘肅哈密入貢書

之內應副使陳九疇知其謀大
夷衷甲者悉敲殺之而身自擗取賊上魯奮兵
至是儉人聶能遷上書言哈密之不能與復者
由深八疇妄殺啓釁也事連致仕兵部尚書彭
公澤守王瓊復總制陝西軍瓊故與澤交惡而
大臣陰主瓊遂捕九疇下獄議坐極刑公嘆曰
使我典刑獄而殺一忠臣吾寧先死乃抗章申
理願以數口保之上大感悟陳得減死戍遼
東彭編氓隴西豪柳瓚誣巡鹽御史王朝用陰
事有旨逮治公奏恐傷憲體事竟直焉劾去

郎官之錄囚不當者其因事建明得著爲令者
三翁姦子婦未成者減死一也竊盜自首得減
者免刺二也庶人在官應守法而不守者並依
枉法科三也復因災異陳言勤聖學一事恤民
任官九事轉兵部尚書加太子太保陳兵政十
事土魯番劫曲先衛人牙木蘭以爲將蘭擁族
帳內徙土魯番遣使求蘭將甘心焉大臣即欲
予之以易哈密公言曲先本服屬中國蘭反正
歸順非納叛比而哈密空城縣遠無益事實正
宜厚牙木蘭以厚無爲土魯番所欺請

勅下王瓊先盡復瓜沙之地收合亡失屬

殖哈密永爲不侵不叛之臣以制番使相破滅
此伐交之上謀也且請廣屯種興鹽利預收糴
以足邊儲而薦都御史馬昊陳九疇副使施儒
楊必進堪統軍旅吏部言諸人皆不可用公遂
引疾致仕三䟽始得請居亡何起爲南京兵部
尚書叅贊機務不拜猶手䟽勸廣嗣育容直言
惜人才未幾薨于家賜謚端敏贈少保公忠貞
廉約練暢世務而尤愛惜人才其憂國薦賢之
心老而益篤初抗論逆藩幽囚遠戍間關九死

及遭 聖明益感知遇危言正色蹇蹇匪躬朝
野想其風采雅志儉朴位居端揆布素如寒士
門無私謁接引後進談議世務終日忘倦嘗曰
學貴經濟不專在詩文也讀衍義補著膚見四
卷居遼陽著春秋志疑十八卷幼精騎射及遇
盜于滄敗楊虎劉六羣賊述滄州退賊事略一
卷德安行稿太平寶慶雜稿各二卷姚源建昌
征案東昌撫案共十卷撫蜀雜稿一卷讀易私
記四卷詩文二卷自述年譜一十六卷其奏議
二七卷已行于世表官刑曹厚公國士之遺也

其子純受易及公去位時顧謂表曰吾老矣天
下方多事子其勉之公之所以望表者何如而
表乃若此已邪純之赴肇慶也走姑蘇請曰先
公知子子不傳先公而誰傳邪嗟乎士爲知己
死空言奚足酬哉以公之忠勲而表附以不朽
是予之幸也夫

論曰方宸濠之謀逆也吏于江西者咸劫於積
威勢怵利啗惟其欲之是聽志富貴結腹心如
潘鵬王綸者不少也間有稍知逆順者不過循
默自保觀望規避以脫虎口爲幸耳孰有奮不

顧身如胡公者哉。䟽朝入而禍夕發，左右出入門戶，寢居皆逆徒也。而竟脫身間，走得免灰滅。及械繫掖庭，備嘗百毒。朝之用事者，悉受濠賂，遺批抵機，穿幾陷不測。卒賴御史徐文華等抗章申救，僅而遠戍。而濠之逆謀始彰，露中外亂。臣賊子人思誅之矣。然而已卯之變，孫許駢戮，遠近震驚。向使當國者採徙薪之讜，謀謹履霜之明戒，先事制變，禍亂何自而生哉？胡公身不踰中人言，期期若不出口。及論大政事，決大疑，侃侃諤諤，守死不回。居常憂國不遑寢，食事有不可者，即閉門草䟽，無少顧忌。嘗憤守正者遭誣落職，懇懇言之。正色立朝，孤立無與。今皇帝知其忠鯁，雖數進逆耳之言，而曲加優納，不以爲忤。一時新進用事之臣，雖極恩寵，然天子所敬憚優假者，胡公一人而已。見幾勇決，進退有禮。世尤高之。孔子曰：所謂大臣者，以道事君，不可則止。莊助曰：古有社稷，臣招之不來，麾之不去。若胡公者，其近之矣。

御史大夫盛公傳

御史大夫盛公諱應期，字斯徵，蘇之吳江人也。

其先出宋參知政事文肅公度高祖寅 文皇
帝時官御醫有寵曾祖似不仕祖昕父權俱以
公貴贈官公弱冠舉 治癸丑進士授都水主
事管濟寧牐牐當孔道公私舟爭利先進公束
以法而時啓閉之吳文定公寬以少宰赴召時
方封牐蓄水以濟漕船吳公尊官也守牐旬日
乃聽得過公之 守法吳公之樂成人美聞者蓋
兩賢之中貴人 奉使往來咸望風斂戢挾私貨
者輒沒入之時 入監李廣嬖用事諸中貴群懇
于廣廣固贈之 矢而廣之家人販私鹽南來聞

公嚴悉投鹽水 中廣益怒乃嗾太監秦文誣
公阻薦新船為 大不敬詔逮錦衣衛獄謫雲南
安寧驛丞稍遷 祿豐知縣祿豐古祿琫也烏爨
蠻所居俗獷悍 習盜公不鄙夷其民教以禮法
而弛捕盜之禁 盜咸首伏化為良民陞順慶府
通判管糧稽逋 適伏宿蠹盡革父喪歸道陞武
昌府同知服除 改長沙陞雲南按察司僉事分
巡金滄洱海諸 道所至屏肅景東知府陶某土
官也父子信讒 日相讐殺公縛其讒人寘之重
辟曉以大義父 子如初武定知府鳳英死其妻

攝郡事而子朝鳴克狡不法肆行剽奪民殊苦
之奏下所司觀望不理公出鳳不意單車馳入
其境母子惶怖伏罪乃窮治其黨歸所侵奪於
民公策鳳氏終必為患請降其秩設官制之因
會奏于 朝議寢不行後鳳氏卒叛如公言復
建議請閉銀礦以絕禍源而鎮守太監梁裕貪
虐無厭公與巡按御史張公璞副使晁公必登
共禁制之裕因誣奏公及張公晁公俱逮下制
獄張竟考死獄中諸大臣及言官連章申救會
乾清宮災赦出先已進本司副使乃得復任尋

陞河南按察使清嚴彊察威禁大行陞山東右
布政使謹出納屏羨餘正已率物胥史莫能為
姦未幾陞陝西左布政使鎮守太監廖鑾縱其
弟姪廖鎧廖鵬漁獵民財侵盜官帑姦賊狼藉
有司脇息莫敢問公以法剪其羽翼廖滋不悅
思中傷之乃檄公督造絨罽檄文嚴峻費且鉅
萬公按籍知廖前已侵費數萬不以上供持數
示廖將奏之廖惶恐跽謝乃不復造 武皇之
西巡也駕將至榆林人情恟恟衆議加賦以備
供億公請於正賦內每戶以丁糧為差出銀米

若干聽准來歲賦入之數民爭先輸納比 駕
至士馬供億咸有調度而處之裕如若無事者
時江彬扈從寵倖勢焰薰灼自鎮巡以下咸重
足屏氣呵辱如奴隸公獨與抗禮干請不行同
事者咸歎服焉 武皇帝亦知之曰盛某好官
也明年四川缺 巡撫陞公都察院右副都御史
蜀險遠夷獠雜居天全六番招討高文林數出
寇掠而流民謝文義亦糾熨蠻爲亂皆討平之
捷聞璽書褒嘉 錫以銀幣丁繼母憂歸今 皇
帝登極起爲江 西巡撫江西遭宸濠兵燹之後

歲饑民窮寇盜充斥而鄱陽湖尤爲淵藪盜出
沒其間者漁舟爲之鄉導公令編號以驗其出
入而調遣官軍以防邏之立團保之法使相覺
察盜無所容一時迸散於是輕徭賦議賑貸奏
免雜調緡錢者數十萬請留解運者數萬輸米
南京者四十七萬銀二十萬而積穀以備荒者
亦百餘萬有 詔賜羊酒幣帛 尋陞兵部侍郎
兼都察院右副都御史總督兩廣軍務前任兩
廣者多通土官餽謁土官多玩 易之號令隳弛
而蠻寇竊發公至大閱鈎稽簡 糾凡太監及總

兵私役軍者悉勒歸伍而兩府官屬之暴橫者痛抑之且檄下兩省及湖廣諸路凡所調遣悉聽關白乃行由是二府不悅大興讒構矣歸善縣賊李文積據桃子園爲亂發兵討捕生擒文積及其黨李萬全等斬首一千一百三十級俘囚百餘人土官劉召據思恩以叛討破之斬首千九十七級俘五百餘人召赴火死餘黨悉平田州土官岑猛作亂事聞下公體勘公上疏陳方略下兵部覆議而公已改官矣初二府蓄憾騰謗於當道當道者欲事調停遂除公工部

侍郎提督易州山廠實奪之權也乃引疾致仕會河決徐沛漕渠不通朝廷憂之詔選廷臣可以治水者僉議以公名上陞公都察院右都御史總督南北直隸山東河南等處河道時尚書李公承勛胡公世寧建議欲於昭陽湖東別開漕渠而僉事江公良材議同及少卿黃公綰詹事霍公韜亦各陳便宜並下公看詳公親詣其地相度咨訪議旣克協乃上疏言黃河之患古今所同而中原之地平曠夷衍無洞庭彭蠡以爲之匯故遷徙不常爲患特甚而其性避高

就下非多爲之委以殺其流未可力勝也 治
以前河下潼關即分三大支其二大支俱出汴
城以南東行由泗水經淮入海其一大支則出
汴城以北東行至兗又分二小支一出汴之飛
雲橋一出徐之小浮橋俱入漕河徑下邳州會
淮入海正德以來汴南二支湮塞并入汴北一
支於是全河東下至於徐汴俱入漕河自此汴
河無患而徐汴適當其衝近年河漸北徙小浮
橋亦已湮塞自曹單武城諸縣楊家口梁靖口
諸處奔潰四出徑趨汴縣漕河橫流出於昭陽

湖之東泥沙壅塞勢緩則停遇坎則滯致淤運
道爲今之計大畧有四曰䟽曰濬曰築曰改䟽
者䟽上流而殺之也濬者濬故道而順之也築
者築長堤而障之也改者改別地而不與之爭
耳夫上流不殺則決口不可塞長堤不可築而
河防不可成河防不成則淤不可濬而故道不
可復此今之漕河所以不容不改也廷議以聞
詔可以春和興役而公已命官分治舊河使通
漕船堅築隄岸以障黃河之衝復濬趙皮寨條
家渡諸處以殺上流之勢乃簡屬吏之能者以

任新河之役量地以授工程功以授食役不告勞財不告匱垂成而謗興有詔罷役而公得罪以歸矣時戶部尚書鄒公文盛刑部尚書胡公世寧咸力爭之公家居七年更赦復職致仕大臣言官數論薦竟不用以死惜哉

論曰余觀盛公之治河而知天下之事難成易敗也昔堯命鯀治水九載績用弗成乃更命禹古之人興事建功若斯之慎也而景泰治間徐有貞劉大夏治水張秋亦困於多口賴朝廷之明謗讒弗行卒以即功信哉事之難成也

余嘗道徐沛間詢盛公治河事皆有法工績歲月耳而完者已十八九使當時稍假以歲月烏患無成哉公剛果廉幹嚴於馭吏請謁弗通怨謗弗恤庶幾有大臣之風余故傳之冀國史有焉

湯隱君傳

隱君名璽字文守吳人也大父彥祥官大興縣知縣大興公嫡子濱者無子而弟瀚之仲子爲隱君乃立爲濱後隱君事所後父母如所生父母且均執三年之喪事庶母陳有禮伯季皆

貴而隱君獨啻約友于懽怡不伎不求此其素
友今之人能之哉嘗受易于故信陽太守范公
文顯強記博識華實彬蔚凡經史子籍下逮諸
虞伎術百家之言靡不綜述泰嘗隔侍觀得悉
範儀端凝意思安和恂恂如不出口而詞字婉
切曲中事理聽者悚服故京兆祝公允明以文
藝師表海內嘗賦懷友詩咸海內名流而隱君
居首嗟乎祝公豈妄許可者邪早歲挾貨歷祿
魯燕趙觀山川土風人文久之歸吳築園鹿園
蒔植果木棄絕貿易買屋閭闔城門收其廬

計口而食而家業稍殷乃隱君則泊如也隱君
善居鄉居家睦族里喜賓客排難周恤難殫述
矣袁子曰書稱吉人爲善惟日不足如隱君者
終其身無踰閑無蔑禮一鄉之人愛且敬之無
間言非所謂吉人爲善者耶

司經局洗馬尹公誄

并序

嘉靖六年二月二十一日己亥故司經局洗馬
尹先生卒嗚呼哀哉帝鑒弗察神聽遠而違此
閔凶胡弗憖遺人亦有言金石難敝百祿攸經
莫匪豈弟蘭以薰摧玉以鎮玷棘也云茂孺

或銜嗟乎虧盈不齊報施或淫跖壽淵天匪徵
自今君子肅括議道自己舍命弗渝朝聞夕死
嗚呼先生短折弗遐吉往凶歸委耀彫華業崇
秩卑抑志隕名國喪儀羽士茂典刑曰余小子
夙荷采甄惠以周行敢不勉旃亶亶德音孔卓
而昭今也云亡孰示不佻令聞于宣芳烈靡緼
顯諸譔述庶其有詔何以宣哀載觀誄詞勒之
旗旌百世可知誄曰嗚呼先生含精抱和研幾
秉哲量宇淵塞風規峻潔早歲飛聲遂播芳烈
藝圃騰蹕詞場截巢縛思雕藻業業江定約

粵辭根柢標揭鵠舉鸞鷲握瑾懷瑜譬被和璞
孚尹自殊載礪載錯劇其廉隅工師于遘爲璉
爲瑚冠我多士蹈于天衢展也君子醇乎大儒
華實並茂器幹斯隆發策金馬卒業銅龍王
之吉人行行雍雍旣載彤管遂保青宮潤色鴻
業揚厲膚公羽儀具瞻模範攸崇總統羣籍同
異是究玉几黼幄在帝左右爾有嘉猷入告
我后夙夜媚茲䟽附奔奏大人格心申錫簡
懋冀斷梓材明堂云構温温恭人顛實揚休具
曰邦彥莫其大猷胡躡而踣志盡年適金石銷

鑠逝如泉流蕙折蘭摧悲此勁秋天弗憇遺與
善爲讎朝失楨榦士喪典刑杳杳 路蕭蕭素
旌几筵備物以象平生潛窳弗寤永閔精誠盡
慌黻翊游魂于征遺軫在疚擗踊靡寧比我及
門義切心喪德音在耳孰也可忘心悽目 五
內摧藏敬陳誄文敷此腎腸

祭故少保大司馬端敏胡公文 有序

少保兵部尚書胡公以庚寅之某月日卒于仁
和某里之私第嗚呼哀哉國喪楨榦士摧儀表
天不憇遺吾將安仰癸巳歲仲秋之望哀薄游

臨安追念疇昔知遇之恩竊懷死生契之
履宿草而悽其伏堂封而涕泗爰陳鄙辭式薦
清醑其文曰倬矣胡公允文允武神降海嶽篤
生申甫昔在強藩元凶構逆抗䟽發姦幾蹈不
測錯甘吳戮汲寢淮謀請室久繫遼左遠投忠
瀕九死節貫百折公之令名遂懸日月皇執重
離卿臺荐晉肅肅有位風紀爰振旣齊五罰遂
掌六師正色率下朝之表儀嘉猷平章密議獻
納維 帝念茲世也寡合山立淵渟禮進義退
古社稷臣維公無媿公之勲業金石難朽爵秩

雖崇德澤未究卹典寵渥謚號光加華夷悼惜
朝野興嗟眇予小吏嘗侍司屬葑菲課甄涓塵
誤錄獎引周至訓誨殷勤竟遭玷缺徒累高明
纍纍堂封奄觀宿草敬奠一觴陳辭以告

祭冥回祿文

孟夏徂暑盛德在火融風乃作布茲赫羲燔我
郊墨騰光橫厲裂灼土石散披雲霓哀我遺黎
倉怵不寧屏攝倣徒禦焉兇兇維是在位用震
刷心行火所掀俾保所徵豈其出內速戾召愆
秉我瓊瓚昭假明神庶幾撲滅惠我上下冥
為牡回祿維牝決以時息洩其滔淫無或昧蔑
寧莫我聞群祀攸司敢不祇告

祭中大夫叅政張公文

維靈肇濬昌裔夙承遐澤先烈丕嘉鴻軌敬式
懿質淵英靈脩準直紬緒墳研幾疏籍卒業
南宮蜚聲東序策薦賓興宏馳髦譽雲翮冥翔
鹽車失利設貳中都牛刀小試法禁明壹化
滂流稽弊班程諼格彊柔賦均土則訟簡纍囚
洋洋絃誦男歌女謳崇墉疊雉經始版築物力
庀徒隄防洩蓄安豐有功楚相攸績蕃用阜財

灌溉種稔考最銓司剖符南陽報政期月參德
龔黃肅肅憲臬獄慎低昂藩司左轄慈惠彌康
敦誼園無縻好爵曰利幽貞遯于寂寞於維
我師詞垣矩矱皇之蓋臣日侍虎幄訃謨左
右寵眷斯隆優賚緋魚衍衍雍雍司存獻納夙
夜在公陟岵瞻號靡遂私衷季冬者月戊子者
歲凶問騰奔神情震憤哀踊顛天胡茲長逝息
彼形兆歸于太素凡我小子悲悼靡寧敬陳醴
奠冀格幽冥

祭祝京兆先生文

維君侯之睿哲洩天地之立機漱芳液於藝術
博奧旨於文辭準皇墳以約軌黜百家之支離
曰漢氏去古其未遠庶斯文之在茲揉精思以
述作宣英藻於端倪綜群言而廣涉歷九服以
疇咨洵多聞而洽見旁羅絡以無遺沐皇澤之
休薦遂策名于有司何抱玉而屢黜戢雲翼於
亭衢嗟豫章之竒碩弗見售于工師徇微祿於
嶺表沉下僚而弗耻理民務於夙夜流慈惠於
百里佐天府以聽政維豈弟以約已畏簡書之
糾纏返初服於桑梓雖志業之弗究侈譽聞其

彌張閔時俗之拘迫溷穢垢以含光維達人
之忘我窮意欲以娛康奄乘化以遐逝超至清而
上翔慨典刑之淪謝徒悼慕於遺章苟靈爽之
未昧或昭鑒於曩觴

祭施邦直文

維君金玉碩膚淵雲學殖摘藻揚芬脩姱蹈吉
早驚書林甫通仕籍亨衢未騁濛汜已迫奄忽
泉扉沉淪異域大命近止游魂莫招含祿有禮
旗旄蕭蕭凡我同盟孰不悼悲我館我殯匍匐
救之祖奠在庭興哀致辭水浮陸走歸窆墟

焉歌已矣德音永遠

祭吳懋憲文

祖靈畊文獲藝履道基仁翱翔世表游泳詞津
豈弟且惠博約循循才華淵濬問譽日新金門
通籍彤陛垂紳甫辭家食式作王賓奄忽晨夕
長訣交親泉扉掩恨總帳棲塵几筵惻楚旛旄
誥誥祖送于郊首于閩天道茫昧孰究其因
共綴哀辭友誼莫申

祭封虞衡主事伍公文

維靈履坦樊考槃澗陸練要脩姱彌性力毅

義高閭閻仁洽黨族栢松旌心蕙蘭中服平康
錫極豈弟干祿繁祉攸宜祚胤孔淑子奮孫騫
螽羽麟角金冊龍章賁于泉谷旣醉萬年假樂
百福以熾以昌衍衍粥粥眉壽未艾大命屯速
蔓草露零虞淵日伏旆旄有翩輶帷不復天則
爲之靡究嘉告哀訃遠遺擗標悽蹙敬致一觴
庶鑒情曲

祭楊宜人文

維靈異質蘭芬坤儀玉粟世胄高明弘農伊匹
敬作君子有踐家室於穆莒州邦之司直嗣我
徽音百男斯殖小星肅肅螽羽蟄蟄溘彼朝露
帷軒自飭諷詠栢舟矢死靡忒犖然遺孤拊畜
備悉訓以書詩踐猷邁德承志祿養匪躬秉職
維茲滑甘有曠晨夕訃音奔馳擗踊莫及凡在
戚交嗟咨悼泣敬奠牢尊升臭窀穸靈其有知
鑒此楚惻

祭董夫人文

維靈夙稟柔媛有齋恭肅天作嘉止世胄華族
相攸來歸燕譽載育繁藻靜嘉梱闕雍穆吉往
凶來蘭摧玉毀百祿未總大命近止蕭蕭素旌

哀哀蒿里祖奠牢觴昭假筵几

祭毛安人文

維靈玉性幽貞蘭姿婉懿夙閑禮文丕承華系
作配君子德音用嗣肅肅聞儀虔共好事既儉
且勤宗親燕譽命則弗遐奄然徂棄孤帷楨塵
冥旄隕涕籟竿敬陳幽明永異

祭王封君文

維靈挺殊材於梁益秘 樊之德貞抗逸民之
高躡敦素位以中行斂芒角於金玉播蘭蕙之
芳馨儀靜山以成性抱淵冲而寡營胡仁者之

[Faded and mostly illegible text, likely bleed-through from the reverse side of the page. Some faint characters are visible, such as '祭王封君文' and '維靈挺殊材於梁益秘']

維靈挺殊材於梁益秘 樊之德貞抗逸民之
高躡敦素位以中行斂芒角於金玉播蘭蕙之
芳馨儀靜山以成性抱淵冲而寡營胡仁者之

丕承父兄卓有風采業成均馳譽冒子雲翻
方舒蘭英遽委志抑年邁逢凶構否命也為之
悲曷其已嗚嗚者嗟呱呱者泣淑慎乃躬之死
靡忒輶車旌旌顧瞻悼惻涉濟浮淮歸即玄宅
祖奠有辭靈其來格

祭王履吉文

大哀緣情感戚以交興物無不毀理有難明
烈金鑠彭壽淵傾嗟乎履吉竟天原生昔在童
年英資物表川嶽含靈幾辰運巧孝友人倫仁

國寶無隣維靈

葬誌先文維貞銘

蹤電進逸翮雲冥豐材筭會脩塗過步
阿歸神泉路蒼旻弗仁胡測其故自昔有
如朝露漢維賈生魏則文考唐之勃賀咸以材
天不朽維名孰暮孰早君能立言亦復奚悼

祭伊師文

嗚呼先生昊天不弔喪此懿碩祿秩未崇壽年
靡極邦人咨嗟列士悼盡眇予小子曷其孰式
昔在童蒙顛愚寡識於維先生以引以翼於心
苦帷卒業庖易鉤玄極深章辨句析惠我

博約有則朋來如雲達於成德嗚呼先生學維
藝術行寔表儀黃中內含直方外資懷璵握瑾
矩步繩趨樂只豈弟敬慕威儀乃韶先烈克濟
世美學古入官休聞臺壘于深示邪大邦是理
仁懷威懲刑伏奸靡古有召也可也可也可也可也可也
循資佐守炎荒爰觸瘴癘遂疢言也單也
與時有歲問期不祿奄爾云也下也哀情踰旬旬義
切心也告哀薄薦也身也

祭少宰徐師文

克相夫子邦之司直訓齊家人夙閑壺則栢舟
矢心之死靡忒蕭蕭淑惟信如噉日烝烝三孤
我拊我恤大耋之嗟奄返也室也哀也誼也忝也葭也草也恩
同子姪夙昔登堂欽承懿式歲月潛移哀衷罔
極顧瞻几筵曷勝愴惻

祭少宰徐師文

荒彼具區百瀆之委禹績奄奠職方攸紀鴻流
海匯金庭嶽峙堪輿毓秀靈祇効祉實孕厥符
克生我師誕發神穎夙稟岐嶷醇精宅性間氣
毓資因材之篤元造匪私瑰玉在璞和氏則獲

時維少傅碩望有赫我師輝映乃尚瑤席方陽
垂顧騏驎振策明仄靡遺師錫自僉威鳳覽德
潛龍應占遂就輿軫肇服官聯在公夙夜有翼
有嚴中秘邃清群彥卓犖我師弱冠九流綜博
賦奏甘泉書讐祿閣金匱之藏以斤以斷既掌
國史亦侍經筵雍容授簡暢叙微言鈎析疑奧
諷摘疵愆衰詞莠說罔陳於前惟帝懋簡俾
代綸制異音以申喉司是寄視草鑿坡秉筆螭
陛堯言風渙人文星麗髦士有造式重寶興南
輔郁郁寔典文衡雅體歧變英才彙升事君

以人植我國楨嘉績多宣輿望傾企太宰經邦
擢居其貳膺茲崇責以贊吏治眷命斯殷蒼生
拭視我師被遇奮激遑遑惟公暨明對揚休光
銓擇流品董正官方黜幽釐冗顯滯登良肅肅
天曹六事之首三王跨前我師步後權隆招基
守正蒙詬悖憎傳僭竟困儕醜具錦階厲起自
讒言惹苴叢謗亦以涉嫌青蠅羣嗜古今共然
跡雖或螻道則奚愆我師明夷順受無懟多口
何傷奉身而退舍車用徒拂衣辭位朝罷夕發
遵養時晦國是旋妥亮節彌昭清問勤佇屢顧

於朝西洛遲起東山誦謠鵬鷗既逝者安招
廟廊永謝樊獨樂綠野蕭敞平泉寥廓嘉樹
敷榮幽葩吐萼撫景寄懷將終一壑大人遘會
羽儀群倫道之云厄歸潔其身淹速乘變與化
屈伸我師出處曷愧古人小子顛劣早慕術藝
中遭三黜未售一第曲荷甄錄葑菲弗棄驥尾
幸接龍門叨際元歎信雋名以邕宣士衡信才
譽以華延矧予末學筮仕孱年誨導嘘拔獲免
墜顛我師肥遯予亦謝劾偕投逸散復同井邑
方欣承教素衷實獲卒業後陳從遊暇日昊天

僭信莫肯憇遺中台倏折巨鳥遽儀邦域震悼
其位驚馳哲人其萎予將疇依我師鍾粹允克
大文惜罹汚廢終靳耄耆沃膏徒屯宏施未究
既厚其生胡隘厥就秦風興愴橋言結悲脩途
乍隔風誼豈違貞婺殉悅國士感知在三之義
悠悠我思几杖已邈寢筵猶設赤舄朝遺華軒
暮稅牛榮死哀冥靈庶慊敬奠清醑腎腸如裂
嗚呼哀哉

袁永之集卷之十七

書

梁

思

豈

其

主

其

其

卷之十八

箴 銘 疏 啓 贊 字說

后史箴

簞瓢室序銘

璐硯銘

久病乞恩休致疏

久病曠職懇乞休致疏

遵 勅旨以效愚忠疏

脩清容軒疏

脩彩雲橋疏

謝陳駕部敬輿惠鹿角霜嘉魚六安茶啓
謝蘇侍御惟和惠何首烏丸啓

戴刺史像贊

陸義姑姊贊

范元春字談

表永之集卷之十八

后史 歲

穆穆中壺王

化攸基正位于內易贊坤儀二如

助舜三母興

姬於惟國風肇始關睢內德之茂

曰儉與勤明

草婦順以佐一人既肅且雖逮下

敷仁繁藻攸

榮蠶桑是親昔在夏禹塗山協德

殷湯齊聖有

辛率職班姬進規履正不忒叔慎

無愆嬪御是

式載稽哲王務脩陰教習禮稱詩

阿保是詔無

怠無荒以正家道萬國承流是則

是傲樊衛宣

譽馬鄧稱賢含貞履順敬以勉旃

無成有終聖訓昭然戒于滿盈百福乃全 皇
明基命 九聖重光徽音內嗣媿美宣姜載詠
多男王猷允康敢告彤史旦夕無忘

簞瓢室序銘

表子曰昔孔子之門人多矣獨亟稱顏氏之子
者何哉豈不以其能安貧好學乎而韓退之者
乃謂簞瓢陋巷此哲人之細事噫何言之易也
古之安貧者如黔婁原思榮公東郭之流抑亦
難矣而獨顏氏之子最著彼有孔父者爲之依
歸且亟稱之也然又獨怪古傳記所載稱回有

田二頃此亦足以具饘粥矣而何其簞瓢若此
邪噫此乃孔子之所以亟稱者也彭生孔加余
之密友也家世頗饒于貲其先公大尹君又以
進士從政然廉潔自操不善理財遭讒落職家
業衰廢沒身之後困于徭賦誅求百出門戶傾
破孔加備歷艱苦竄身匿跡者數矣凡我交游
咸知其貧然察孔加志意體貌揚揚如富貴人
耳嗟乎此孔門所難而孔加能之今之世如孔
加者幾人哉且篤好古學心慕瑰瑋絕特之辭
耻事章句以詭時好又不屑治家人生業乃日

就空窶自稱其所居曰簞瓢室余欽服高誼爲
文以嘉之其辭曰卓矣彭生抗志超俗棲遲衡
門偃仰 谷屢空無求古賢自勗孔門三千回
也稱獨陋巷簞瓢逍遙自足由愠賜殖信道未
篤載稽往牒黔婁原思貧不隕穫高風可師萊
子嘉遜寵聘卒辭朱倉勤學豆莩自資尚友徽
烈我心弗移懋哉終身毋替銘詩

璐硯銘

上海董子元得歛硯膚理縝澤叩之如磬命曰
璐賞之以銘銘曰截 璐兮縝而理鏗金聲

兮諧宮徵宣章華兮路哉功靡朋龜兮焉攸同
久病乞恩休致疏

臣由嘉靖五年進士改翰林院庶吉士歷任兵
部武選司主事緣事革職十九年三月內因科
道撫臣論薦蒙 恩起用復除南京兵部武選
司主事陞本部職方司署負外郎事主事二十
年二月內蒙 恩陞今職領 勅提督學校赴
任間不意感冒風邪致成疔瘡氣血虛羸行步
艱澁卽欲具本乞休恐孤 聖恩輒復中止已
於本年十一月內力疾赴任勉強供職至二十

一年三月內出巡蒼梧地方偶觸瘴氣前疾增劇加以痰喘吐血四肢痿弱不能動履日就沉痼醫藥罔效尸素是慚伏念臣之愚陋一無所能仰荷 皇上棄瑕錄朽略其夙愆擢之久廢未及暮歲再轉官階覆載生成之恩雖捐軀糜骨亦何能報但狗馬之疾自度無勿藥之期首邱之心猶冀遂生還之願伏望 皇上俯念私情容令休致或賜罷黜以延殘喘臣實不勝祈懇之至

久病曠職懇乞休致疏

臣自去夏染患瘴瘧具本乞休未荷 俞允勉強供職以來病痼益深氣血愈憊醫藥靡效鞭策不前兼以家有老父表霏見年七十三歲自聞臣病旦夕驚惶累書促歸情詞哀切臣雖欲陳力就列而方寸已亂夙夜每懷顧惟舐犢之情深報劉之日短百憂千慮歸心如焚輒敢冒瀆 天聽懇乞骸骨伏望 俯垂矜納早賜生還使臣得苟延殘喘少報親恩亦我 聖皇以孝治天下之一端也臣實不勝祈懇之至

遵 勅旨以效愚忠疏

臣以菲薄猥荷 恩私賜以 璽書之重假以
提督之權伏讀 勅旨一欵所過之處遇有軍
民利病事干奏請者從實奏聞欽此欽遵臣出
巡柳慶地方有賓州南丹衛充軍犯人馬錄先
任御史誤干 國憲 皇上不卽加誅薄竄炎
粵恩至渥也臣惟明罰勅法者 聖王之義赦
過宥罪者 聖王之仁故書曰罪疑惟輕仁之
至也仰惟 皇上視民如傷大小臣工有誣誤
獲罪者咸蒙矜宥惟此馬錄一人尚編戎伍悔
悟已深懲創日久且年垂衰白情懸桑梓有足
閔者伏望 皇上廣好生之德推一視之仁持
將馬錄放還田里使得遂其首邱之願臣職忝
外臺不知避忌輒冒斧鉞之誅妄希雷雨之澤
臣實不勝悚息待罪之至

脩清容軒疏

慈感寺清容軒者地因淨域基據化城臨清流
而作構六塵無染對峻嶺以啓扉群有咸會室
擁天花蓮座時聞夫梵偈林分寶樹金沙屢渡
乎慈航比 上乘旣皈依而駐錫逸民傲吏亦
游宴以停驂勝國則文敏王孫清容學士相繼

藏脩邇年則西谿僉憲南坦司空共圖創復是以土木鼎新旃檀增麗朱堂紺殿藉以輝煌峻閣長廊因之聯次但岸石善崩軒窓就圯歷歲未久復隍可憂金像莊嚴恐致褻瀆緇流出入亦懼傾危欲謀億劫以無虞須賴十方以普濟特願發菩提心假方便力共助垂成因果廣種無量福緣

脩彩雲橋疏

彩雲橋者據橫塘之靈境跨吳會之通津蓋四達之所經趨九衢之所輻輳者也年悠歲久石

圯岸崩行道咨嗟居民慨歎既妨游息亦病輿徒嘉靖己亥有胥臺袁子營別業于斯繼而處竹王翁考新宮於茲壤務耽幽僻永謝囂煩肆顧傾頽爰謀改築於是雲門道人矢志發誓差日鳩工展宏基於曩規無煩驅石之費揭雄觀於今構冀免從橋之危凡我十方各捐一木務使星輝月偃卧蒼龍于水中竦舞虹騫填鳥鵲於河表自今伊始駟馬瞻題柱之人億萬斯年匏葉免褰裳之客

謝陳駕部敬輿惠鹿角霜嘉魚六安茶

啓

竊惟犬馬之齒已長蒲柳之質先零百病交侵
千金靡效執事閔念羸軀惠班靈藥康子之饋
敢曰不嘗越人之功庶其有望至於嘉魚出乎
丙穴香薷產於六安珍貺荐加至情莫報敬因
來使附啓謝辭

謝蘇侍御惟和惠何首烏丸啓

竊以交藤產於南廣竒功特錄於李翱甘枸出
乎河西異種首傳於漢武斯誠養生之良藥不
死之秘方也執事脩合適宜蒸曝有法俯憐蒲
質惠此寶丹上池之水曾何足云大路之金方
斯更劣香生槃筮價倍璆琳實懷濟人利物之
心奚啻解衣推食之賜敬當服之無斃言念不
忘聊陳鉛槧之辭愧乏瑤琚之報古玉圖書一
附充清玩不具

戴刺史像贊

有序

戴侯上仁豈弟令德中和蜚聲畿甸發策帝
庭承使廣諏詢之猷典禮宣寅清之譽三命益
恭一麾弗屑雖龔黃之澤未究而原邴之節彌
高逍遙中林優游大耋敬瞻碩範爰頌洪休贊

曰於維君侯德中庸兮利賓王庭文譽崇兮駢
駢四牡使命恭兮典司邦禮翔南宮兮分符遐
壤叅黃龔兮夔屈坎止遯林中兮式厥閭里修
德風兮有斐哲嗣躡逸蹤兮試宰小邑仁聞証
兮陟岵有懷慕儀容兮我弁朱裳丹青聳兮小
子頌德思令終兮

陸義姑姊贊

有序

余讀劉向古列女傳叙魯義姑姊舍已子而存
兄子其義至高及覽黃門陸子浚明傳其姊事
頗相類古今人豈相遠哉他日有繼更生傳列

女者安知不以陸義姑姊與魯義姑姊並傳也
余高其義而爲之贊曰有美碩人秉心均壹友
于兄弟字我諸姪於維陸君邦之司直遠竄于
荒靡顧家室烝烝靡依孰拊孰恤賴我碩人念
其朝夕恩斯勤斯以衣以食我怙我恃以有今
日昔在更生魯姑是述千秋嗣媿永垂壺則

范元春字說

范姑之曾孫曰元春者昏而未字問字於司城
伯子伯子曰盍字仁卿客曰夫以仁字者何居
余應之曰夫易言之備矣元者大之謂也始也

天德之首也在天爲元在人爲仁而於時爲春
令仁德之大者也四德之首也故曰元者善之
長也天非仁弗生物人非仁弗成德夫易言之
備矣孟子曰仁人心也韓子曰博愛之謂仁周
子曰德愛曰仁孟言乎其體也韓周言乎其用
也易則備矣夫自天子以至庶人未有不由仁
存者也天子以仁保民侯王以仁保國卿大夫
以仁保宗士庶人以仁保身甚哉仁道之大也
先王之爲人道也莫大乎名名以經禮禮以制
義義以守信信以成德德成而名從之是故男
子之始生也父名之旣成人也賓字之慎之至
也夫元春嘉名也仁美字也敦仁以成德懋德
以踐名是字之義也客曰大哉言乎未之聞也
爾元春其識之以無忘司城伯子之訓

袁永之集卷之十八

表永之集卷之十九

書

復大司寇蘭溪唐公書

上大司馬增城湛公書

上李獻吉先生書

復大中丞金陵顧公書

復大中丞顧公論詩書

附大中丞顧公論詩書

復大中丞顧公書

復大司空安仁劉公書

再復劉司空書

與高吏部子業書

附高子業書

與王履吉書

獻仲兄書

復趙會元景仁書

附趙景仁書

復屠太史文升書

與陳太守允揚辭免集學十音

復李驗封伯華書

與郡縣論捕蝗書

表永之集卷之十九

復大司寇蘭溪唐公書

秦聞周公吐哺而下白屋之士公孫延納而禮
東閣之賢故能光昭周道隆顯漢業令聞不匱
也世風驕諂古道彫喪孰有降卿相之尊而問
布素之賤如公者哉伏誦來教過垂獎譽猥謂
連珠之作可追古人表何敢望古人也念自廢
黜以來爲世所棄買田石湖之陰卜室橫塘之
側杜門窮巷蕭然環堵雖乏井丹之高潔而竊
希長公之肥遯力田之暇猶欲肆精纂述之務

以從所好蓋虞卿窮愁著書袞雖不佞敢忘斯
義伏惟相公閣下明德懋勲乘時翊運立言爲
經述事爲史傳所載不朽者三蓋兼之矣袞聞
難得而易失者時也難成而易敗者事也是以
古之君子憂勤以赴工焦勞以興事進不失持
仕不苟祿颺鴻譽於丹青紀庸功於竹素故足
多也今飛龍在天多士濟濟而之績未登
於三五制禮作樂沿襲簡猶未能

喬風而承化此誠君子憂勤惕厲之秋也孟軻
有言達不離道故民不失望焉當今之世舍公
其誰望乎區區之心誠不能自已也

上大司馬增城湛公書

袞聞量才叙職者 天子之務也陳力就列者
庶官之司也是以詩有伐檀之刺易著漸磐之
訓尸祿竊位雖下僚不可而况乎論道代工統
六師平邦國者乎孔子曰所謂大臣者以道事
君不可則止公今之大臣也道德簡于 帝心
聲名孚乎士議正位司馬筦鑰舊都所宜恢張
文教除飭戎衛銷伏禍於履霜固 皇圖以苞
石此公之職也頃者家兄表以不阿貴戚獲罪

魏公兩遭筆朴重以論劾深文巧中捃摭百端
 天子震怒下之法司禍且不測吁可畏矣哉
 夫中山之勲英衛不足侔韓彭不足擬是故生
 享茅土之封沒著丹青之誓子子孫孫繩繩繼
 繼 國家報功之典亦不薄矣苟能懷滿盈之
 懼戒驕侈之萌覩是日而畏悚尋覆車而知鑒
 又何危溢之患哉夫魏國元勲之裔而兵馬七
 品之賤官也以賤官而抗元勲之裔此何異奮
 螳臂以當車轍累九卵以承千鈞哉然而官有
 崇庠効忠則一祿有豐薄盡職則同故忠臣犯

逆鱗以輸節志士蹈虎尾以授命又焉能畏首
 畏尾而患得患失者乎僕雖不肖嘗粗覽古今
 之槩矣韓彭趙醢豈曰無勲梁竇駢戮良由不
 戢周絳侯安劉誅呂一遭變告身繫縲綆歎息
 獄吏之貴幾陷虎口霍子孟擁昭立宣為漢伊
 尹顯禹雲山邪謀不軌卒罹赤族此古事之明
 驗也暨乎本朝驍如涼國功如武清逆節稍萌
 參 立至可不懼哉可不懼哉今 天子明並
 日星威符雷電貂璫婦寺仄足稟命雖議功議
 貴著之國典豈可不自保全數冀僥倖哉秦

天子之舊法官也讀書讀律蓋有年矣未聞以
京朝官而可躬加箠撻者也無將之訓漸不可
長此而不言焉用彼相賈生有言士可殺而不
可辱夫京朝官有犯律須奉 旨參問然後加
刑此所以養士大夫之廉耻尊 朝廷之體統
也赫赫王章式如金玉彼何人斯敢自變亂泰
又聞之猛獸在山則藜藿不採皎日中天則魑
魅屏伏是以淮南寢謀於汲黯王氏斂手於鮑
宣正色危言之士固權貴之所望風懾息者也
威福陵遲 由來考所矣在源之
急率爾陳告伏惟矜其狂愚而特賜處分幸甚
幸甚

上李獻吉先生書

僕束髮讀書粗通六藝之術嘗恠俗儒是古非
今甚謬甚謬今有人文如馬遷詩如杜甫行義
如曾閔謂不如古人何也君侯發穎關西空群
冀北陵轡四始扶搖九霄我 敬皇帝䟽張天
網羅絡髦彥分布銅龍雍容虎觀而君侯獨沉
滯下僚出入錢穀發憤孔業掃蕩陳言吐詞則
沉宮振羽宣藻則日光玉潔而戎 明之制作

文章卓乎可觀矣維時徐生虎視於荆吳邊丞
蛟躍於齊魯何子揚瀾於河洛而君侯獨騰蹕
蹂躪總統包容所謂無可無不可者也昔賈傅
困於長沙子雲沉於天祿李生長流柳侯廢棄
彼皆高材蒙詬直道獲謗禮法所繩流俗詆醜
不相假借孰爲吹噓者哉此嗣宗之所以慟哭
者也君侯抗疏豺狼昌言婦寺 明主寬膏斧
之誅儉夫設罟獲之險危機伏發末路嶮巖青
蠅有辭白璧無玷禍與材謀毀不勝譽復何怨
懟袁夙懷傾企如飢如渴恨御李之無緣悵誠
荆之不早天假良覲慰我私衷用布腹心求通
左右舊綴歌詩數章不敢以巴俚自諱唯君侯
裁焉

復大中丞金陵顧公書

語云嶢嶢者易缺皦皦者易汙信斯言矣屈平
讒於上官伍員毀於太宰賈傅短於終灌董相
沮於公孫自古賢聖蒙垢負釁困於多口者焉
可勝數豈獨公哉何則道大難容行危寡合萋
非易惑而疑似難明也詩曰讒人罔極交亂四
國又曰豈第君子無信讒言居今之世行古之

道而欲免卜謗愆者鮮矣來教望僕以著述不
朽之事此公樂成人美嘉進後學之盛心也顧
褒何足以當此夫立言者藝林之大業而生人
之至榮也經典之後作者愈難左氏敷簡奧之
文莊生馳閎肆之辯楚騷布卓詭之辭遷史序
雄竒之論之四子者不相祖襲步驟人殊孔孟
以來未有逾此者也嗣是鮮儷焉大抵邇相模
倣愈趨卑下耳竊謂立言之道有六難學難乎
淵該事難乎綜覈詞難乎雅健氣難乎亮和識
難乎通融志難乎沉澹兼是六能而假以歲月

立言之道庶矣以公之博聞強識而騁驚於作
者之塗勒一家言光詔來世奚所多讓而乃以
精力不逮自諉夫古之立言者率多中歲何則
少年輕俊聞見未廣計慮未周雖詞鋒鏗銳而
論議剽捷終乖軌轍將何以訓褒孤陋罪廢之
餘萬念瓦解著述之事徒乖夙志祇奉來教悚
報彌日敬陳所聞以復左右

復大中丞顧公論詩書

辱教作四言詩法甚善抑鄙心有疑不敢不吐
露胸臆折衷於大雅君子也楊子雲言斷木爲

棋挽革爲鞠亦皆有法信哉斯言聖人復起不
易也今之論詩者古體則以漢魏爲宗近體則
以初唐盛唐爲準夫五言起於蘇李枚乘之徒
七言始於栢梁故五七言古體必擬漢而又當
取材于魏建安諸子去漢未遠猶有古風而華
采過之特渾厚高古不逮耳下此則潘陸陶謝
去漢遠矣五七言近體唐初沿陳隋之習雖音
響鏗鏘藻思麗逸而風骨未備李杜王孟高岑
崔儲數子繼作陶鎔變化集厥大成下此錢劉
元白稍涉淺易而才力頓弱故作者罕尚焉此

其法也三百篇後鮮有繼者獨韋孟爲
優魏晉而下辭旣偶儷而氣亦緩弱顏陸諸篇
殊非風人之旨茂先勵志淵明停雲稍爲古質
然非其至者也尚不逮陳思况雅頌乎故作四
言者必以三百篇爲法而取材于漢魏苟如來
教欲舍三百篇而宗茂先淵明則五七言古體
亦將舍漢魏而法晉宋以下近體亦將舍初唐
盛唐而法大 以後此甚不可也諺云取法乎
上僅得乎中學者生於叔季不能大觀逖聽游
心邃古而苟安卑陋未見其有成也僕所作郊

丘諸篇殊淺庸不足觀此局於材耳然不敢棄
穀率破繩墨以私創法程也吾文言爲世則方
當奮其瑰竒卓特之辭以媿吉甫穆如之頌寧
屑屑茂先諸公邪敬復左右幸終其說以教我
也

附大中丞顧公書

近會王道思吏部論古今文章之士道思推足
下與常州唐太史順之爲後來之特更無出諸
右者尊仰何已承寄示郊社諸古詩爾雅深厚
振脫近習直陵三代建意甚盛愚見竊有未安

又其之不可復元古猶衣裳之不可
衰飲食之不可爲汙尊杯飲矣若刻意
成刻棘之苦如作四言則韋孟諷諫張華
淵明停雲皆詞苑之高則也柰何必取雅頌而
步趨之蓋上古之文簡而主理後世之文繁而
主辭宋齊以下辭之敝也漢晉之間固猶彬彬
學者尚之足矣僕亦自恐老憊氣衰爲此卑論
質之道思頗以爲然敢告之足下真以爲然否
邪選伯虎集甚精廣志賦與連珠柰何遺之尚
尋收梓之免餘憾也

復大中丞顧公書

辱寄題列岫樓詩駭心震目如聆鈞天廣奏芙蓉
簷草屋何以戡此烟霞增妍山水動色茲樓之
名天壤不敝矣所云唐伯虎集序欲爲賢者諱
仰見吾丈忠厚之至但叙事之體必須核實尼
父以來未之敢違也假令吾丈欲爲伯虎諱千
載而下誰其信之昔文皇觀史叙隱太子事云
史官何諱焉即命削去浮詞直書其事千古以
爲美談伯虎誠過亦未有喋血推刃得罪倫於
者也吾丈高明何乃齒邪前示伯虎有連珠詩
志賦實未足當續梓之僕頃亦作連珠三十首
請教冀評削無庸虛美也表再拜敬復

復大司空安仁劉公書

今晨慧公過峴山樓居始得夏秋書問僕罪斷
之人百憂千慮無可言者分當縱放山水間近
者臨安天目富春嚴瀨遠則天姥赤城一一游
之陶朱五湖子長萬里豈獨昔人邪長興去此
半日路耳屢欲飛棹伺候門屏一憩胷中壹鬱
之懷恐公復趨溧陽乃不果耳九日有客期登
碧巖聞此地有瀑水數十丈殊可觀公嘗游否

奏再拜

再復劉司空書

書來言買田議昏事甚厚甚厚昔仲宣遠依劉表子美寄食嚴武彼非久要然且附託僕公之故吏也嘗辱國士之遇兼有葭莩之親天假良緣卜隣擇里何所不可且長興聞多良田桑竹之饒耕魚之業足以卒歲誠鄙心所希願也但旅人棲棲不遑安息殷憂極辱况敢懷土昏姻之事所不忍言詩不云乎駕言出游以寫我憂游觀之娛豈吾夙心亦計出無聊耳僕嘗懼涸

清難俟羞與草木同腐令身名辱矣無以自見猶欲以三餘之暇勒成一家言發其憤懣庶幾不朽亦猶瞽者之不忘視也公謂何如峴山誠孤寂澄湖如鏡罔巒縈複登臨歌嘯亦足自遣碧巖之游有事不果俟月檣圓當謁公於茂林脩竹之下也悠悠我心相見言之

與高吏部子業書

表不自量竊欲附於古先哲人追其遺烈承之兄嘉澤得奮跡賦畝劇班行中依望聖天子光華素位守已不敢有所建明又自知愚陋

途屯蹇乃心日思東歸嘗希尚平仲蔚之已願
築室大山長谷以三餘暇日取古詩書且晫且
讀上自皇墳索經傳子史下逮稗虞百家言
悉通其大旨凡天官變異陰陽律興地卜算
名物瑣細伎術之流靡不該綜約十載就緒乃
效子長觀游歷諸嶽鎮藪澤窮其險要考土風
民俗厚薄乃言清濁系達觀異人與之論議期
遠者或六七年近者立載言旋故虛發爲此述
必有可觀不朽之業庶在斯文博施志未敢
以語人語云可與智者道其言其人言何如

清難俟天假數年諒非虛語足下積蓄道德屢
涉藝文傾蓋綢繆久要相示詩云豈不爾思室
是遠而門洛邑儼然在望言念君子我心忡
忡告之話言幸甚幸甚

附高子業書

曩者數辱過視伐其矇蔽弭節負郭之巷舉觴
茂林之中逍遙文史夜以繼晝自惟亡侯生之
竒而有虛左之顧乏段干之德而辱過式之禮
非揚雄之而當造門之敬匪杜甫之舊而接
出郊之驪是以臨別之日倚門而長謔望天

三而太息知遯跡之亡窮寤離群之有恨別後
復收來書申之嘉言兼聞伯氏發迹並珪璋以
秀朗連驂駟於長途斯天倫之極樂也言慕容
音何時可再金門多暇持戟自適玩霸王之明
畧鑽孔墨之遺訓勉事 聖君流聲當世使僕
夫得高枕於 中永逃名於區外耕稼以輸王
稅采樵以奉親顏于時新穀既升田家大洽肥
粃烹以享神枯魚燔而石友簞笠在戶桔槔空
懸濁醪相命擊缶長歌茲亦鄙人之自快而故
人之所予也相思無窮言不盡意努力自愛還

憶音書

與王履吉書

傳曰心志既通聲譽不聞友之 罪也名譽既聞
有司不舉有司之罪也褒謂斯言非也士之遇
不遇由人哉鴻鵠不能背風而翔非翼短也蛟
龍不能違淵而奮非變化不足也士不能矯時
而顯 材劣也是以說操版築 呂望鼓刀甯越
商歌 吾束縛孟明纍囚百里奚自鬻子胥乞
食不韋賈販買臣負薪公孫 牧豎此則忍耻
以立功包羞以顯節建高勲於 竹帛流鴻譽於

人口非其材之獨殊亦由所遇然也明珠不易
工而長價良臣不擇主而效能智者不徇時以
改業達士不順俗以詭物覽消息之分辯通塞
之塗則螻蛄焉知春秋哉是故士之屈非詘於
不知已詘於命也士之伸非伸於知已伸於命
也通乎此而殆者鮮矣履吉足下才包乎群胄
而名播於王公然而材佞不足以弋位智計不
足以存身文詞不足以俗技藝不足以利用
戢翼於繒罟汗膚於鹽車者屢矣此豈有司之
罪也哉夫忌盈者天之道也損滿者神之謀也

多材者上之累也危行者身之災也固窳者聖
之脩也委順者德之考也身名俱榮難矣嗟乎
卞和持璧而號九方臯相馬而嘆以今揆古豈
難知哉袞再拜白

獻仲兄書

袞白仲兄足下省覽家報乃知病瘧京邸不獲
就計命實爲之非戰之罪嗟乎復何尤哉竊以
生人之業立德立功立言而已時有利鈍勢有
逆順志以勢達功由時建是故高勲茂烈智者
不能先圖安榮尊顯明者難於逆覩語云烏獲

力不能自舉其身離宋之明不能自見其昧
何者勢弗便也士之砥礪名行者豈少哉循孔
孟之訓述詩書之藝履繩而趨蹈道而行口無
辟衺躬無瑕釁然而宗黨之弗稱友朋之弗信
司府無推揚之譽王公罕薦引之助何者時弗
可也故曰聖不能違時賢不如乘勢由此觀之
立德之功之塗斷可識矣考往哲之遺業較碩
儒之通論功由我立德自我宣播菁華於典述
繫章式於辭文範模無窮綱紀不朽立言之道
斯爲美矣大者剛修經次之勒成諸子揚其

流則覽得並與綜其實則史籍攸著下之託意
命辭宣情暢鬱詞賦論辯讚頌規諷小道可觀
猶賢乎已古之爲士者少而誦習壯而試用靡
不由此是以漢氏制作猶有可觀賢良文學往
往而是自漢而下誠無譏焉何者絃誦之化衰
而質興之典廢考課之法壞而論辯之意微聲
律之學興而經制之規弛粗通訓詁者謂之學
士稍知帖括者謂之經生上求下應靡焉同風
博雅君子所不忍聞第也資材旣局聞見不廣
無良師下無益友兼之習業時好牽纏故習

引馴靡効譬之越人之燕卒難燕語憤悱之機
何可言喻孟氏不云乎中也養不中才也養不
才故人樂有賢父兄也張墳典之大業廓俗學
之迷途示我德音吾兄勗之而已

復趙會元景仁書

辱書知景仁無恙且教僕以安貧處困之事幸
甚每念兄高材利器寘之津要鵬翔鶩奮必有
可觀又善爲文辭雄竒雅則有西漢之風今屏
居邊陲日且無事貫綜六籍淹該九流及此少
壯奮其材力子雲相如可企及也僕兩遭凶變

自惜無媿於心而抱終身之累和壁毀玷南金
消鍊哀思成疾瘍瘡累年狼狽艱危書空抑鬱
人非金石何以堪此今將抑心忍詬遵虞卿之
旨襲史遷之跡自天運草創而下勲臣碩輔文
儒節士粗加彙括美而弗刺以昭我明人材
之盛雖文采不足後世倘有逐臭之夫效顰之
女考撫事實採備典章書成之日死且不恨矣
兄同志者敢一陳之西秦在萬里外且羈王役
興念君子心如奮飛日月如流努力各自愛

附趙景仁書

始僕以竒禍見閔豈意重以竒禍閔子近聞與
諸賢俱脫樊籠而從佃漁深慰下懷方今豪俊
俱勤王役獨僕與子即安田里鳶飛戾天而魚
潛重淵大鵬搏於九萬而斥鷃樂於蓼蒿明
聖陶治群生與造化侔夫復何言僕自放廢以
來絕迹世務推順物情荷篋遊於上下所以
勞爲樂時吟小句不爲篇讀亦何氣完功允方
有所爲爲之當出於事出於道天不生不測於時
不測於法不測於人同腐耳

茅屋一舍耳仰瞻翠微之色言念良朋之約慨
然有雲萋鬱兮山崔嵬望佳人兮殊未來之嘆
不知何時西轅敬汛掃以俟東吳西秦各天一
方時臨南風不勝悵望

復屠太史文升書

書辭開譬委曲勉以古誼知吾子意良厚也讀
之泣下顧僕至不肖何敢身自作孽爲士大夫
羞今且蒙誣受侮撫飾百端流言飛謗上達京
轅永言思之痛心消骨僕所以包羞含詬強顏
飲食不即引絕者懼鄙心之不明而讒口之罔

極也吾子復責僕以文業自見敢不勉力竊惟
身名挫辱空文何施譬之齊紈蜀錦一遭垢膩
雖復剪飾華采徒資嗤惜而已來諭游觀事敬
當如命

與陳太守允揚辭免集學士書

僕以王役竄伏湖壤辱子大夫高誼猥加禮遇
竊聞有命將選博士員相委託僕何敢如此昔
孔樂朋來孟驩英育彼上聖大賢開來傳道乃
爾自任然猶曰人之患在好爲人師下此不自
審量鮮不蒙被譏醜自有若且然他何言乎今

之所選者皆膠庠之髦杰也賢大夫操鼓冶之
權良博士布雨露之化林父兄礪礪錯之訓求
之有餘師何賴於僕僕之下劣湖人知之而僕
自知尤審昌黎公有言師不必賢於弟子弟子
不必不如師在昌黎公則可耳且抱臯之人分
當執戈荷戈下與輿皂伍不且宜杜門省愆今
薦紳逢掖之士矜憐孤危禮問數四戶屨相屬
方內愧不暇何敢復如此耶老氏曰代大匠斲
者希不傷手是有司存敢因使者以辭

復李驗封伯華書

鴟鷂異適小大之情分涇渭殊流清濁之塗判
是以巢父耻唐堯之聘子陵卑漢祖之官何則
性之所安固不可強合也僕於執事曾無一日
之素猥辱簡書殷勤將收孟明於三敗雪曹劔
之積耻復欲以朽株枯木薦之清廟廣廈之間
意良厚也敢不罄竭愚悃一陳其憤懣乎僕賤
宗也五齡而誦詩書九齡而聞辭賤上自墳典
下逮稗虞亦嘗涉其藩域掇其菁華矣顧以家
無擔石室如懸磬有相如之病而重以原思之
貧餬口無謀勉習經義晝誦帖括夕覽古文啜

飲水篋瓢自娛幸得錄名於有司接迹乎多
士自謂扶搖赤霄一日千里纂言則欲窮天人
之奧立業則欲據霸王之畧高談濶視無復諱
忌又以性本疎迂加之簡嬾深衣衽裋弗合時
製虛名無益謗忌橫肆故大學士張公孚敬桂
公萼咸欲締交絕弗與通遠希長孺之茂衛青
近鑒李彖之遠國忠觸怒蓄憾切齒反目而僕
屹然自是九死不悔迨乎武庫之災讒言先入
械繫請室卒校束縛呼聲動地榜掠百數自夏
歷秋黑索纍纍坐臥圜土陰霾晝晦不見日星

命危草露顛天無門而 聖上垂恩曠蕩宥其
大戾投之於越既而雷雨肆赦獲遂首丘杜門
謝客屏居荒野蕭然環堵有同仲蔚薄田百畝
足具饘粥躬操錢鏹忘其作苦媿乏井丹之高
潔而竊慕徐穉之食力桔槔當戶簞笠在堂於
陵雖陋無求於人暇則臨流濯足抱甕灌園釣
輕鯉於芳藻弋文雉於叢藪濁酒一壺兀然就
醉誦季倫思歸之引繹仲生樂志之論蓬首箕
踞從吾所好不自知其不可也昔東方生有言
築土爲室編蓬爲戶彈琴其中詠先王之遺風

亦可以樂而忘死矣旨哉斯言予復何望嗟乎
士安往而不得貧賤哉世不我知則已矣又焉
能隨時浮沉取容當世局趣效轅下駒規規如
禪中虱哉

勸郡縣捕蝗書

伏聞下令捕蝗甚善甚善天災流行降旤敝邑
田野蒼蒼朝不謀夕良可憂也執事者有民社
之寄憂民之憂下捕蝗之令督責胥吏連坐保
甲蝗多者賞無蝗者罰苦心焦思視民如子居
今之世孰有如執事者乎僕嘗讀姚崇傳知捕

蝗之法其言曰且瘞且焚善乎崇之捕蝗也然獨恨作史者畧其文不知如何瘞且焚也僕嘗以意逆之可行與否惟執事者察焉古語云夜垂之就火飛蝗蔽天網罟所不能加挺刃所不能及苟非焚瘞何以捕之其法當於田間之曠土掘爲深坑縛草爲炬昏則然之炎歊所騰蝗必飛赴四面從而掩之蝗墜坎者成就焚滅其不死者下土瘞之此捕之之術也僕聞除患貴早救災貴豫古人有言涓涓弗塞流爲江河炎炎弗滅燎原若何言貴早也及今弗捕後且亡

及民之顛連靡因靡訴深可痛也當今之財賦以吳之一郡當天下之太半誅求百出日剝月削今之吳非昔之吳矣加以師旅重以饑饉雲漢之什鴻鴈之篇至不忍讀飛蝗不捕秋必無望年饑盜起可爲寒心頃有捕蝗者下令蝗一石易米五斗利之所在衆必趨之此亦一術也古者遇災則徧走群望故曰靡神不舉靡愛斯牲神之聰明至誠可格心乎誠矣何患弗歆古之良吏蝗不入境雖入境不爲災言能捕也執事者憂民之憂亦知蝗之不能爲災也焚瘞之

術不敢不告惟執事者其圖之

文與史無不入於經人與不為災言強辭也
其亦之即即至焉何必必平焉矣何思我
古者雖災四辭去我至也曰聖軒不舉
聖手雖盜賊四為寒心取亦辭聖者不令
聖文之於無聖之辭至不思辭聖與不辭
聖今之其非昔之矣矣以何辭重以
必與文一源當天不之太半精來百出日
袁永之集卷之二十

袁永之集卷之二十

雜文

知艱

擬嘲孟嘉落帽文

告司命文

賢聖解

譏應

移文桂林府崇祀解公縉名宦祠畧

題趙黃門先世戶帖

服缺黃門水世武帥

蘇文卦林和崇升輪全辭字宜師

類編

類編

台同命文

謝卿孟嘉蔡剛文

味贈

雜文

卷之二十

表水之德 卷之二十

知艱

或曰用人與知人孰艱曰知人艱矣曷言之昔者殷宗知傅說於巖野姬文知姜牙於渭濱齊桓知甯越於商歌秦繆知孟明於俘虜何哉知之艱也善有知之而弗用者矣未聞用之而弗知者也何哉知之艱也袁子曰惡是何言之易也是何言之易也玉在璞良工弗能辨其瑕瑜珠含礫良賈弗能計其貴賤是以尼父失之子我唐堯失之伯鯀魯參三至而見疑大舜歷試

而終陟周公畏懼於流言成王非闇也頽淵不信於掇塵宣尼非蔽也愛奪於偏昵則慈父不能保其孝子吉甫之於伯奇是也跡涉於嫌疑則忠臣不能得於明主魏徵之於文皇是也孰謂知人易哉詩曰樂彼之園爰有樹檀其下維穀他山之石可以攻玉言知人艱也是故賢愚淆於毀譽是非亂於愛憎進退分於強弱低昂沿乎諂瀆以倚魁爲危行以激詭爲高節以鬼瓊爲駕俗以隘狹爲檢躬以柱戾爲知剛以便給爲善變以脂韋爲豈弟以提縵爲易良以矜

以矜告爲協變諛佞則蒙顯擢廉潔則受譏評忠讜則罹貶黜修正則來忌讒獨行則遭跋躓悃悃則曰選悞木訥則曰駑愚狷介則曰褊心直諒則曰要譽諫諍則曰訕上辨慧則曰太察飾於明明肆於冥冥術善欺也力軋則伎權交則傾利動則劇勢相取也巧言調於笙簧多口深於矛戟謗易行也上倡之下和之群分於塗別類合於氣求靡使然也故曰知人艱矣昔者管仲以齊霸而世多鮑叔子產以鄭顯而世多子皮臧文仲不知展

禽晏嬰不知孔子非用之艱知之實艱生乎今
之世由今之俗匪蔽則嫉爾故曰知艱

擬嘲孟嘉落帽文

九月九日令節時良大司馬戎機稍暇宴會斯
張集于龍山旂旆央央賓徒如雲材彥輒矧稱
詩展志合歡舉觴登降有節獻酬縱橫孟嘉既
醉弗以德村落帽不知儀度失常衆賓騰笑請
舉罰觴先王創禮敬爲入網賓主百拜終日無
荒冠維首服服乃身章夏收殷尋典制攸許是
以正衣冠之訓詩人有攝以爲儀之

方相鼠垂譏賓筵示少則弁屢舞是曰不臧邵
隼教享寧惠徵亡冀缺慎恭曰季登揚遽瑗
上過闕趨跼褻衣無陳古稱敬姜鍾儀南冠持
土弗忘管寧皂帽終歲有常君今越禮甘酒飲
狂請出童殺飲以兕觥

告司命文

袁子蒙赦歸吳杜門遜俗歲律告終殷憂窘束
家有巫童祠竈徼福維神司命陰察氏族陟奏
帝庭善淫畢錄作孽降祥響應靡伏袁子於是
長跪稽首發牘布辭維予小子願據鄙思繫神

正直聰聽弗違后皇陶鈞秩類平施頗偏參錯
孰究端倪他人便捷惟志所如我獨何辜逢茲
百罹進嬰跋扈退履遄危他人媚慧厚貌妍姿
發言盈庭附和相隨匿情矯意譽溢聲馳我獨
醜惡讓訥言辭矢心砥行反構讐譏群輕折軸
投杼猜疑他人巧宦立登要司一歲九遷遘會
投機巍階峻秩夕薦朝躋我獨蹭蹬困于數竒
脫身虎口幸而擯遺名編尺籍役服廝輿他人
富多貨寶山積姣服珍羞深宮廣室燕姬越嬙
純變侍側駟奢極娛揚揚自得我獨貧窶黎莠

糗食冬惟絮褐夏乏絺綌垣傾屋破家徒壁立
文史之外身靡長物憂心如焚疾首銷骨多凶
纏綿重困叢集寡妻慈母淪喪奄忽兒呱女呻
無家無室朋交不通衆親絕跡凡此數端孰貽
伊感我願司命以告帝天錫臣吉祉宥臣罪僭
反訥爲佞舍醜增妍貧往富來毀釋譽全縻我
好爵增我壽年逍遙康寧百憂永蠲哀多益寡
均壹不偏敝詞旣畢匍伏遷延仰聞空中髣髴
有傳汝言則爾帝命罔愆凡厥衆生疇能獨專
窮達者數得喪維緣吉凶倚伏禍福循環短長

紛錯自古則然汝不知足尤人怨天便儂巧慧
終爲袖先恬淡寂寞百祥歸焉履滿戒傾居高
思顛縱慾敗禮奢淫天年固窮蹈道往哲所賢
希冀非分徒召戾艱堅汝夙志毋成二三帝鑒
孔赫奚俟多言袁子再拜受命退守太

賢聖解

鏡子旣放頗耽於麴蘖溺於文史谷有譏之
者曰夫麴蘖者伐性之蟲也文藝者喪志之累
也是以夏禹疏儀狄韋忠遠茂先誡惡夫浮辭
之妨道而甘醴之敗度也公一湛溺于斯毋乃

玩春華而忘秋實作無益以害有益意者弗可
乎 鏡子仰天而嘻頰首而笑作而言曰甚矣
子之陋也吾將語客以要言妙道而祛汝之沉
痼宿迷也夫文藝爲聖麴蘖爲賢是故不出方
冊而該三五之業不離竹簡而冒皇王之道叙
彝倫於片辭闡風猷於寸管高之則天地爲統
深之則江海爲匯遠之則羲農宣其精近之則
姬孔述其教誦之讀之則足以發矇而震聾詠
之歌之則足以陶情而治性揚休聲于四裔垂
令名於千葉故曰文史其聖矣至麴蘖之爲用

也合賓主之勸通上下之情和血脉理筋骸洽百禮降五神使夫懦者立志鬱者忘憂彊者擾剛者柔昏因藉此以昭敬鄉射資之以立耻不衣而不寒不食而不饑是以中山表其醇河朔侈其味子雲忘其貧徐邈賞其趣阮公乞步兵畢叟薄吏部劉伶夸酒德之頌王績樂醉鄉之逸故曰麴蘖其賢矣且夫游藝以喪志者儂夫之陋也甘酒以滅禮者狂童之愆也曾惡足以累賢聖之德而妨大人之業哉

譏應

秦為郎者六年以罪戍湖或譏以不能明哲保身蹈于幽辱乃感東方生班揚之旨畧述性命之典以應之其辭曰客譏袁子曰吾聞乘時者奮功用世者興業是以傳說操築而立相甯越商歌而舉身百里矣自鬻而霸晉李斯上書而佐秦公孫發策於牧豎買臣奮跡於負薪皆攀附光華匡依明聖輸納謀謨操握機柄勲隨時建名與身立其次亦能守知足之戒遵見幾之訓考明哲之規履中庸之行乘高而不危歷險而不困身名無辱物我兩得今子誦詩書之緒

言修孔墨之遺烈自謂學無不通化理畢達宣
辭若星羅肆辨若河決高慕軒農而侈談稷高
幸得遭 聖主踐亨衢竊組紱曳丹朱曾不能
奮材智吐英奇排閭闔而直上翔文石而獨趨
響震而景從電耀而焱馳逐逐乎班行棲棲乎
簿書進無脫穎之能而退失儉德之義然且曠
官棄守負纍包箠拘桁楊陷纍囚肩被黑索首
貫三木九死一生爲世大戮旣不能效蕭博之
仰天以自裁又不能爲鄒陽之上書以自明名
編尺籍身隸戎伍多口羣譏憂讒遘侮而子曾

非寤寧不有 然子笑而應曰夫神龍
之奮也上下陰陽吐納雲霓倏忽而雨澤九垓
有時而困于豫且者遭也良馬之驟也捷若迅
風霍若飛電一日千里有時而憊于鹽車者遇
也君子能修身以俟時不能必時之我庸能察
幾以遠禍不能必禍之不我從必若所言矜富
貴而鄙賤貧夸顯榮而譏困難則是囚姜里者
不如飛廉惡來之用事也厄陳蔡者不如季孟
高鮑之得志也且夫困不極則智不精憂不殷
則名不成是以朝曦因平夕晦隆暑兆於堅冰

昔者夷吾束縛而創霸孟明俘虜而顯名范雎
折脅以報魏孫子臏足以破荆絳侯樹勳於繆
復子長發憤於宮刑更生竭忠於城旦黃霸受
書於幽囚或身殘而志愈勵或運塞而心自亨
或守死以善道或履險以居貞始拘繫於跋蹇
終解脫於艱屯故能生銘功於彝鼎沒垂譽於
丹青使數子者徇匹夫之小諒忘聖賢之達節
吾見其輕鴻毛於溝瀆而等蜉蝣之生滅也惡
在其足稱哉今子述蕭傅之自裁而不誦箕子
之明夷夸鄒陽之上書而不察治長之非罪咎

明哲之不足而曾不知非智巧之所能避也故
曰良工能御而不能使禽之必獲良農能穫而
不能保歲之不凶役智以規利不如安常以委
順行險以徼時不如居易以俟命賈生不拜相
於漢文之朝非絳灌之讒也命也李廣不封侯
於漢武之世非霍衛之忌也命也故士或七十
說而不遇或一三言而蒙召或一歲而九遷或三
十年而不調是豈材智之相懸亦由其遭與弗
遭也嗟乎患得患失者鄙夫之慝也時行時止
者哲人之則也用之則爲臯夔不用則爲沮溺

世譽之而弗喜衆尤之而靡戚無思無營一消
一息汜乎其若浮靚乎其莫測以天地爲糝糠
以古今爲朝夕又焉能緣物以律已而舍我以
狗物哉

移文桂林府崇祀解公縉名宦祠畧

前件爲崇祀名宦以勵風教事照得先朝廣
西叅議解公縉以王佐之才挺名世之運發跡
甲科蜚聲翰院受知於太祖高皇帝及成
祖文皇帝入掌絲綸獨叅機密嘉謨謹議知無
下言一時諸公少氣罕比不幸中遭漢庶人之

讒萋菲日深而忠藎彌篤百折不回一心無
旋睨斥逐遠竄炎荒始叅藩於廣右復投裔於
交趾以忠自如勁氣愈厲竟收禁岸庾死幽圜
旣而天日復明白璧無玷芳名大節久而益彰
本道素懷企慕每切嘆嗟承之此邦邇求先哲
雖風流未泯而崇祀尚闕良用孜然于懷况歷
老名宦祠所祀諸公雖政蹟風節各有可稱然
英聲茂烈皆未有如解公之比者也仰府即將
解公官爵姓字依式製造木主以禮送入本府
儒學名宦祠以稱尊崇先哲激勵風教之意毋

得稽違仍具行過日期依准繳牌

題趙黃門先世戶帖

袞袞曰久矣夫宗法之不立也遠胄易湮疑事難據匪誣則畧後世將何考焉是故祀宋之事君子蓋慎之也趙氏自七世而上未之或知也然卒賴是以知其所自出友一公爲趙始祖嗣是而高曾祖禰乃可明焉今百六十年矣亦世有令聞以躡厥家至黃門子乃大奮先世之休烈而後趙宗益顯是帖也君子於是乎觀世德於是乎考宗法

卷之二十終

詩文集二十卷先公手自選校就梓者十之六而公棄世不肖尊尼乃續完之工訖於丁未八月距公之死蓋三閱月云始公之將梓集也年方強艾或規其太早公慨然曰夫修短者稟命之期也榮名者立身之槩也有生必有死吾何諱焉古之稱不朽者有三豈以年共且河清難覩駒隙易馳以蜉蝣之身寄於天壤之間非有茂德碩功乘時邁會照耀紀策者不假竹素之業何以自見乎昔丁敬禮謂後世誰相知定吾文者陳思賞誦以爲名言悠悠我心懼來者之

不可俟耳嗚呼公可謂達識
遂覽矣時公業已
夢得穢疾趨井井上遇故伯
祖方齋公謂日子
病殆死矣公跽請得覩梓集
成死且無憾再三
請不許驚寤嘆曰北矣命也
奈何乃命促刻集
竟未及成而妖夢是踐疇曩
之談若出冥會悲
夫悲夫惟我先公挺嶽降之
靈粹星精之秀強
記神解得之性成加以博綜
勤覽蒐羅靡懈百
家群言無不通總弱冠登第
即選入翰林讀秘
閣書肆力古作期以文章名
世時海內宗匠如
金陵顧公信陽孟公齊公
公深西許公

馬公祥符高公同郡文公時
列中朝咸折行降
交聲倡響和由是譽口藉起
同進之方皆推服
之未幾奉 詔校文河洛以
書謁北地李公公
一見傾蓋討論藝術窮數日
夜投贈相逢行一
篇惜相知之晚乃後業日益
進每有撰製閉戶
展牘寢息並廢精思 搆梓
筆累數百言浩然
如决峽注海不爲棘詭摹剗
之辭取材命式希
復元古自魏晉而下弗以加
意常慨我 明創
締之盛跨絕往代而典制未
彰久遠無考乃作
鏡歌十三篇四言詩八篇七
稱一首

篇以摛揆 昭代之休烈自謂無讓於古人也
文多載集中歷宦二十餘年資僅一考翫辭勢
路惟以著述自娛方將彙群經之緒義綴列史
之遺業殫其心力勒成一家導文瀾以騰轡振
大雅於末造洪規未究而大運已徂故所撰
皇明獻實吳中先賢傳諸書多未脫稿悲夫悲
夫豈天之無意於斯文也如奪公之遽耶凡也
顛昧何足以知斯文之興喪顧手澤尚新而泰
山莫仰耳言猶在而九京不作軫徽音而長慟
撫遺編而盡心惟元志之弗承是懼定四發其

吳中先賢傳之邑必有其人
異代者矣不肖孤身凡此數語能說

是外南天下自此

...

...

